

1578







AVLICA VITA,

Et opposita huic

VITA PRIVATA:

A DIVERSIS, TVM VETERIBVS, TVM RECENTIORIBVS autoribus luculenter descripta, & in hoc ENCHIRIDION collecta, atque nunc denovo in lucem edita,

AB

Henrico Petreo Herdesiano.

ACCESSIT REGENS

AD HANC SECVNDAM EDITIONEM, cum aliis probatissimorum auctorum opuscula, & Sententia; tum Reuerendissimi D. Guevara, Episcopi Montis Seniani, leſſijs, priuataq; commodis, libere hac latine excusos: Ut scilicet habet folium.


Cum INDICE locupletis.



CVM PRIVILEGIO CAESAREO.

15 Francoforti ad Maenam. 78.

Ex libris
Ex libris P. Eremit. Camaldul.
ppc.



IN HOC LIBRO

continentur,

I. Aenea Syluij, postea Pij ii.
Pont. Max. De Miserijs
Curialium, Epistola. An-
no 1445. fol. 1

II. Ulrici Hutteni Dialo-
gus de Vita Aulica. An-
no 1518. fol. 47

III. Luciani Samosatensis
Declamatio, de ijs, qui mercede
conducti in Aulis seu diuitum
familiaribus viuunt, Eras. Rot.
interprete. Anno 120. fol. 76

IIII. Erasmi Roterodami
Præcepta Aulica, ex encomio
Morias, & Epistolis. An-
no 1515. fol. 120

N 2

V. Hen-

V. Henrici Cornelij Agrip-
pa ab Nettesheim, Oeconomia
Aulica, ex libro de incertitu-
dine & vanitate scientiarum.
Anno 1530. fol. 106

VI. Artaxerxis Regis
Epistola. Et Polybij, Platonis,
Ciceronis atque Xenophontis
de Aulicis sententia: Conradi
item Heresbachij, Simonisque
Scharbij Iurisconsultorum, ad-
monitiones. fol. 113. 114 115.
129. 132

VII. Diuersorum, tum ve-
terum tum recentiorum, Poë-
tarum de Aulica, & huic op-
posita vita priuata, carmina.
fol. 133. &c.

ACCES-

285
ACCESSERE IN HAC
secunda editione.

I. Philippi Cominai, viri
nobilis, & Carolo Burgundia
Duci, atq³ Ludouico XI. Gall.
Regi, olim familiaris, praece-
ptio *Aulica*. fol. 121.

II. Petri Martyris, Jo-
han. VVolfij, Johan. Brentij,
VVolfg. Musculi, Johann.
Nouillei, Theologorum: Item
Johan. Lud. Viuis, Cal. Secun-
di Curionis, Plutarchi, Cice-
ronis, Philip. Beroaldi, Chri-
stoph. Corneri, Philosophorum,
Sententiae de Aulicis. fol. 122.
128. & 161.

III. Antonij Fuchs, nobi-
) (3 lis

lis & eruditi viri, carmen gra-
uissimum, de Aula molestijs.

fol. 137

IIII. T. Lucretij, & La-
zari Bonamici, carmina. fol.

142. 143

V. Johannis Fichardi J. C.
Francofortensis, & Henrici
Husani, Cancellarij Megapo-
litani, votiuacarina. fol. 191

VI. Antoni de Guevara,
Episcopi Mondeuentani, &
olim Imp. Caroli V. Historici,
liber elegatissimus de vitæ Ru-
sticæ præ aulicæ vita commodis:
primum quidem lingua Castel-
lana ad Regem olim Portuga-
liæ scriptus Hispanicè, atq; an-
no dein-

no deinceps 1542. per Ant-
 num Alegrium in gratiam
 reuerēdisimi D. Domini Gui-
 helmi à Prato, tunc temporis
 Episcopi Claromontani, in lin-
 guam gallicā translatus: nunc
 demum vero ex Gallico in La-
 tinum quoq; sermonem conuer-
 sus ab Hermanno Germbergio
 VVestphalo. fol. 201

)(4

NOBI-

N
T
G
D.
ten



d
m
fo
P
q
d
l
c
r
c

NOBILI, VIR-
TVTE QVE ET DI-

GNITATE PRÆSTANTI

*D. Iohanni Fichardo, Patricio Francofor-
tensi; Iuriconsulto eximio; & Comiti Pa-
latino patriæq; Aduocato & Syndico;
patrono suo amanter colendo:*

S. P. D.



VM, VIR AMPLISSI-
me, diebus superiorib. Ac-
neæ Syluij, Vlricique Hut-
teni Aulâ, & præterea quæ-
dam aliorum opuscula huc pertinētia,
mendis purgâssem, puriusq; descrip-
sissem; ac deinde molestijs Aulicis, Vitæ
Priuatę commoda opposuisssem; eum-
que librum de nobilium quorundam
doctorumq; virorum cōsilio essem in
lucem editurus; hortatores mihi fuēre
cum alijs, nem Cunradus VVeis, Fran-
cofortēsis patricius, affinis tuus, te po-
tissimum vt cōpelliarem, ac diuulgan-
dam ad te Aulam mitterem.

)(s. Vt

E P I S T O L A

Vt igitur esse impudens videri possim, qui tibi, assidue pro cōmunibus tuæ patriæ cōmodis sudanti, hoc oneris imponam, & tam exilia pellegenda mittam: Albinus tamē, viri ornatissimi, deq; humaniorum litterarū studiosis optimè meriti, autoritas me, vt spero, coram te excusabit; neque, opinor, facies vt domus tua, quæ nō solū totius oraculum ciuitatis tuæ, sed Musarum cōmune asylum est, mihi non pateat.

Etenim si excellentem doctrinam, sapientiam, moderationē, candorem, humanitatē tuam, animo intueor, & consentientē omnium rectè iudicantium de virtute tua vocē respicio; præterquàm te, patronum quē hoc loco, in ipso quasi Aulæ vestibulo cōpellare, aut cui libellū hunc rectius tuendum committere possim, non inuenio.

Porro licet hoc quicquid est operæ, quod in illis doctorum hominum & de Aulicæ, & de opposita huic vita priuata, scriptis colligendis posui, in grauiores

DEDICATORIA.

uiores vtilioresve scriptiones cōferendum fuisse videri forte possit: tamen animi relaxādi causa, & amicis gratificandi studio, facietis illis eruditissimorum virorū monumētis tanquā ludo me vsum esse, neq; meas me cogitationes litteris mādāsse, sed hasce lepore ac venustate affluētes lucubrationes, ab interitu vindicasse, boni (quod spero) non reprehendent. Etenim superioribus tēporibus cū cōfirmandæ valetudinis causa Francia orientali perlustrata, apud meos olim discipulos, generis & antiquæ familiæ nobilitate inprimis claros IOANNEM CAROLVM FVCHS à Binbach, in Gleisfenavv, & agnatum huius IOANNEM FVCHS à Dornheim, in VVissentheit, Eq. Fr. subsisterem, ociumque apud hūc mihi deinceps afferret necessitas non voluntas: cum litteris, quæ molestijs me liberarent, aut lenarent saltem, in gratiam, ne nihil agerem, placuit redire.

Qua-

E P I S T O L A

Quapropter cū forte in Aeneæ Syl-
uij Epistolas, interq; illas in hanc, qua
scitissime depingit **CYRIALIVM**
MISERIA S, incidissem, atq; eam ex
libro veteri quidem illo & admodum
mendoso corruptoq; mihi descripsis-
sem; eruditis illam aliquot, & nobili-
bus, iisdemq; Aulicis, vsque adeo arri-
dere probariq; cōperi, vt manibus &
ipsi proprijs descriptā circumferrent;
atq; hac deinceps causā mihi fuit, eam
vt emendarem, inq; commodiorem
libelli formam redactam, quo labore
describendi leuarem illos, typis diuul-
gare constituerem.

Hanc vero operam meam, cum viris
spectatissimis gratā esse cognoscerem;
cum Syluianis miscrijs Hutteni quoq;
MARE AVLICVM (quem Dialo-
gum à viro clariss. D. Ioach. Camera-
rio, Reip. Norembergēsis Medico præ-
stantissimo, cōmodato acceptum D.
Iohannes Posthius, Medicus Poëtaq;
celeberrimus, & præcipuus Musarum
ad Moe-

DEDICATORIA.

293

ad Mœnum patronus, mœcum cōmun-
nicarat) cōiungere, & Aulam tum no-
uo illo Hutteni præconio, tū aliorum
etiā eiusdem argumenti scriptis lo-
cupletare, eidemq; de vitæ vicissim pri-
uatę cōmodis, optimorum Poëtarum
carmina opponere, visum fuit.

Sed hæc cur huius argumenti libel-
los alienos descripserim, edendosque
adornarim, accuratius apud te nūc per-
sequi non est necesse: neq; spero quen-
quam fore tam inhumanū, qui festi-
uos eruditissimorū virorum lusis aut
extinctos velit, aut ex ijs delectationē
in rebus turbidis petere nolit.

Cæterū de forma expositionis, deq;
genere sermonis, quo Autores illi his
in opusculis vsi sunt, verba facere quid
attinet? Quis enim aut Aeneæ Syluij
facundia, aut Virici Hutteni, res cum
disponēdi tum illustrandi facultatem,
inq; scribendo plenam doctrinæ gra-
uitatem, ignorat?

Non inficiat sanè, aliqua minus lati-
nè dicta

E P I S T O L A

nē dicta ab Aenea Syluio, & nō modo in Epistolis cæterisq; illius operibus, sed in hoc etiā tractatu de Curialium miserijs, multa barbarici seculi superioris apparere vestigia. Sed quis, hæc petulanter exagitāda magis quā temporibus humaniter condonanda, existimet? Etenim vt, cum floreret ille, artes Eloquentię bonęq; disciplinæ ex vastata tunc Græcia in Italiam & Germaniam, vicinasq; nationes primum reuocabātur; ita postea progressionibus eæ felicioribus vsæ, beneficio imprimis Typographicæ, multo sese nobis præbuere faciliores discendas. Itaque par esse duco, vt dum (secundum Parœmiam sacrarum litterarum) vitula nos aramus aliena, ijs qui ante nos artes vtcunq; studuerunt expolire, libenter ignoscamus.

Propter illos autem qui ad rectè dicta & facta peruertenda nati sunt, hoc loco protestor, in nullius vel Principis cōtumeliam, vel Aulici ignominiam

hæc

DEDICATORIA.

295

hæc opuscula à me collecta editaq; esse. Etenim si omnia mihi quæ ab omnibus promiscue in ordinem illum dicta scriptaque sunt, huc congerere fuisset in animo; certe multo cerne-
rent Aulam hîc Aulici tetriorem.

Multis vero hunc librum vtilem, bonisq; omnino gratum, nemini autem, nisi Zoilis, inuisum fore confido. Quoties enim in hisce opusculis admonetur is, cui Mare istud aulicum (quod tot motus, tantasq; habet agitationes fluctuum, & quod tam variè perturbant sæpe venti,

totumq; à sedibus imis

*Vnà Eurusq; Notusq; ruunt, creberq; procellis
Africus)*

hoc, inquã, Mare, tam difficile & turbulentum, cui nauigandi imposita est necessitas, quoties admonetur hîc, vè cautè atq; secundis ventis nauiget, ne cupiditatum illecebris, ceu procellis violentissimis, in Scyllã aut Charyb-
din deferatur, aut in iram indignatio-
nemve

E P I S T O L A

nemve Principis, tanquā in scopulum acutum abripiatur? At quid hisce admonitionibus vtilius magisve necessarium esse possit, cum audaciæ nunc & temeritatis vbiq; plena sint omnia? Erenim iuvenes & subditi cum difficultatem periculaq; honoris, aut potius oneris aulici hinc intelligēt, tum Curialibus atq; Magistratui minus inuidebunt, & hi imperare bene, illi parere discent.

Quoties, quæso, aliquis Phaëthon, dum Aurigam & Regem agere cupit, populumq; & varios animorum motus, cū currum & feroces equos regere sese posse confidit, nulla necessitate coactus aulicarum rerum frena temere capeffit? At quid agat ille aliud, nisi quod Coelum terræ miscendo, atq; sacra & profana sursum deorsum voluendo, cum interitum sibi ipse, tum Reip. detrimentum accersat?

Quod si contingat, vt tali honores ambienti Phaëthonti, Phoebus aliq; (vt ille

DEDICATORIA.

297

(vt ille apud ingeniosum Poëtam)
dissuadendo occinat,

*Magna petis Phaëthon, & quæ non viribus istis
Munera conueniunt, nec tam puerilibus annis;
surdo tamen narratur sæpe fabula. Et
enim consilia plærūq; meliora senum
ac sapientū aspernando, splendidamq;
Aulicorum miseriam non penitus ex
veritate, sed ex opinione foris æstimā-
do, certissimam ad perniciem inani
inflammatus auiditate rapitur, ac vtut
illa, quæ vndique circumstant aulicos
pericula, ob oculos proponuntur,*

dictis tamen ille repugnat,

Proposita mēq; premit, flagratq; cupidine currus.

Postquam verò, beneuolentia potē-
tiorū, blanditijs & assentationibus col-
lecta, voti sit cōpos; tum vero Regem
se se & tantum non Deum existimans
*Occupat ille leuem iuuenili corpore currum,
Statq; super, manibusq; datas contingere habenas
Gaudet.*

At vbi rude vulgus, Orationis ac Sa-
pientię frenis regendū, resistendumq;
& populi leuitati, & perditorum cupi-
ditati;

EPISTOLA

ditati; perturbationes animi proprii
vincendę, appetitusq; cohibendi sunt;
Tum leue pondus erit, nec quod cognoscere possint
Solis equi, iustaq; iugum grauitate carcebit.
Postquàm igitur satis superque dedit
turbarũ, magno & suo & Recip. malo,

Ac tandem Phaëthon cunctis è partibus orbem
Aspicit accensum, nec tantos sustinet æstus:

quid dum restet, quam vt Omnipotens
gemitu populi permotus, ipse la-
boranti hominum generi subueniat,
ac temeritatem Phaëthonteam iusta
seueritate reprimendo,

In tonet, & dextera libratum fulmen ab aure
Mittat in aurigam, pariterq; animaq; rotisq;
Exuat.

Tum vero denique

Illic frena iacent, illic temone reuulsus
Axis, in hac radij fractarum parte rotarum;
Sparsaq; sunt late laceri vestigia currus:

neque illi, vere quidem, sed sero sapi-
enti, quicquam solatij, quam hæc post
obitum præconia,

Hic situs est Phaëthon, currus auriga paterni,
Quem si non tenuit, magnis tamen excidit ausis.

Audiant

DEDICATORIA.

299

Audiant igitur Phaëthontes nostri
Aeneam Sylvium, aurigam olim cur-
rentis Imperij Romani præcipuum, &
denique summum: audiant Vlricum
Huttenum, Equitem cum primis no-
bilem, Aulicumq; experientissimum;
audiant Erasmũ Roterodamũ, quem
longa ætas, vsusq; rerũ magister opti-
mus itidem Curialium artes probè (vt
ipsemet testatur) edocuit: Hos igitur,
ceterosq; in libro hoc loquentes au-
diant, & aliorum periculo sapere tan-
dem, cautiusq; mercari discant. Nam
(secundum Poëtam, solitum Parcere
personis dicere de vitijs) Qui sua me-
titur pondera, ferre potest.

Cæterum si verbosius quispiã mor-
daciũsve, quàm verius, hũc descriptam
esse Aulam putat, neque adeo miseros
esse Curiales opinatur, cum eo equi-
dem hoc loco verbis nõ digladiabor.

Hoc tamen in animo is cogitet, cum
Imperia, honores, gloria, diuitiæ, & na-
tæ ex illis voluptates (Aulã quæ faciũt

† 2 † beatio-

E P I S T O L A

beatiorē) temporibus ac voluntate hominum gubernentur, inq; casu sita sint; quā incerta, quā lubrica sit Aulæ felicitas, vt quæ non solū dignitatem & res partas augēdi libidine, sed indies amittendi metu cruciatur, semperq; aut malis præsentibus, aut formidine futurorum torquetur.

Non diffiteor sanè, nonnullos qui nauigarunt mare istud, vbi rot indies fiunt naufragia, & (vt verbis denuo Maronis vtamur) passim

*Ni summo in fluctu pendent, his vnda dehiscens
Terram inter fluctus aperit,*

emersisse quidem aliquādo, & ad portum vitæ quietioris sese recepisse; nonnullos etiā (quos scilicet æquus amavit Iuppiter, aut ardens euexit ad æthera virtus) honores, voluptates, diuitiæ, consecutos fuisse: sed quot contra nunquā, ne nudos quidem, emersuros, aduersa Aulæ tempestas

*In breuia & Syrtes vrget (miserabile visu)
Illiditq; vadis, atq; aggers cingit arena.*

Neque

DEDICATORIA.

301

Neque ideo tamen damnamus hîc
 Imperiorum ordinē, bonosve Principes,
 sub quibus Aulici militāt, vituperamus:
 horū enim, post Deum, beneficio, res &
 priuatas & publicas administrari, pietatis,
 litterarumque studia propagari, noxios
 homines vinculis supplicijsque coërceri,
 bonos præmijs ornari agnoscimus; neque
 sine his esse dicimus, quod sese aut à
 parētibus accepturum quispiā, aut posteris
 esse relicturū speret: Sed tum vitia
 personarum ab ordine politico, instituto
 diuinitus, discernendo, ordinē ipsum
 prædicamus, tum Consiliarios & ministros
 malos reprehēdendo, bonos certè
 laudamus: deniq; Aulicorū plenos
 miseriarum labores recēdendo, Phaëthōtes,
 puerosq; Icaros admonemus, ne aut,
 priuati ipsi, Ordini huic iruideant,
 ac præter ætatem viresque suas Rempub.
 gerere velint; aut, Aulicos fieri cogat
 necessitas, ne altius euolando à Sapientum
 præceptis temere discedant,

E P I S T O L A

scedant, sed suam inscitiam horum prudentia constitui patiantur.

Etenim vt in nauigādo Gubernatori (qui & futuras tēpestates prospiciat, & vel ex certo celi sidere, vel ex magnæ acie, quò nauis dirigēda sit, videat) remiges nautasq; parēre conuenit: ita qui in mari isto (quod tum natura sua tam & turbulētum & scopulosum est, tum crebra ventorum vi vsq; adeo sub inde cōcitatur) nauigat, suo eum loco rādas operas facere, superiorū imperijs obsequi, atque ad portum optatū remis velisq; properare par est. Sed hæc satis vel nimis fortasse verbosè.

Tuam verò præstantiam, Ficharde clarissime, in prima hac parte, & in ipso quasi limine Aulæ, compellaui eò etiam libentius, quòd videlicet fore putarem, vt cū tibi nō improbari hæc opuscula intelligerent cæteri, eadem, tua motu autoritate, atq; alteram deinceps partem de vitæ priuatæ cōmodis, æquo animo & ipsi pellegerent.

Qua-

DEDICATORIA.

303

Quapropter, Vir Amplissime, te etiā
 atque etiam rōgo, vt animum meum,
 præstantiam tuā studiose venerantem,
 boni consulas, atq; hoc loco tui com-
 pellationem pro humanitate tua dex-
 trè accipias. Quod quidem facturum
 te persuasum mihi est, cuius ea non so-
 lum erga Patriam merita, verū in alie-
 nos etiam studia beneficiaque extant,
 quæ & ætas nostra verissimis laudibus
 certatim prædicat, & grato celebrabit
 ore posteritas. Neq; scribenti hæc mi-
 hi verendū fuit, ne assentatoriè magis
 auribus eā tuis dare, quā virtutes tuas
 reuerenter amare viderer. Neque cer-
 tē, nisi vera me scribere scirem, tam fa-
 tuus essem, vt hac scriptione vltro mi-
 hi ipse publicam leuitatis & mendacij
 labem aspergerē. Verū nihil minus
 metuere debeo, cum eximiam tuam
 omnium disciplinarū & ingenuarum
 artium eruditionem, viuidamq; æta-
 te pronectiore illa rerū cognitionem
 & memoriam, vitæ grauitatem & in-
 nocen-

EPIST. DEDIC.

nocentiam , magnitudinem animi,
elegantiam morum singularem , non
Germani solummodo, sed externi et-
iam admirentur.

Vale, & virum clariss. Raimundum
Pium Fichardum, V.l.D. filium tuum,
dignum & sanguinis & virtutis here-
dem tuæ, verbis saluta meis officiose.

Data Basileæ Rauracorum , Anno
CIC. IC. LXXV. die XVII. Men-
sis Octobris: quo die ante biennium
Christophorus Fichardus, filius tuus,
Iurisprudentiæ studiosissimus , sum-
mæque Iuuenis expectationis, Patavi
obiit, inq; vitæ beatæ quietem sempi-
ternam receptus, magnum hîc sui bo-
nis omnibus desiderium reliquit.

Henricus Petreus
Herdesianus.

CVRIA-

I
CVRIALIVM MISERIAE,

A B

AENEAS SYL-
VIO PICOLOMINEO,
AD IOHANNEM AICH,

*perspicacem & Clarum iuricon-
sultum per scripta.*



SULTUM esse, qui Regibus
seruiunt, vitamq; tum infeli-
cem, tum miserissimam du-
cere Curiales; vercor ne qui
me arguant, mihiq; maledi-
cant, si hac epistola, quam tibi sum scri-
pturus, ostendero. Nec etiam deerunt,
qui me principibus deferant, & hostem
reddere curent, quoniam videar homi-
nes ab eorum obsequijs arceri. Nam qui
posthac, inquierit illi, Regum atria fre-
quentabunt, si se futuros illi miseros in-
tellexerint?

At ego non id ago, vt principibus de-
rogem; sed illos potius magnis leuo mo-
lestijs. Instant assidue quam plurimi, &
Nobiles, & magni viri, qui Regum aures

A

obtin-

AENEÆ SYLVII

obtuñdunt, dum in curiam precibus recipi postulant: quos cum nequeunt Reges aut vtiliter recipere, aut honestè repellere, in magnaque propterea sint anxietate; gratia mihi, non odium, haberi debebit, si quem ex his monuero, Curia Regis vt suapte renunciet. Nec timēdum est, meis scriptis id fieri, vt Regum Aula deferantur: ~~erit enim semper Italorum~~ numerus infinitus, qui vitam beatā apud Reges solummodo iudicent inueniri.

Sed cave, dicunt alij, ne diuinis aduere fere præceptis, dum Regum suades euitari seruitia: Cum Petrus, Apostolorum Princeps, & Caput Ecclesiæ, subiecti esto- te, dicat, omni creaturæ humanæ, propter Deum: siue Regi, quasi præcellenti: siue Ducibus, quasi ab eo missis. Absit autem a me scelus hoc, vt Apostolo contradi- cam, vel Regibus dicam non esse paren- dum. Cum & veritas in Euangelio, Reddi- quæ sunt Caesaris, Cesari iusserit, & quæ Dei sunt, Deo. Cumque ad Romanos Paulus, Doctor Gentium, dicat: Omnis Anima potestatibus sublimioribus sub- dita sit; non est enim potestas, nisi a Deo. Clamo & ego, Obedite Principibus ve- stris omnes populi: Subijcite vos subli-
miori-

1. Petr. 2.

Mat. 22.

Rom. 13.

CVRIALIVM MISERIE. 2

mioribus potestatibus omnes Gentes.
 Sed meminertis, quia Petrus propter
 Deum vt subijciamini iubet, non propter
 opes, potentias, vel honores. At ista non
 sunt contraria meis scriptis, si cum Pro-
 pheta dixerim: Nolite confidere in Prin- *Psal. 146.*
 cipibus, in filiis hominum, in quibus non
 est salus. Præterea quamplures obieccio-
 nes alias, quibus te responso rem consti-
 tuo, si qui sint, qui velint me amplius im-
 pugnare. Ego ad rem ipsam veniam, si
 prius, quid hoc me disputare compulerit,
 paucis absoluero.

Genitor meus Syluius, qui, mortuo pa-
 tre, posthumus natus, paternumque no-
 men tulit, adolescentiæ suæ florem apud
 antiquum Ducem Mediolanensem, hu-
 ius Philippi Ducis patrem, peregit: affe-
 ctusq; tandem Curiaæ tædijs, domum re-
 diit, vxorem duxit, filios genuit, & vsque
 in hanc diem vitam quietam laudatamq;
 degit. Is, cum ad se duo Senenses Iuvenes,
 admodum Nobiles, accessissent, & an Re-
 gi seruire conducere, percunctati fuisset,
 sic respondit:

Menippus, cum adolefcens apud Ho-
 merum, Hesiodumq; diuersa Deorum
 scelera legisset, ea licita esse, atque hone-

*Aen. Syluij
 pater, eius-
 demq; con-
 filium.*

AENEÆ SYLVII

ita credebatur. Nam quod Dij faciant, quis non arbitretur honestum? Hic vir postea factus, cum illa, tanquā turpia prohiberi legibus animaduertēret, incertus animi, Philosophos adiit, sciscitaturus ab eis, quēnā esset optima vita. Sed neq; Philosophi satisfecerunt, cum inter se dissentirēt; Et alij voluptatem; alij vacuitatem doloris, virtutem alij; Quidam vero Animi, Corporisque, & Fortunę bona simul iuncta, vitam dicerent pręstare beatam.

Incertior igitur ille multo quam antea, ut verbis utar Terentij, cōsulere mortuos decreuit, & ad Inferos penetrauit; ac ex Thiresia, qui & ipse Vates diuinatorque fuit, ubi vita beata esset, perquisiuit. Cui cum Vates diu respondere negasset, in aures tandem insusurrans, Apud priuatos, inquit, Optimam vitam, hoc est, Felicitatem inuenies.

Gyges quoq;, Lydorum Rex, qui se prę ceteris fortunatissimum reputabat, Apollinem consuluit, quis suo tempore felix esset. Contempsit oraculum regias opes, & apparatus; atque Aglaum quendam Arcadem, modici ruris cultorem, qui metas agelli sui cupiditate nunquam excesserat, felicem esse respondit.

Vos

CYRIALIVM MISERIE, 3

Vosigitur, ô Iuuenes, si quo modo ui-
uatis optimè, quæritis, minime Reges ad-
ibitis. Nam cum ipsi felicitatis expertes
sint felices, qui sibi dicati sunt nullo pa-
cto possunt efficere: quippe quod Principi-
bus seruientes nihil sibi libertatis relin-
quunt; vt ea consequi possint; quibus po-
titi multo sint quam antea miseriore.
Virtutes enim, ô Iuuenes, felicitis vitæ sunt
effectorices, quæ à Principum domicilijs
exclusæ, si quando casu, aut errore, limen
ingrediuntur, è vestigio coguntur fugere,
perterritæ sinistris moribus, quibus in al-
tis palatijs viuunt.

Quod si tēpus differendi daretur, mon-
strarem vobis, omnes homines stultos ef-
se, qui vitam habentes aliam, in qua pos-
sint honeste versari, in Curias Principum
se præcipitant. Sed abest ocium. Ideo vos
tantum moneo, vt agrum hunc Histrio-
nes, & Adulatores, & alios Nebulones,
metere sinatis, qui nigrum in candida ver-
tunt. Nullus est viris bonis apud Principes
locus, nulla emolumenta laborum; &
vt Iuuenalis verba sumam, Minor est ho-
die res, heri quam fuit; hæc eadem cras de-
trahet exiguis aliquid. Sic Syluius geni-
tor. Illi vero ab insano proposito reuoca-

AENEAE SYLVII

ti, domi manere, & sibi, & Musis viuere decreuerunt.

At paterna vox minus in filio, quam in extraneis potuit: nec enim me pater ab obsequijs Curiae valuit auocare, quamuis saepe multi, ne me post Principum vesanias irem perditum, admonuerint. Sed expertus sum, quod prius non credidi; veramque patris sententiam inuenio, de qua liber me nunc in hac Epistola discertare, grauique tuo iudicio remittere cuncta, nam & tu annis compluribus inter aulicos canes latrauisti.

Vidi te apud Albertum Caesarem, honorato in loco: & cum te primum noui, Orator suus in Basiliensi Concilio benedictionem sibi ex Patrum cœtu petebas; cum is regni Hungariae diadema, mortuo focero suo Sigismundo Caesare, suscepisset. Atque postquam is quoque vita functus est, non enim triennio toto imperauit, ad nepotem eius Albertum, Austriae Ducem, te conuulisti, cuius es adhuc Consiliarius. Quam rem non sum nescius apud ignaros rerum, meae sententiae plurimum detrudere. Quis enim infelicitate viuere Curiales crediderit, cum tu, qui vir naberis bonus, & sapiens, solutus semel Curiae

CVRIALIVM MISERIAE. 4
Curia vinculis, iterum te vinxeris.

Sed sum ego quoque in eadem, qua tu es, causa; qui annis iam xv. Curialem seruitutem ferui, & nunc Ecclesiasticos, nunc seculares secutus sum Principes; & quamuis liber nonnunquam euaserim, mox tamen in vincula me apte redij. Itaque posset aliquis opinari; Vt solus, vel cum paucis, Curia voluptatibus fruatur, idcirco me mores Curia coram alijs detestari. Sicut apud Mediolanum qui Bernhardino predicatori contractus usurarios accusabat, vt prohibitis ab his reliquis, solus ipse foerneretur, Sed longe aliter est. Non enim quia placeat mihi Curia, ideo versor in Curia; sed ne leuitatis accusetur, qui genus vite receptum nesciuerim prosequi. Idem & te arbitror retinere.

Accidit enim nobis sicut coniugatis. Sunt enim admodum multi, qui viuentem coniuge, matrimonium damnant, & uxoris obitum cupiunt, libertatis amore. semperque illius ad Corinthios Pauli mandati meminerunt; Solutus es ab uxore, noli querere uxorem. At hi postquam libertatem sunt affecti, mox alteram ducunt, coniugem, vt vix quidem exequias defuncta valeant expectare.

AENEÆ SYLVII

*Hor. Ser-
mon. lib. I.
Sat. I.*

Sic enim est hominum calamitas, ut vitam quam viuunt, diuq; vixerunt, etsi malam sciunt, mutare tamen aut nequeant, aut nesciant. Hinc Oratius ad eos, qui suam vitam damnautes, alienam laudant.

Iam faciam quod vultis (inquit) eris tu, qui modo Miles,

Mercator: Tu, Consulrus modo, Rusticus, hinc vos,

Vos hinc, mutatis discedite partibus, eia Quid statis? Nolunt.

Plurima sunt, mi Iohannes, quæ nos cogunt perseuerare; sed nulla est ratio prior, quam ambitio, quæ tanquam æmula Charitatis, omnia fert onera, quamuis grauissima, ut honoribus seculi, ac popularibus laudibus efferatur. Quod si humiles essemus, & animam potius lucrari, quam vanam venari gloriam studeremus, haud multi profecto in hæc ædia sese reciperent.

Mat. 23.

Ad eos igitur, qui propterea sequi Reges volunt, quia Prælatos & doctos in Curijs esse conspiciunt, Saluatoris nostri Iesu vocem obijciam: Super Cathedram Moysi sederunt Scribæ & Pharisei, quæ dicunt facite, secundum opera eorum nolite facere.

CVRIALIVM MISERIE. 5

cere. Non igitur, quod insignes viri, ac Magistri vite, faciunt, sed quod facere debent, imitari oportet.

Expendat prius seipsum, qui se dicere vult Regibus, an tolerare labores, famem perpeti, sitim sufferre, contumeliasq; valeat sustinere. Deinde prospiciat diligenter, vtrum ex Curia consequi possit, quod suus desiderat animus. Mihi & angustia apud Principes infinita, ac intolerabiles esse videntur, & quæ homines optant, illic nullatenus inueniri: quo fit, vt verã Patris sententiam arbitrer, de qua nũc transigemus. Repetenda est igitur paterna vox, qua ille STULTOS esse autumat singulos, qui non coacte Principibus seruiũt. Clara vox, dura tamen fortasse nonnullis videtur. Sed audiant, quo pacto probetur.

Stulti, quoad propositum nostrum, tribus modis dicuntur homines. Stultus est, qui quæritat, quod nequit inuenire Stultus & qui quærit, quod nocet inuentum. Stultus quoque & ille est, qui sine proposito, ad quem tendit, cum plures habeat calles, deteriorem deligit, & periculosiorem. Vt si Romam periturus, cum duæ sibi pateant viæ; altera brevis atque secunda; altera longior, plena latronibus; pergere

*Stulti tri-
pliciter.*

AENEÆ SYLVII

ultimam velit. Curiales igitur homines, aut primam stulticiam incidunt, aut alteram, aut tertiam. Aut enim quod assequi nequeunt inuestigant; aut quod inuentū detrimento sit, quærunt; aut semitam peiorem deligunt. Quas res melius longe cognoscemus, si, quæ sint Curialium desideria, & quos sibi constituent fines, præuiderimus.

*Aulicorum
finis quin-
plex.*

Mihi videntur omnes, qui Regum, vel Principum latera stipant, aut HONORES quærere, FAMAMque seculi; aut POTENTIAM; aut DIVITIAS; aut VOLUPTATES; Nec inficias eo, nonnullos esse, qui se apud Principes LVCRARI ANIMAS arbitrentur, vt meritum tanto maius nascantur, quanto cum maiore periculo militauerint. De his igitur QVINQVE generibus Hominum, dicendum est nobis, quos tantū distare vt sapientes sint ostendemus, vt facile quouis eisdem deliros, amentes, insanos ac stultissimos queat cognoscere.

Prius tamen, quam hoc aggrediar, omnes oratos volo, ne me quempiam Principum carpere censeant, aut quouis patto, serenissimo diuoque Principi meo, Friderico Casari, detrahere. Nam etsi dicturus

CYRIALIVM MISERIE. 6

Eturus inter disputandum fuerim, vicio-
 sos Principes esse, & libidinum ac stulticie
 seruos; non tamen id omnibus ascripse-
 rim. Nec enim me latet, inueniri nonnul-
 los, virtutum ac sanctionis cultores, qui à
 Principatu vicia, diuino quodam munere
 separent. Quemadmodum boni apud Gen-
 tiles Principes, Augustus, Vespasianus,
 Titus, Traianus, & Antoninus, pij sunt ha-
 biti: & apud Christianos, Constantinus,
 Arcadius, Honorius, Theodosius, Caro-
 lus Magnus, &, quem Bambergæ venera-
 tur, Henricus Sanctus: in quibus si vel pie-
 tatem, vel mansuetudinē, vel pacis amo-
 rem, vel iusticiæ Zelum, vel Religionis af-
 fectum requiris, Fridericum nostrum nulla
 in re minorem inuenies. Tantumque ab-
 est, vt meis sibi scriptis velim detractum,
 vt eius laudes illustrare, & versibus, quoad
 possim, & oratione soluta, decreuerim.
 Nec me nunc eius Curia detineret, nisi
 sua me bonitas allexisset. Sed me, quanta
 sit Curialium infelicitas, ostensurum, non
 quid ipse, & alij pauci, quos æquus amauit
 Iupiter, sed quid communiter Principes
 agant, referre oportuit. Quod si omnia,
 quæ inferius mala recensentur, in nostri
 Principis inueniri Curia dixerim, aperte

mentiar;

AENEÆ SYLVII.

mentiar; nec minus mentiar, si nihil illorum hîc esse contenderim. Nec ego ququam momorderim: Quia sic est hominum vita, vt plus mali vbique quam boni reperiatur.

*I.
Qui hono-
res in aula
venantur.*

Nostra intentio est, fatuos esse, qui Principibus adhærent, disputando monstrare. Iam igitur illos aggrediamur, qui tanquã appetentes HONOREM Principibus seruiunt. Aduersus quos cum Iuuenali libet exclamare; O Medici mediam pertundite venam. Delirant enim, qui propter honorem Principibus famulantur: ad quorum purgandas mentes, nō meis scriptis, sed elleboro potius esset opus. Quis enim in aulis Principum verum honorem dixerit inueniri? Dantur honores in Curijs, non secundum mores, acque virtutes, sed vt quisque ditior est, atque potentior, eo magis honoratur. Nam quem vnquam pauperem, tametsi præstanti virtute præditum, Regum aliquis sublimauit?

Audio quod obijcis: fuerunt nonnulli, dicis, obscuro nati loco, atq; inopes quōdara, qui nunc omnibus sunt prælati; Sic enim Principes voluerunt. Sed quos, oro, sic Prælatos ais? nempe quos suis moribus conformes inuenerunt. quibus moribus?

CYRIALIVM MISERIE. 7

ribus? auariciæ, libidini, luxuriæ, crapulæ, crudelitati. Sic est sane. Placet auaro Regi, qui pecunias vnderunque refert. Gratus est libidinoso, qui virgines atque maritatas sibi conciliat. Carus est ebrio, qui combibit. Crudeli iocundus est, qui sanguinem quam multum effundit humanum. Nemo acceptus est, nemoq; ex paruo statu præfertur alijs, nisi magno aliquo facinore sese Principi conciliauerit. At hic non est verus honor & stabilis, qui ex radice venit non bona. Vera gloria, vt inquit Cicero, est illustris ac puagata multorum & magnorum, vel in suos ciues, vel in patriam, vel in omne genus hominum, fama meritorum; quam nec Principes assequuntur, nec qui seruiunt eis: Cum vicij omnes fere sint dediti, nec bonum aliquid agant, nisi fortuito.

At transeunti per urbem tibi inclinabunt homines: denudabunt capita: cedent loco: salutem dicent: manus osculabuntur. Ita est certe. At vbi transieris, digitos retrotendent, subsannabuntque tibi. Et ille est, inquit, qui Principem nostrum seducit; qui bellum tuadet; qui vectigalia auget; qui onera nobis importabilia cumulari facit; & etiam, qui verso pollice,

quos

*Cic. præ
Marcel.*

AENEÆ SYLVII

quos vult, ex nobis occidit: quem Dⁱ
Dea^{que} omnes perdant, ne sub eius ty-
rannide diutius simus.

Huiusmodi est honor Curialium, qui si
te, quisquis es, oblectat, non verebor te
stultum atque insanum affirmare, qui o-
blectationes tuas in re fallaci, varia, atque
omnino falsa, reponas. Ac Parasitorum
vocibus, qui te cœnarum gratia laudant,
quantum tribui debeat, tu ipse nosti. Præ-
tereo histriones atque ioculatores, & to-
tius vulgi laudes, quas vir prudens pro ni-
hilo reputabit: quia nulla est vera laus,
nisi à verè proueniat laudatis.

Adde quòd omnes Curia^e sequaces,
non quibus præsent, sed à quibus præce-
dantur inspiciunt, & altius semper euo-
lare nituntur. atque cum reliqui præce-
serint, ipsis etiam Regibus incipiunt in-
uidere, quia inexplibilis est humana^e
gloria^e appetitus. Cui postquam te dedi-
deris, semper illud Ciceronis in ore ha-
bebis: Quicquid est, quamuis amplum
sit, id certe parum est, cum est aliquid
amplius.

Est insuper Philosophorum sententia,
ac præsertim Aristotelis; In honoribus
non esse finem ponendum, quia & res in-

certa

CURIALIVM MISERIE. 8

Certa est, & in potestate alterius. Et qui seruit honori, & huius seculi famæ, necesse est, vt multa faciat inuitus: Interdum plus hominibus, quam Deo, seruire cogitur. Duo enim cum sint honores; alter virorum bonorum; alter multitudinis; stultus est qui primum apud Regem venatur; quia inueniri verus honor non potest, vbi virtutes non regnant. Qui verò alterum, multò stultior est; quia & rem perniciosam sequitur, & viciosam, & instabilem, & incertam. Atq; hi quidem perpetuis cruciatibus affliguntur, cum sibi præferri plurimos, & sæpe indignissimos videant. Nec, qui bonorum est avidus, vsquam magis, quam in Curijs, angitur. Atq; iam satis de Honore sit dictum.

Nunc ad POTENTIAM eamus. Pulchrum videtur apud Principem esse potentem, tutorem vocari Regis, præcipere alijs, bellum indicere, pacem componere, posse obesse & prodesse quampluribus. Sed multi decepti sunt, dum posse apud Reges plurimum quæsiuerunt. Apud Tiberium, Neronem, Claudium; tam potens Scianus fuit, vt Imperatore apud Capreas cum Rege Chædeo sedente, solus hic Imperium administraret, secun-

77. *Qui Potentiam sequantur.*

AENEÆ SYLVII

secundumque illum, totius orbis caput
veneraretur. Et quippe si ante ipsum op-
pressa Cæsaris senectus fuisset, hunc vnum
populus Augustum vocasset.

Sed nulla est apud Principes diuturna
potestas; nulliusque status debiliior, nul-
lius incertior, nullius infirmior est, quam
eius, qui apud Principem videtur esse po-
tentior. Sunt æmuli multi; similitates, o-
dia. Omnis potentia magnæ inuidiæ sub-
iecta est. Incidunt suspiciones, parantur
insidiæ, perstrepunt vndiq; delatores. At-
que vt oculus parua festuca turbatur, sic
Principum gratia offensiuncula vel mini-
ma cadit: Interdum etiam nullo crimine
perditur. Tantum apud Principes subdo-
la lingua potest.

Apud Adrianū Imperatorem, delato-
rum voces adeo valuerūt, vt amicos, quos
ad summū prouexerat, post hostium loco
habuerit. Sed ad Seianum redeo. Visne
salutari sicut Seianus? & tam esse potens,
vt ille fuit? At hic vnica Principis Episto-
la captus est, per urbem vnco ductus ad
spectaculum, & in Tiberidis ripa trunca-
tus. Omnesque ipsius statuæ ex Capito-
lio deiectæ sunt.

Pellege sacras literas. Quot Saul? Quot
Dauid?

CURIALIVM MISERIE. 9

David? Quot Salomon ex his, qui apud se potentes erant, occidi iusserunt? Abimelech, quia potentem vidit apud se Isaac, ex regno repulit: forsitan & interfici iussisset, nisi digitus Dei cum illo fuisset.

Clitonem, suæ nutricis filium, quia Philippi patris laudes comparare voluisset, Alexander Macedo sua manu interemit. Extant nostri temporis admodum multa exempla, quæ consulto fugio, ne cui videar detraxisse.

*Plutar. in
Vita Ale-
xand.*

De magno regni Apuliæ Senescallo, nemo me dicere prohibet: quia tuta est in mortuos reprehensio. Hic apud Reginam Ioannam primo in loco fuit; potentiamque suam firmiorem putabat, quia & stupris sese insinuauerat. At Regina conuerso in alium amore, percussores ad illum noctu transmisit: quo mortuo alios sibi concubinos substituit.

Pauci sunt, qui apud Reges perpetuo sint potentes. Sæpe qui heri placuit, hodie displicet. Nullum est in atrijs Principum maius studium, quàm vt alios de gradu præcipitent, & se erigant. Potentiam quilibet appetit: nulla inter Curiales habitat fides: non frater a fratre tutus inuenitur, nec patri filius fidus est, nec filius

B Patrem

AENEÆ SYLVII

Patrem seruat. quilibet sibi studet: omnes præferri volunt, omnes mandare.

Si quis potens est, mille circa se oculos habet, & totidem linguas, ad ruinam eius aspirantes; & vnus hinc, alius illinc premit. Nimirum multos timere habet, qui multum potest: & illū omnes oppugnant, qui Principi gratior existimatur. Ruunt turres, quæ iuxta flumen sitæ, perpetuum in se aquæ cursum recipiunt. Quid tu facias, qui ex vnus voluntate dependes? in cuius amore nec ferro, nec plumbo, sed cera fixus teneris: quam vel in frigidatus amor excutiet, vel in æ feruor eliquabit.

Non omnibus tantum arridet Fortuna (vti vides) quantum Cancellario nostri Cæsaris, Caspari Schlick, quem vel miranda fati clementia, vel singularis virtus atque præstantia, (quæ in paucissimis hominibus reperitur) apud tres Cæsares inter primores potentem reddidit. Alios vero vix vnquam vidimus in Curia Successoris tales esse, quales apud Antecessorem fuerunt. Sed præcipitari complurimos ex gradu cernimus; ita vt quanto prius honoratiores, & potentiores censebantur, tanto exinde debiliores, & inhonoratiores fiunt, & sint inimicis gaudio; Amicis vero
& pro-

*Casparius
Schlick,*

CURIALIVM MISERIE. IO
& propinquis, & sibi, dolori, molestiæ, at-
que dedecori. Est autem vulgatissimus
eorum finis, qui apud Principes vel Ho-
norem, vel Potentiam quæritant: quos in
errore tam manifesto cõprehensos, stul-
tissimos esse nemo negauerit: Nec plura
de Potentia.

Nunc DIVITIAS prosequamur, quas III.
Qui Dini-
tias venam
tur.
minime dubium est complures mortales
in curiales carceres attraxisse; qui cum
Oratio se laborem ferre dicunt senes, vt
in oia tuta recedant. Quidam vero Iuue-
nalis referunt verba:

Quando ego figam aliquid, quo sit mihi tuta sen- Iuvenal.
Sat. 9.
ctus

A tegete, & baculo.

Aduersus quos possum Saluatoris no-
stri sermonem referre, qui tam difficile
dicit, diuitem intrare regna cœlorũ, quã
per foramen acus transire Camelum. quo
fit, vt stultum sit Diuitias quærere, & spem
patriæ cœlestis amittere.

Nec mihi quisquam timorem famis ad-
ducatur, quasi non habeat Christus, vnde a-
lat pauperes suos. Apostoli nauim & re-
tia reliquerunt, inquit Hieronymus: nec
tamen illis quicquã deerat. Libertas Chri-
sti Pauperum, & olera, Cœli diuitijs præ-

B 2 ferun-

AENEÆ SYLVII

feruntur. Sed ista fortasse nimium religiosè dicuntur, nec talia sunt, quæ vulgo probari queant.

*Iuuenal.
Sat. 3.*

Agamus igitur pingui Mineruæ, consentiamusque Iuuenali, & Aristoteli, ad Felicem vitam opus esse diuitijs: quia
*Non facile emergunt quorum virtutibus obstat
Res angusta domi.*

Sunt, qui se posse putant diuitias cumulare Principibus seruientes. At hi, vt diuitias comparent, libertatem vendunt, nec tamen diuitias assequuntur. Nam si tibi Princeps vel beneficia contulit, vel Feuda concessit, vel res alias; tanto magis seruire teneris, quanto maiora sunt dona: Quod si aliunde nescis, ex Gregoriô discito; Cum enim, inquit ille, augentur dona, rationes etiam crescunt donorum.

Quòd si tunc ex Curia velis abire, cum diues es factus, mox omnia perdidisti. Inuenitur causa, submittitur accusator, cōuinceris reus, etiam non commissi criminis; auferuntur bona, & ne conqueri unquam possis, eripitur & vita.

Si vero in Curia perseveraueris, oportet ad quæuis imperia Regis esse paratum, Ire in bellum, per latrones transire, nauigare in mari, manere in peste, mille capi-
tis

CVRIALIVM MISERIE. II
tis adire pericula. Iustum & iniustum ex-
equi mandatum; ridere & flere cum Re-
ge: laudare quē laudat, vituperare quem
vituperat: Nulla tibi in verbis, aut in ope-
ribus, libertas supererit.

Quid igitur stultius est, quam diuitias
per tot tormenta cogere? cum sit mani-
festa phrenesis, teste Satyrico:

Iuuenal.

Sat. 14.

Vt locuples moriaris egenti vivere fato.

Nōne præterea deliramentū est, cū
duo vel tres cumulauerint opes, omnes
huius liberalitatis munificentiam expe-
ctare, & nō potius infinitos respicere, qui
dum Regibus seruiunt, ad extremam in-
opiam sunt deducti.

Persius

Sat. 2.

Iam dabitur (inquit Persius) iam iam, donec,

deceptus & expes.

Nequicquam fundo suspiret nummus in imo.

Diuitibus nonnunquam dari solent di-
uitiæ, sicut in mare feruntur aquæ. Nemo
pauper, quamuis diu & admodum utili-
ter seruiuerit, tantum præmij reportabit,
quantum diues ex obsequio paruo. Non
enim seruitia in Curijs Principum, sed
personæ ponderantur. Nam &

Paruos parua decent, & magnos munera magna.

Nec donare Reges solent, quod ne-
queant, cum libido fuerit, auferre. Itaque

B 3 nec

AENEÆ SYLVII

nec rem donatam, si velis, alienare poteris, nec in aliud regnum transferre: nec ex ea quicquam disponere, quod Regi non placeat. Non sunt igitur tuæ huiusmodi diuitiæ, quibus non potes. uti pro arbitrio.

Quid, quoddam neque testandi facultatem habebis. Namque si liberis careas, nemo tibi non Princeps erit hæres. Si adsunt filij, nisi & ipsi Principi seruiant, non succedent tibi. Taceo, quot diuites necati iussu eorum sint, qui eos ditauerant. Solent enim Principes sic nonnullis largiri multa, sicut & nos suos pascimus, ut eos, postquam impinguati fuerint deuoremus. Sic de Seneca, Longinoq; legimus, quos propter diuitias interemptos Iuuenalis affirmat, his versibus:

Iuuenal.

*Temporibus dirigitur, iussuq; Neronis,
Longinum, & magnos Seneca prædiuitis hortos
Clausit, & egregias Lateranorum obsidet ades
Tota cohors.*

Perierunt enim & Laterani propter diuitias. Sancte igitur scriptum est, & vere: Qui amat diuitias, fructum non capiet ex eis.

Adde quoddam paucissimi Reges quæ suæ sunt donant. capiunt enim ut donentur: quæ
nec

nec vera sunt dona, nec iuste possidentur. Cum vix Regnū vllum inueniatur, quod non sit vel partum, vel continuatum fraude. Quid est quod largiri iuste Principes possint? Vnde pecunie? vnde iocalia veniunt, quæ apud Principes sunt, nisi ex raptu vel venditione Iusticiæ, aut ex spolijs Ecclesiarum? At ista sunt iniquitatis præmia, quæ nec Regi prodesse, neque tibi vtilitati, si donata fuerint, esse possint.

Relinquamus igitur hanc diuitiarum cupiditatem, quia non impletur auarus pecunia: & Avaro, vt inquit Hieronymus, & Seneca prius dixerat, tam deest quod habet, quàm quod nō habet. Scimus Scripturam dicentem; quia non proderunt diuitiæ in tempore vitæ. Diues enim, cum interierit, non sumet omnia, & non descendet cum eo gloria domus eius. Viuamus, obsecro, tanquam nihil habentes, & omnia possidentes.

Victus atque vestitus, vt iterum Hieronymi verbis utar, Diuitiæ Christianorum sunt: & has est potens nobis Dominus, absque ministerio Principum, tradere.

Diuitias veras apud Reges, vel non inuenimus, vel tales inuenimus, quas longè melius fuerat non inuenisse, At hoc de di-

AENEÆ SYLVII

uitijs libâsse sufficiat: Ex quibus, ni fallor, monstratum est, stultitiæ operam dare, qui ob opes Principibus famulantur.

*IIII.
Qui ob Vo-
luptates
Principum
Aulas se-
quuntur.*

Nunc tempus admonet, vt de VOLUPTATIBVS differamus, in quibus multi mortales beatitudinem posuerunt: Atq; in primis Epicurus, vir aliquândo magnus, quem Philosophi nostri temporis magis verbis, quàm factis, reprobant. Nam quotus est, obsecro, vel Theologorû, qui voluptatibus non inseruiat. Quamobrem fortè inueneris, qui aspernetur oculis pulchritudinem rerum; non odore vlllo, non tactu, non sapore capiatur, secludatq; auribus omnem suauitatem: Huic homines, & fortasse pauci, Deos propitios, plariq; autem iratos putabunt.

In Oratione pro Marcello Ciceronem declamantem inuenimus: quibus in verbis omnes QUINQUE SENSVS tetigit, quibus voluptates hauriuntur. Cumque duæ viæ sint, quibus humana vita continetur, Altera virtutû, Altera voluptatum: Illa deserta, inculta, atq; interclusa frondibus & virgultis; hæc semper hominum frequentia teritur; nec quisquam est, qui voluptati non obsequatur. Suntque admodum multi, qui tâquam voluptatibus frui-

CVRIALIVM MISERIAE. 13

fruituri, oblequia Principum amplectuntur: quod quam stultissimum sit, operæ precium fuerit ostendisse: Ac de voluptate, quæ primum OCVLIS percipitur, primum dicamus.

Oblectantur nonnulli, dum splendidos Equites conspiciunt, dum bellageri, exercitusq; concurrere vident; dum formosas cultasque mulieres intuentur: dum cœtus hominum ornatorum: dum ludos, dum iocos, dum pulcros equos, dum picturas, dum sericeos pannos, purpureos, aureos; dum mirificas vestes, insignes vrbes, egregias domos, alta palatia, marmorea templa, testudines, viridantia prata, lucos, fontes, flumina, feras: serenum ærem, montes apricos, amœnas valles, armenta, canes, & huiusmodi cætera contemplantur.

*Voluptas ex
visu.*

At hæc omnia multo incandiora sunt priuatis hominibus, quam Curiaë obligatis. Nam qui seruitio Regum mancipatus est, in bello non vt spectator, sed vt miles aderit, & huc atque illuc concursabit, ac hostem ferire, seq; tueri magis, quam oblectare oculos cogitabit.

Mulieres non intuebitur, nisi cum Re-

B. 5. gi

ÆNÆA SYLVII

gi placuerit: tuncq; illas videbit, cum alijs gratæ, sibi molestissimæ sunt.

Ornati vestibus homines, plus inuidiæ, quam voluptatis præbebunt: & alienos equos, & meliores, & nitidiores, quàm sui, non lætabitur inspexisse. Iocis atq; ludis perraro intererit, lateri regio semper assistens. Palatia vero, Tempia, picturas, facilius spectare Mercatores, atque priuati homines, quam Curiales possunt.

Cumq; Reges perraro suorum regnorum limites excant, vrbes inspicere non nisi vnius regni poteris. Nec quid apud alias Gentes sit preciosum, videnti tibi copia dabitur.

Ea quoque, quæ in campis sunt visu delectabilia, rarissime inspicies, domo clausus quasi captivus, nec vnquam exhibis, nisi cum Rex vel venari voluerit, vel aliter animum relaxare: quod tum fiet, cum maxime velles domi manere, cum niues agros cooperuerint, vel cum Solis feruore Mundus ardebit. Sed marcet plærunq; sub tecto, squalida pulueribus, pars maior Curialium: Nec in choreis atq; tripudijs fœminarum delectatio datur: cum tu illam respicias, quæ in alium, & te nedum spernit, sed etiam odit.

Nulla

CYRIALIVM MISERIE. 14

Nulla dies est, in qua res mille non vi-
deas, quæ tuum conturbent animū. Sem-
per tibi ante oculos inimici sunt, oscula-
riq; manum per sepe cogeris, quam vel-
les truncatam videre: facileq; plus ama-
 ritudinis, quam dulcedinis, visus tuus ex
 Curia reportabit.

At in AUDITV, dices, magna est Cu- *Voluptas*
 rialium delectatio, dum Nouitates totius *ex Auditu.*
 orbis, viros sapientissimos loquentes,
 dum gesta virorū magnorum, dum can-
 tus, sonosq; audiunt Musicorum. Credo
 & hoc plærosq; decipere; Sed medendum
 est etiam huic parti, ne quis oblectaturus
 aures, Curia se astringat, ac molestiam
 pro voluptate percipiat.

Nam quod tu mihi de Nouitatibus ais,
 absq; negotio confuro: cū plura illic
 displicentia, quàm grata, audiantur. Cū
 nunc ciuitates captæ, viri præstantes oc-
 cisi, spolia facta, rapinæ commissæ; victo-
 res mali, victi boni sæpius referantur.

Viros autem sapientes, qui de moribus
 ac secretis naturæ disputant, quiq; histo-
 rias referunt, non nisi per adulationes a-
 pud Principes accipies. Quod si nonnun-
 quam Oratores, atq; Philosophi disertī,
 Curias adeunt, Orationesq; coram Prin-
 cipi-

AENEÆ SYLVII

cipibus habent; non tam dulce est, eos illic audire, vbi cum metu magis loquuntur, quam in scholis, vbi sunt liberi, & ad veritatem, non complacentiam fantur. Hinc est, quod Athenis, dum libera ciuitas fuit, & Romæ, dum consules Remp. gubernabant, litterarum studia maxime floruerunt.

In Curijs vero, quilibet sermo per adulationem habetur, nihil ad verum dicitur, Commendantur mali, boniq; vituperantur. Sunt qui Veterum narrant historias, sed mendose adq; peruerse. Claris autoribus non creditur, sed fabellis inanibus fides adhibetur.

Plus Guidoni de Columna, qui bellum Troianum magis poëtice, quam historice scripsit; vel Marsilio de Padua, qui translationes Imperij, quæ nunquam fuerunt, ponit; vel Vincentio Monacho; quam Liuius, Salustius, Iustinus, Quintus Curtius, Plutarchus, ac Suetonius, præstantissimis autoribus, creditur.

Citharistas vero, ac Cantores, quamuis Curia solet optimos habere, (plus enim hoc genus hominum, quam Philosophorum vel Poëtarum, Principibus placet.) non ad tuam, sed Regis audies voluptatem.

CVRIALIVM MISERIE. 15

tem. Cumq; dormire, aut aliud opus agere velles, tum potissime istorum sonis, aut cantibus inquietaberis.

Omnibus hoc vitium est cantoribus (inquit Oratorius) inter amicos, Hor. lib. 1. Ser. Sat. 3.

Vt nunquam inducant animum cantare rogati, Iniusi nunquam desistant.

Quo fit, vt cum nolis audias, cum velis, nusquam appareant. Et tamen his, singulis Calendis, aliquid cogeris elargiri.

Quid, quod omnia iurgiorum atq; rixarum sunt plena: Vnus alteri maledicit. increpant se inuicem: Blasphemix in Deum, sanctosque iaciuntur; omnes in confuso loquuntur. tot clamores sunt, vt vix socium, qui prope te est, valeas audire. Quilibet sua facinora narrat, cum derogatione alterius. Illi suam patriam laudant, & alienam vituperant: spurcissima vndique verba personant: nulla in verbis modestia, nulla reuerentia, nullus pudor. Scurræ semper audiuntur, vel detrahentes, vel ructantes. Nam his solis libertas est, quicquid vel facere velint, vel dicere. Ad hæc, si quis sapiat, surdus potius esse velit, quam audire.

Iam de TACTV pergamus, in quo Venus potissime dominatur, quam nonnulli, re-

Voluptas ex Tacit.

AENEAE SYLVII

li, rerum ignari, blandissimam in Curijs
esse confidunt: Ex eo errantes, quod mu-
lieres eos amare consueuerunt; qui vesti-
bus sunt ornati, qui crines ventilant, qui
torneamentis interfunt, qui canunt, qui
choreas ducunt, qui semper læti atq; hi-
lares inueniuntur, sicut Curiales esse vi-
dentur.

Sed minimè ita est, vt grata sit hîc Ve-
nius. Nam si qua est mulier, quæ hos amat,
non tamen eis se credit, quos loquaces a-
gnoscit iactatores, instabiles plurium a-
matores: nisi forsitan aliqua est, quæ sa-
mam paruifaciat; tuncque multis circa ve-
nam cōcurrunt, nec vllam, sine rivali, di-
liges. Hinc rixæ, contentiones, odiosa ver-
ba, interdum verbera, & homicidia. Nul-
lam nutrire modico poteris, cui assint qui
multa promittat. Veniet alter te pulcrior
& acceptior: Nulla tamen fides est, quæ
vno contenta sit viro. Sæpe cum amicam
petes, aut alium cum ea inuenies, aut isse
illam ad alium reperies.

Quod si tibi grata obtigerit & fida puel-
la, non poteris, nisi raptim, & per furtum
esse cum illa. Neq; seruire Regi, & Amo-
ri poteris: quia vterq; insolens Dominus
est, & quilibet hominem totum vult sibi.

Adde

CYRIALIVM MISERIE. 16

Adde, quod nedum amicam, sed nec
conjugem in Curia pudicā seruabis. Tot
sunt vndiq; Proci, tot formosi Iuvenes,
tot Promissores, tot Lenæ, vt nec castissi-
ma coniunx resistere tot impugnationi-
bus possit. Quod si probissima fuerit, de-
ferenda est tamen, cum indies Curie Prin-
cipum moueantur, siue coniunx sit, siue
concubina. Tunc anxietates mentisq; do-
lor; quia nec cum amica remanere, nec
illam ducere tecum potes: & instabilita-
tem foeminæ remanentis, cuius est in ho-
ras mutari, semper suspectam habebis.
Iunge irrisiones, ac detractiones, quæ fi-
unt amantibus. Dinumera discrimina;
pondera suspiciones; omnia hæc, cum sint
priuatis grauia, Curialibus importabilia,
nec vsquam in atrijs Regum tactus oble-
ctatur.

Sequuntur alij duo sensus, ODORAN-
DI, & GVSTANDI, qui partim coniuncti
sunt, partim disiuncti: Nam dum fercula
redolentia, sapidaq; comedimus, vterq;
sensus latatur. Si qua aut florum, aut vn-
guentorum sequatur fragrantia, non gu-
stum, sed odoratum iuuabit, & officium
suum odoratus amittet, cum in palato ci-
bus masticabitur. At hi quibus in sole pa-
lato

*Voluptas
Odoratum
Gustum.*

AENEÆ SYLVII

Iato est causa vivendi, stulti sunt, & pecu-
dum vitam, non hominum, sectantur.

Nam & Apostolus eos vituperat, quo-
 rum Deus venter est: Rem namq; damna-
 tam sequuntur; quāvis plurimi propterea
velint Regibus obsequi, vt bibere atque
edere maxime possint. Et quia Principes
 optimis vtuntur vinis atque cibarijs, vesci
 quoque se eisdem sperant, potaturosque
 cum Regibus se confidunt. At sicut Muscæ
 pingues mēsas, sic isti vnctas dominorum
 popinas insectantur: quamvis regalibus
 epulis magis muscæ, quam isti potiantur.

Videamus igitur, apud fastigium rega-
 le, quanta sic Curialium edendi atque bi-
 bendi voluptas, quæ sane tunc optima est,
 cum fames adest, atque sitis: cum nec illa,
 nec ista protrahitur. At in Curia perraro
 ante meridiem cibaria distribuuntur: quo
 tempore non famelici, sed rabidi sunt ho-
 mines. Quibusdam vero expectatio lon-
 ga, debilitatis spiritibus, appetitum surri-
 puit: alij modico pane, vel casco prægusta-
 to, orificium stomachi clauserunt: quo
 fit, vt alij vorent, quicquid apponitur, &
 ad crapulam impleantur: alij vel mini-
 mum sumere nequeant.

Interdum in ortu diei, & ante lucem,
 fer-

CVRIALIVM MISERIE. 17

Fercula posita sunt; quæ nisi comederis, vsq; in noctem ieiunabis: nec tamen stomachus officium suum fecit, nec appetitus adest.

Cum post meridiem pransus fueris, rursus post horam cœna ponitur: nunquam in suo tempore cibus affertur.

Hinc subita mortes, atq; intestata senectus; & orexis, & Vomitus, & iliorum dolor, & Calculus, & morborum omnia genera veniunt. *Iuuenal. Sat. I.*

Qualis Cœna, tale Vinum, quod sicca nolle lana pati, vt Iuuenalis ait, affertur: quod cum biberis, insanus fias, acetosum, aquaticum, corruptum, pendulum; acerbum; aut frigidum, aut nimis tepidum; colore saporeq; malo. *Iuuenal. Sat. 5.*

Taceo illos Principes, qui tantum Cereuisiam in potu præbent, quæ cum ubiq; amara sit, in Curijs tamen & amarissima est.

Nec tibi aut in argento, aut in vitro, dari pocula credas. namq; in vno furtum timetur, in altero fractura. Potabis igitur ex ligneo Scypho, nigro, antiquo, scetido; in cuius fundo fex concreta est; in quibus sæpe minxisse Domini consueuerunt. Nec tibi vni Scyphus dabitur, vt si velis, vel
C aquam

AENEÆ SYLVII

aquam misceas, vel purum bibas; sed in
communi potabis, atq; ibi mordebis, vbi
nunc vel peticulosa barba, vel saliuosum
labium, vel immundissimi dentes fue-
runt.

Inrerea vinum antiquum in tua præsen-
tia Regi propinabitur; cuius tanta fra-
grantia est, vt eius odore tota domus re-
pleatur. Bibet is Muscatellum, Maluati-
cum; ex Gallijs, & Matrigali, ex Riparia
Genuensi, ex Hungaria, atq; ex ipsa Græ-
cia sibi afferri vina iubebit; nec vnquam
tibi vel minimum cyathum communica-
bit, quamuis cardiaca passione crucieris.
Quod si bonum vinum ante te sit, non ta-
men iucunde sapiet, cum melioris fragran-
tiam tuæ hauserint nares.

Velles nonnunquam bibere, sed non
audes, nisi maiores incipiant. Nec famuli
vinum apponunt, nisi post medium men-
sæ: quod si ante petieris, & importunus, &
petulans, & ebriosus, iudicaberis; nec si-
ne ignominia, quod postulas, obtinebis;
nec ad tuam, sed ad maiorum sitim po-
tabis.

Vinum postquam in mensa fuerit, per
multas manus transibit, antequam ad te
veniat. Nec speres mundari Scyphū, dum
pincera

CVRIALIVM MISERIE. 18

pincernæ remissent, quamvis in fundo
fex hæreat, vel intus aliquis ructauerit.
Nam sicut in templis aquæ benedictæ sub-
infunditur; sic in atrijs Principum vina-
ria vasa, quibus famuli potant, in anno se-
mel euacuata mundantur.

Nec in Vino tantum, sed in Aqua quo-
que cruciatus inest. Nam

*Si stomachus Domini (vt Iuuenalis inquit) Iuuenal.
feruet potuq; ciboq;* Sat. 5.

Frigidior geticis petitur decocta pruinis:

Quibusdam in æstatem seruatur gla-
cies, atque hac in feruoribus vina frige-
fiunt: nec tibi minima portio dabitur, ma-
iori; siti cruciaberis, quia videndo nihil
gustabis.

Quid tibi de mappis dicam? nigris, lace-
ris, vinctis, quæ nedum tibi fastidium mo-
uent, sed manibus applicantur, teque se-
quuntur, si quando te volueris tergere:
quod plures veriti, madidas pingui iure
manus, in proprijs desiccant vestibus. Hinc
est illud abdomen, quod in pectoralibus
Curialium cernis, vt satius sit, in stabulis
porcorum, quam in Curijs comedere do-
minorum. Nam mensalia illa munda, se-
ricia, duplicata, solis Principibus serui-
unt, & indies mutantur: tua truncis affi-

ÆNÆ SYLVII

ta tam diu, vt discerni à mensa possint.

Audi nunc cibaria, & sume Voluptatē,
si potes. Nulla tibi alia mactantur anima-
lia, quam boues, capræ, porci, vel Vrsi: nec
ista recentia, vel paululum trita, sed post-
quam foetere cœperunt, dispensatores e-
mere solent: nam quo minoris emunt, eo
magis furantur.

Carnes tuæ frigida, bis coctæ, immun-
dæ, insipida, foetentes, fumo & carboni-
bus plena, nullis condimentis, nullis sal-
samentis, speciebusque nullis apparatus:
Caules putridi, rapæ marcentes, & muc-
idæ, legumina semicocta; Ciceraque pis-
is, fabis, lentibus, interdum & pulueribus
atq; cineribus mixta.

Caseus raro ad te venit, aut si venit, viuis
est plenus vermibus, vndiq; perforatus, si-
tu squalidus, saxo durior. Butyrum foeti-
dum, lardumq; rancidū tua fercula con-
dit. Oua tunc apponuntur tibi, cum iam
pultos alūt. Pira & poma marcida, quæ ni-
si tū comederes, porcorū esca fuissent. O-
leum, quo tibi excoquuntur fercula, de
lampadibus sumitur, vel lucernis, cuius
foetore fugari serpentes possent; quale il-
lud fuisse credendū est propter quod Ro-
mæ cum Bochare nemo lauari volebat.

Ego

CURIALIVM MISERIA. 19

Ego magnifico hero meo Caspari, Cancellario, gratias ago, qui me hac ex sentina immundiciarum detraxit, & ad lautam eius mensam deduxit: quamvis nisi ipse fuisset, iam Curiarum tædijs renunciassetem. Sed persequar cœptum iter.

Pisces tui vel Lucij parui, vel Carpones, vel halecia. Si natalicium fuerit, poteris & Renkam gustare, luti, in quo iacuit, odore foetentē, & Anguillam colubri cognatam, aut hosce pisces, qui apud cloacas urbium nutriuntur. Si quis tibi nobilior piscis apponetur, quatrivanus erit.

Panis tuus niger, & adeo durus, ut vix geminis dentibus frangi queat. Et quamvis eodem precio sæpe niger & albus panis ematur, ne tamen asluecas, semper nigro pasceris. Voluntq; Domini assidue inter se, ac servos, disparitatem notari, quamvis neq; voluptati nonnunquam, neq; vsui fuerit.

Tua insuper fercula eadem sunt: facile quæ in annum, quid tibi edendū sit, scire poteris: quæ res admodum voluptatē diminuit, quæ solet varietatibus irritari. Posset forsitan aliquis hoc tolerare, nisi meliora præ se ferri continuo cerneret: sicuti Curialibus accidit, qui dum sordi-

AENEÆ SYLVII

dum panem terunt, dumque in morem equorum vel ordeum, vel speltam vorant, aut, quas vocant, caseatas: Interea Domini piscem, quem Corsica misit, vel Tauro-minitanæ rupes. Sæuientia namq; guttura satiare non sufficiunt nostra flumina, nec maria: dum piscatores proxima quæq; scrutantur retibus, nec piscem sinunt in vicinia crescere.

Ecce mox alium, qui longi latiq; pectoris; nec non Squillam defert, asparagis undique septam: Cuius cauda nedum familiam, sed hospites quoque, si qui affuerint, conuiuasq; despicit. Ille Murænam adducit ex Sicilia, quam inter Scillam & Charibdin cepit, dum Auster se contineret. Quid Accipenseris, Trutas, temulas, aut alios pisces enumerare attinet? Quicquid in aquis suavius alitur, ante Principem, atq; id vel assum; vel oleo Venefrano, vel vino coctū optimo, inter odoriferas herbas, intueberis.

Maxima inter pisces tibi inuidia accrescit, nec minor inter carnes: Cum Ceruum, Leporem, Aprum, Capream, Castoream, Fascianum, Perdicem, Gruem, Pauenem, Orycem, Gallinam, Turdos, Merulas, Ficedulas, Ardeas, Anseres; Heedulos,

Agni-

CYRIALIVM MISERIE. 20

Agniculos, Cuniculos, Asperiolos, & quicquid volat, & quadrupedat saporis egregij, vorantem Principem videas; atq; hæc egregie condita, pulmentarijsq; præparata suauissimis: quæ cum respicis, nihil ex his, quæ ante te sunt, mordere potes: sed expectas, & ad comitē dicis; Ecce iam dabit nobis semicsum Leporem, aut aliquid de clunibus Apri; Iam piscem assum, iam congelatum aromatico iure ad nos mittet: iam pullū gallinaceum, iam duas auctulas destinabit. Sed euanescit omnis cogitatus tuus. Nam Curialibus nihil horū porrigitur, nisi fortasse ad cruciatum tuum, aliquid socio, tibi assidenti, mitteretur, quo scires, illum te Principi cariorem. Nonnunquam & tibi tantillum dabitur, non quo satieris, sed quo magis afficiaris tædio, quam suaues sint epulæ Principum sciens.

Panem ante Dominum niueum, ac molli saligine factum aspicias; ad quē pistandum proprius eligitur, ac magno stipendio retinetur artocopus. quem si tangere volueris, increpatus percutieris, qui panem tui canistri non receperis, nec intactum heri dimiseris.

Quod si Ver fuerit, & optata tonitrua

AENEÆ SYLVII

pœnas maiores reddiderunt, raduntur
Tubera terræ, & vsq; à Lybia deferuntur.
Boleti optimi, quales edere solebat Clau-
dius ante illum, in quo venenum vxor sibi
porrexit. Curialibus autem viles & an-
cipes Fungi ponuntur, & in quibus sæpe
mors editur.

Poma Principis talia sunt, qualia so-
res dicuntur Hesperides habuisse; & his
solum oblectari potes. tam enim odorife-
ra sunt, vt nō solum propinquos, sed lon-
gè etiam stantes odore suo perfundant.
Tangere tamen illa non poteris, aut quo-
uis pacto gustare.

Caseus ex Parma, Placentiaq; deduci-
tur: sudans, cereus, pinguis, ex ouibus fa-
ctus, quæ solum serpillum, cum suauissi-
mis herbis, depastæ sunt.

Structorem interea saltantem per do-
mum, & Chiromanta volanti cultello an-
te Dominum diuersis gestibus leporem
atq; gallinam secantem spectabis; qui te
nilhil horum permittit tangere, quibus
oblectareris.

Quis est, qui rebus in istis voluptatem
esse Curialibus credat? quis non potius
pœnam ingentem, cruciatumque maxi-
mum recognoscat? An non similem est
hoc

hoc tormentū illi, quod Poëtæ finxerunt de Tantalo, qui nec in aquis bibere, nec in pomis edere potest, quamvis ad mentum vsque vtraque sibi pertingant?

Quid quod in mensa Princeps assiduè fabulatur, atque tacenda, dicendaque fatur; cum tu nec loqui nec hiscere audeas. Nam si fortè mutire præsumseris, aut nutu aliquid significare, quasi casus per plantas educeris foràs, ac vel latro, vel fur vocaberis, vel adulter.

*Maxima quæq; domus (vt Iuuenalis ait) seruis Iuuenalis
est plena superbis.* Sat. 5.

Ille panem magno cum murmure porrigit; ille indignatur quod se aliquid posscas, & quod, se stante, recumbas. Aut non vident famuli defectum mensæ, aut, si vident, negligunt emendare. Sæpe tibi vinum, vel panis deerit, nec tamen aliquid istorum poscere audebis. Si vel aquam, vt vinum domes, vel acetum, vt piscem mergas, vel sal, vt carnes aspergas, vnquam petieris, importunus diceris.

Enumero tibi sedentium tædia; sed maiora illorum sunt, qui stantes seruiunt, & quoties aliquid mordet, ipsi tecum hiant, & aërem solum capiunt, qui solis pascun-

ÆNÆÆ SYLVII

tur cœnarum reliquijs. Sed accipe molestias alias.

Sunt in Curia diuersæ dapes. Nam raro minus quatuor ferculis cœna paratur. At ista nunquam, vt optares, ex ordine dabuntur. Semper quod vltimū velles, erit primū, cum pane satur, & vrsi plenus dorso fueris: tunc tibi cibaria meliora porrigentur, vel vt stomachatus renuas, vel ad crapulam, cū tuo maximo damno, comedas. Quod si quis casus meliores epulas initio mensæ concefferit, mox ille ex oculis auferentur. Est enim magna ministris diligentia, ne diutius res preciosiores esse in mensa permittant. Nam & in ponendo tardiusculi, & in leuando celerrimi sunt.

Aspice insuper, In Paropside quot manus epant circa carnes? quot cultelli festinant? quale periculum illic manum apponere, nisi quis Chirothecam ferream receperit? Sicut apud Strigoniensem Archiepiscopum, illum, qui ante præsentem secundus fuit, Florentinum quendam fecisse commemorant. Contigit enim, vt nonnunquam alienum quis digitum, vel portiunculam manus, acceperit, atq; momorderit, vituli carnem, vel bovis existimans.

Mensæ

CVRIALIVM MISERIE. 22

Mensæ in Curijs vndiq; circundantur
edentibus. Cibaria supra caput tuum, &
humeros afferuntur, sæpeque super teius
totum effunditur. Hic te premit, is raptat,
& in faciem tuam vomit. Inter ferculum
& ferculum magna fit mora, tempusque
longum expectando consumitur; cum
interim nec spueri, nec scire potes, nisi
scurrarum numero velis haberi.

Nunquam certa comedendi est hora. Si
tamen in ipso mensæ initio non affueris,
cœna mulctaberis; aut iurgjis afficeris
acerbis. Inter hæc nec porrum, neq; cepe,
neq; allium, quia venenum ab Oratio di-
citur, comedere poteris. Nec igitur quæ
Principes edunt; nam illa tuum ventrem
dedignantur: nec quæ Rustici vorant,
quia foetorem Dominis ingerunt, gustare
permitteris.

Crassis igitur illis, & nullo sapore con-
ditis vteris dapibus. In quibus si voluptas
esset aliqua, cessaret tamen, quia conti-
nuæ sunt, & immutabiles.

Namq; voluptates. (vt Iuuenalis affirmat) *Iuuenal.*
commendat rarior vsus. *Sat. II.*

At in his rebus tantum deest, vt gaudi-
um aliquod intercedat, vt malè iudicare
non existimem, qui summam in cis mise-
riam,

AENEÆ SYLVII

riam, summamque cordis afflictionem posuerit.

Sed stultum atque imperitum vulgus hæc rædia non animaduerrit, solumque suspensas auro vestes, ac sublimes respicit in equis milites. Et cum opes, argentum, aurum, famulorum cætuas, & ornatum exteriorem intuetur, miseras interiores nequaquam considerat. At Seneca, summa prudentia vir, Isti, inquit, quos pro felicibus aspicitis, si non quæ cernuntur, sed quæ latent videritis, Miseri sunt, sordidi, turpes, ad similitudinem suorum parietum, extrinsecus culti.

Quò fit, ut Curialibus, qui propter irritamenta gulæ, Principibus seruiunt, nedum ciues priuatos, qui cum iucunda cõiuge, inter dulces liberos, castè ac parcè comedunt; vel Ruricolæ, qui medias inter oues, castaneas molles, & mitia poma, cum lacte, vorantes, nitidi fluminis vndas exhauriant; sed ipsos quoque, qui in crepidinibus petrarum, vel in pontibus, vel ad Ecclesiarum valuas mendicant, sine cunctatione præponam. Cum illis nec ex sententia succedat quod appetunt, nec, si successerit, meliores propterea beatiorese fiant. Sunt igitur omnes stulti, qui ob
has

CVRIALIVM MISERIE. 23

has causas in regium famulatum sese recipiunt.

Cæterum cùm ab initio dixerimus, quosdam esse, qui tanquam ANIMÆ con-
sulturi, Regalibus sese dedunt obsequijs *Qui Ani-
mas lucrari
solunt in
Aula.*
(Existimant enim consulendo Regibus; utilitatem Reip. promouendo; pupilli & viduarum tuendo causas; afflictis & inopibus succurrendo; tanto magis Deo placere; quanto maiore tædio ista peragunt.) respondendum est etiam his; Ne, qui stulti-
tiores sunt alijs, sapientiores omnibus videantur.

Quamuis neminē adhuc cognouerim; qui non suum aliquod temporale; commodum apud Reges insectaretur: Fingamus tamen aliquem fore; quem sola salutis Animæ ratio moueat. An ita est, vt hoc in Curia sibi possit obtinere? Consulemusne nos viro bono, in obsequio vt se Regis immergat? Putabimusne sic animā lucre fieri? Mibi, hercule, non fit ver simile; in Curijs Principum vbi tot vitia regnant, vbi tot irritamenta ab exercitio virtutum subducunt, virum aliquem bonum posse perseverare.

Namque vt Sessor bonus in equo retrogrado, vel calcitroso excutietur; dilabaturque

AENEÆ SYLVII

turque tandem; Sic vir bonus & iustus apud Reges diffluet; vel imminutus rerum licentia ac luxu, & tot immundicijs tum viciorum, tum hominum circumuentus, declinabit à via, & in scopulos ruet, ventorum viribus actus & tempestatû. Quod cum Plato in Atheniensi Curia perspexisset, fugere potius statuit, quàm inter tot viciorum inquinamenta morari.

Quibus moribus Aulicum esse pradium oporteat.

Cognoscito igitur teipsum, qui sequi Curiam statuis, & an Platone sis maior, animaduertito; an virium plus tibi, quàm illi sit, ad resistendum malæ consuetudini. Oportet in Curijs obsequi omnibus, communicare quod habes, seruire temporibus, versare naturam, & tegere, Nec non teipsum huc & illuc torquere, & flectere: Cum tristibus seuerè, cum remissis iucunde, cum senibus grauitè, cum iuuenibus comiter, cum facinorosis audacter, cum libidinosis luxuriosè viuere: quod nisi feceris, nec magnus in Curia, nec diuturnus esse poteris.

Sed replicabis mihi fortasse, illû ipsum Platonem, quem fugisse Curiam, superius scripsi, posterius tamè ad Dionysium, Sicilia Tyrannum, peruenisse, illiq; seruasse. Sic est, vt ais. Sed vide, quid obtigerit. Nanque

Nanque vocatus ab illo, per doctrinę speciem, cū Tyranni vicia corripuisset, Tyranni fraude venundatus est.

Nec is solus ex sapientibus iram Principis expertus est. Nam & Zenonem Philosophum, senem admodum, Phalaris Tyrannus omni cruciatus genere dilaceravit. Anaxagoras nobilis Philosophus, ab Anacreunte, Cypriorum Rege, occisus est. Boëtius iussu Theodorici Regis interijt. Longa mora esset, si, quos viros bonos necari Principes iusserint, enumerare voverim.

Nec mihi quispiam vel Moysen, vel Helyseum, vel aliū quempiam Philosophorum commemoraverit; quasi & sibi liceat, quod viris diuinis permissum extitit. Nec enim cum Regibus illi manserūt, sed functi legatione, quam Deus eis mandauerat, abierunt. Solus Ioseph apud Pharaonem moratus est, quem ordinatio diuina, pro salute populi, illuc trāsmiserat, & venundatio fraterna. Iatebor & Mauriciū, & Martinū militasse, ac Principibus seruiuisse; sed ille quamprimum Christianus cognitus est, cum tota mox legione Thebea truncatus est capite: Hic vt vir factus est, & regia castra dimisit, & in obsequiū

AENEÆ SYLVII

sequium Dei se sequestrauit. Sciebat enim vir sanctus, quia pupillorum & viduarum causa ad Principes non egrediuntur. Quia nunquam apud Reges causa pauperum defenditur; quia venalis est omnis Iusticia; quia impudicus est omnis sermo, quia nulla misericordia, nullus Religionis Zelus, nulla caritas, sed inuidia & ambitio tantummodo dominatur. Quibus obistere, fortissimi fuerit, & plus diuina quam humana sapientia.

Et quamuis esset Martinus ipse sanctissimus, possetque sua virtute superare maliciam; amplius tamen militiam nec per se voluit sequi, nec alijs imitandam suo exemplo demonstrare.

Nec Saluator noster CHRISTVS, interrogatus quid faciendum esset, ad vitam consequendam; vade dixit, & Regibus seruito: Sed vade, inquit, & vende omnia, quæ habes, & sequere me: non Principem, non Regem, sed me; non Curiam, sed me inquam sequere.

Videas igitur tibi, vir bone, qui propter Animam sequeris Curiam, ne propter Curiam illam perdas: quia multi sunt tibi laquei, multa offendicula, multe insidiæ Demonum. Durum est ambitionem frenare, auari-

avariciam compescere, invidiam domare, iram cohibere, luxuriam coartare, dū semper inter ista verferis.

Si quis tamen à Deo sibi creditum talentum nouit, vincere vt ista possit; & tanquam Sol immaculatus in luto versari; Si potest picem tangere, & ab ea non inquinari; Si potest ignē ingredi & non vri: non illum Curiam sequi prohibeo. Nam meritum tanto grandius assequetur, quanto periculosius militauit. Sed persuasum est mihi, neminem esse, qui Curiaē seruiendo non potius vincatur à vicijs, quàm vicia vincat. Dociles imitandis, vt Iuuenalis verba recenseam, turpibus ac prauis omnes sumus.

In Genesi quoque diuinum Oraculum *Gen. cap. 8.* est in hunc modum: *Sensus & cogitatio humani Cordis, in malum prona sunt ab adolescentia sua.* Non suaferim igitur vlli in Curijs immorandum. Nam & Anima, vt dixi, discrimini magno supponitur, & vita sepe ante tempus amittitur. Quoniam vel Principum desiderio fauebis, ac vltro suis vicijs arridebis; & animam perdidisti: vel increpabis malos mores, accusabisq; scelera; & inde iram Principis experieris.

D Cyrus

AENEÆ SYLVII

Cyrus, Persarum Rex, Arpalo familiari suo, admodum ante raro, ob reprehensum in se vicium, filios epulandos in conuiuio dedit. Cambyfes eiusdem ex carissimis, qui se de ebrietate corripuerat, filiū sagitta transfixit. Nec tumiliū Aristotelem obijcias, summum Philosophum, Alexandri Magni castra sequentem. Nescis enim qua voluptate hoc egerit, & an sibi libertas fuerit aliter faciendi.

At secuti sunt Alexandrum complures alij: Calisthenes Philosophus, Clitus frater collectaneus, Lyfimachus miles, & Philosophus insignis. Calisthenes dum adorari more Persico Alexandrum prohibet, truncatis manibus & pedibus, effosis oculis, & auribus amputatis, miserā vitam in carcere ducere cogebatur. Cui cum Lyfimachus, in remedium æruinnarum, venenum obtulisset, Leoni obiectus est. Clito, cum Alexandrum, Philippi patris laudibus detrahentem, redarguisset, ab eodem, vt supra retuli, in conuiuio est occisus.

Sunt igitur stulti, meo iudicio; &, vt arbitror, tuo Iohannes amantissime, & qui propter superiores causas, & qui propter Animæ lucrum, seruitia Principum ample-

amplectuntur. Quoniam, vel quod quarunt, non inveniunt; vel per viam spinosam & ancipitem pergunt; Cùm ad finem, quem cupiunt, tutissimis possint, & quietissimis itineribus proficisci.

Esset ergo iam satisfactum his, quæ ab initio proposuimus; possemque iam Epistolam claudere; sed sunt adhuc aliæ quàm plures molestiæ Curialium, de quibus nō erit ab re, quam breuiter meminisse.

PLurima inter DORMIENDVM sunt *Reliqua*
tædia. Sæpe in asseribus dormiendum *Aulicorum*
est; in paleis; in lapidibus, nudoque so- *molestia.*
lō, in vento, in pluuiā, in frigoribus. Si *Inter dor-*
plumas fueris affecutus, ad Pediculos, Pu- *miendum.*
lices, Culices, & alias infinitas vel mor-
dentes, vel teterrimè foetentes bestiolas
te præpara. Nunquam solus dormies, nisi
cùm socium cuperes. Linteamina im-
munda, foetida, lacerata, & quibus nuper
rime pestilentia sunt mortui, tibi dabun-
tur.

Comes adiungetur scabiosus, qui se to-
ta nocte fricabit. Alius tussitabit, alius foe-
tido flatu te perurgebit. Interdum & le-
prosus tibi coniacebit. Alius frigidus est,
& vestimenta ad se rapit; Alius Febre cali-

AENEÆ SYLVII

aus, & lodicem cum omni tegmento sup-
prate iacit. Semper vel ille tibi molestus
erit, vel tu illi videberis tædiosus.

Dormitur frequenter in cōmuni, vbi
vel x. vel xx. sunt, vbi vnus stertit, alter pe-
dit; alius calceos iactitat: nunquam ante
medium noctis est silentium. Veniunt E-
brij dormitum, confabulantur, garrunt;
raptant, rixantur, pugnant, & se inuicem
cædunt: Surgunt mingentes. Sæpe apud
stabula sunt cubicula tua, & equos fremit-
tantes, vel se mordentes audis. Nunquam
scies, vbi iacere debeas, nisi Domini dor-
mitum iuerint.

Sunt in diuersorijis multi Aduenæ, mul-
ti ignoti; & vita Curialium plærunque in
hospitijs publicis statuitur: vbi continuo
fures timendi, vel formidandi sicarij sunt:
neq; res tuas vnquam tam diligenter cu-
stodies; quin aliquid detractum reperiās.
Nam & ipsi fures in thalamo tuo dormi-
ent, & te sopito assurgent, resque tuas sub
te quoque iacentes eripient.

Assunt Meretrices, Ancillæ, Lenones,
Ioculatores, Lussores, Parasiti, qui iurgia
continuo proludunt: tantusque clamor
exoritur, vt nedum dormire, sed nec qui
prope te est loquentem socium intellige-
re

requas. Adde loquacitatem eorum, qui nocte, quam longa est, nunquam quiescunt.

Absentem cantat amicam, vt Flaceus ait,

Malta prolutus vappa Nauta atq; viator.

Horatius

lib. 1. Ser.

Sat. 5.

Nulla dormienti quies datur. Quod si vnquã rumores, & alia mala, somnus vinceret, ac oculos claudere cœperis; è vestigio reuocaberis, & aliquo casu surgere compelleris. Credo te ista millies experitum, ideoque sum breuior.

Sed alia accipe, quæ inter HOSPITANDUM sunt tedia. Marefchallus orandus est, ac præcio cõducendus; rogandique serui eius, & alliciendi muneribus, vt hospitium tibi tolerabile præbeant. Quod si promiserint, non tamen implebunt: teq; vel in remotissimis locis, vel in fœtidissimis Ganeis collocabunt. Interdum & honestum locum, quem dedit, vt deseras, & alteri cedas, minis & vi coget.

Molestia

hospiti-

rum.

Sed esset tolerabile fortasse, Marefchallo caput inflectere, cuius est officium non inhonestum; at sordidos homines sequi, atque his supplicare, & offerre pecuniam, grauissimum est. Nec tamen hoc potes efugere. Nam & Coquis, & Pistoribus, & Frumentarijs, & bladi viniq; distributo-

AENEÆ SYLVII

ribus, humiliare te conuenit, & ipsorum beneuolentiam emere.

Quid Ostiarium referam? Heu quoties ille vlnas in pectus detrudet tuum? quoties te pugno, vel calce repellet? quoties, vbi te viderit venientem, portam, quæ patebat, statim concludet? Quoties te excluso, quamuis aurum dederis, vel Mimum, vel Scurram, vel Æmulum tuum intromittet? Quoties tibi vel dormire Principem, vel in consilio esse, vel ægrotare mentitur.

*Molestia
expeditionum
est
nerum.*

Quid de MOTV CASTRORVM dicam? Quis tormēta, quæ nunc incidunt, posse enumerare? Quanta equorum est cura, quanta armorum? Quot vrgent angustie? Transeunda sunt alta flumina, pontes anticipites ascendendi. Equitandum in Tenebris, in Pluuia, in Vento, in Niuibus, in Luto, in Glacie, in Fluminibus, in Spinis, in Nemoribus, in Saxis, in Præcipitijs, in abruptis collium; Inter Latrones, inter Hostes.

Nunquam certus est Principis recessus. Fama nonnunquam vagatur, in crastinum esse castra remouenda: cumq; ac-
cinctus es viæ, mutatur opinio. Quod si fortè imparatus fueris, repente fiet recessus;

sus; ibitque cum paucis, & sequi pone festinanter omnes iubebit, idque tunc potissimè, cum vel ægrotabis, vel medicinam sumseris, vel sanguinem diminueris, aut equi, aut famuli tui, minus dispositi fuerint:

Si quis & standi, vel recedendi certitudinem habere voluerit, ex cauponibus, vel meretricibus melius instruetur, quàm ex alijs. Nunquam quo sit eundum scies, nisi postquam perueneris. Creditur summa luce Rex abiturus, tuncque omnes in Equis expectant, & ad meridiem vsque, tam Muli, quàm Equi, & Currus, onerati manent, sæpeque onera, tanquam decepti, deponunt.

Cum verò iter arreptum est, in his locis potissimè māsio fit, vbi nec vina sunt, nec cibaria, nec, in quibus recipi queas, diuersoria: Vbi vero vbertim omnia suppetūt, nunquam post biduum castra manebunt. Est enim Regibus tadium, quoties multitudinem latam audiunt. Contra verò ex angustijs afflictioneque lebis, solatia suscipiunt. Ideo nonnunquam mille passus proficiscuntur: Interdum quinquaginta milia passuum obambulabunt. Gaudebuntque cum te, vel familiarem perdidisse, vel

D 4 equum,

AENEÆ SYLVII

equum, accipient: vel cum te præcipitatum in flumina, vel frigore obriguiffe, vel æstu defeciffe cognouerint: cum ipsi & contra frigus, & contra calorem armati exierint.

In Castrorum præterea processu quot pressuræ sunt? quot calces? quot trusiones? quot casus? quot irrisiones? quot blasphemix? Nunc tuus Equus alium cædit, & in te culpa refertur: nunc tuus læditur, & afficeris damno. Litigant inuicem famuli, & in bellum descendunt Domini.

Interdum seruare ordinem oportet: nusquam cedere loco licet. Festinandum est, cum alij festinant, tardandumq; cum alij tardant. Nec prope te erit, quem velis amicum, nec ad eum, vbi sit, poteris ire. Si quo casu cecideris, nemo te colliget, sed vniuerso exercitu calcaberis, & tantu, quam equus, in puluerem redigeris.

Nunc in locis Palustribus, & in luto castra ponuntur; nunc in arena, locoq; sterili; ex quo nec lignatum, nec aquatum, absq; magno discrimine progredi queas. Tunc aut Æstas erit, & caloribus exure-
ris, Cicadis obtūderis, Culicibus morde-
beris, Serpentibus intoxicaberis, fœto-
ribus

CVRIALIVM MISERIE. 29

ribus atque exhalationibus pessimis cruciaberis: Aut est Hyems, & tecto atq; vestibus nudus peribis. Quod si tu forsan euaseris, famuli tamen & equi superesse non poterunt.

Adde, cum prope sunt hostes, maiores molestias: Nunc vitandos lapides, nunc sagittas timendas, nunc fures formidandos, nunc latrones. Nunc insultus est faciendus in hostes; Nunc cauendum est, ne hostes ipsi officiant insultantes. In armis edendum est, in armis dormiendum: Semper in vallo Castrorum, in portis, excubiæ sunt habendæ. Nunquam hora quieta est, nunquam in pace manere licet, nunquam tubæ, nunquam cornua tacent, nunquam insidiæ cessant.

Quoties itur ad muros, vel cū duo concurrunt Exercitus, quanta trepidatio est? quot clamores? Nunc eriguntur machinæ, nunc feruntur tribuli, concurrunt iacula, fodiuntur missilibus scuta: coruscant enses: sub illo equus occiditur, hic fossus telo, ruinam minatur. Illi caput aufertur, huic manus amputatur, quidam calcantur inter equos, quidam in foueis iacent exangues: mille facies mortis ubique videntur. Non hic misericordia est, non be-

AENEÆ SYLVII

pignitas, non humanitas. Sed ille vir bonus, ille miles egregius, ille fortissimus creditur Imperator, qui plures sua manu necavit, quiq; cruentum gladium ex plurium virorum iugulis eduxit.

Sunt Equestres pugnæ, sunt Pedestres, sunt Nauales, sunt Murales, ybique res sunt horrendæ; & facies inferni similes: Nihil ibi lucrari absque iniuria proximi potes; Nec tua sunt, quæ bellis quærentur iniustis, vt fere sunt omnia bella, quæ inter domesticos fidei cõmittuntur. Perdere autem illic nedum res, sed vitam & animam potes. Nec tũ te vitare posse bellum confidas, in quo tuus Rex interfuerit. Nemo se mare vitaturum speret, cùm Rex nauigauerit. Aut comitandus Rex est, aut amittendus, inter tot, tantasque difficultates. Aut Iuuenis es, & sufferre insolitas res non potes; aut antiquus, & deficientibus viribus nec in ediam, nec finem, nec laborem sustinere vales.

*Morborum
mo'estia.*

Prætereo Morbos, qui, dum sic angimur, nos aggrediuntur: quibus coacti vel in via deferimur: vel inter ignotos plarumque diem claudunt, qui domi manentes, per multos annos viuere potuissent.

Sed

CYRIALIVM MISERIE. 30

Sed redeamus iam in Vrbes: simus in *Molestia*
 amplo, spacioſoq; loco: quieſcat Curia; *Aula etiam*
 deeruntne propterea cruciatus? An non *quieta.*
 fient indies noua edicta, & conſtitutiones
 nouæ? quibus vt te coaptēs, ſingulis die-
 bus de nouo incipies viuere. Siue Rex ſe-
 deat, ſiue ſtet, tibi tamen ſemper erit ſtan-
 dum, nec vllam tuis tibijs poteris dare
 quietem: ſi q; nonnunquam ſedes, teme-
 rarius indicaberis.

Quid vero in STIPENDIIS exigendis? *Stipendia*
 quanta moroſitas, quantaque diminutio *ſoluendi mo-*
 eſt? Nunquā in tempore datur, nunquā *roſitas.*
 integrum; nunc ad iſtum, nunc ad illum
 remitteris, diuerſisq; mendacijs eludē-
 ris. Multa ſunt, propter quæ Magnifico
 Caſpari Cancellario teneor; ſed in hoc
 quoq; ſuæ magnificentiæ ſum obnoxius,
 quia me non patitur ſalario meo fruſtrari,
 ſicut alios video, qui ſuum gemunt frau-
 dari ſalarium. Nunquam ſtipendia re-
 ciipiunt, niſi ~~distribuere~~ *donauerint.*
 Nec vllus eſt, qui tam clara conuentionis
 ſue capitula faciat, vt ad voluntatem Offi-
 cialium non recipiant interpretationem,
 qui ſunt omnis auri cdiſtraſores.

Sed iam de NECESSARIIS aliquid di- *Amici &*
 camus, qui & ipſi Curialium tormēta ex- *neceſſarij*
 augent, *moleſti au-*
 licis.

AENEÆ SYLVII

augent. nunc hoc, nunc illud impetrari sibi petentes: Et siue durum sit, siue absurdum, quod optant, tamē impetrare te volunt. Quidam potentes sunt, qui ex gratia Principis promouere Propinquos possent, sed tales sunt eius consanguinei, ut vel eis benefacere non audeat, vel, si audeat, infamiam populi, & indignationem supra se Dei sustineat.

Amer Principum in Amicos. Quid? quod amorem in se Principis nemo verum assequitur? Namque, ut Isocrates in eo quem de regno scripsit libro testatur, Principes neminem, nisi inconsulto quodam impetu diligunt: Quod si quem amant, nō ut amicum diligunt. Inter pares enim amicitia versatur; sed eo modo amant, quo & Canes, & Equos diligunt, fructū ut exinde suscipiant. Quid dixi? erravi. Certe multo plus equus, aut canis, quam homo, diligitur. Mortuo quippe viro, mox vir alius adest, qui locū defuncti magnis precibus sibi dimitti postulat. At Canis, vel Equi mortui vicem non supplebit alius, nisi vel emtus precio, vel gratia.

Parum adhuc dixi: cum nedum non dolenda, sed optanda mors tua Principi sit, qui diutius seruisti. Aut enim prolon-

gis

CVRIALIVM MISERIE. 31

gis obsequijs non teremuneravit, & soluitur obligatio morte tua, dulceque suo ex ore sonabit: *Ah, si mortuus non fuisset homo ille, magnis eum muneribus donassem.* Aut largitus est tibi plurima, quæ te mortuo recuperare se sperat. Vix enim hodie diues aliquis moritur cui Principes non succedant.

Sed audi iam, quot imminet tibi molestiæ propter personam Principis. Raro nedum inter Principes; sed inter Privatos quoque vir bonus reperitur. Cicero in diuinationum libris; Si quæ rarissime sunt monstra putanda sunt; inquit, magis monstrum erit vir bonus, quam partus mulæ. Astipulatur huic sententiæ luenalis, qui licet prius dixisset,

*Molestia
persona
Principis.*

Rari quippe boni, numero vix sunt totidem, quot Thebarum portæ, vel diuitis ostia Nili.

*Iuuenal.
Sat. 13.*

Postea tamen, quasi septem reperiri non possent; amplius se restrinxit, dicens:

*Egregium, sanctumq; virum si cerno, bimembri
Vt monstrum puero, & miranti sub aratro
Piscibus inuentis, & facta comparo Mula.*

Nec diuina scriptura remissior est: Si-
quidem apud Paulum Prophetæ verba relata sunt: Est autem Deus verax, omnis
homo

Rom. 3.

AENEÆ SYLVII

Psal. 14. 53.

homo mendax. Et iterum scriptum est; quia non iustus quisquam, non est intelligens, non est requirens Deum. Ac rursus: *Non est qui faciat bonum, non est vsque ad vnum.* Vides vt Oratores, ac Poëtæ cum sacra scriptura concordant. Vidésne, vt rari boni, mali vero infiniti sunt?

Si ergo Rex tuus malus fuerit, dolebis eius infamiam, eiusque vicijs cruciaberis. Si Auarus est, angeris, quia nec te præmiat, nec alios bene meritos; & quia plurima negligit, ne sumtum faciat: Si Liberalior est, times, ne profusione nimia obliniet ararium: Si Crudelis, vereris, ne in te tuosque sauiat: Si Pius, agrè fers, quia non vlciscitur iniurias: Si Audax, pericula reformidas: Si Vecors, hostibus inuides, qui sibi semper insultant: Si loquax, multiloquium esse non absque peccato cognoscēs: Si Tacitus, dicis, quia nec Amicos, nec seruitores verbis scit retinere: Si Vinolentus, accusas ebrietatem: Si Vino non vtitur, quia parum sit lætus grauaris: Si Luxuriæ Cultor est, doles, quia plurimis iniuriatur. Si Foëminas fugit, dicis, non esse virum: Si paucos ad se admittit, displicet tibi, inter illos non esse: Si

com-

communis est omnibus, irasceris, quod tam reliquis, quàm tibi sit familiaris: Si omni ex parte bonus est, quod monstrum fuerit; cum tu sis malus, doles, quia tuis vicij non alludit: Aut si tu quoque sis bonus, quemadmodum est difficile, doleris Principi bono non arridere Fortunam; semperque anxius eris suo statui: Agrotabis cum eo: quoniam non tam filio suo pater afficitur; quàm bono Principi bonus seruus: Cui etsi fortuna fauerit; nunc mutationem, nunc insidias times; nec dormies vnquam, nec vigilabis in pace:

Est insuper magna virorum recreatio *Aulici nihil meditanti, nihil legere, aut scribere possunt.*
 MENTIS SECESSVS: Cum se aliquis retrahit in solitarium locum; ac vel meditatatur; vel legit, vel scribit: totumque se Musis præbet. Et nunc Platonem, nunc Aristotelem, nunc Tullium, nunc Virgilium, nunc alios Doctores, iam dudum mortuos, sed fama viuientes & scriptis, alloquitur. Sed hac voluptate priuati sunt Curiales, qui semper in negotio sunt; in clamoribus, in tumultibus. Si tibi nonnunquam particulam Mensæ delegeris, in qua vel legas aliquid, vel scribas; mox aliquis instabit, qui te vexet:

AENEÆ SYLVII

xet. Et si alij cessauerint, non aberit Dispensator, qui prope te computum faciat, æraque moueat, nusquam tibi angulus patebit quietus, in quo possis cum Scipione dicere: Nunquam minus solus, quam cum solus. Oportet te Priscis illis sanctiq; viris carere, atque inter homines viuere, quos rectius Bestias, omni virtute carentes, appellaueris.

*Anla ad-
lescētes cor-
rumpit.*

Sunt qui dicunt, se filios suos idcirco Principibus dare, vt MORES ediscant, si-
antque virtute præstantes: Melius dice-
rent ad intelligendam maliciam; turpitu-
dinemque discendam se filios transmississe.
Sunt enim in Curijs viciosissimi Iuue-
nes, sermones inhonesti. Ille luxuriam
cōmendat, ille voracitatem: Nemo de vir-
tute se iactat, sed aut virginē violasse, aut
stuprasse nuptam, aut emulum occidisse,
aut rapinā se aliquid nactum gloriabitur:
quæ scelera sic adolescentes imitantur at-
que imbibunt, vt nunquam postea dimit-
tant. Nec te putes adolescentē pudicum,
sobrium, verecundum, & bene morigera-
tum, apud Principes intuenire: Omnes hu-
iusmodi sunt, quales magistri. Verum est
enim, quod Terentius ait: Ad peiorē plæ-
runque partem animum applicari, si quis
ad eam

CVRIALIVM MISERIAE. 33

ad eam rem Magistrum sortitus sit impro-
bum. Sic Natura iubet; velocius & citius
eos corrumpunt exempla mala, cum ani-
mum magnis autoribus subeunt.

Refero maximas Deo grates, qui mihi
iam viro sequendi Principes animum tra-
didit, cum iam a parentibus virtutes ali-
quas sic acceperam; ut amplius amittere
non possem. Quod si aliud non est, hoc sal-
tem habeo, quia nonnullas didici litteras,
quarum essem omnino ignarus, si pueri-
ciam meam Curia suscepisset.

Est enim in Curijs Principum vicio-
sum, litteras nosse, & probri loco duci-
tur disertus. Est itaque magna litterato-
rum molestia, cum se contemni per om-
nia viderint, & res maximas ab istis dirigi,
ne dicam ego negligi, qui vix inter manus
& pedes quos habent digitos norunt. Sed
est etiam illiteratis sua turbatio, cum vi-
ros in curiam doctos, ac Latine loquen-
tes venisse vident, quos ipsi nequeunt in-
telligere.

Quid præterea de CONSCIENTIA tua
dicam, quæ semper inquieta est, semper-
que te mordet, cum tu te scias, multis vi-
ciorum illecebris inquinatum. Nullum

E grauius

*Litterato-
rum in Au-
la contem-
tus.*

*Aula con-
scientiam
vulnerat.*

AENEÆ SYLVII

gravius supplicium, vt Seneca scribit, quàm
Conscientia. Hinc Iuuenalis:

*Iuuenal.
Sat. 13.*

——cur tamen hos tu

*Euasisse putas, quos diri conscia facti
Mens habet attonitos, & surdo verberet cedit,
Occultum quatiente animo tortore flagellum?
Pœna autem vehemens, ac multo seuior illis,
Quas & Caditius grauis inuenit. & Rhadamantus,
Nocte dieq, suum gestare in pectore testem.*

Sed audi obsecro Ciceronem, pro Sexto Roscio, cuius hæc, si bene memini, verba sunt: Sua quæque fraus, & suus terror maximè vexat; suum quæque scelus agitat, amentiaque afficit, malæ cogitationes conscientiaque animi terrent. Hæ sunt Impiis assidue domesticæque Furæ, quæ dies noctesque pœnas parentum, à consceleratissimis filiis repetant. Quæque te vertis, obloquutiones de Rege, de Consiliariis, de te ipso sunt, cum vel nimis subditi grauantur, vel hostes instât, dum Curia in CHOREIS est, aut in VENATIONIBVS occupata.

Nullum inter res mundanas maius munus est hominibus a Deo concessum, vt Cicero dicit, quàm AMICITIA. At hoc bono, tam suauis, tam vtili, tam necessario,

rio, privati sunt Curiales. Nanque vicio-
 fissimi ferè cùm sint omnes, non Amici-
 tia inter eos esse, sed factio quædam, &
 conspiratio potest. Inueniuntur nonnul-
 li industrij ac laboriosi Curiales; at in his
 adumbrata, nō expressa, sunt signa virtu-
 tum. Videntur quidam liberales, sed ra-
 pinam sequuntur. Si sunt casti, ambitio-
 sos inuenies eos, atque superbos. Si hu-
 miles, Ebrij sunt, & Nebulones. In nullo virt^{us} & vitia
 virtus est aliqua, quam mille vitia non
 comitentur. Arduum est, in hac homi-
 num collunie, virum amicitia dignum re-
 perire. Quod si quis inuentus fuerit bo-
 nus, vel Regi non placebit, vel Magna-
 tibus, nec eius vti beneuolentia poteris;
 quia non licet in Curijs habere commer-
 cium inter illos, qui non sunt accepti: Vi-
 debisque nonnunquam illos, quos dili-
 gis, & qui tibi sanguine sunt coniuncti, ad
 supplicium rapi. Et quamuis difficile sit
 tacere, cùm doleas; tamen nec conqueri
 poteris, neque hñscere: Sæpeque cum illo
 conuersari cogaris, qui tibi vel patrem,
 vel matrem occiderit.

Si eius conditionis fueris, vt FAMVLA-
 TVM possis tenere; inueneris Seruitores
 tuos Ebrios, Gulosos, Rixososque, Inso-

AENEÆ SYLVII

lentes, Immemores, Negligentes, Inertes,
Adulteros, Homicidas. Si rursus tu alteri
famuleris, dominum aquarum, Querulo-
sum, Inuidum, Temulentum, Loquacem
reperies:

Discurrere per omnes Curiae status; quam
 contemti CONSILIARII sint, suisque
 consilijs non acquiescere Principes. Quid
 aiunt CANCELLARII, cum eorum lit-
 teræ ad honorem Regis & utilitatem scri-
 ptæ, transire non possunt, nisi corruptæ,
 & ex bono in malum mutatæ? Quid MAGISTRI
CVRIÆ, & MARESCHALLI,
 dum obedientiam non inveniunt? Quid
MAGISTRI CAMERÆ, dum eorū com-
 puta corripuntur? Quid CAPELLANI,
 dum in celebratione diuinorum officio-
 rum suspenduntur? Quid MEDICI, dum
 negligi sana, & nociua recipi cernunt?
 Quid MILITES? Quid CVBICVLARII?
 Quid TVBICINES? dum stipendia sibi
 negantur? Quid COQVI, qui nihil pa-
 rare sine reprehensione possunt? Nullus
 est, cui non sint iniunctæ molestiæ. Atque,
 ut breuiter dicam; per multas tribulatio-
 nes intrant Iusti in gloriam DEI: Curiales
 vero cum multis cruciatibus acquirere sibi Ge-
hennam student.

Nihil

CVRIALIVM MISERIE. 35

Nihil de Clericis & Religiosis dixerim, qui cum Ioseph Pallium, cum Matthæo Telonium, cum Iohanne Sindonem, & cum Samaritana cupiditatis ydriam, iussi sunt relinquere. Taceo & illos, qui necessario & inuiti sequuntur Curiam. Nam, vt Cicero pro Sexto Roscio dicit; Quod ego inuitus & necessario facio, nec diu, nec diligenter facere possum.

CRedo iam me promissioni meæ satisfecisse; quia stultos esse, me probaturum dixi, Omnes, qui aliam vitam habentes, in qua possint se honestè traducere, Curiarum molestias sequuntur. Quod cum ita sit, relinquamus hoc PELAGVS INQVIETVM, nosque in aliam vitam redigamus. Namque si pacem cupimus, si ocium diligimus, si nobis viuere volumus, si Salutem animæ quærimus; fugienda sunt nobis atria Regum, & aulici tumultus: in quibus nec requies, nec bonarum arrium exercitatio, nec virtutis amor aliquis regnat; sed Auaricia tantum, Libido, Crudelitas, Crapula, Inuidia, & Ambitio dominatur. Quibus vicijs qui sit deditus, nullo se poterit argumento tueri, quin apud viros doctos, & malus

AENEAE SYLVII
esse convincatur, & stultus. Vale, vir, ni-
si ex Curialibus vnus esses, meo iudicio
prudens. Ex Pruck, Pridie Calend.

Febr. Anno Salutis,

1445.

63

NOBILI



NOBILI ET
STRENO BERN-
HARDO HUTTENNO, IN
Franckenbergk: Eq. Fr.
S. D.



*VM iam dudum agnati tui Vlrici
Hutteni Aula Dialogus desidera-
retur, me nobiles quidam & docti
viri amanter cohortati sunt, vt Aenea Syl-
uij libello de Curialium miserijs adiunge-
rem illam, & cum studiosis diuulgando com-
municarem.*

*Quamobrem cum hoc nomine superiori-
bus temporibus nobilem & summa spei fra-
trem tuum, Georgium Ludouicum Hutte-
num compellarem, & certis de causis vestro
sine consensu me nihil huius facturum osten-
derem, propositum ille meum non modo pro-
bauit, sed vt pergerem, atque editionem
maturarem fuit hortator. Vobis enim agna-
ti vestri memoriam cum primis esse gra-
tam, & pertinere ad familia nominisq. ve-*

P R A E F A T I O.

ſtri bonam exiſtimationem, virtutem illius, meritaqꝫ in patriam, immortali poſteritatis celebrari memoria.

Cùm igitur aliquid hic praſari viſum eſſet, ad te, ſapientia & humanitate præſtantiſſimam, ſcribere occaſione hac, & nominis Hutteniani ſtudioſum animum meum declarare volui. Neque enim dubito, libenter hæc te pellecturum eſſe, tum quia agnati tui nomine ſamaqꝫ delectaris, uti par eſt, tum quia litteras humaniores amas, & magnificis. Argumentum etiam hoc tibi, crebro vita humana viciffitudines memoria repetenti, acceptum fore putaui.

Etenim cùm in mundo ſemper eadem agatur Fabula, perſonis tantum mutatis, quid incundius utiliùſve eſſe rear, quam aliorum periculo impunè ſapere, continuâqꝫ in rerum humanarum varietate caſus alienos ſine dolore intueri. At verò cum illorum præcipuè vita, qui Reip. præſunt, variabilis fortunæ telis propoſita ſit, quantam ſæpe habent ancipites horum mutationes expectationem, ſpem, timorem? Quoties inanis
Auli-

Aulicorum cōtentiones in medio quasi cursu corruiere, & ex laticia ad luctum subito, non sine varia animorum affectione, relabi videmus?

Qua cūm Agnatus tuus eleganter hoc in Dialogo persequatur, tibi, ceterisq; viris eruditis gratam eius fore lectionem non dubito. Neque inesse hic video, quod malam in partem accipere merito quis possit, cūm & nullius hic nominatim vitia morsue reprehendantur, & iamdudum, qui illis temporibus, cūm hac scriberentur, magistratum gerebant, vita sint defuncti.

Eam autē esse vitæ Aulicæ conditionem, quam libellus hic nobis ante oculos proponit, nescio an quisquam sanus inficiari possit. Nam eūm is hominum sit captus, ut imperio prosperisq; rebus plerunq; immutentur, fastigiog; ferē & superbia efferantur; sit saepe, ut illi etiam, qui commodis antea fuerunt moribus, corrumpantur, & aut ambitione atq; honorum certamine ad res iniustas impellantur, aut corruptela prauæ consuetudinis in peccandi illecebras, tanquam

PRÆFATIO.

in opertos scopulos ablati, vitæ ac fortunarum suarum faciant naufragia.

At quoties nulla neq. sapientia neq. prudentia instructos Phaetontes Aulæ sese obtrudere, atque ad Rempub. gerendam nudos plane accedere videmus. His vero potestate elatis, quid intolerabilius esse possit?

De nationis ac ætatis nostræ Aulis exempla (quæ & odiosa fortasse forent) sumere nō est opus, cum exemplorum satis veterum sit in promptu. Etenim in Aulis priscis ac remotioribus (in quas tuta, opinor, est reprehensio) quotum quenque legentes historias reperimus, qui Reip. magis, quàm suis voluptatibus inservierit?

Ecce enim, cùm spacia præteritorum temporū longius respicimus, & vel Assyriorum, vel Aegyptiorum, vel Persarum denique Reges, Græcorūve aut cæterorum populorum in terrarum orbe Principes, horumq. Satellites, ordine percensem, moresq. & vitas singulorum nobiscum in animo consideramus; quanta nobis perditissimorum ibi hominum, imo non hominū, sed beluarum
turba

turba ante oculos versatur? quoties immanes cernimus parricidas, adulteros, ac tetra voluptatum mancipia rem gerere; bonis Principibus, & Consiliarijs, a gubernaculis deiectis?

De populo Dei quid dicam, cum (sacrarum litterarū testimonio) in Iuda & Israël vix decem bonos, sed paulo plures quàm triginta malos Reges fuisse constet? Imo Ecclesiasticus, prater Dauidem, Ezechiã, & Iosiam, omnes peccasse, Legem altissimi reliquisse, timorem Dei contempsisse ait.

At bonorum etiam illorū bonitas qualis fuerit, vel vnius Davidis vita nos doceat. Ille enim in Aulam è caula vocatus, & honore atque imperio amplificatus, tenere moderationem haud potuit, sed tandem voluptatum illecebris interceptus, atque in adulterij turpitudinem dilapsus, dirumq; homicidij facinus aggressus, tum Ecclesiam Dei, tum populos externos vehementer offendit, ac pœnas atroces cum sibi, tum totè regno accersivit.

Hinc filios & ministros eiusdem respicientes,

PRÆFATIO.

tes, quam Aulicorum imaginem propositam nobis cernimus? Cum sorore sua Thamar stuprum facit Ammon. Ingenuas Aula matronas, & tantum non matres suas, nefaria libidine contaminat Absalon; horrendamque contra parentem mouendo seditionem, ac multis tandem ciuium millibus extinctis, vitam ipse suspendio finiens confoditur. Periurus Achithophel, Aulicorum haud postremus, ubi cruenta in Regem suum consilia non ex animi sententia succedere videt, violentas ipse sibi manus infert perfidus, suspendioq; perit.

Quapropter si Aula Davidis etiam animum, ineunte ab ætate labore exercitum, patientiaq; & animi & corporis probe subactum, vsque adeo labefactauit, & delicijs suis tam sanctum interceptit, neque ille, tanta sapientia præditus, fraudes Aulicorum vitando cauere potuit; quanto pere alyis vigilandum fuerit, vt eas virtutes sibi comparent, quibus vitam suam inter Curialium irritamenta tueri possint?

Vnus ferme Iosephus, Iacobi filius, mirabiliter

biliter in Aulam Regis Aegyptij detrusus, vera fide & virtute praeclitus, moderatione in rebus aduersis & secundis tenere potuit. Proinde post tetros carceris squalores fortiter extantillatos, emerfit tandem, ac non modo Pharaonis sui opes auxit, totiꝝ regno fuit praesidio & dignitati; sed & Ecclesiam Dei, propinquos suos, diuturnae annonae penuria pressos, summa pietate seruauit; ac, teste Ecclesiastico; in Principem Rectoremq; fratrum, firmamentum gentis, stabilimentum populi euasit. Et huc sanè referre liceat Moysen, Abdiam, Danielelem, Mardocheum; qui varia Maris Aulici fortuna prudenter superata, praestantiam virtutis, ingenij, dignitatis, in Aula consecuti sunt, ac multum Ecclesiae Dei, Reiq; publ. profuerunt.

At Esaiam aetate prouectum non venerandi canis, non spectata pietas, non diuina vaticinationum auctoritas, à crudeli Manassae tyrannide defendere potuere. Ieremias verò ab Aprye, seu Ophrea, Rège Aegyptio, interfectus est. Eadem prope fortuna usus Michaeas, dum Regem Achab monet;
ne bel-

PRÆFATIO.

ne bellum temerè moueat, Gnathonum Aulicorum impulsu in carcerem missus, pane tribulationis, & aqua angustia, maceratur. Iohannes Baptista in Aula Herodis recta dicendo faciendog^s saltantis meretricula artificio, capite multatus est.

At Petrus, miles ille extra periculum fortis, in ipso mox Aula vestibulo, non Regum quidem minis, sed leui ancillula compellatione perterritus, abnegat, imo abiurat presentem adhuc Christum generis humani Seruatorem.

Porro cùm Imperij Romani Cæsares intuemur, innumerabilia tum miseriarum, tum scelerum undique comparent vestigia. Etsi enim nonnulli Romanorum Imperatorum Iusticia, prudentia, moderatione, pietate, clementia, mansuetudine, præstiterunt, (quales fuère Iulius Cæsar, Octavius Augustus, Nerva, Traianus, Adrianus, Antoninus Pius, M. Antoninus Philosophus, Constantinus Magnus, Theodosius: Item Magnus ille Imperij Romani instaurator Carolus: Et quos antiqua Regum patria
Brun-

Brunsvigia dedit Henrici, Othones, Lotharius, ac nonnulli alij.) tamen & illi ipsi fuerunt in miseria, cum quod mali esse nollent, in occultas sæpe Aulicorum inciderint insidias. Ita nimirum Iulius Cæsar, tot populorum domitor, primusq; Imperij Romani cōditor, viginti tribus vulneribus in Curia confossus interijt. Quam Aule acerbitaltem complures deinceps Imperatores experti sunt.

Deijs autem, qui nulla virtute, nulla humanitate præditi ad Imperij gubernacula sederunt, verba nunc facere nimis foret prolixum. Qualia enim fuere portenta Tiberius, Caius Caligula, Claudius, Domitius Nero, Et exiguo interuallo hisce proximi Antoninus Bassianus Caracalla, Varius Heliogabalus, Iulianus Apostata, Phocas: & monstrum istud deniq; Bohemorum VVen-ceslaus, quem, forma Therfiten, ingenio Neronem, inter cœnandū etiam confixisse multos, ac per lusum sæpe iugulasse ministros suos Chronica narrant.

Cū igitur ea reuera sit Aulica vita con-
ditio

PRÆFATIO.

ditio, quam agnatus tuus Vlricus Huttenus sapienter hic & eleganter descripsit, & calumniator sit necesse est, qui hunc librum reprehendat, & per quam stultus, qui copellēto, ad Aulam sese tamen confērat, antequam probe sese ipse noscat, compertum ve habeat, an eo sit animo, ut quicquid eueniat, moderatē ferre sciat.

Equidē hoc loco reticere nequeo, moderationē amici olim tui VALENTINI FOX, à Dornheim, in VVissētheith. Eq. Fr. qui cum propter rerum vsum prudentiam, virtutem, tribus Imperatoribus, Carolo V. Ferdinando, & Maximiliano I I. (ut ex aliquot clementissime scriptis ad eum Epistolis constat.) carus, & nōnullus Germaniæ Principibus admirationi esset, atque ideo splendida illi sæpe conditiones in Aulis offerrentur, tamen, cum Iuuenis Curialium miserrias degustasset, ut atate prouēctus Aula sese totum redderet, adduci nō potuit. De quo forte cum anno superiori, cum prudēte longos³ usu edocto Aulico Valentino Truchsess ab Hennenbergk, sermonem conferrem, multa

*multa facūde ille de Curialium miserijs dis-
serebat, subinde Seneca illa; Iniurias acci-
pere; gratias læpe agere; inculcans, copio-
seꝯ illud suum demonstrans,*

*Si Curiam curas, pariet tibi Curia curas.
Quam cantilenam canere sæpe memini &
Aula Herbipolensis Prætorem Fridericum
Adelbertum ab Hessenburgk & parem huic
generis nobilitate ac virtute Iohannem à
Creilsheim, &c.*

*Sed hac, ut alieniora verbosius hoc loco
persequi necesse non est. Reprehendant sane
doctissimorum illa virorū opuscula qui vo-
lent; nobis sufficiat placere paucis; & bono-
rum obsequi studijs ac voluntati. Neq; fore
spero, ut bonis ea nunc placitura non sint,
quæ tenebris antea situque oppressa, eruditi
nobilesq; viri toties requirebant. Ut enim a-
lios nunc omittam, Nobilis & strenuus An-
dreas Voit à Rineck, in Vrsprungen, Eq. Fr.
in quadam ad me rescripta Epistola, Au-
tam, inquit, Hutteni, ut mihi eius cogn-
scēda copia data est, magna animi volupta-
te perlegi. Etenim & argumenti nouitate,*

F & facun-

PRÆFATIO.

*& facundia sermonis, & operis artificiosa
 inuoluta, perquam festiuus mihi visus est
 ille dialogus, quiq; egregiam ingenij Hutte-
 niani vim, & differendi facultatem excel-
 lentem haud obscure redoleat: dignumq; ar-
 bitror, qui inter eruditos lusus cum primis
 haberi, & ab interitu vindicari debeat. Cu-
 perem enim permultos de Francica nobili-
 tate huius viri vestigijs insistere, virtute,
 eruditione, & industria immortale nomen
 ac decus parare.*

*Tu vero, nobilissime vir, dextre hæc om-
 nia accipies, & pietatis humanitatisq; stu-
 dia, more gētis tuæ, strenue defendes, & me,
 quoniam litteras amas, diliges. Vale. Data
 Basilea Rauracorum, Anno M. D. LXXV.*

Henricus Petreus
 Herdesianus.

NOBI-

NOBILITATE GENERIS, ET VIR- TVTE IMPRIMIS CLARO,

Georgio Ludouico Hutteno,

Equiti Franc.

S. P. D.

Henricus Petreus Herdesianus.

Forte ego vt Ausonia vidi te nuper in vrbe,
 Adria quam tumidis pulsat apertus aquis,
 Conuictusq; Hutteno, aliquo tibi iunctus ab vsu,
 Perſpexi dotes, munerarara, tuas;
 Ex illo nomenq; tuum, linguaq; diserta
 Verba, mihi toto corde recepta, colo.
 Ante per Italidas Ioachimi ſparſerat vrbes
 Muſa, tuas laudes ingenijq; decus.
 Nemo erat & patrijs fama celebratior oris;
 Nominis ampla tui Francia plena fuit.
 Illa ſed ingenij praconia debita ſummi,
 Re tamen & ſtudijs ipſe minora facis.
 Ergo tua generoſa domus vt ſtemmata laudo,
 Sic animi dotes nobilioris amo.
 Nilcum Pieridum mihi contemtoſe ſuperbo,
 Cui rude, & ingenij pectus inane riget:
 Qui temere ſurſumq; trahit, miſcetq; deorſum
 Omnia, res bello ſi qua gerenda venit:

F 2

Qui,

Qui, quoties ratione opus, aut interprete lingua,
Remq; decet verbis consilioq; geri,
Non asino plus mentis habet, licet omnia verbis
Compleat, & tumido fortius ore rudat.
Sæpe quidem solis armis, ferroq; tremendo
Teutones egregium promeruere decus.
Cunctaq; principio subigebant, siue gerenda
Bella forent Terris aspera, siue Mari.
Sub niue durabant alacres, rapidog; sub astu,
Nec graue ferre gelu, nec graue ferre notos.
Itala cedebant collatis agmina signis,
Arma fera soliti sumere aperta manu.
Sed tamen alma fides aberat, nec certa colebant
Numina, constaret cum tamen esse Deum.
Saxones armiferum Martem coluere, Iouemq;
Et Venus, & magno Luna in honore fuit.
Atq; alios alij plures timuere Tonantes,
Crodog; mentito numine magnus erat.
Omnia Mars potuit, ferrumq; potentius equo;
Victaq; pugnaci Iura fuere manu.
Ast vbi Germanis cessit victoribus artes
Roma, triumphato cessit & Imperio.
Barbara tunc animi feritas mollita per artes,
Siuit honoratis legibus esse locum.
Cæpit & insanis Ius esse potentius armis,
Et placuit pure sacra fidemq; coli.
Magna Deo natoq; Dei reuerentia Christo,
Magnus honor Musis ingenioq; fuit.

Et me

Et memor Imperij nervos consistere in illis,
 Grandia mox statuit gens pia templa Deo;
 Doctrinaq; rudes animos compescere frenis,
 Tempus & in studijs ponere cura fuit.
 Testis es, ingenio bellis & magne togag;
 Carole, Teutonici conditor Imperij.
 Crescere vidisses vrbes, maioraq; condi
 Mœnia, præruptis surgere castra iugis.
 Magnaq; tunc studijs, maior Germania bello,
 Maxima celesti religione fuit.
 Horrui Almanos occasus, & horrui ortus,
 Ac timuit nostras vltimus orbis opes.
 Felices, si Pieridas legesq; tueri,
 Et proferre datas cura fuisset opes.
 Sed cum nulla tibi victrix Germania belli,
 Iusta triumphandi nec tibi caussa fuit.
 Pax erat, ausa fuit tandem vinosior atas
 Maiorum partis sanguine rebus ali.
 Commoda luxuria sic instrumenta relictas
 In pia posteritas esse putabat opes.
 Et cecinit tuba tum pompis, non terruit hostes,
 Et præ Marte tibi gloria Bachæ fuit.
 Ac Monachi genus & studijs & inutile bello,
 Nec sacra Pieridum, nec coluere Dei.
 Sacrificum vero impatiens Martisq; Deiq;
 Cætera curauit turba Lyceæ nihil.
 Ad doctos gens pigra libros, ad pocula velox,
 Nec leue tunc Musis Imperioq; malum.

Blanda Venus pro Marte fero, pro Pallade Bâchus,
Pro calamo in precio tortilis ansa fuit.
Hinc pietas & prisca fides abiêre, nec arma,
Nec libuit purè tradita sacra coli.
Nec sacra, nec rerum caussas nouêre, nec vllua
Seu purè potuit viuere, siue loqui.
Infelix igitur cum nos ignauia luxu
Perderet, ac patrias attenuaret opes,
Nec iam sana pati nostras vicinia leges.
Nec solito vellet subdere colla iugo:
Iamq; Itali nos vrgerent, Sclauiq; Getaq;
Vestaretq; rudes impiger Hunnus agros,
Iamq; tot in patria victor calcaret acervos,
Totq; daret flammis oppida, membra neci:
Martia tunc iterum nos signa coëgit egestas,
Armaq; degeneres puluerulenta sequi.
Tunc iterum latices Aganippidos Hippocrenes,
Et iuga Parnasi visere dulce fuit.
Et sanata feris iterum Germania bellis,
Se, toties armis pressa, leuauit humo.
Martis & vt fieret studiosa nouemq; sororum,
Hostibus in medijs saepe coacta fuit.
Prima truci docuit miscere tonitrua bello,
Horrendisq; viros sternere fulminibus.
Scribere prima typis, librosq; parare premendo
Repperit, ingenue calliditatis opus.
Non hoc vtilius quicquam dedit vlla priorum
Aetas, vtilius postmodo nulla dabit.

Hinc

Hinc bona Romana redijt facundia lingua,
 Germanisq; vigor pristinus ingenij.
 Eloquioq; graui par & prudentia, parq;
 Militia viri iuncta fidesq; fuit.
 Utq; manu docta peraguntur bella Minerue,
 Aonioq; simul praesidet ipsa choro,
 Sic quoq; bellatrix Germania ritè vacabat
 Artibus, & culto pectore militia.
 Testis ades clarum Phœbo Martiq; tuisq;
 Maxime Germanis Aemiliane decus.
 Nam melior te Rege scholis doctrina doceri,
 Coepaq; Religio purius alma coli.
 Teq; nouis constat generose, tuosq; Nepotes,
 Victorem terris imposuisse pedem.
 Gens Hebraea suos igitur, Graeciq; libellos,
 Atq; suos nobis Roma diserta dedit.
 Ac nitor eloquij tenebrarum dispulit atra
 Nubila, barbaris concipiente fugam.
 Ardua nobilium Luthere volumina vatuum
 Pandis, & arcanis condita sacra libris.
 Sed Græcas Ioachime doces, artesq;, Latinas,
 Et tu Musarum dulce Philippe decus.
 Doctrinaq; pari studio melioris Erasme
 Artibus ingenuis tempora multa dabas.
 At decus Huttenus doctarum grande sororum,
 Arte fuit nullis, eloquiove minor.
 Nobilis ut fuerit, generisq; propagine clarus,
 Nobilior studijs ingenioq; fuit.

Ciuibus ille suis, Patriæ florentis amore,
 Auxilium calamis sæpe manuq; tulit.
 Ille erat Oratorq; tonans, idemq; Poëta
 Cui daret Aoniæ Calliopea chelyn.
 Carmine Medoacum tenuit, Tybrinq; Padumq;
 Et Rheni tumidas nobilioris aquas.
 Nec pius in somnos, fœda nec in ocia vita,
 Certa sed in patriæ commoda natus erat.
 Oderat ignauos tantum qui nomine, non re,
 Sunt homines, titulis turba superba suis.
 Nec solum virtute sua sua secula iuuit;
 Cura pio maior posteritatis erat.
 Hinc tot virtutis vera monimenta reliquit,
 De sanctaq; pios religionis libros.
 Hinc toties viris indicit amabile bellum,
 Nosq; salutifera de pietate docet.
 Hinc docet incautos ambages Aulicæ Aule,
 Hinc & luctificum differit esse Mare.
 Perge igitur Luduice, tuæ spes optima gentis,
 Et decus Hattena presidiumq; domus,
 In quo magnanimi facundia docta reuixit
 Vlrici, ac patriæ pene ruentis amor,
 Perge age, & acer opem rebus communibus asser,
 Et bona more tuæ publicæ gentis ama.
 Sic æterna tuis referetur gratia factis,
 Nominis & laus est magna futura tui.

AVLA

VLRICHI HVT- TENI, EQVITIS GERMANI,

Ad

*Henrichum Stromerum Auer-
bachum, Medicum.*



Æ tu rem mihi periculofam fua-
fifti Stromer, de vita Aulica vt
fcriberem, hoc potiffimum tem-
pore, quo tot agētibus hic Prin-
cipibus, tanta eft Aulicorum frequentia.
quafi vllo modo tutum fit, has fpinas con-
trectare, aut confultum eos irritare, qui-
bus etiam fi blandus fis, non admodum
placeas. Et dic mihi amiciffime homi-
num, quid te iuuat, in hoc difcrimen ab-
ducere amicum? nec in mentem venit cui
me furori obijcias, contra quam rabiem
excites, præfertim aulicum & ipfum nu-
per factum? vt in aula iubeas me Aulam
offendere, & quod dici folet, ἐν φρεσίν σου
μάχεσθαι.

*In patto cō-
canōm pu-
gnare erat.
Pro. Chila.
Cent. 10.*

F 5

Quid

HVLRICI HVTTENI

Quid restat aliud igitur, nisi vt me ob istas nugas, non in nostra quidem Aula, in qua tuta, ac tranquilla sunt omnia; Verum vbiubi negocium incesserit, vt apud hos rerum Dominos agendum sit; ex stipulatoribus vnus cubito protrudat, aut inflicta calce, præcipitem eijciat; deinde fiducia plenus, facti rationem reddat, ac causam tucatur; quam mihi impugnare non vsquequaq; opportunū sit; demum ad Palinodiam quoque adigat, quam nisi mox promiscro, dentes amiscro?

Nisi tu contra Aulicam vesaniam habes medicamentum, aut iam paraasti helleborum, quo furentes illos inebries. Quod si est, quæso in tempore consilium cape, vt venienti malo occurras.

Sed vereor, ne in medicina non tantus sis, vt hominum affectibus mederi scias. Et iam mihi caput, mihi os, mihi malę trepidant; Ac aliquem videre videor, ex Gigantibus Regijs, pugnum sex librarum stringere, quem iam iam in buccam mihi impingat. Quod vbi fiet, tum vereor, ne tu in sinum interim rideas, & pro ludo ducas, mihi alapas infligi, os obuerberari, dentes excuti. Et fortasse mortis causa si mihi fueris, non magnifacies; quod Clericus

ricus non sim; vt illo te sagittent Canone *Clericum*
 Ecclesiastici Patres: SI QVIS SVA- *nō esse per-*
 DENTE DIABOLO, &c. *censendum,*

Verum heus tu, hominem esse memi- *reperitur*
 neris; idque satis existima, quod tibi ira- *causa. 17.*
 tum Deum reddat; quandoquidem sic ille *quest. 4. C.*
 dicit: Quod feceritis vni ex minimis meis, *si quis.*
 mihi feceritis. Via Deum igitur prodere;
 cum hoc facias, si me aulicis simijs discer-
 pendum tradis?

Quæso rem intuere, ac considera, quam
 non deceat, sero sapientem te illud, non
 putabam futurum hoc, prætexere. Credis
 enim, non vehementer quosdam succen-
 fere mihi, ob hoc nugamentum? aut eam
 esse in Aula moderationem, vt qui sic com-
 moti sint, contineant sese?

Præterea memento aliquos esse, quibus
 iam ante auersa fuit à studijs mens: hi exi-
 lient, ac arma, & equos poscent, his ferme
 verbis: Hoc ille feret impune Scriba? No-
 sti enim, quantum litteratis detractū pu-
 tent, quando Scribas vocant, nobis con-
 tumeliam minime agnoscentibus. Qui vt
 stultus sit metus, vulgatum hoc tamen est:
 Occasione tantummodo opus improbi-
 tati.

Sed iocatum satis est. Per miras, Stro-
 mer,

HVLRICI HVTTENI

mer, difficultates, vt tibi obsequeretur, cum-
 dum fuit: Primum Canicularibus, infesto
 studijs tēpore, ingenium cum exerceam:
 Deinde in hoc Germanæ nobilitatis con-
 uentu; in quo ita turbis referta sunt om-
 nia, vt nemo satis meminisse, quid suum
 sit, queat: In quo nulla quies, nullum si-
 lentium, nulla tranquillitas, ingentes to-
 ta vrbe motus, vociferationes, tumultus,
 equitationes, strepitus, clangores, equo-
 rum hinnitus, plaustrorū stridores, bom-
 bardarum tonitrua, tubæ, concentus, sal-
 tationes, ac plausus. Quæ me cum cir-
 cumstent, & paucis diebus absolui nego-
 cium postulent, ac nihil interim cessare
 obeundis in Aula officijs liceat, aliquid
 arbitraris in hoc Dialogo futurum, quod
 his placeat, quibus vt placeamus, studere
 debemus?

Ede tamen, inquis, vt te hic esse homi-
 nes cognoscant. Erras, bone Stromer. Ne-
 que enim tanti est, in hominum oculis ac
 auribus versari me, vt ob id inconsidera-
 tius aliquid, & cui non prius limam ad-
 mouerim, in lucem edam.

Placuit, ais, Peutingero, viro vt grauif-
 simo, ita egregie docto, & naris emunctæ;
 Et Iacobo Spiegel, Regio Secretario, raræ
 homini

homini doctrinæ, & iudicij singularis; ac Stabio placuit, festiui admodum ingenij, & minime fucatæ eruditionis viro. Vt dicam quod sentio, commouisti me his Autoribus. Quanquam verendum, ne per amicitie studium, ex fauore potius laudent hi, quam ex iudicio probent.

Verum tamen peruicisti tu; atq; ecce tibi aulam in aula; sed in ea aula, in qua ista facere licet, & quæ, nisi talis esset, nos non caperet. Sic enim iudico, Stromer, simpliciōres esse nos, quàm Aulicorum consuetudini aptum sit. Itaq; gratulandum interim nobis inuicem, quos ibi exercet Fortuna, vbi non magnopere nostri nos status piget; sub illo scilicet, omnium, quos hæc natio habet Principes, benignissimo, humanissimoq; Alberto Cardinali & Archiepiscopo, qui cum maximo virtutum omnium teneatur studio, & singularis probitati amicus sit, imprimis tamen bonarum litterarum studia, eorumq; assertores, reuerenter suspicit, ac liberaliter fouet.

Quis enim nunc rectè per Germaniam eruditus est, quē ille non nôrit? Aut à quo tali vnquam salutatus est quem non largo munificentiæ suæ imbre consperserit? Atq;

vt so-

HVLRICI HVTTENI

vt sollicitus nuper fuit, ne quid se indignū
pateretur bonus Capnion? Vt cupidelita-
teris ad se vocauit ERASMVVM? Cuius et-
iam nomini solet honorificam semper
præfationem adiungere: & à nobis crebro
percontatur, ex docte doctis, quid quis-
que faciat, quid patiatur.

Quæ cum ita sint, & omnino liberior
sit nobis Aula, quam in qua libere aliquid
iocari periculum sit, Ecce tibi Dialogum,
quem iubeo SPECVLI vice propositum
esse Aulicis illis, in quo se intueantur.
Quanquam Inuidiam deprecor, lusum est
enim, ioco scriptum est, ne quis temere in-
nugis moueatur. Tum veniam meretur
Misaulus, tædio aulicæ consuetudinis im-
patientius forte, quam pro tempore in-
uectus: Id quod pro me illis inculca, &
iam colloquentem cum Misaulo Castum
audi.

CASTVS.

QVam non est hoc falsum, Misaulè,
quod aiunt, Vestis virum facit. Nam
tu mihi sic vestitus, sic cultus, valde pla-
ces.

MISAVLVS.

At mihi contra non placeo, ac ad illos
olim pannos respicio.

Cast.

Cast. Quid ais? ab his mundicijs, ad illas sordes?

Mis. A seruitute ad libertatem, Caste: quem quidem pannis obsitum esse vilissimis oportuit, vt liber essem.

Cast. Non es tu liber igitur?

Mis. Quia enim seruo. atque vt intelligas rem platte, vt est, hoc sericum vltro accersitam molliciem, & vitam viris indignam, arguit. Hæc, qua collū obuinctum gero, aurea cathena, miræ indicium est captiuitatis. Tum vbi me Consultorem salutari animaduertis, seruitutis Symbolum accipe.

Cast. Quo me ducis? quæ absurda refers? Serui sunt, Captiui sunt, qui in Principum Aulis versantur?

Aulici Serui, Captiui, Exules.

Mis. Et miserum in modum. Deinde Exules quoque. Nam quod vides, molliter vestiri nos, quid aliud sibi vult, quam à veris vitæ officijs longe exulare? Atq; ita me diuinent, vt meam conditionē quoties repeto, neq; liber esse mihi, neq; vir, sed ex pessimo captiuorum genere videor. Atq; vtinam maluissimæ cum Diogene olera lauare, quam Regias cum Aristippo epulas sectari.

Cast. Valde præter opinionem ista narras.

HVLRICI HVTTENI

ras. Proinde si tibi videtur, rem clarius exponere, ut edoceas eam vitam, in qua te ego fortunatum existimabam, tantopere calamitosam esse.

Mis. Facile est hoc intelligere Caste. Vides enim, ut breue vix tempus colloqui nunc tecum liceat, amico vetere, & aliquotiam post annos tandem reuiso: Sic illa cogit, temere abste felix putata, conditio. Nam ad septimam statim horam, standum ad Principis conclaue: quem sic operiri, ceremonia est.

Cast. Et quamdiu standum?

Mis. Aliquot sæpe horas.

Cast. Quem in vsum?

Mis. Officij causa, dum aliquid ille iubeat, aut ne quo incomitator exeat. Adeo mea omnia extra me sunt: Ipse ab alterius iussu ac Imperio totus pendeo.

Cast. Quid? illud pulcrum non est, sic vestiri? Summo cum homine consuetudinem habere? His immunitatibus frui? hæc contrectare? huc ingredi?

Mis. Quid? Illud deforme non est, ad subitum tintinabuli pulsum, quasi fulmine territum, sic exilire? Abiectis omnibus ad summi illius fores consistere? ibique non tantum quid ille iubeat, sed & quid
aut

nutu significet, aut digito crepet, religio-
se, & ad anxietatem vsq; obseruare? Nul-
lum habere sibi tempus, nullum locum
proprium? omnia precario? aliena viuere
quadra? ad omnem Principis occursum
pallere? erubescere? fugitare? Nonnun-
quam timere, ac obstupescere? tum multa
simulare ac dissimulare? Toties genua in-
flectere? tantisper nudo esse vertice? om-
nia seruiliter, omnia suppliciter agere?
Nunquam tui iuris esse? Magnis diu labo-
ribus, multis vigilijs, fauorē hominis ca-
ptare? obseruare, ne quid dicas, quod ille
probaturus non sit, nedum nequid facias?
perpetua cum paribus inuidia conflictari?
laudem pariter ac vituperationem in-
digno loco ponere? Nihil dicere quod
sentias, sed quod conueniat? Plurima de-
bere, plurima accepta referre? assentari?
adulari? ipsum te negligere? omnia alte-
rius curę mancipata habere? indigna mul-
ta facere, multa pati? saepe contra naturam
conformare te alijs?

Cast. Mare malorum commemoras.

Mis. Recte ais MARE: Et si libet, adde MARE
Tyrium Mare, quod impetu rapit, vi deti-
net, fluctu iactat, infidum, surdum, & in-
stabile, repente turbatum, subito concita-
tum.

HVLRICI HVTTE NT

tum, inconstans, inquietum, nunquam non procellis obnoxium, ventis exposi- tum, tempestate furens, motu æstuans, plenum periculis, plenum exitio, impel- lens, ac inundans: Omni monstrorum ge- nere, omnibus refertum portentis. Ad quod pernaugandum, cum me dulces quædam Syrenes illexissent, paulo post sentire cœpi, cuiusmodi malis fortuna in- uoluisset, quantam mihi ad misérias meus error fenestram aperuisset. Ac lugens cum Homérico sapiente dico, *ὅτι μὲν δαί- μων τέρεται δεισέμεν αὐτῷ καὶ ἀποφεύγειν*

Cast. Mirum, si tam fugienda res est Au- la; cùm te Philosophum reddiderit; ita vt gratiam habere debeas huic vitæ, quæ te sic excoluit.

Mis. Nescis quanti hoc constiterit phi- losophari.

Cast. Quasi verò quisquam citra labo- rem Philosophiam didicerit, aut dura non sint, quæ ego facio; Vigilare, Esurire, Siti- re, Algere, Æstuarè, peregrinari, terra ac mari studiorum gratia multa pati, fraudare se voluptatibus, accersere dura omnia & iniucunda, pulices pati, à Cimicibus commorderi.

Mis. Sunt ista quidem, vt narras, acer-
ba;

bā; sed quæ tu, quatenus vis, minime quæ
coactus, fers. Tum eadem omnia affert
Aula, & quædam præterea multo his du-
riora, nisi tu modica ista tanti facis, vt in
pulicis morfu τὸν ἀλεξίγκον Herculem in-
uoces.

Cast. Omnes igitur ab Aula trahis, &
desertas Principum domus reddis? vel
Miseros omnes putas, qui illis conui-
uunt?

Mis. Nihil istorum Caste. Verum sani-
tatem illis precor Mundi Dominis, vt sit
instituendæ Aulæ consilium. Deinde sic
aio, valde Prudentem esse oportere, ma-
gis etiam quam illum Homericum Vlyf-
sem, qui caute hanc consuetudinem tra-
het.

Cast. Vt intelligo, aut planè desipiunt
Reges, ac Principes, aut nulli boni sunt
Aulici.

Mis. Neque hoc neq; illud. Nam & sa-
piunt aliqui Principes, rari illi quidem, sed
tamen aliqui, & ex Aulicis quidam Vlyf-
sem imitantur, qui in turbulento hoc Ma-
ri nauigantes, cæra obthuratis auribus,
insidiosæ Syrenum cantionis capaces non
sunt, & consilium habent præternauigan-
dæ Scyllæ, vitandæ Charybdis, & in Syrtes

*Quidam &
Principes
& Aulici
boni atque
prudentes.*

HVLRICI HVTTENI

non impingunt. Tum quantum in se est, clausos in vtre ventos continent, quo minus sit perturbationibus locus.

Cast. Et non rectè sit hoc, quod isti suadent, vt nos tempori conformemur, & Scenæ, vt aiunt, seruiamur?

Mis. Cum decoro, recte, si possis. Quantum dedecet enim *ἀλωπεκίζεν πρὸς ἐτέρων ἀλώπεγς*, quod Aula imprimis exigit? Porro difficile est; Ibi continere te, vnde omnis exulat continentia; & Inuidiosum est, cum lupis si fueris, simul non vlulare: Mihiq; videtur, paucissimis datum esse, Chlamidem simul ac Pallium ferre.

Cast. At præclarum mihi videtur; **MVL-TOS HABERE AMICOS**: id quod vobis procliue est.

Mis. Neque procliue, ob peruersa Aulæ studia; neque, si id assequi possis, vno plus amico recte vtaris, vel Hesiodo persuadente, cuius est illud; *μηδὲ πολυζήειν, μηδ' ἀξείνον καλέεσθαι*. Et quemadmodum Aristoteles sentit, omnem penitus Amicitiam excludere, nec vllius cōsuetudinem admittere, ferinum esse, & iniucundum; Ita ego puto, Multos habere amicos, hominis esse, nullius rei delectum habentis; nihil prudenter statuentis, nihil constanter

ter facientis. Nisi Amicos vocas, qui vi- *Amici &*
cies die salutant, & dum te sibi vicissim as- *conuictores*
sentari volunt, genibus inclinant, nudo *sen palpo-*
capite occurrant, à tertio vsq; iugere dex- *nes Aulica.*
tram porrigunt. Et quidam sesquiulnari-
bus aduolutus tibijs, continuo thus illud
Aulicum aspergit, magnifica promissa, in-
gentes pollicitationes. Dicas planè diui-
nitus oblatum tibi, à quo sic ameris. Cùm
ille interim huiuscemodi inescatum te il-
lecebris, totum ad se traducit, tuaque ani-
maduersa simplicitate, crebro ista inton-
nat; Heus age tuus sum, mea omnia com-
mitto tibi. Quid ni? Amicorum omnia
communia; Vtere me vt voles; voles au-
tem in mortem vsque, & confestim voles.
Quas vbi bullatas nugas olfeceris, nihil
prius tale expertus, incunctanter credis,
ac forte secretum aliquod committis, quo
ille arrepto, & certior factus, qua tibi par-
te plurimū obesse possit, quod apud Co-
micum est, altera manu panem ostentat,
altera fert lapidem: Verbis amicus est, co-
gitatione insidias struit; palam beneuo-
lentiam, occulte periculum intentat. Qui
vbi semel edoctus fuerit, quo te consilio
subuertere liceat, nunquam sinit emerge-
re, omnem præripit fauorem, & si quid ti-

HVLRICI HVTTENI

bi boni destinatum est, callide occupat:
Quod si neglectum te queraris, & officium requiras, aut in disceptationem voces rem ipsam, tum se tibi opponit manifeste iam, atque eo liberius, quod videri vult, aliquando Amicus fuisse tibi, possit & exprobrare illa promissa, illas bullas. Si ignoras enim, *Promittere etiam beneficium est in*

Aula.

Cast. Et aliquos inuenire licet, ni fallor, bonos.

Mis. Et ea, Caste, rara auis est, quam tu vnquam sequi velles tanto periculo?

Cast. Nondum constitui, quanquam certum est Aulam experiri mihi.

Mis. Ac tanto derelicto bono, in tantum te vltro præcipitare malum?

Cast. Imo ex bono in bonum traducere, non minus recte, quam qui ex bono Citharædo, bonus fit Poëta Tragicus.

Mis. Bene Tragicus.

Cast. Et ne quid præter rationem proponere me arbitreris, sic accipe: *Omnes*
Academici qui IN VMBRA PHILOSOPHAMVR,
quod sciunt nec aliquando ad res gerendas accedimus,
nesciunt. quod scimus nescimus. Nam vt in tranquillo nauim quilibet facile gubernat, ita in isto ocio, vnamquamque rem strenue lauda-

laidamus vel vituperamus, aut vtrunque facimus; & consilia damus, ac de rebus maximis acutissime interdum disputamus, verbis abunde instructi, repenitus inutiles, & ad omne opus, nisi exerceamur prius, inepti. Iam ego enim, quem in ysum toties caput scabo? Vngues rodo? Qui si hodie rerum administrationi admouear, omnia imperite egero, in consilijs absurda, & nihil ad rem suasero, vt iure exclamaturus sit aliquis; Boue ciues leporem venamur. Id quod illis quoq; contingere videmus, qui multos postquam annos in libris versati, multa ac varia bellorum genera legerunt, aliqui etiam scripserunt, opus aggressi, nihilo peritius rem militarem tractant. Adeo perite aliquid facere, aliud est, quam diserte dicere. At semper legere, semper meditari, aut scribere etiam, vel differere, si nihil agas præterea, quæ tandem vita est? Mihi enim viuere non videtur, qui, quod nostri aiunt, sibi viuit. Adde hoc, quod hi, qui in studijs litterarum diutius versantur, nō tantum interim non experiuntur res ipsas, verum etiam fiunt plærunque obeundis negocijs inepti, vnde suis vt plurimum moribus viuunt, ab aliorum conuictu ab-

*Academici
obeundis ne-
gocijs ine-*

HVLRICI HVTTENI

horrentes. Quos spectare licet, si quando hominū frequentie ad moti fuerint, quam sint in omnibus difficiles, quamque morosi, & communi plane sensu carentes. Audent tamen interim nulli non sua exprobrare vicia, ac Reges incessunt, vt stupidos, è medio tollunt militiam, omnem rei familiaris curā, vt superuacuum, dampnant, in diem viuendum docentes, diuitias risu, voluptatem conuicijs insectantur. Rident fora, rident leges, non nauigare, nō equitare per illos licet, puto non cacare etiam, & quæ maxima pestis est, coniugia quoque, vt rem friuolam detestantur, & humani generis propagationi operam dandā non putant, vellent Mundum desertum reddere, vt neque ipsi essent. Quid enim ista sibi volunt; optimum non nasci, proximum, cito natum aboleri? Aut quid non absurdum hi, qui vocantur MONACHI, aliquando declamant? Hortantur ad solitudinē, trahunt sub Regulam, cilicium ostendunt, vitam cœlibem solam cælo dignā prædicant, rerum vsum dampnant, Mundum iugulant, quicquid extra cucullum est, Satane addicunt, ipsi nihil experti, nulla neq; bona, neque mala fortuna exerciti. Atque hæc illis in-

gerunt

gerunt Cellæ ac solitudo, vt quicquid ex
culicis morfu indignationis cōceperint,
in Mores, in Tempora, euomant; In Prin-
cipes, in diuites, ac quodlibet diuersum
vitæ genus iaculentur, ac illa ab Inferis ter-
riculamenta hominum auribus atque o-
culis obseruari faciant, ita depingentes,
ac si viderint. Quos qui audiunt, aliqui
mori destinant, alij in cellam sese abstru-
dunt: Nonnulli, derelictis coniuge ac li-
beris, ad solitudinem procurrunt. Quos-
dā ita piget viuere, vt Patri ac Matri, quod
se genuerint, irascantur. Quæ cum video,
& quam non deceat hominem nihil agere
considero, ac quæ ipsum me circumstant
intueor, *cum iam tēpus sit, vt viuere incipiam,*
non deserendi quidem studia consilium
capio, sed emergendi ex his sordibus viam
prospicio. Atque hæc prolixius attuli, quo-
ne mihi persuasum putares, tantū bonum
esse, sic ociari. Tu cœptum de Aula ser-
monem proseguere.

Mis. Nihil istos moror, amice, qui terra-
rum orbi molesti sunt THEOLOGISTAS,
ac difficiles illos, & superciliosos disputa-
tores ipse non probo, nec te in Cellam re-
lego, & agendum omnino aliquid puto.
Sed Aulam nego esse idoneam, qua emer-

HVLRICI HVTTENI

gere potissimum cogites. Quod si obstinatissime vnum hoc vitæ genustibi proponis, atque tibi ætæ etatis fructum quæris, tum te dico è nassa cibum petere.

Cast. At multi euehuntur apud Principes, & ad honores cito ac dignitates transcendunt;

Mis. Ac multi consenesunt ibi Pauperes, nec vsquam transcendūt, aut vnquam speratum vitæ portum attingunt. Quidam etiam maximas sæpe ad opes ac potentiam elati, quando illis visum fuerit, deiiciuntur rursus ac spoliuntur. Vide enim, quam acute hæc intellexerit sapiens ille, qui sic exaltatos, *calculis Arithmetica* comparabat: Nam vt illi aliquando minorem, aliquando maiorem numerum referunt; Ita hos aliquando fortunatos, aliquando calamitosos, rursusque aliquando illustres, aliquando obscuros, vt Regibus libitum sit, haberi.

Cast. Licet sperare.

Mis. Et falli licet. Tum illud nunquam memoria tibi excidat, quod ille ait, & Rex & Vates; *Nolite confidere in Principibus.* Quod si me audis, non tanto spem istam precio emes, nec ad hunc scopum vitæ arcum intendes, aut dulcem SCHOLÆ quietem,

*Opes ac potentia Au-
lica.*

Psal. 146.

*Dulcis
Scholarum
quiet.*

com-

commutabis cum his turbis, quæ me annos iam plus viginti, sine fructu exercent, dum terror ac conteror, dum sudo ac algeo, dum valetudinem corrumpo, durapator, grata refugio, dum magnis laboribus ac vigilijs conor, dum omnem aleam iacio, neque aliud tamen assequor, præter vnum hoc, quod tibi tantis malis parandum videtur, vt quemadmodû Phryges, Sero sapiam, vt in arenam ædificasse me, ac ventos coluisse videam, & illud tandem intelligam, quam non bene vitam instituerim. At te dulces interim Musæ, omnis plausus securum, ab omni tumultu liberum, veraque & honesta voluptas detinet.

Cast. Egentem sæpe multis.

Mis. Contemnentem etiam multa.

Cast. At nunc quærendæ facultates, deinde ad virtutis studia redeundum, si vnquam liceat.

Mis. Recte si liceat: Nam vt parari queant hæ, quas petis, facultates, aut laborem *Difficultas* non feres tu, aut indigna multa non sustinebis; deinde vercor, ne bonam tui partem deprauet Aula. *Gita Aulica.*

Cast. De labore scio, qui è nuce nucleû petat, ei necesse fore, vt frangat nucem.

Iam

HVLRICI HVTTENI

Iam autem firmior mihi videor, quam vt
vllam posthac morum immutationem
admittam.

Mis. De nuce fieri potest, vt nucleum
non habeat, cui tu cum periculo dentem
impegeras. Quod ad mores pertinet, ne-
scis quam blanda pestis Aula sit; quâ-
tumque pondus hi, qui *hoc Mare perflant*, V E N-
T I quam nullo negotio dimoueant.

Cast. Dic aliquid de Ventis igitur: aut
si præstat, de Conuictoribus Aulicis inter-
pellatum à me sermonem prosequere pri-
tis, deinde totum hoc M A R E absolue.

*Conuictores
sive Amici
aulici.*

Mis. Quos commemoravi Conuictor-
es, Caste, hi sunt, qui cum Vlyssæ illo tan-
tum Maris obeunt, infidi ac fraudulent-
i comites, quorû ille siue suo ingenio frau-
dem eluserit, siue Deorum benignitate
insidias effugerit, ad aliquam deferetur
Calypso primum, deinde Alcynoi hospi-
tium, post Ithacam forte occupabit.

Cast. Qua hos igitur arte peruincere
oportet?

*Providen-
tia cum pri-
mis in Aula
necessaria.*

Mis. Providentia; quam illi si quando
abesse abs te senserint, perdédi consilium
inibunt. Quare fidendum penitus nulli.
Vt dicam enim quod sentio; Optimâ et-
iam indolem, & recte institutam vitam, in

Aula

Aula suspectam habere oportet, quod hi, quos dixi Ventos, omnia impellant, ac perfringant, & summam sæpe innocentiam ad pessimos mōres inuertant. An non audisti illum, qui ait? DISCEDAT AB AVLA, QVI VVLT ESSE PIVS. Verum vt sint aliqui boni, periculosa tamen ibi experientia est, quod multi sunt pessimi, suo pte partim ingenio, partim aulico veneno imbuti, ὅς τις, vt ait Comicus, οὔτε βωμὸς, οὔτε πῖσις, οὔτε ὄρεος μένει. Proinde cautum esse oportet, qui cum ingenijs conflictari velit eiusmodi, ac danda sæpe verba, & vicissim adulandum, mōresque dissimulandi sui, atque omni ablegato candore istiusmodi simulandum ingenium.

Lucan. lib. 8. bel. civil.

Cast. Vt intelligo, primus est iste discendi à Philosophia gradus.

Mis. Et hæc est, quam dixi, difficultas. Quantum essem nūc enim ego, si vel simulare adulationem potuissem? Qui dum illum sequor naturæ rigorem, & bonus esse studeo, omnem tot ærumnarum fructum perdo, in sublime procul abeuntibus qui æquales erant, ac in his multis, qui nec diu iam, nec multum adeo laborauerunt.

Candoris & bonitatis nullus in aula fructus.

Cast.

HVLRICI HVTTENI

Adulari.

Cast. Omnino igitur Adulari necesse est Aulico?

Mis. Omnino: Sed faciunt hoc alij plus, alij minus. Aut quisquis huic ingo colligandam cervicem præbuerit, opus est Alcibiadem imitetur. Nam vt aliter Athenis vixit ille, Attica morum suauitate; Aliter Lacedæmone, solutius; Rursum alijs apud Thraces, populum bellicosum, alijs apud Persas, mollem & delicatum, moribus vsus est: Ita opus est Aulico, omnem in modū conformare se moribus eorum;

*Aulicum
Proteo ma-
gis Varium
esse necesse
est.*

quibus cum viuit, vt ingenio omnem in partem mutabili sit, in omnibus versutus ac callidus, in summa, ipso Proteo varius magis.

Cast. Tragicum est hoc malum.

Mis. At in Aulica Comœdia spectatum, Caste, nec aliud frequentius, aut timendum magis, cum intestinum sit, cum domesticum. Nam qui aperte inimici sunt, facile ab his tibi caueris. Hoc malum, per speciem amicitiae, clam irrepit, blandum venenum, fucata pestis. Atq; aliquos horum noui, miros in modos Principū bonitate abutentes. Quosdam vero ita effœminate assentantes, vt non verba tantum rebus accommodent, verum etiam gestu
verba

*Aulici
Principum
bonitate
abutuntur.*

verba exprimant: In quibus falsissimus animi Index Frons est: Qui omnem oportune affectum simulant, vtut volunt, colorem vultus mutant, Vdi ac molles, & quancunq; personam fingere velis, idonei: qui omnia facile imitantur, ac exprimunt.

Caste. Et hos alunt Principes, ac honoribus efferunt?

Mis. Et primo loco; decepti scilicet, Homines grauib; alioqui curis impliciti, & ad tristitiam procliues. Quos illi, grata semper ac læta nunciantes, iucundè afficiunt, omnia eorum admirantes, omnia laudibus efferentes, etiam ea, quæ iniquissima nouerint. Nō est inuenire aliud hoc hominum genere peius. Atq; hi sunt, qui suis pessimis consilijs, optime animatos Principes, in multorum, in Orbis, perniciem, inuertunt ac peruertunt: semper duplices ac bilingues; Per quos fit, quominus recte sapiant, recte faciant illi. Quibus autoribus, neq; bonis præmiū, neque pœna malis est. Hi sunt, Caste, qui Fumum vendunt: quibus ab illis emtoribus dicitur: Commenda me Principi. Porro officia & præfecturas ab illis mercari licet, & vt aliquid faciant, aliquid dicant

Pessimis homines quibus

Pri-

HVLRICI HVTTENI

*Sorices ac
Tinea Au-
læa.*

Principes, redimere: Quibus illi, quos vo-
lunt, caros, rursus, quos volunt, infestos
reddunt. Hi, à quibus munera quoque ac-
ceperunt, his aliquando fucum faciunt:
quibus autoribus, multorū felicitas Prin-
cipum perit ac subuertitur. Hi sunt, Ca-
ste, SORICES ac TINEÆ PALATII; qui
plurima die noctuq; arrodunt, ac corro-
dunt, qui plurima deuorant. Omnino ce-
nim vitam ac sanguinem Principum exu-
gunt isti, ac lente consumunt. De quibus
valde prudēter Antisthenes Philosophus
olim monuit; Si necessitas vrgeat, præsta-
re in Coruos, quam in Assentatores, incidere; Il-
los enim mortuos, hos viuentes deuora-
re. Qui cum noxij vbique sint; vtilis nus-
quam; maximis tamen ac intolerabilibus
aluntur sumtibus. Hos videas in omni
mundicia, omnibus lauticijs delicias, splen-
dide vestitos, bene nummatis, sem-
per ebrios, ac temulentos, vel citra vinū,
studiosos alexæ, deditos crapulæ. Qui non
aliter viuunt in Aula, quam illa Vlyssis do-
mi Procorum colluies; adeo non para-
re, aut augere rem nati, sed consumere ac
perdere; ἀγροισι καὶ φέρονσιν. Neque isto-
rum quicquam gratis; quandoquidem
primi isti munifice donantur, liberaliter
habent.

habentur, regiè vestiuntur, ad officia facile, præfecturas, ac honores euehuntur. Et de PALPONIIBVS Aulicis dictum fortasse plus, quam oportuit; Sed iccirco, vt intelligeres, hanc nauigationem quid potissimum difficilem, ac intranquillam redderet: Ac in Aula *Amicitiam* ne præsumeres.

Cast. Vt video, maxime indignis beneuoli ac benefici sunt Principes.

Mis. Atq; hoc est, quod vides quosdam neque genere claros, neque virtute commendatos, in summum cõscendisse.

Cast. Scribas maxime.

Mis. Imo quosdam Scribis inferiores: Atque vtinam Scribas tantum eueherent. Ita sine iudicio ac delectu liberales sunt Principes.

Cast. Iamdudum extra tuum sermonem meæ peregrinantur Aures, ac de illo cogito Morione. Sed tua tria verba, quæ neglexi interim, repete.

Mis. Si de Motione prius dixeris.

Cast. Audierat is auri penuriam conqueri suum Principem, & repente; quin tu Scriba vis esse, inquit, vt aurum habeas: Nam illos præ omnibus pecuniosos videt.

H

Ita

HVLRICI HVTTENI

*Scriba Au-
lici pecu-
nioso.*

*Principes
sine delectu
liberales.*

*Ad adula-
tores fra-
tres etiam
annume-
randi.*

Mis. Ita est. Nam & primi illi, & plurimæ in Aulis Principum lucratur; partim dum litteras ac signa vendunt, partim dum cotidie aliquid à Principibus exugunt. Quamquam quid de Scribis querimus? qui qualescunque sunt, omnino aliquis illorum usus est: Cum alij multi sint, omnino inutilis, tantum fruges consumere nati. Atque igitur dixi, sine iudicio ac delectu liberales sunt Principes.

Cast. Dij perdant Assentatores omnes, quo ne bonos nobis diutius Principes perdant. Sed tu iam de Ventis narra: Nisi quid restat de Adulatoribus.

Mis. Huius generis sunt FRATRES, qui Principum mentes tenent, ex auditione Confessionis. Circa quod studium adeo superstitiosi sunt illi, ut credant perpetuo clausos sibi coelos, nisi ex Dominici, aut Francisci PHRATRIA, bene saginatus aliquis, nitidus, & obæsus, aperiat. Neque enim satis est, Sacerdote hic uti, nisi ex Ordine sit. Quasi nemo post mortem reuixerit, antequam hi essent nescio quomodo ordinati ordines. Audiunt illi tamen interim secretissima quæq;, & non produnt, nisi raro forte, dum inter alios Palpones in multam noctem pergræcantur. Sed ut

nun-

nunquam prodant, tamen sciunt, quid
 Principi, quatenus suadere conueniat, & *Cautissimi*
 quem non egredi oporteat limitem. Atq; *Adulatores*
 igitur cautissime adulantur hi, ac mire *qui?*
 semper abutuntur Magnatum vanitate,
 Quorum aliquis persuadetur; Neminem
 ascendere illam Beatorum mansionem, nisi
 qui prius in scapulis Francisci confederit,
 aut quem sublatum in brachia Domini-
 cus sursum proiecerit, aut qui valde libe-
 raliter fratrum reditus auxerit; Monaste-
 ria locupletauerit, vel nouum aliquem huic
 colluuii nidum construxerit. Quo fit
 ut indies magis ac magis crescat illorum
 res, nemine reclamante, dum hostiatim
 colligunt: Quasi res parua sit, stipem
 emendicare, aut non in multa aureorum
 millia hi redeant stipes. Scilicet peritissi-
 mum est hoc Assentatorum genus, ac
 identidem perniciosissimum: Nam per
 speciem Religionis mali sunt. Sed iam ad *Venti ma-*
 VENTOS vocor; Hi sunt in Aula, Caste, *ris Aulici.*
 FAVOR; INVIDIA; CVPIDITAS; AM- *VII. qui*
 BITIO; LVXVS; CONSVETVDO; EGE- *omnia*
 STAS. *turbant.*

Cast. Rem capere videor, quanquam
 audire libet, quomodo hæc à suo statu
 mentem dimoueant.

H 3 Mis.

HVLRICI HVTTENI

- I. Mis. FAVOR, Caste, vt iniusta suadeas,
Favor. cū hoc demulctus, rectum dignoscere
 haud facile possis, & iccirco iniquam sæpe
 Amici causam iuues, aut quæ amas, vt-
 cunque cadat hoc, Principi probes: Con-
 tra INVIDIA, vt bonis sæpe obsis, æqui-
 tatem impedias, quæ infesta habes, perse-
 quaris. Quæ duo cum, qui in Aula versan-
 tur, assint omnibus, incorruptam non si-
 nunt genuinam bonitatem. Atque ita fit,
 vt multa indigna contingant. Nam & eli-
 guntur friuoli multi, ac excluduntur fru-
 gi homines, & iniuria fit bonis moribus.
- II. *Inuidia.* Iam de CVPIDITATE non dubitas, in
 quos errores præcipitet: vt nihil sæpe fa-
 cere, nihil dicere aliquis vereatur, dum
 quod cupit paret. Hinc illa sunt in Aulis
 periuria, illæ perfidiæ, illa falsa testimonia,
 tanto crebriora, quanto quis eget magis.
 An non Cupiditas est, quæ facit, vt mune-
 ra accipiant aliqui? vt fauorem Principis,
 vt fumum vendant? vt compilent? vt de-
 peculentur? vt rapiant? vt furentur? Por-
 ro AMBITIO quid non perferre cogit?
- III. *Cupiditas.* Omnia, digna ac indigna, obire facit hæc,
 & dissensionem excitat inter eos sæpe, qui
 sibi cari inuicem fuerant, & Adulatio-
 nem ac Assentationem gignit, duas, vt
 audisti,

AULA 59
audisti, maximas Aulæ pestes.

Cast. Non ferendum vitium narras.

Mis. At frequentius ibi nullum est. Ad-
coq; late regnat in Aulis Principum Am-
bitio, vt huic vni accepta referantur om-
nia. Nullus violentior Boreas nauim im-
pellit, quam illa hominis mentem concu-
tit. Qua imbuti qui sunt, omnes autem
sunt, quod hæc ab Aula nunquam absit,
non dubitant pericula obire, discrimini-
bus sese obijcere, per tela, per hostes ferri,
amicum lædere, necessitudines perrum-
pere, fidem fraudare, in Deos atque Ho-
mines delinquere, dum huic Ciuitati præ-
ficiantur, hoc officium, hunc Magistrat-
um occupent; aliquando etiam, vt sine
fructu inanem titulū ferant. Ita falsæ glo-
riæ studium, Aulicorum omnium animis
tenaciter inhæret, agunturque hoc flatu
fursum ac deorsum, & in miros abijciun-
tur errores, nonnunquam naufragium
faciunt, ac omnia perdūt, in largitionem
ingenti consumpta pecunia. Habet enim
viciū hoc Comites Largitionem, & re-
liquas corruptiones, quibus, impellente
Ambitione, tota flagrat Aula, ac omnia
passim aduruntur. Quid LVXVS? quam
morum deprauationem affert? quod con-
tagium

V.

LUXUS.

HVLRICI HVTTENI

tagium trahit? Vitium tanto alijs odio-
sius, quanto plura perdit ac dissipat. Hoc
errore contemnuntur pecuniæ, non quo
à Sapientibus illis pacto, sed per stolidita-
tem ac dementiam. Contra vanissima o-
mnia adamantur. Atq; inde preciosa ve-
stis, inde Purpura, inde Aurum & Argen-
tum, inde Gemmæ ac Margaritæ, & reli-
quæ id genus nugæ Aulâ inuaserunt. Quæ
omnia licet maximi emanant, magnani-
mitatis est tamen, ea abijcere, & pro ne-
glectis habere; ac tanto quis animosior
censetur, quanto hæc vilioris facit. Videas
ad contentionem vsque infumi pecunias,
quo ne quid splendidius alteri adsit. Nec
ad vsum fit emptio, sed ad inanem osten-
tationem. Quo loco haud refert dicere,
vnde suppetant hæc, aut hanc voraginem
quid impleat. Certe impletam oportet,
siue inde egeant subditi, aut ipsi etiâ Prin-
cipes egeant, siue vniuscuiusq; patrimo-
nium huc erogetur. Ac plura multo pro-
funduntur ibi inaniter, quam in vsum
vertuntur necessarium.

Cast. Fieri video quæ dicis. Nam opti-
me vestientem hic lanam, quid aliud con-
temnere docuit, vt peregre sericum eme-
remus, ac purpuram? Aut non potuimus
ornari,

ornari, populus bellicosus, & omnis olim molliciei contemtor, sine gemmis? sine auro? & nos fagi piget, nos loricæ?

Mis. Tum Cynnama, Crocum, Piper, & reliqua exotica, id malum inuexit.

Cast. Simul, credo, mores emolliuit, ac illud vere Germanum robur enervatum reddidit?

Mis. Sic est. Quanto decentius enim primi illi Germani ferarum pellibus amicare corpora solebant: cum multa interim strenue facerent, quam nos sic comiti, sic ornati. nulla bella gerimus: nullis Principibus, nullis Regibus iugum imponimus. nullam laudem parimus: nullam ad posteros gloriam transmittimus: nisi quod alacriter plenis concursantes POCVLIS vtrinque vires comminuimus, corpora delassamus, ingenia perdimus.

Cast. Quæ audio? sed perge.

Mis. Præter hæc, in miros sæpe Scopulos impellit CONSVETUDO. Quippe multorum conuietus in Aula cum sit, in procliui est morum exemplum, quod omnes trahunt; sed ita trahunt, ut adhuc viderim, qui cum bonis consueuerant, meliores paucos, admodum multos per maiorum conuietum deteriores factos. Hoc

VI.
Consue-
tudo.

HVLRICI HVTTENI

inducente flatu, Adolescentuli in Aulam delati primum, pereunt; omnis innocentia pessumit, candor infuscatur, bona in dolos corrumpitur. Cum enim, ut quidam ait, in vetitum semper nitamur, ac negata cupiamus, abunde in Aula inuenire est, quo labem contrahamus; Alij in Gulones & Potores incidentes; Alij in Aleatores; quidam in scortatores? plurimi passim in Assentatores ac Simias Aulicas impingentes. Quorum in medio quæ tuta Probitas? quæ satis tibi munita integritas videtur?

Cast. Mihi quidem videtur ipsa Pallas hac assuetudine contractura malum, tali contagio tam pestifero inficiente: At misere decipiuntur, *Qui pueros in Aulam erudiendos mittunt*; cum inde vi, ac violentia extrahendi potius essent.

*Pueri in
Aulas non
mittendi.*

VII.

Egestas.

Mis. Ut narras. Verum EGESTAS, quam dixi, suas & ipsa partes sibi vendicat, necessarium malum, quæ optime institutam indolem peruertit, nec sibi constare sinit; Quæ omnia venalia habet, & nihil non, pecuniæ studio, facit ac patitur. Hæc Proditores gignit, ac rebus semper nouis studet. Vides enim, ut opus sit egentibus illis quod prodigant, quando quidem & ipsis

ipsis commune est cum alijs, luxum colere? Itaque vndeunde possunt corradunt. Per fas & nefas quærunt. Certè enim, vt ille ait, viro esurienti necesse est furari.

Cast. Quid tu? illos Pauperes deteriores putas his, qui ex Crumena, vt fertur, generosi sunt?

Mis. Nihil minus: Sed sua sunt & illis vitia, quæ nihil ad hunc locum. Egentes, omnibus semper vitijs obnoxij sunt, cito munera accipiunt, cito spe lucri fidem frangunt: adduci facile possunt, vt secreta sibi commissa effutiant, vt ea, quæ in consilijs agitata sunt, prodant: vt iniquâ Principi causam cõmentent. His intercessoribus, si quis eos pecunia præceperit, omnia, citra negocium, à Principe impetrabit. Atque hos præsertim obseruant hi, qui Principum fauorem venantur, non imprudentius, quam qui oppidum expugnaturi, ea parte, qua munitum minus est, aggrediuntur.

Sed iam de his satis dictum, quæ Aulam turbant. Quæ rectè VENTIS comparaui-
mus, quod vt illi, quieto mari, fluctus con-
citant, ita hi, quos memorauimus, Flatus, mi-
ras Aulæ tempestates inuehunt, vt iam
nosse videaris, vnde hæc sint in Aula inque-

HVLRICI HVTTENI

tudines, hi tumultus. Verum Quo tandem diu multumque iactatam *Nauim* nostram impellant, accipe.

Cast. Audire gestio.

In quas Syrtis, Scyllas, & Charybidas, venti isti Nauim Aulicam impellant.

Mis. Aliquando in perniciem statim: Vt si quis cupiditate excæcatus, aut egestate coactus, rem cõmittat supplicio expiandam: Aut si huc eum consuetudo, quam cum malis habuit, abstrahat; Aliquando ad Infamiam, his eisdem spiritibus, aut per Ambitionem & Luxum.

Cast. Quo illi, puto, recidunt, qui aut in furto depræhensi sunt, aut mercede fidem prostituerunt: Aut verò qui Ambitionis studio Principi fucum fecerunt, aut qui per vinum, vel amorem, turpia admi-ferunt.

Mis. Qualis ille hic nuper fisci præfetus, à quo Princeps rationem audire cum vellet, intellexit vno anno decocta aliquot aureorum milia.

Cast. Et qui pacta cum hostibus pecunia, nihil vtile Cæsari suasit.

Mis. Et multi qui Magistratus emunt, & honores mercantur.

Cast. Et qui vino dediti, multa sæpe tacenda, per ebrietatem effundunt.

Mis. Qualis etiam fuit, qui paucos ante
annos

annos in hac aula versatus, cum honestum locum haberet, sed per luxum prodigeret omnia ac ære alieno obrueretur; Meretriculam, cuius amore tenebatur, equestri ordine natus Iuuenis, vxorem duxit. Deinde nō suppetente quod necessarius vsus requireret, latrocinij vitam tolerauit: ac tandem cum alijs latronibus comprehensus, Carnifici secandam ceruicem præbuit.

Cast. Vt capio, hæ sunt in isto Mari SYRTES, hæ SCYLLÆ, hæ CHARYBDES, quo nauigantes hoc modo deiecti percutunt.

Mis. Et LESTRYGONES, Caste, ac *Lestrygones* CYCLOPES, qui statim deuorant. Ad *Cyclopes* quos ille, scis, deferebatur, qui, cum pacta mercede Principis vitæ insidiaretur, *in mari am-* consilio preuentus, extremo supplicio affectus est, & nunc à quatuor stipitibus dependet. Et quem proxime laqueo suspendi vidimus, quod ærarium compilasset.

Cast. Et quem ego vidi Romæ, quod liberius monuisset Pontificem, capite plecti.

Mis. Mon ille, Caste, sed forte ad Scopulum offenderat: Sunt enim SCOPULI *Scopuli Mæ-* etiam hoc in Mari, caute transcundi, ne *ris aulicis,* frangas

HVLRICI HVTTENI
frangas Nauim, & omnem semel substan-
tiam perdas.

Cast. Et hi qui sunt?

I. Mis. Vnus omnium maxime vitandus,
Ira Principis. IRA PRINCIPIS, Nam qui huc impege-
rit, actum de eo puta. Atque audi, Caste,
quo potissimum periculo versemur apud
Principes. Siue te enim tuus ille condu-
ctor benignius respicit, anxius es, ne quid
offendas, & fauorem vt retineas. Siue abs
te oculos, aures ac manus longe habet,
bene mereri studes; idque vigilando, la-
borando, dum sursum ac deorsum voli-
tas, dum frigus ac æstus fers, dum di-
gna ac indigna pateris, dum omnia cona-
ris, ac sæpe cōtra flumen natas. Itaque semper
lassandus venis; semper ac singulos in dies
deterior fit seruitus; Dum tamen interim
nescis, an hæc ille sentiat aut agnoscat.
Qui si scit etiam quantum merearis, non
facile tamen concedit, quæ ad tranquilli-
tatem tibi sunt. Quippe ex cuius re est,
hiantem detinere, ac suspensum, speran-
tem semper fore, vt emergas, vt aliquid se-
mitius det, vt sit laboris merces, sudoris
præmium. Quo in statu sæpe interim con-
tingit, vt tibi irascatur ὁ δαίμων ἐνείκων, ob
leuem aliquam aduersum te causam mo-
tus,

tus, quam ille tanti facit, ut magna deprecatione opus sit, quo tecum in gratiam redeat: Cum sæpe ob rem nihili, ob floccos, ob pilum, ob viciosam nucem, ob fumum umbram, excandescant Principes, inflammantur, rabiem contrahant, furiant, ac Cælum terræ misceant; breuiter, in nugis Tragœdias agant. Tanti est diu seruire, se affligere ac conterere. Quapropter quosdam vidi, postquã multis annis summa diligentia maximis laboribus seruiissent, semel vel ficta causa commoto Principe, pecunia pariter ac libertate multatos, nonnullos vita etiam spoliatos. Leuiiores Scopuli sunt *Principum* SUSPICIONES; quarum illi capaces maxime sunt, sed in quas non sine periculo incidimus. Atque in his ego perpetuo, Caste, obloquendi libertatem, quo plurimum offenduntur illi, hæreo. Deinde *Parium* INVIDIA, intra quam non admodum secure navigatur. Ac præsentius omnibus malum DELATIONES, quarum cum impetu si impariter conflixeris, periculum est rerum simul ac vitæ. Porro caute omnino tractanda est eius, cui seruis, quantumcunque iusta OBIVRGATIO. Ea est his ægris natura, quædam sibi nonnunquam vlcera

Eadem ad huc agitur fabula, multis tamen personis.

II.

Suspicio Principis.

III.

Invidia parium.

IIII.

Delationes.

V.

Oblurgatio Principis.

HVLRICI HVTTENI

VI. *Amor Exo-
vis aut filia-
ram.* vlcera tangi nolunt. Iam hoc quam fugi-
endum & ipsum est Saxum, SPECIOSA
uxor si illi sit, aut FILIA, ne vel ames, vel
amari tibi contingat.

„ Cast. Ad huiusmodi scopulos perijt a-
„ pud Alexandrum Callisthenes.

Mis. Et cum periculo nauigauit Agis
Argiuis, eundē reprehendere ausus, quod
in Adulatores & ridiculos, perinde ac in
bonos liberalis esset.

„ Cast. Clitus vero, quam ab illo Cyclope
„ repente deuoratus est.

Mis. Er ab Astyage, quæ passus est Har-
pagus?

Cast. Et sub Cambyse Prexaspes vt ha-
bitus?

Mis. Porro illi Romanorum Imperato-
res quam misere multos habuerunt?

Cast. Nostra autem tempestate, quæ se
indigna dederunt? Et in Sueuis illud qua-
le exemplum? Proinde omni pede stan-
dum, ne in hoc mari nauigationem expe-
riantur, qui vitæ consultum volunt suæ.

*Aula quasi
Pistrinum.* Mis. Quod nisi à me sic esses monitus,
quo te præcipitaffes?

Cast. In mirum, vt video, PISTRINVM
Quapropter alia ineunda vitæ ratio est.

Mis. Ita Caste cogita. Nam aut Ager ho-
neſto

neſte coli poteſt; Aut litteræ doceri; Aut
 vtcunque manibus operari licet, & rem
 militarem exercere, ~~καὶ ἐν αὐτῷ ἰδίῳ ἐνὶ τοῖς δαί-
 monις~~
 aut Medicinam tractare, vt ex te tibi vi-
 uas.

Caſt. Recte ſuades. Tu verò ſic monito
 me, quid tandem in hac pœnitundine tibi
 proponis, iam ſenex? An omni deuorato
 boue, in cauda tandem deſicies? nec ex-
 tremum Fabulæ actum implebis?

Miſ. Ne hoc quidem degeneris animi,
 vel in extremo reſiſtere. Et iam varie ſuper
 his conſultans, nondum inuenio, vt me
 expediam.

Caſt. Dij te ex iſta iactatione in portum
 aliquem referant Miſaule, ac, vt liberta-
 tem recipias, faxint, aut aliquam tibi fru-
 ctuoſam cogitationem indant, qua te ab
 his retibus explices.

Sed proſequere, oro, de vita Aulica,
 quando adhuc ante horam ſumus, quæ
 te ad illud ſeruitutis hoſtium auocabit. Et
 quod reſtare videtur, quæ te CAUSÆ in
 hanc Nauigationem adduxerint, aut de
 SYRENIBVS, vt meministi, aliquid refer.

Miſ. Audi igitur ſeruitutis huius cauſas, *Syrenos Aulicæ*
 nam fructum aliunde, opinor, intellexiſti.

HVLRICI HVTTENI

xisti, Primum ea, Caste, quæ tu quoq; paulo ante suspexisti, admirabar: *vestium nitorem, Aurum, & Gemmas*: Ac illos Arabice olentes *Purpuratos*, vt Deos, verebar. Deinde magnificiebam, *his conuersari*, ad quorum conspectum etiam, summa contentione, maxima sæpe multitudo procurret; *hisq; colloqui, & eorum familiaritate censer*: ac illas affectabam *immunitates, & diuites* omnes putabam, qui sic ornarentur. Cumque patrimonium mihi esset perexiguum, facile hoc loco ditescere proponebam. Quædam præterea insita fuit & Iuueni, & Imperito, vt multis, **AMBITIO**. Nam aliquando videns ex Aulicis reuerenter aliquos appellari, ac orari ab his, qui aliquid apud Principem captabant, deinde muneribus quoq; peti: Rebar omnes in Aula consuescentes, potentia plurimū valere, ac facile audiebam, cotidie increpantes me his verbis: Quin tu in Aulam te confers, vt prodesse & tibi possis, & omnibus tuis, aliquam adeptus præfecturam, aut ad aliquod promotus officium, vel aliter Principi carus? His ego, Caste, *Syrenibus*, cum occinuissent, neque ego, *Vlyssis* consilio, cæra aures obthurassem, subuertendum me præbui, deceptus miser, cum
mini

minime presentiscerem, in quæ mala, Deo irato meo prouoluerer. Nam quid *Vestes* admirabar stultus, quæ truncum etiam ornant, & animum non arguunt? cum ex Animo constet homo, nec ad eum aliquid pertineat eorum; quæ exterius adhærent corpori.

Cast. Quo minus illos ferò, qui Mō-
NACHI vocantur, qui nobis vestiū ostentatione volunt sanctimonix opinionem *L. Membr.* persuasam: Cum hoc hominū genus valde detestatus sit Christus: quem ego credo, cum in terris esset, nihil aliter, atque alios homines, vestibus vsum. Hi autem quas non diuersitates excogitant? in quod se non monstrum transformant, vt quam maxime dissimiles sint per omnia? Atque in his aliud Francisco placuit, aliud Bernhardo: Aliter visum est Dominico, aliter alijs.

Mis. Neque illud videbam, multos sic vestitos, plurimis interim egere. Sunt enim ista non ex hominum facultate, sed consuetudine ac moribus Aulæ, quæ vult homines iactabundos, ostentatores, gloriosos, ac magnificos, qui se omni foris pulchritudini ac venustati conforment; cum intus morbidi, marcentes, ac mire

*Splendor
aulicus.*

HVL RICI HVTTENI

informes sint, &, vt mihi videtur, similes parieti incrustato, intra quē ruinosa multa sint, aut sepulcro splendide foris extructo, ac statuis & imaginibus egregie adornato, quod deformes intus caluarias, nuda ossa, & obscenos foetores contineat. Quin etiam multi horum, vt sic vestiantur, fraudant, rapiunt, ac furantur. Nam habendus est in Aula vestitus, non quem tu parare potes, sed qui ex Principis dignitate est.

Cast. Ibi te illius meminisse oportuit, quod Cræso obiectum à Solone est. Nam ille cum adhibito Solone, aurea se sponda molliter ac regie adornatum, nitide composuisset, ac ab illo percontaretur, nunquid vnquam speciosius vidisset? Respondit Solon; Gallos gallinaceos, Pauones, & id genus animalia: In his enim admirandum Naturā spectaculum exhibuisse: Regis stoliditatem arguens, ac istiusmodi furorum contemptum innuens.

Mis. Et multa præterea; quæ si mihi in mentem venissent, non his concessissem, huiusmodi obijcientibus illecebras, Syrenibus. Qui si itidem, quam periculose tractentur Regum ac Principū *AMICITIÆ*, considerassem; non tanti fecissem, huic inter-

*Imicitia
Principum.*

interesse pompæ, in qua multi opprimuntur. Quam frivolum est enim, tunc se putare carum his dominis, cum dextras porrigunt, aut osculandas etiam præbent, aut ubi familiariter colloquuntur: Cum non affectus sint illa, sed ostentationis plærunque, quæ per omnia in Aulis regnat, ac infidiosi ut plurimum sint Principum affectus, quos illi ob id blande conferunt, ut suorum animos explorent, & affectos hac benignitate, ad effundendum aliquid temere inducant. Plurima enim oportet simulare ac dissimulare Reges. Vnde non imperite solebat dicere Germanus Imperator Segimundus: Qui nesciat simulare, eum nescire regere. Plærisque verò tunc affabiles sunt, cum soluendum salarium est. Ac circò blande conferunt, ne sibi illi pecuniam petendo molesti sint. Maxima enim & ibi difficultas est, postquam diuturnam ac duram servitutem servieris, ut stipendium extorqueas, quod siue non petis, non soluitur; siue multum ac sæpe, offendis. Hoc autem tempore omnes ferè per Germaniâ Principes egent, propter luxum & vanitatem, quibus dediti, plurima inutiliter absument. Vides enim ut multa scuriis, ludionibus, Mimis, Para-

*Affectus
Principum
infidies.*

*Salaria
lica.*

HVLRICI HVTTENI

*Ebrietas
aulica.*

*Vestitus
aulicus.*

*Sententia de-
lectus Prin-
cipum in as-
sumendis
ministris.*

fitis, ac Musicis largiantur? Vides, vt in Au-
lis noctu diuque bibatur & edatur? vt pa-
uimenta vino mædeant? vt plus Ebrij isti
profundant, quam ingurgitent? plus in-
gurgitent, quam ferre possunt? Tum ad
æmulationem vsque dantur vestes. Atque
is est Principum tumor; quanto magis e-
gent; tanto minus egere videri volunt: &
iccirco nihil de pompa, nihil de apparati-
bus remittunt: Imò in alterius inuidiam
alter prodigit, ne perdendo inferior sit.
Interea speciosus ille foris colossus est, in-
tus squallet. Quod me, *ditescere* volentem
misere decepit, aurum subæratum cum pro
solido venerar, ac istas esurirem ponti-
ficales coenas, ad has tam cupide respice-
rem gallicas vestes, ad hæc monilia. Nam
in Aulis qui habent ista, plerumque nihil
præterea habent. Quinetiam plus aliquan-
do perdunt aliqui seruiendo, quam lucrati-
turi, quod apud quosdam neque emergere
est, & rem suam dissipare oportet. Porro
stultissime delectum agunt Principes eo-
rum, quos in famulatum assumunt. Neque
enim ex virtute licet emergere, sed vt plu-
rimum quaeritur, qui procera sit statura,
latis humeris, ardua ceruice, prælongis ti-
bijs. Atque is commendabilior sit, si etiam

BAR-

BARBAM ad terrorem adornet, & calamiistro cæsariem vrat, ac per Aulā ingres- *Barba au-*
sus, huc illuc brachia iacet, tibia ventile- *lica.*
let, humeros ostendat, vt illos poscere vi-
deatur Virgilianos cæstus, cum Entello
pugnaturus; & vestes habeat discolores, *Vestes dis-*
ac per omnia pictas, magis etiam quam *colores.*
pictus est gallus gallinaceus, triginta gal-
linarum maritus, cum istiusmodi Thraso-
num vnus, non sufficiat ad explendum v-
nius mulierculæ desiderium. Scilicet Ath-
letas bonos amant Principes crassos istos,
pingues, & torosos. Illos verò macilentos,
breues, graciles, subpallidos ac tenues,
quanquam prudentia forte & consilio va-
leant, non admodum curant, quia non est,
inquiunt, *bene personatus iste.* At hos Gigan-
tes in satellitium citra cunctationem li-
benter assumunt, ac tales sibi gaudent esse
anteambulones & sectatores, quanquam
minus sit nonnunquam in aliquibus ce- *Quantum*
rebri, quam in culice sanguinis. Nimirum *cerebri in*
hoc comitatu abunde ornatos se etiam si *nonnullis*
nulla sit virtutis ne cogitatio quidem, pu- *aulicis.*
tantes: præter quos capita extollunt Adu-
latores, quos dixi; relictis post tergum
bonis, & plærunque pauperibus. Nam,
vt nosti.

HVLRICI HVTTENI

*Haud facile emergunt, quorum virtutibus obstat
Res angusta domi.*

Atque hi sunt, quorum hæc Ilias capax
est, quæ alioqui.

Stul. orum Regum, & populorum continet æstus.

*Aulico ty-
ranni quid
cogitant-
dum?*

*Immunitas
aulicorum
nulla.*

*Aulica vi-
ta seruitus.*

Quod intelligentem considerare oportet, prius quam aggrediatur; An aptus sit hæc obire munia. Nam præter ea, quæ dixi, quid in Aula ferendum sit, nihil te ce-
labo. Ac primum omnium, quod de im-
munitate dixi: quæ posset in hac seruitute
immunitas esse? Quam molestum est au-
tem, ac indignū, omnia humiliter, omnia
submisit & abiectione facere? Nam cum om-
nino seruitus sit Aulica vita, nec aliam
appellationem capiat, quam ea, quæ faci-
unt Emticij, quando nomen haud effu-
giamus, in re ipsa solatium repositum ha-
bere debebamus, ut esset hæc scilicet libera-
lis seruitus. At non putant nunc Principes
aliquid esse inter se, & ministros suos dis-
crimen, nisi ad contumeliam usque utan-
tur opera nostra. Itaque volunt assiduita-
tem, volunt sudores, volunt quoque eant,
ut se velut propria umbra comitemur, ne-
que amant quenquam, nisi qui in oculis
sibi perpetuo sit. Et eos benignius ha-
bent, qui obstipito ante se capite, quoties
ipsi

ipsi respexerint, inclinant: Quibus agilia
 sunt genua; qui omnes illorum nutus, ne-
 dum iussa obseruant; qui Ceremonias au-
 licas pro Legibus colunt, atque igitur vno
 omnes ordine callent & exequuntur, ita
 vt si latum ab his vnguem discedant, pia-
 culum hoc sit. Proinde Desertores vocant
 eos, qui non semper in tergo sibi hærent,
 magis, quam qui in acie loco cesserunt.
 Et summum studium est, vt recte miscea-
 tur regia pompæ strepitus, vt ad omnem
 Principis intuitum palleat quis, ac atto-
 nito similis sit. An non vides, vt apud hos
 titubantem dicere oportet? Et præ timo-
 re sudantem nonnunquam? Vides, quan-
 tumcunq; aliquod familiare & exiguum
 est negocium, qua perplexitate, quam he-
 sitanter ac trepide ille dicit Orator, Vt
 Lugdunensem Rhetor dicturus ad aram?
 Vbi periculum est, si in tituli pronuncia-
 tione vel syllabam prætermiseris, aut po-
 plites tui si officium ibi minus citè faci-
 ant; cauendumque vt omnia sint mollia,
 perfracta omnia, vt opus sit docto alicui
 Comædiarum actori operam dedisse, ac
 histrionicâ didicisse, quo ne quid in con-
 genudatione aberretur. Quæ cum vanis-
 sima omnia sint, tamen plurimum in his

*Ceremonia
 aulica pro
 legibus co-
 lenda.*

*Histrionica
 aulica.*

HVLRICI HVTTENI

diei absumitur. Deinde Apparitiones illæ
 quales sunt, quando totas nonnunquam
 VI. horas standum est vno quasi in vesti-
 gio? quando huc, illuc, sursum, deorsum
 procurrendum? quando equitantem il-
 lum per urbem fessis diu pedibus sequi o-
 portet? quando in plurimam frequenter
 noctem obseruandus est, dum à conuiuio
 redeat? quando in æstu ac frigore excu-
 bandum. Et sunt homines, qui in his æru-
 mnis vitam putent: qui in hoc volutari
 ceno volupe admodum ducant, & pro de-
 licijs habeant hæc facere, hæcque pati.
 Quasi aliquid adhuc intersit, inter *Aulicam*
Captiuitatem, & eos, qui bello Thureis ser-
 uiunt: aut seruiiri Principibus citra assen-
 tationis viciū possit. Quæ sunt enim ista
 paulo ante à me pertractata, quæ etiam si
 ad amissim exequi studeas, & efficere
 quod placeat coneris, tamen in ambiguo
 est, an tuam ille sedulitatem agnoscat, aut
 per optimos illos conuictores an placere
 tibi liceat. Nec minus danda opera, ne-
 quid Aulici isti Susurriones improbent,
 quam ipse ille Iupiter tuus ne offensam
 contrahat. Qui si assiduum te videant, vt
 iam frequentari in Principis auribus inci-
 pias, meritum omne tuum inuertunt, gra-
 uem

*Susurroni-
 bus etiam
 in aula ser-
 uendum.*

nem vocantes ac importunum. Et vbi ascendere quantuliscunque gradibus animaduenterint, deiiciendi consilium capiunt. Quorum studio factum est, vt inter abiectos nunc accumbam. Certe enim FORTVNÆ ROTA est, Caste, in hac vita, in qua quotusquisq; si ascenderit etiam, diu consistere potest? Quod vicissim omnia fiunt; vt, qui nunc sublimes sunt, rursus decumbant, & qui paulo ante depri-
mebantur, nunc summo in orbe conspiciendi emineant, vt alius alium impellat, vt tuum illum æmulum, si quid tibi prospere succedit, vrat. Iam in illa pompa, quæ INVIDIA est, quis quo loco ambulet? quæ AMBITIO? Deinde PRÆLIBATORES, cui malo exponunt se? percepturi, si qua illi domino mors destinata sit. Atque adeo nequid tutum, nequid sit in Aula pacatum, aliquos vidi à Morionibus exoculatos, dum prouocati illi furunt, quosdam ad mortem vsque cæsos. Inter quas molestias, inter quæ discrimina, quid tandem præmij, quid solatij est Caste? Aut non semper vigilandum; Alteram in partem, ne tibi vilescat gratia, in alteram, ne tui sit tædium? Et forte officium petis, quod aut locatum iam est, aut, si va-

Rota Fortuna in aula.

Prælibatores Aulici miseri. Moriones aulici molesti.

HVLRICI HVTTENI

et, plurimos habet competitores: quorum tu studio nisi par fueris, quando tandem spes est, multis vnum præferri? Tum nonnunquam in PIRATAS incidit hæc nauis.

Cast. Quos in Piratas dic oro? Nam vt video, omni à parte *Nauigatio est vita*
Aulica.

Mis. Quid aliud enim? nisi tu quicquàm inuenisti magis huic simile,

Cast. nihil esse credo.

Pirata Ma-
in aulici.

Mis. Proinde multos habeant Infidiatores, multos etiam aperte Inimicos, necesse est, qui multa possident. Vnde si contigerit ei, apud quem seruis bellum esse, ac in hostes tu incideris, & illi captum abducant, tum quis redimit?

Cast. Quis enim alius, quam cuius id caussa passus sim?

Mis. At nemo minus Caste. Nam tuum ibi patrimonium diffluit; Ac ipse te vt libereres opus est. Quod si immitiorem nactus sis Piratam, Carcerem, Vincula, Torturas tibi propono: nonnunquam etiam mortem.

Cast. Duram valde conditionē narras.

Mis. Quasi aliquid mite ferat Aula. Vides igitur aliquot sæpe millia, ob duorum
homun-

homuncionum leuiusculam contentio-
nem, ex ambitione sumtam forte, mutua
se eade conficere?

Cast. Video.

Mis. Quid Principum familiaritatem
suspicias igitur?

Cast. Quia in animum non reuocaui
ista.

Mis. At nunc sapias.

Cast. Tuo beneficio.

Mis. Quamobrem fortunatum te, qui
alieno periculo caues, me infelicem, qui
sic pereo.

Cast. Ni fallor, bona Principum pars,
ea facit, quæ de Syracusano illo respondit
Diogenes. Nam interrogatus, quomodo *Aula quæ*
Amicis vteretur Dionysius? Vt Vasculis, *modo Ami-*
inquit, dum plena euacuat, & abijcit va- *ci sunt glori-*
cua.

Mis. Sic est. Et iam prope arbitror, vt be-
ne vacuum me eijciat ille: quãdoquidem
longius esse mihi à limine, quam solebam,
videor. Ac nisi me omnia fallunt, iam du-
dum illam exuo gratiam, qui diu seruiui,
& quod poenitendum maxime est, opti-
mam vitæ partem, & ætatis florem in Au-
la perdididi, inter Sycophantas ac Assenta-
tores, inter fastum ac superbiam Aulico-
rum.

HVLRICI HVTTENI

rum congerronum. Inter magnificos Sa-
trapas, Regios Canes; inter homines, Ca-
ste, quorum ne in coena quidem laudan-
dus sit aliquis: Inter gloriosos milites: In-
ter illos, Caste, equites, qui sunt ipsi magis
plærunque bestiarum, quam hæ, quas equi-
tant; atque adeo inter Centauros, inani
spe, sine fructu, duris semper modis fati-
gatus ac delassatus, dum virebant genua,
dum omnia erant integra. Qui si hodie
abijciar, ac aliquis roget, quonam pacto
in Aula cosenuerim, quid aliud respon-
dero, quam quod ille apud Senecam, *In-
urias patiando, & gratias saepe agendo?*

Cast. Vicem tuam dolo, Misfaule, quan-
quam desperandum non puto, & forte
tempus est, ut lætius aliquid eueniat.

Mis. In illius hoc, Caste, genibus situm
est: qui quomodo aliquid daturus crede-
tur, exhausto iam & inutiles, qui omnia fal-
so promisit Iuueni & valido?

Cast. Spes est hæc lubrica, quantum
sapio.

Mis. Te monitum igitur velim, ne tam
periculosa *navigationi* te committas. Quid
enim diuitias sperat aliquis, inter tot egen-
tes competitores? aut potentiam quid
ambit, quam sine inuidia habere non po-
test?

test? aut quam si habeat, cum periculo habeat? Cum de omnibus illis secum potentibus male suspicentur. Porro, quis, nisi valde stultus, si hoc modo sit monitus, in hac experiri naue sustinuerit, cuius, præter alia, tam spurca est, tam foeda ac tetra SENTINA?

*Sentina
naus au-
lica.*

Cast. Etiam Sentina ibi molesta est?

Mis. Etiam; nequid vlli Nautæ patiantur, quod non commune illis sit cum Aulicâ familia. Igitur immundissimæ sunt in Aulâ sordes, mira obscœnitas. Primum CIBVS vt multis; ita negligenter apparatus, marcescentibus sepe ac rancidis carnibus, in vas nihil purius coniectis; quibuscum Grylli se, Muscæ, ac Aranei, & id genus animalia miscuerunt; aut quæ Vermes iam pepererant. Atque hæc quales quales sunt, semicotta tibi nonnunquam apponuntur. Iuxta inspidum olus; aut legumina vtcumque commixta: aut Pisces iamdiu ante mortui; aut aliquid his multo spurcum magis. VINVM aut acidum, aut quod ab alia sumtum mensa est, de quo biberat forte barbatus aliquis; barbam profuso nuper iure infectam habens. Qui assident, hesternam crapulam olent; & eructant; per omnia foetidi. Quorum aliquis pereca-

*i.
Cibus.*

*II.
Potus.*

tit

HVLRICI HVTTENI

*In Aula
quid agatur.*

III.

Odor.

*Mantile.
Calices.*

IIII.

Somnus.

tis sedet fœmoralibus, vini impetu emol-
lita aluo, aut apud ipsam mensam vomit.
Nam ita frequenter hæc fiunt in Aula, vt
quocunque tempore abs te aliquis per-
contetur, quid agatur in Aula, recte illi
respondeas; *Bibitur, vomitur, effunditur.* Huc
adde, quod non hominum tantum, sed
bestiarum etiam ferēdus est fœtor, Canum
excrementis tota referta Aula, aduersus
quæ obthurasse nares, adeo est inurbanū,
ac inclegans, vt in fabulam quoq; venire
soleat. Atque his te, vt feras, assuefieri o-
portet, tum alibi, tum vero in ipso etiam
triclinio sumentem iam cibum: *Quant-*
quam præter ista nihil ibi lautum, nihil est
mundum. Crassum ac multo semper iure
impinguatum *mantile*, vt digitis hærens,
quoquo trahas, sequatur. *Calices* situ op-
pleti ac feculenti, mirum in modum con-
spurcata, iuxta inquinata omnia, ac ob-
scœna, & odore vt plurimum teterrimo.
Noctu autem quæ commoditas *quiescendi*,
inter obstreperos Potiores? Quorum ille
ἐπουσώταλος aliquid, nocte iam concubia,
quod omnium asinorum rudium supe-
ret, occinit. Alius vino disertus, aliquot
sæpe horas sermocinatur, inconditis tibi
fabulis somnum interturbans: Forsitane &
cundem

eundem tecum sortitur lectum, aut ex E-
brijs illis vnus, aut qui ex morbo puteat,
ac scabie infectus sit, aut cui spurce oleat
anima, vel qui alijs tibi modis sit mole-
stus. Adde *Lectos*, non impuros tantum, V.
Lectos
sed & pestilentes saepe, vbi ille dormierat
paucis ante diebus morbo gallico adesus,
vbi leprosus aliquis desudauerat: *Lodices*
sextum ante mensem lotæ, in quibus se
voluntarunt morbofi illi, quæ multam, si
inspicias, saniem, multū pus exceperunt.
Atque hæc omnia tunc magis obijciun-
tur, quādo vaga est Aula, vt in alijs ac alijs VI.
Diuersorij
Diuersorij pernoctandum sit, humi non-
nunquam, vix raris substratis tibi stipulis,
aut pediculosa aliqua culcitra, inter Ci-
mices, ac pulicum examina.

Cast. Capio, & videre memini ebrios
modis omnibus immundos.

Mis. Tunc cum in suis illis versarentur
delitijs?

Cast. Cum eodem in triclinio alij bibe-
rent, alij vomerent, nonnulli inuicem sibi
oppederent.

Mis. Tunc, cum ille iaceret iam victus
potor, ac inter dormiendum vomeret,
inter vomendum dormiret, excubanti-
bus

HVLRICI HVTTENI

bus iuxta canibus, qui omnes mediotē-
nus palato sordes elamberent.

Cast. Cum alij scorta, alij taxillos pos-
cerent.

*Tantali
Aulici.*

Mis. Non iam ignoras igitur, cuiusmo-
di tibi, si huc concedas, exhaurienda *Sen-
tina* sit. Quod si cum ipso nonnunquam
Principe seorsum cœnes, vt laute omnia
parata, eleganter apponantur, non audes
per verecundiam apposita sumere, ac
TANTALI more, in copia eges. Tum te
interficiunt, aut morbis obnoxium red-
dunt varia ciborum genera, quibus appo-
sitis, continere te facile non potes, quin
nimis edas. Et longo intervallo missus
importantur. Ac ea plurimum hora cibus
sumitur, quæ tibi minime conuenit. Ne-
que enim in Aula tunc editur, quâdo ho-
mines esuriunt, aut tunc bibitur, quando
sitiunt, aut suo tēpore quiescitur. Omnia
cōfusa sunt, omnia intempestiua. Et for-
te expectandus est ille, qui aut in venatio-
ne, aut Ius dixit, ac Leges dedit. Quæ om-
nia eo tendunt, vt *valetudinem negligas*, ac
corrumpas, vt *Febres*, vt *Podagras*, vt *Ulcera*,
ac *Pestes* contrahas.

*Fructus &
effectus Co-
ra Aulica.*

Sed iam, credo, satisfecisse, & tuæ, Ca-
ste, petitioni, & meo in te studio, quo ma-
gis ad

gis ad seruitutem remittas iam me. atque audin sonare æs illud, quod me dixi ad officium vocaturum?

Cast. Audio, sed breuiter adde, aliquid si restat, Epilogi in modum.

Mis. Quid vis addam? nisi vt moneam, quo *Mare* illud tot modis suspectum fugias ac vites: Ne vnquã *Nauigatione* te committas, tam periculosa, tam exitiosa: Ne in rebus adeo dubijs, adeo incertis, spem ponas: Ne tibi pedicas induas, ac spontaneam vltro seruitutem accersas, in qua postea miser cum sis, non identidem sis miserabilis, cum talis esse volueris, & ex miseria voluptatem tibi petendam duxeris: Ne te ex commodiore vita in has *Tempestates*, has *Procellas*, vnde emergere difficilimum sit, abijcias: Ne ab animo exules, & in his afflictionibus immunitatem nequæras: vt memineris libertati renunciatum, vt primum in Aulam te mancipaueris; nisi seruus non est, aut captiuus non est, qui vnã domum egredi, citra præscriptum, non audet: Omnino, vt longum valere dicas Aulæ, in qua corrupta sunt omnia, *ὅπου δὲ ἐστὶν ἡ γῆρας*: vbi difficultates miræ obijciuntur, *Arcana reticere*, O-

HVLRICI HVTTENI

*cum recte disponere, Iniurias tolerare; Vbi alijs opera impenditur, sibi malum accersitur; Vbi optimum quod habemus, frustra Tempus conterimus. Tandem vide huic inuenuſtæ venuſtati ne te capiendum præbeas; quo ne foris iucundiſſime demulctus, intus acerbiffime tracteris, deniq; miſere ſubuertaris. Nam quid refert, aureis te catenis vinctum quis, an ferreis detineat? Aut aliquid refert, à quo metallo piſcis trahatur? In ſumma, *Vt MARE eſſe memineris Aulam: Deme, vt ab iſto naufragio enatem, videro.**

Caſt. Dabo equidem operam, ac tibi multa libenter debeo, qui me in tempore monueris.

Miſ. Tibi ego gratiam viciffim habeo, quod me non oſcitanter audiueris. Sed iam eundum eſt, tu vale, ac in longum vale, & extra Aulam vale.

Caſt. Et tu vale, ac liber eſto.

Miſ. Quod Dijs videatur, Caſte. Sed ecce, Velinū video reuerti à Principe, quem de ſalario perſoluendo moniturus, hodie acceſſit. Interrogabo, quod reſponſum tulerit. Heus tu Veline; Audin Veline?
π σοι ἀπὸ πλῶν κικιθάεισιν.

Anno

AVLA. 74
ANNO DOMINI, M. D. XVIII.
Lypſiæ excudebat olim Valentinus
Schuman, Cum priui-
legio Imperi-
ali.

K 2 LVCIA-



LVCIANVS SA-
MOSATENSIS:
DE IIS, QVI
MERCEDE CONDV-
CTI, IN DIVITVM FA-
milijs viuunt.

ERASMO ROTERODAMO
interprete.

ARGVMENTVM, AVTORE IACO-
bo Micyllo, Schola Francofurtensis
olim Rectore.

AVLICÆ vitæ molestias, &
incommoda, oratione hac de-
pingit Lucianus, quamq̃ in-
digna ea sit homine præsertim docto, &
liberaliter instituto; exponit: confutatis
etiam causis ijs, quibus sese tuentur, qui
hoc vitæ genus sectantur, & in seruitu-
tem vltro sese precipitant.

Exordium ab attentione incipit, am-
plificando rei magnitudinem, fidemq̃ fa-
ciendo dictis, ab eorum persona, qui in
eadem

*eadem vita aliquandiu vixerunt. Mox
& benevolentiam captat Timoclis eius
ad quem scribit, ab officio amicitiae, indi-
cans se hac propterea illi scribere, ut quia
illum iam olim de hac vita suscipienda,
cōsilia agitare intellexerit, ne quid olim,
si res malè cadat, & illum consilij sui pœ-
nitere incipiat, accusare sese possit, ut à
quo admonitus, aut reuocatus non fue-
rit: præsertim quando sciat hanc vitam
non modo per se difficilem atq; periculo-
sam esse, verum etiam homini Philoso-
pho, aut quocung; deniq; disciplinarum
genere docto, minime conuenire.*

*Exordio in hunc modum peracto, con-
futationem statim subiungit earum cau-
sarum, quibus sese tueri solent, qui hoc
vita genus vtrò amplectuntur. Diluit
aut omnes eas per inuersionem, ostendens
ea maximè, vel sequi, vel negari, qua illi
cum primis euitare, vel consequi student:
ac postremo etiam turpe esse homini do-
cto & ingenuo, ob solam spem voluptatis*
K 3 *alicuius,*

ARGVMENTVM.

alicuius, in voluntariam seruitutem sese dare. Atque hinc iam ad ipsam rem accedit, propositis per diuisionem ijs, de quibus dicturus sit.

*Tironis au-
lici mole-
stia.*

- I. Principio igitur recenset quanta incommoda, quantaq; molestia perferenda sint, Antequam in Aulam recipiaris. Deinde, quae & quanta toleranda, atque adeò deuoranda, ubi iam receptus fueris,
- II. Circa prima conuiuia: Circa pactiorem
- III. mercedis: Circa seruitutem reliquam,
- IIII. quae mox exceptum atque perdomitum,
- V. paulatim in Contemptum adducit, & ad
- VI. Adulandum impellit: praeterea & Metu
- VII. periculisq; inuoluit: ob quae varia exinde querela, & vita mutata Pœnitentia
- VIII. sequuntur.

- IX. Atque hac omnia non domi solum perferenda esse indicat, verùm etiam Foris, ubi interim multò sordidiora ministeria imponuntur, etiam à Mulieribus, quibus aequè ac viris Adulandum est.
- XI. Posthac & Circa munerum Compensationes.

tiones, quo pacto nunciij ac dispensatores
 conciliandi, & Circa mercedis solutio- XII.
 nem, quanta cum molestia exigenda illa,
 quantaque aliorum etiam inuidia acci-
 pienda sit: & postremò, quàm ignomi-
 niosi Exitus plerosq; maneant, senes iam XIII.
 & exhaustos, cum clam aut turpiter ab
 Aula profugiunt, aut reijciuntur.

*Qua omnia ad finem, velut in tabella
 quadam proposita, breui sed eleganti ad-
 modum imagine depingit, & ob oculos
 ponit, amplificatis etiam in media pas-
 sim oratione ijs, quæ maxime urgere
 aut commendare
 voluit.*

DE VITA AVLICA,
LVCIANVS,
AD TIMO-
CLEM.



Cquid tibi primum, amice, aut
quid postremum, quemadmo-
dum vulgo dici consuevit, re-
censeam, ex his quę tum facere,
tum pati coguntur, qui mercedis gratia
sefe in alienas domos, conuictum quę tra-
dunt alienum, quiq; in locupletum isto-
rum amicitiam accensentur; si modo e-
iusmodi illorum seruitutem conuenit a-
micitiam appellare? Noui enim permul-
ta, atque adeo plęraque omnia, quę illis
ibi soleant accidere, nō, per Iouem, quod
ipse ea experimento cognōrim, (neque e-
nim mihi vnquam experiundi incidit ne-
cessitas, ac ne quando incidat, Dij prohi-
beant) sed quod complures, qui in hoc
vitę genus inciderant, apud me soliti sint
commemorare: partim qui in ipsis etiam
tum malis constituti, quę & quanta fer-
rent, deplorabant: partim qui tanquam ē
carcere quodam profugi, non absque vo-
luptate recordabantur, commemora-
bantque ea, quę fuerant perpeffi. Imō iu-
uabat

uabat reuocare ob oculos, quas ærumnas effugissent.

Atque hi quidem digniores mihi visi sunt, quibus fides haberetur: vt qui eius sacri ritus (vt ita dixerim) omnes, omniaq; mysteria perdidicissent, cunctaq; ab initio ad finem vsque perspexissent. Hos igitur haud quaquam indiligenter, nec oscitanter audire soleo, veluti naufragium quoddam, ac præter spem obiectam salutem enarrantes. Cuiusmodi sunt isti, qui in templis derafo capite, complures simul obambulantes, immanes undas, procellas, sublatos in cœlum fluctus, iactus, malos fractos, gubernacula reuulsa narrant. In primis autem geminos Castorem & Pollucem apparentes (nam hi peculiari-ter ad hanc Tragœdiam pertinent) aut alium Deum quempiam repentè, quem- admodum in fabulis fieri conuenit, exortum, summisq; antennis insidentem, aut iuxta clauum adsistentem, qui nauim ad littus aliquod molle dirigeret, ad quod appellens futurum esset, vt & ipsa paulatim ac lentè solueretur, & ipsi tuto in solum descenderent, idq; ope fauoreq; diuino. Atque isti igitur permulta id genus ad præsentem commoditatem exag-

DE VITA AVLICA,

gerantes, commemorant, quo videlicet à pluribus stipem accipiant: si non calamitosi modo, verum etiam Dijs chari esse videantur.

Porro ij dum eas quas in tectis tulerunt tempestates referrent, atque immanes illas vndas, quin etiam decumanos fluctus, si fas est dicere; & quemadmodum primum à littore soluerint mari tranquillo, quantumque molestiarum perpetua navigatione sint perpeffi, dum sitiunt, dum nauseant, dum salo perfunduntur: Denique quemadmodum infelici nauigio incautem quampiam sub vndis latentem, aut in scopulum aliquem præruptum, & asperum illiso fractoque, miseri ægre enatârint nudi, cunctarumque rerum inopes: Hæc inquam quum referrent, mihi quidem visi sunt permulta præ pudore subtere, volentesque ac scientes obliuisci. At ego etiam illa, præterea autem & alia nonnulla, ex illorum narrationibus coniectans, deprehendi quicquid ærumnarum cum eiusmodi conuictibus coniunctum est. Quæ quidem omnia haud grauabor, optime Timocles, tibi per censere. Iam pridem enim mihi videor animaduertisse, te de capescenda hac vitæ ratione cogitare.

Nam

Nam olim quum his de rebus sermo incidisset: mox ex his, qui præsentes erant, quispiam mercenarium hoc vitæ genus laudare cœpit, fortunatissimos eos affirmans, quibus contigisset horum vti familiaritate, qui apud Romanos essent optimates; cum conuiuijs adesse opiparis, idque immunes: præterea splendidis in ædibus diuersari; tum peregrinari omnigena cum commoditate voluptateque, alba interim in rheda (si fortè libeat) resupinatos. Insuper ob hanc amicitiam, obque commoditates quibus afficiuntur, etiam mercedem capere: id verò non mediocre videri. Istis enim haud dubiè citra semen-tem ac culturam (quod aiunt) cuncta prouenire.

Hæc igitur atq; id genus alia quum audires, animaduerti quemadmodum ad ea inhiaueris, quamque auidè ad escam os apertum porrexeris. Proinde ne quid mihi certè in posterum possis imputare, neque expostulare queas, quod quum te conspiceremus tantum vnà cum esca deglutientem hamum, non reuocaremus, neque priusquam in guttur demergeretur, reuulserimus, neq; præmonuerimus, verum posteaquâ cessassemus, donec eo iam
 adacto

DE VITA AVLICA,

adacto atque infixo trahi iam, ac vi duci
conspiceremus, tum quum nihil opis af-
ferri possit, frustra adesse nos atque illa-
chrymari. Hæc, inquam, ne quando pos-
sis dicere, quæ si dicantur, merito profe-
cto dicantur, neque à nobis refelli pos-
sent, quo minus peccasse videremur, vt
qui prius ista nō indicassemus: audi nunc
ordine omnia.

Ac rete quidem ipsum cuiusmodi sit,
quamque nullum habeat exitum, non in-
tus medijs in sinibus inuolutus, sed foris
tutò, atq; per ocium ante contemplator:
vnci aris aculeum, reflexam hami aciem,
ac tridentis cuspidem manu tentans, mala-
que ad motas experiens. Quod nisi vehe-
menter acuta, nisi sic illigãtia, vt effugien-
di nulla sit facultas, nisi dira vulnera fa-
ctura videantur, acriter trahentia, & in-
explicabiliter retinentia; nos quidem in-
ter formidolosos, atque ob id etiam pau-
peres, famelicósque ascribito: ipse verò,
sumta fiducia, venatum istum, si videtur,
aggreditor, Lari in morem totam escam
hiatu deglutiens. Atq; in vniuersum qui-
dem forsitan tua causa omnis hic sermo
dicetur. Quanquam non solum de vobis
Philosophis, aut his quicunque vitæ insti-
tutum

tutum sibi delegerunt cum virtutis studio coniunctius, verum etiam de Grammaticis, Rhetoricis, Musicis; breuiter de omnibus, qui in doctrinæ professione versari, quæstumq; facere proposuerunt. Ceterum quum omnia sint inter istos communia, eademq; prorsus accidant omnibus, palàm est Philosophorum conditionem non esse à reliquis eximiam. Imò hoc illis turpius ista contingere, quum sint cum alijs communia, si ij, qui conducunt, non alijs præmijs eos, quam reliquos dignos iudicent, nihilóque magis quàm cæteros in honore habeant.

Sed quicquid erit, quod narrationis series aperiet, eius culpam potissimum in ipsos conferre par est, qui eiusmodi faciunt, deinde in eos, qui talia sustinent. Ego verò culpari non debeo, nisi forte veritas & libertas in commemorando reprehensionem mereatur. Ac reliquum quidem hominum vulgus, puta palæstricos quospiam, aut adultores imperitos, sordidoque animo, ac suo pte ingenio humiles, & abiectos homines, ne operæ præcium quidem fuerit, ab eiusmodi conuictu dehortari, quippe nequaquam obtemperaturos; neq; rursus æquum sit illis vitio vertere,

DE VITA AVLICA,

tere, quod nō relinquant suos conducto-
res, etiam plurimis ab illis contumelijs af-
fecti. Sunt enim ad eam vitæ rationem ac-
commodati factique, neq; ea videlicet in-
digni. Præterea ne habeant quidem aliud
quippiam, ad quod sese conuertant, & in
quo sese exerceant, adeò vt si quis eam vi-
tam illis adimat, ignaui illicò, consilijque
inopes, desidiosus atq; inutiles reddantur.
Quamobrem nec ipsi rem aliquam indi-
gnam patiantur, nec illi contumeliosè fa-
cere videantur, si (quod aiunt) in matel-
lam imminxerint. Etenim ad eas ipsas
contumelias iam inde initio præparati,
conferunt sese in familiam, atque hæc sola
illis ars suppedit, ferre & perpeti quicquid
acciderit.

Cæterum eruditorum nomine, de qui-
bus institueram loqui, meritò indignan-
dum, enitendumque, vt, quàm maximè
fieri potest, eos inde reuocatos, in li-
bertatem vindicemus. Videor autem re-
ctè facturum, si quibus de causis se qui-
dam ad hoc vitæ genus conferunt, eas
causas excussero, parumque idoneas, at-
que efficaces esse demonstrauero. Siqui-
dem eo pacto omnis illis præripietur ex-
cusatio, summusque ille titulus, quo suam
spon-

spontaneam seruitutem solent obtexere.

Iam igitur plerique paupertatem, & rerum necessariorum inopiam proponunt: atque eam umbram satis idoneam existimant, qua suum factum prætexant, quod vtrò ad eam vitam accesserint. Ac sibi sufficere credunt, quum aiunt, se quiddam ignoscendum facere: qui id, quod est in vita molestissimum, nempe paupertatem, studeant effugere. Postea in præptu Theognis, atque illud plurimum in ore: *Causa seruitutis Antica.*

I. Paupertatis fuga.
Nam quemcunque virum paupertas enecat.

Et si quæ alia terricula abiectissimi quique Poëtæ de paupertate prodiderunt. Equidem si viderem, ex huiusmodi conuictu, paupertatis effugium aliquod verè contingere, non admodum anxie cum eis de vehementer amplectenda libertate disceptarem. Ad posteaquâ eiusmodi quædam accipiunt, cuiusmodi sunt ægrotantium alimenta (quemadmodum egregius ille dixit Orator) qui queant effugere, quo minus in hoc ipsum parum rectè sibi consuluisse videantur, nimirum semper illis manente eodem vitæ illius argumento? Semper enim manet paupertas, semper accipiendi necessitas, nihil quod seponatur, nihil

DE VITA AVLICA;

nihil superest quod referuetur. Verum quicquid datum fuerit, vt detur, vt vniuersum etiam capiatur, prorsus omne infumitur, ita tamē, vt ne id quidem in vsus sufficiat.

Rectius autem futurum fuerat, si nequaquam caussas eiusmodi comminiscerentur, quæ paupertatem seruant, aluntque, atq; eatenus duntaxat opitulantur, verum quæ illam tandem aliquando tollant. Ac forsitan tibi hoc volebas Theogni, quum diceres eam in altum mare, ac præruptis de scopulis præcitem dari oportere. Quod si quis semper pauper, semper egens, cum semper mercede conductus mereat, hoc ipso sese arbitretur aufugisse paupertatem: nō video qui fieri possit, quo minus hic ipse sese fallere videatur.

2.
*Conditioni
Vite, seu a-
varis aut Ga-
litudinis in-
firmitati,
consulere.*

Rursum alij negant sese paupertatem formidaturos, si modo reliquorum hominum in morem possint suo labore, suaque industria sibi victum suppeditare. At nunc sibi fractas esse corporis vires, seu senio, seu morbis: eoque ad eam vitam mercenariam, facilem videlicet atque commodam, confugere.

Age igitur, inspiciamus num vera prædicent,

dicent, & num ea, quæ dantur, ex facili illis suppetant, non multo, neq; adeo maiore labore constant, quam vulgo suus victus. Nam id quidem etiam votis expetendum, vti citra laborem, citra sudorē, nullo negotio paratum argentum accipias. Verum quam hæc absint à vero, istud profecto, vt dignum est, ne dici quidem satis potest: tantum laborum, tantum sudorum in eiusmodi conuictibus exhauriendum, vt hic ne valetudo quidem ad id par sit, quippe quum quotidie sexcenta non desint negotia, quæ corpus conficiant, adq; extremam vsq; defectionem delassent. Verum hæc suo loco dicemus, quū etiam reliquas illorum incommoditates commemorabimus. In præsentia sat erat ostendere, qui se aiunt hac de causâ in seruitutem addicere sese, ne istos quidem vera dicere.

Supereſt iam vt eam cauſſam referamus, ^{3.} *Diuitia-*
 quæ quidem vt eſt veriſſima, ita ab illis mi- *rum ſolu-*
 nimè profertur. Nempe ipſos voluptatis *præſeſſi.*
 gratia, & amplis illis ſpebus incitatos, vltro inuadere familias diuitū, auri argenti-
 quæ vim & copiam admiratos: præterea
 quòd felices ſibi videantur ob conuiuia,
 reliquas eius vitæ delitias: ſperantes futu-
 rum,

DE VITA AVLICA,

rum, vti mox, nemine vetante, affatim aurum bibant. Hæc nimirum sunt, quæ illos adducunt: atque ex liberis seruos constituunt. Non rerum necessariarum vsus, quem prætexebant: sed rerum nõ necessariarum cupiditas, atq; ingentium illarum & amplarum opum admiratio. Enimvero quemadmodum miseros istos, atq; infelices amantes, callidi quidam & veteratores amasij receptant & fastidienter ducunt, lactantque videlicet, quo iugiter amantes, ambiant ipsos, atque inseruiant: Cæterum ex amoris fructu, ne summo quidem osculo impertiunt. Intelligunt enim copia facta dissoluendum amorem, id igitur ne fiat, præcauent, diligenterque sui copiam subtrahunt. Alioqui spe semper retinent amantem: metuentes, ne desperatio minuat cupiditatis ardorem: amantemque ab se alienet. Proinde semper arrident, pollicenturque, semper facturi sunt, semper gratificaturi: semperque ingentium sumptuum rationem habituri: donec imprudentes ambo senuerint, atque vtrique iam præterierit ætas: huic ad amandum, illi ad dandum. Atque ita omni vita nihil illis peractum est, ultra spem meram.

Atqui

Atqui voluptatis cupiditate nihil non ferre, id quidem forsitan nō vsq; adeo vicio vertendum: quin magis venia danda, si quis voluptate capiatur, & hāc vndeque cōsecetur, quo possit ea potiri: quā turpe forsā ac seruile, si quis ea gratia semet in ius tradat alienum: propterea quod voluptas, quæ ex libertate percipitur multo suauior est, quam ea, quam ille libertatis iactura sectatur. Attamen hoc quoque aliquo pacto ignoscendum illis sit, si modo consequantur. Verum enimvero ob solam voluptatis spem, multas perferre molestias, equidem & deridiculum arbitror, & stultum: maximè quum videant labores certos esse, manifestos & ineuitabiles: porrò illud quod speratur, quod quidē nihil aliud tandem est, quàm voluptas, ne tam longo quidem tempore contigisse.

Præterea autem, nec verisimile videri, vt contingat aliquando, si quis modo rem recta reputet via. At Vlyssis quidem socij, dulci quadam gustata loto, reliqua negligebant, ac presenti voluptate deliniti, honesta contemnebant, vt non prorsus cum ratione pugnârit in illis honestatis obliuio: nimirum animo voluptatis

L 2 illius

DE VITA AVLICA,

illius sensu occupato. Verum si quis famelicus alij cuiquam loto sese ingurgitanti, neq; quicquam inde impertienti, assistat, idque solam ob spem, quod credat fore, vt & ipsi aliquando degustandam lotum porrigat: assistat, inquam, adhuc modū, recti atq; honesti oblitus, Dij boni, quam hoc ridiculum, planeque verberibus quibusdam Homericis dignum.

4.
Gloria cupiditas.

Ergo quæ istos ad diuitum conuictum adducunt, & quibus impulsī sese illis dedunt, ad quodcunq; lubitum fuerit vtendos, hæc sunt, aut his fermè similima. Nisi si quis & illos commemorandos esse iudicat, quos hæc vna res ad incommouet, quod gloriosum arbitrantur, cum illustribus atque opulentis viris habere consuetudinem. Sunt enim qui hoc quoque præclarum ac magnificum supraque plebem existimant. Nam ego quidem, quod ad me proprie attinet, recusârim vel cum Persarum Rege conuiuere duntaxat, conuiCTORQUE videri, si nullus ex eo conuiCTi fructus ad me redeat.

*Propositio
sequentis
orationis.*

Quum itaq; causa eius vitæ suscipiendæ sic illis habeat, age iam consideremus apud nosmetipsos, primum, cuiusmodi sint illis perferenda, priusquam admittantur

tantur, priusquam obtineant: Deinde cuiusmodi in ipsa iam vita constituti patiantur: Postremò quæ tandem catastrophæ, quis fabulæ exitus illis contingat.

Neq; enim illud dicere possunt: hæc tamet si molesta sint, tamen assuesci facile neque ad id multo opus esse labore, sat esse si velis modo: postea reliqua omnia factu fore facilia. Imò necesse est, ut primum diu sursum ac deorsum cursites, manè excitatus assidue pro foribus obuerferis, ut perdures, quum protruderis, quum excluderis, quum improbus interdum atq; importunus vidêris: cum Ianitori malè syrisfanti, ac nomenclatori Lybico subijceris, quumq; nominis tui memoriam mercede redimere cogeris. Quin etiam vestitus tibi est apparandus supra tuæ rei facultatem, pro dignitate eius cuius conuictum ambis, deligendus color, quo ille potissimum gaudeat, uti ne discrepes, nèue oculos illius offendas. Postremò uti gnauiter affectere necesse est, vel antecedas potius, à famulis protrusus, ac veluti pompam quandam expleas, at ille interim complures iam dies ne aspicit quidem te. Quod si quando res tibi felicissimè verterit, si te respexerit, si accersuerit, dixeritque, quic

I.

*Tyronis am-
licis mole-
stia, ante-
quam in
Aulam ad-
mittitur.*

I.

Affectatio.

2.

Salutatio.

DE VITA AVLICA,

quid illud fuerit, quod illi fortè in buccâ venerit, tum deniq; tum plurimus sudor, tum multa oculorum caligo, tum intempestiua trepidatio, tum sannæ eorum, qui adsunt, hæsitantiam tuam ad perplexitatem ridentium. Quæ quidem non raro accidit, vt quum oportuerit respondere, quis fuerit Rex Achiuorum, mille naues illis fuisse respondeas. Atque id, si qui sunt modesti, pudorem vocant, immodesti timiditatem nominant : improbi inscitiam. Ita fit, vt tu primam hanc diuitis comitatem tibi periculosissimam expertus, ita discedas, vt tantam animi tui imbecillitatem ipse condemnes. Porro vbi multas iam noctes insomnes duxeris, vbi plurimos dies cruentos egeris, haud quidem Helenæ gratia, (per Iouem) neque ob Priamæia Pergama, verum spe quinque obulorum ; contigerit autem & Deus quispiam tragicus, qui tibi sit auxilio, iam illud restat, vt exploreris excutiarisque, num literas noris. Atque ea quidem disceptatio non iniucunda est ipsi diuiti, quippe qui laudatur interim, ac felix esse prædicatur. Cæterum tibi videtur, de vita ipsa, deque omni fortuna tum certamen esse paratum, propterea quod tibi venit

3.
*Exploratio
Vita.*

venit in mentem, idque meritò, futurum
 ut te alius nemo sit admissurus, si prius ab
 hoc reiectus ac repudiatus videare. Inter-
 rim in varias curas distraharis oportet:
 dum inuides ijs, qui pariter ex æquo te-
 cum examinantur. Finge enim & alios
 esse, qui eiusdem fortunæ tibi sint com-
 petitores; te verò tibi videri cuncta pa-
 rum absolutè respondisse, metuentem
 interim simul & sperantem, ac miserè de
 illius vultu pendentem: qui si quid pa-
 rum probet eorum quæ dixeris, peristi.
 Sin arridens auscultat, hilarescis & spe
 bona fultus consistis. Porro consenta-
 neum est, esse non paucos, qui tibi aduer-
 sentur, atque alios in tuum locum velint
 inducere. Horum vnusquisque clancu-
 lum velut ex insidijs in te iaculatur. Iam
 verò illud considera: quale sit virum pro-
 missa barba, cana coma, examinari, nun-
 quid boni rei didicerit, & alijs quidem di-
 didisse videri, alijs secus. Superior interim
 vita, & omnis antea acta ætas tua curiosius
 disquiritur. Quod si quis aut ciuis inui-
 dia, aut vicinus leui quapiã de causâ pro-
 uocatus, te deferat, & adulterum dicat,
 vel pæderasten: is protinus, iuxta vetus il-
 lud prouerbium, ex Iouis tabulis testis.

4.
*Competito-
 rum inui-
 dia & de-
 lationes.*

DE VITA AVLICA,

Porro si pariter omnes benè de te prædicent, suspecti, leues, ac largitione redempti videbuntur. Nam admodum omnia tibi cōstent oportet: Nihil prorsus sit, quod tibi queat oblistere, alioqui nunquam obtinueris.

Age sanè, hoc quoque contigit, ac bona quapiam fortuna cuncta tibi feliciter cesserunt, & probavit ipse doctrinā tuam, & amicorum præcipui, quibúsque ille huiusmodi in rebus plurimam habet fidem, nō dehortantur. Ad hæc vult etiam vxor. Non referatur domus præfectus, neque item dispensator. Nemo tuam insimulauit vitam, dextra omnia, & omni ex parte bene promittunt sacra. Vicisti igitur, ô fortunate, & coronatus es olympia. Quin Babylonem magis cepisti, aut Sardium arcem occupasti. Habebis copiarum cornu, & gallinaceum lac emulgebis: iam sanè par est, vt aliquando præmia capias, maxima videlicet, & quæ laboribus tantis respondeant, ne corona tua frondea duntaxat sit, simul vt merces haudquaquam contemnenda præstituatur, eaquē commodè ad vsum citraquē negocium persoluatur, vtquē reliquus item honos tibi præter ministrorum vulgus suppeditetur. Cæterum

à laboribus illis, à luto, à cursitationibus,
 à vigilijs, in ocium te recipias, vti, id, quod
 vulgo solent optare mortales, porrectis
 pedibus dormias, nihilque iam facias præ-
 ter ea sola, quorum gratia primum rece-
 ptus es, & in quæ conductus: ita enim con-
 sentaneum fuerat Timocles, neq; ingens
 malum erat futurum, si quis subdita cer-
 uice ferat iugum, leue nimirum, & porta-
 tu facile, quodq; est omnium maximum,
 auro illitum.

Atqui longe secus res habet, imo nihil
 horum reperietur. Siquidem in medijs
 ipsis id genus conuictibus, sexcentæ res
 accidunt, viro ingenuo neutiquam tole-
 randæ. Quæ quum audieris, ipse tecum
 ordine reputato, num quisquæ ea perpeti
 queat, cui quidem cum eruditione vel
 minimum cōmercij fuerit. Exordiar au-
 tem, si videtur, à primo conuiuio, vnde
 consentaneum est, te consuetudinem il-
 lam auspicaturum.

Primum igitur, adest tibi quispiam, qui
 te iubeat ad conuiuium accedere, famu-
 lus non incomis, qui tibi prius placan-
 dus, datis in manum (ne videaris inciui-
 lis) vt minimum quinque drachmis. At
 ille accissans, seq; quum maximè cupiat,

L 5 cupere

I I.

*Quæ, in ipsa
 Aula rece-
 pris iam to-
 leranda*

sint.

*Conuiuia
 aulica.*

DE VITA AVLICA,

cupere dissimulans: Apage, inquit, Egône quicquam abs te? Addit & illa, absit, Dij prohibeant. Tãdem flectitur atq; obtemperat ac discedit, telatè diducto rictu sub fahnans. Tu porrò nitida sumpta veste, mundissimeq; cultus, lotus accedis, sollicitus interim, ne prior alijs aduenias: nam id inurbanū, quemadmodū postremū venire, graue. Proinde media inter vtrunq; obseruata oportunitate ingrederis, teque fane quā honorificè excipiunt. Tū arrepta manu te quispiā iubet accumbere, paulò supra diuitē, inter duos ferme veteres amicos. At tu perinde atq; in Iouis edes veneris, nihil non admiraris, & ad omnia, quæ geruntur, suspensus inhias, ppter ea quod noua tibi atq; inuisa sint cuncta. Interim familia te spectat, omnesq; qui præsentes sunt, quid agas obseruant. Neque verò ea res curæ non est ipsi diuiti, quippe qui famulis aliquot præmonitis negotiū dederit, vt oculis obseruent, quemadmodū te geras in pueros aut in vxorem, nū subinde ex obliquo respectes. Ac reliqui quidē cōuiuæ, simulatq; te vident propter imperitiam ad ea, quæ fiunt, attonitū, ac stupefactum, derident clanculū, coniectantes te nunquā antea apud alium quempiam coenâsse,

cœnâsse, nouumq; tibi esse, vt mantile ap-
 ponatur. Proinde, sicuti verisimile est, præ-
 hēsītātia sudes oportet, ac neq; cum sitias,
 audeas potū poscere, ne vinosus videare:
 neq; varijs appositis obsonijs, & in ordi-
 nem quendam extructis, scire posses, cui
 prius aut posterius manum admoueas.
 Quare ad eum; qui proximus accumbit
 respectes necesse est, atq; eundem imita-
 tus, conuiuij rationem & ordinem discas.
 Alioqui anceps sedes, & varians, animoq;
 pœnitus pturbato, & ad omnia, quæ illic
 geruntur obstupescant. Atq; interim qui-
 dem, diuitis admiraris felicitatem, ppter
 auri vim & eboris, tantasq; delicias. Inter-
 rim tuam ipse deploras infelicitatem, qui
 quum nullius sis rei, tamen viuere te cre-
 das. Nonnunquam & illud in mentem
 venit, fore vt admirādam & expetendam
 quandam viuas vitam, quippe qui sis om-
 nibus delicijs illis fruiturus, cunctorum-
 que ex æquo futurus particeps. Arbitraris
 enim te semper bacchanalia festa celebra-
 turum. Quin & Adolescentuli formosi
 præministrantes, ac silentio arridentes,
 suauius in posterum hoc vitæ genus pol-
 licentur, vt Homericum illud nunquam
 desinas in ore habere.

Haud

DE VITA AVELICA,

*Haud vicio verti debet si Troia pubes,
Armatiq; simul Danaï, sub Marte laborum
Pondera tanta ferant;*

Ob tantam videlicet felicitatem. Accedunt ad hæc inuitatiunculæ ad bibendū. Ac postulato perquam ingenti scypho quispiam, præbabit tibi, præceptorem, aut aliud quiddam denique te appellans. At tu recepto scypho, quid vicissim oporteat respondere, propter eiusmodi morum imperitiam ignoras, iamque rusticanus, & inelegans esse videris. Cæterum ea propinatio multorum veterum amicorum inuidiam in te concitauit, è quibus nonnullos iam dudū tuus accubitus clanculum vrebat, quod modo cum adueneris, ijs anteponare, qui multorum annorum seruitutem exhausterint. Protinus itaque talia quædam de te inter illos dicta feruntur; Illud scilicet malis nostris deerat, ut etiam ijs qui nuper in familiam cōmigrârūt, posthabeamur. Et solis Græculis patet vrbs Rōmana. Et quid habent, quamobrem nobis debeant anteponi? Num mirificam quandam vtilitatem adferre videntur, quum verbula quædam misera dicunt? Rursus alius, hæc: An non vidisti, quantum biberit, quemadmodum cibos

cibos appositos auide corripienti deuorā-
rit? Homo inelegans, ac fame enectus,
qui ne per somnium quidem vnquā fue-
rit albo pane saturatus, multo minus ali-
te Numidica, aut Phasiano, è quibus no-
bis vix ossa reliqua fecit. Porro tertius, fa-
tui, inquit, priusquam quinq; abeant di-
es, videbitis hunc nihilo plaris fieri quam
nos. Nam nunc quidem non secus atque
calcei noui solent, in precio est, & habe-
tur carus: verum vbi crebro iam fuerit
calcatus, lutoq; deformatus, tum miserè
sub lecticam abijcietur, cimicibus, quem-
admodum nos, oppletus. Atque inter il-
los talia permulta de te iactantur. Ex qui-
bus aliquot iam tum etiam ad calumnian-
dum insimulandumque te incitantur. Om-
ne igitur illud conuiuium tui plenum,
ac plerique de te sermones. Tu verò pro-
pter insolentiam atq; insuetudinem plus
quam sat est, hauris vini tenuis & acris,
eoque iam dudum aluo tibi cita discrutia-
ris: verum neque decorum tibi ante alios
è conuiuiio discedere, neque rursum ma-
nere tutum.

*Noui Auli-
ci, & noui
calces, cari.*

At producta interim in longum pota-
tione, dum sermo alius ex alio nascitur,
dum spectacula alia post alia proferuntur
in con-

*Potationes
aulica.*

DE VITA AVLICA,

in conuiuium (nam vniuersum fortunæ suæ strepitū tibi cupit ostentare) non mediocriter discruciaris, cui non liceat, neq; videre quæ geruntur, neque auscultare, si quis voce cytharæ canat egregiè dilectus adolescentulus. At laudas tamen inuitus: cæterum animo illud optas, vt aut terræmotus repens ortus ea cuncta discutiat, aut incendiū aliqd' renunciatur, quo simul cōuiuiū tandē aliquādo dirimatur.

Habes amice primū illud scilicet & suauissimū conuiuiū, quod mihi quidē haud quaquam suauius sit cepis, candidoq; sale, libere quū velim ex his, & quantū velim, edenti. Verum vt ne tibi commemorem ructus acidos, qui deinde sequūtur, vt ne nocturnos vomitus, mane vobis erit de mercede pacto transigendum, quantum & qua anni parte oporteat accipere.

III.
*Paſſio
mercedis.*

Ergo præsentibus duobus aut tribus amicis, accersito te, & cōsidere iusso, sic loqui incipit: Facultates nostræ cuiusmodi sint, iam perspicere potuisti, quā nullus in his fastus, sed citra ostentationem, moderata ac popularia omnia, sed mediocria omnia ac plebeia. Sic autem animū inducas velim, vt existimes omnia nobis fore cōmunia. Nam ridiculum profecto, si quum
charis-

charissimā possessionū mearum partem,
 puta meam ipsius vitam, aut (per loquem)
 liberorum etiam (si fors illi liberi fuerint
 erudiendi) tibi credam, non aliarum item
 rerum te mecum ex æquo dominum ac
 possessorem existimem. Cæterum quādo
 certi quippiam est præfiniendū, equidem
 video vitæ tuæ frugalitatem, & animum
 paucis contentum. Neque non intelligo
 haud mercedis adductū spe, te in nostram
 venisse familiam, verum aliarum gratia
 rerum, puta nostræ in te benevolentiae
 causa, tum honoris, qui tibi præter om-
 nes continget. Attamen præfiniendū est
 aliquid. Quin ipse magis quod videbitur
 statuito, habita ratione, vir amicissime,
 munerum etiam illorum quæ quotannis
 festis diebus à nobis accepturus videris.
 Neque enim vel ista nobis fuerint negle-
 ctui futura, etiam si nunc hæc pactio-
 ne non complectamur. Scis aut complures
 per annū eiusmodi munerum occasiones
 incidere. Horum igitur habita ratione,
 moderatius nimirū præmium nobis præ-
 scribas. Præterea decet etiam vos homi-
 nes eruditos, pecuniam negligere. Hæc
 ille dicens, totumque te varia spe labefa-
 ctans, mitem sibi ac tractabilem reddidit.

Tu

DE VITA AVLICA,

Tu porrò, qui dudum talenta, ac multa nūmūm millia somniaras, solidos agros, & familias, sentis quidem tacitus apud te hominis sordes ac parsimoniam: nihilo minus blanditur tibi pollicitatio tamen, atq; illud: Communia futura sunt omnia, ratum & verum fore arbitraris, ignarus cuiusmodi dicta, summis è labijs, non imo è corde profecta. Tandem præ pudore ipse statuendi ius defers. Verum ille facturum sese negat.

Cæterum ex amicis presentibus quempiam in eo negotio veluti medium intercedere iubet, qui salarij modum pronunciet eum, qui neque ipsum grauet, vt cui plurimas tum alias in res, magis his necessarias, sumptus sit faciendus, neque rursus ei, qui laturus est, sit omnino indignus. Atq; is seniculus quispiam, diuitis æqualis, vna cum illo à pueris adulando educatus: Eho tu, inquit, num inficias ire potes, quin vnus sis, qui hac in vrbe viuunt, omnium fortunatissimus, cui primum contigerit, quod plurimis miserè cupientibus, vix à fortuna dari possit: nempe vt in huius hominis consuetudinem admittaris, vt communes penates habeas, vt in familiam, inter Romanos primariam, recipiaris?

piaris? Id nimirum tum Cræsi talenta, tum Midæ diuitias superat, si modo modestus esse nôris. Equidē non paucos noui magni nominis viros, qui cupiissent, etiam si quid ultro dandum fuisset, gloriæ duntaxat causâ, cum isto viuere, & familiares apud hunc atque amici videri. Quapropter haud inuenio, quibus modis tuam prædicem felicitatem, qui quidem ad hanc tam expetendam fortunam, etiam præmio addito admitteris. Proinde mihi satis esse videtur, nisi plane es insolens, si Tantum accipias: simulque pronunciat, sane minimū quiddam, præsertim ad spes illas tuas: attamen boni consulas necesse est. Neq; enim iam possis effugere, quum intra retia tenearis. Frenum igitur recipis, mussitans, ac dissimulans, ac initio quidem non magnopere illi reluctans, facileque sequeris, vt quod non admodum te torqueat, neq; stringat, donec illi tandem paulatim assueueris:

Tum verò ij, qui foris sunt mortales, hoc ipso nomine tuam fortunā admirantur, quod te conspiciant intra cancellos versantem, ac nullo prohibente introeuntem, prorsus, præclaris illis opib⁹ deliciisque domesticum quendam ac familiarem

M esse

DE VITA AVLICA,

esse factum. At ipse videre nondum potes, quamobrem illi te felicem existimēt, nisi quod gaudes tamen, teque ipse fallis, semper futura meliora fore existimans.

Cæterum contra atq; sperâris, euenit, &, quemadmodum adagio dicitur, iuxta Mandrabuli morem negotium procedit, in singulos (vt ita dixerim) dies, deterius ac retro relabens. Vnde paulatim, velut in luce dubia, tum demum dispiciens intelligere incipis, aureas illas spes, nihil aliud fuisse, quam ampullas quasdam inauratas, labores autem esse graues, feros, ineuitabiles, ac perpetuos. Sed quinam isti sint, forsitan me rogabis. Neq; enim video in quies, quid in hac consuetudine sit adeo molestum, neque intelligo ista quæ commemoras grauiâ atq; intoleranda.

IIII.

*Seruitus
consequens
eoditionem
acceptam.*

Audi igitur vir egregie, non molestiam modo negocij perpendens, verum fœditatem, humilitatem, prorsusq; seruitutem, vel præcipuè interim considerans. Principio memineris ex eo tempore, te iam neque liberum, neq; ingenuum posse videri. Noueris enim te hæc omnia, genus, libertatem, progenitores, ante limen relinquere, quum in huiusmodi seruitutem temetipsum addicens in ædes ingrederis

deris. Siquidem libertas tibi comes ire recusarit, ad vitam tam indignam, tam humilem te conferenti. Seruus itaq; (tametsi nomine ipso grauius offenderis) seruus inquam, velis nolis, futurus es: neq; vnus seruus, verum complurium, operamq; seruilem præstare cogeris, obstipito capite, à diluculo in vesperam vsque, idq; mercede vili atque indigna. Adde, quod ne placebis quidem admodum, neque domino satisfacies, neque ab illo magnifies, vt qui non à puero fueris ad seruitium institutus, sed sero didiceris, atque ætate multum aliena cœperis ad id erudiri. Excruciat autem te pristinae libertatis memoria, animo recursans, facitq; vt interdum resilire conêre, relucterisque, atque ob id ipsum fit, vt seruitus tibi molestior accidat. Nisi forté illud ad libertatem sufficere putas, quod non fueris Pyrrhia, aut Zopyrione patre prognatus: aut quod non sic, vti Bithynicum aliquod mancipium, vociferante præcone, diendaris. Atqui tum vir egregie, cum instante nouilunio, Pyrrhijs & Zopyrionibus immixtus, manum itidem, vt alij seruuli, protendis, capisq; quodcunq; illud tandê est, quod datur, hæc videlicet est auctio.

DE VITA AVTICA,

Nam præcone nihil opus erat homini, qui ipse sui fuerit præco, quique ipse vltro sibi multo tempore dominum ambierit.

Age iam, ô sceleste, (cur enim non dicam, præsertim in eum, qui se Philosophû esse dicat?) si quis te pirata inter nauigandum captum, aut si quis prædo in seruitutem tradidisset, te ipsum deplorares, tanquam indignâ fortunæ iniuriam patientem. Aut si quis manu iniecta, te duceret in seruitutem asserens, leges inclamares, omnia faceres, acerbè ferres, & ô terra, ô Dij, magno clamore vociferareris. Nunc verò, quum ipse te, ob paucos obulos, id ætatis, in qua etiam si seruus natus esses, tamen tempestiuum fuisset, iam ad libertatem aspirare, cum ipsa virtute ac sapientia vltro adductum vendideris, nihil illa reueritus, quæ permulta ab egregio Platone, Chrysippo, Aristotele differuntur, quum libertatem laudant, seruitutem damnant, an non te pudet, quum inter homines assentatores, & emittios, ac scurras versans, ex æquo cum illis existimaris, quum in tanta Romanorum turba, solus peregrino in pallio versaris, quumq; Romanam linguam perperam ac barbarè sonas:

sonas: Præterea, quum agitas conuiuia tumultuosa, magna hominum turba conferta, quorum pleriq; collecticij quidam sunt & improbi? Atque inter hos laudas odiosè, bibisque præter modum: deinde mane ad tintinabulum expergefactus, discussa ab oculis dulcissima somni parte, vna sursum ac deorsum circumcursas, hesterno luto etiamdum tibijs adhærente? Vsq; adeò ne te lupini, aut holerum agrestium tenuit penuria? Vsq; adeò tibi defuerunt fontes frigida manantes aqua, vt per desperationē ad ista deuenires? Haud puto. Quin potius palam est, te, non frigide aquæ, neque lupini, sed bellariorum, atque obsoniorum, viniq; odorati cupiditate captum eò venisse. Quæ dum lupi piscis in morem auidius appetis, tuo merito euenit, vt hamus tibi fauces transfixerit. Itaq; præsto sunt huius intemperantiæ, gulæq; auctoramenta. Ac perinde atque simia, à truncto reuinctus collo, reliquis quidem omnibus risui es: at ipse tibi delicijs affluere videris, cui contigerit, affatim expleri caricis.

Cæterum libertas, ingenuitas, vnà cum ipsis gentilibus ac tribulibus, hæc nimis euanida cuncta, atq; istarum rerum

DE VITA AVLICA,

ne memoria quidem vlla; quanquam hoc quoque ferendum, si vita ista cum hac turpitudine duntaxat esset coniuncta, quod è libero seruum videri facit, non labores etiam accederent, cum illa seruorum colluie communes. Sed vide, num quæ tibi imperantur, leuiora sint his, quæ Dromoni aut Tibio mandantur. Nam doctrinæ quidem, cuius rei cupiditate simulârat te in familiam suam accersisse sese, perquam exigua illi cura est. Quid enim (vt dici solet) commercij asino cum lyra? An non vides videlicet, quam misere macerentur immodico desiderio, vel Homericæ sapientiæ, vel Demosthenicæ gratuitatis ac vehementiæ, vel Platonice sublimitatis? Quorum, me hercle, ex animis si quis aurum, argentum atq; harum rerum curas tollat, nihil fuerit reliquum, præter fastum, mollitiem, lasciuiam, luxum, ferocitatem, imperitiam. Atque ad ista nihil prorsum opus te. Verum quoniam tibi barba ingens propendet à mento, quoniamque vultu ipso graue quiddam & venerandum præ te fers, tum quia pallio Græcanico decenter amictus es noruntque iam omnes te Grammaticum esse, seu Rhetorem, seu Philosophum,
pul-

pulchrum ille sibi putat, ut & eiusmodi quispiam anteambulonum suorum pompæ permixtus esse videatur. Futurum enim hac re, ut Græcanicarum disciplinarum studiosus, reliquæque omnis doctrinæ neque negligens neque rudis esse putetur. Vnde fit ut in periculum, vir egregie, venias, ne non tam ob admirandas illas artes, quin magis ob barbam palliumque conductus esse videare: proinde ut perpetuus apud illum conspiciaris oportet, neq; absis vnquam, verum ut diluculo relictis stratis, in famulicio temet exhibeas conspiciendum, neq; locum in acie deferas.

Porrò ille iniecta nonnunquam tibi manu, quicquid forte in mentem inciderit, de hoc tecum nugatur, obuijs ostentans, quàm ne per viam quidem ingrediens, incurius sit literarum, quin ut illud ipsum etiam otium, quod inter inambulandum datur, in re quapiam honesta collocet. At tu miser interim, nunc cursim, nunc gradatim, nunc scansim plerunque, nunc descensim (nam scis huiusmodi esse urbem) obambulans, tum fudas, tum spiritum anhelus trahis. Deinde illo intus cum amico

DE VITA AVLICA,

quopiam, ad quem accessit, confabulan-
te, quum tibi interim locus desit, vbi vel
assidere queas, librum videlicet stans in
manum sumis, quoque fallas tædium, le-
gis. Post vbi ieiunum te sitientemque nox
occupauit, incōmode lotus, intempesti-
uè, puta nocte fermè concubia, ad cœnam
accedis, haud perinde deinceps in precio
habitus, neque conspiciendus his qui ad-
sunt. Verum si quis aduenerit recentior,
tu post tergum reijceris. Itaque in angu-
lum aliquem abiectissimum retrusus, ac-
cumbis, testis duntaxat ac spectator eo-
rum, quæ apponuntur, canum ritu ossa
circumrodens, si fors ad te perueniat, vel
aridum maluè folium, quo reliqua inuol-
uunt, si fastidiatur ab ijs, qui supra te ac-
cumbunt, præ fame libenter arrepturus.

*Sordes quo-
tidians Si-
ctus, summo
cum conten-
tu consucta.*

Audi iam & aliud cōtumeliæ genus. Quid
quòd ne ouum quidem soli tibi apponi-
tur. Neque enim conuenit, vt tu semper
eadem requiras, quæ hospitibus atque
ignotis ministrantur, quādoquidem hæc
tua sit inscitia, atque inurbanitas. Neque
avis eiusmodi tibi apponitur, qualis alijs,
verum diuiti illi pinguis & succulenta. ti-
bi pullus dimidiatus, aut palumbus ali-
quis aridus atque insipidus, non avis vi-
delicet,

delicet, sed manifesta contumelia ludibriumque. Neq; verò raro fit, vt si quando desit alibi, minister repente te inspectante submouens ea, quæ tibi erant apposita, alijs apponat, illud tibi ad aurem immurmurans, tu profectò noster es. Quod si quando interim dissecetur, vel porca fœta, vel ceruus, aut structorem tibi modis omnibus propitium habeas oportet, aut certè Promethei partem feres: nempe ossa adipe circumtectâ. Nam quod ei, qui suprate accumbit, patina finitur astare, quoad faciatus repudiet, te contrâ tam celeriter prætercurrat, quis tandem istuc ferat, qui modo sit ingenuus, cuique tantum insit bilis, quantum vel ceruis adest? Atque illud equidem nondum dixi, quod reliquis suauissimum ac vetustissimum vinum bibentibus, tu solus malum quoddam & pingue bibis. Proinde illud semper curas, vt auro argentove bibas, ne colore prodente, palàm fiat, te vsque adeo contemptum neglectumque esse conuiuam: quanquam bene tecum ageretur, si vel illud ipsum ad satietatem vsque bibere liceret. At nunc vbi crebrius poposceris, minister audisse dissimulat.

Adde iam multas interim, & alias esse

DE VITA AVLIGA,

res, quæ te discrucient, imò nihil esse fer-
 mè, quod non sit acerbum, maximè
 quum tibi cinædus aliquis antefertur,
 quin pluris te sit is, qui saltandi docet
 artem, qui iocos Ionicos contextit, Ale-
 xandrinus quispiam homunculus. Nam
 qui tibi speres tu vt in accubitu æque-
 ris ijs, qui voluptates & amatoria sub-
 ministrant? qui litterulas in pectore ge-
 stant? Proinde in obscuro quopiam con-
 uiuij latibulo tectus, præque pudore ab-
 strusus, suspiras, vti coniectandum est,
 teque ipsum deploras, ac fortunam in-
 culas tuam, quæ tibi ne pauxillum qui-
 dem lepôris ac venustatis asperferit. Ac
 prorsus ita videris affectus, vt optes Poë-
 ta fieri, vt amatorias conscribas cantio-
 nes, aut si id non contingit, vel eam af-
 sequi facultatem, vt possis ab alijs con-
 ditas dignè canere. Vides enim quibus
 in rebus situm est, vt quis efferatur, plu-
 rimique fiat. Quin & illud ferre queas, vt
 magi quoque, aut arioli personam (si ne-
 cesse sit) induas, ex horum genere, qui
 amplas hæreditates, qui imperia, qui cu-
 mulatas opes pollicentur. Quandoqui-
 dem hos quoq; vides non mediocriter à
 diuitibus amari, plurimique fieri. Eoq;
 vel

vel vnum quodlibet horum fieri percipias, vtine prorsus reijculus, atq; inutilis appareas. Atqui ne ad ista quidem docilis es infelix: proinde submittas te, oportet, miffit'esque ac tacitus feras, clam apud te plorans, ac neglectui habitus. Etenim si te famulus aliquis susurro deferat, qui solus omnium non laudaris puerum heræ saltantem, aut cythara canentem, ista scilicet ex re non leue discrimen impendit. Quapropter terrestris in morem ranę sitiens vocifereris necesse est, id operam dans, vt in laudantium numero insignis ac præcipuus appareas.

Quin sapiçule, silentibus reliquis, tibi ficta quædam laus proferenda, quæque multam sapiat assentationem. Iam vero magnopere ridiculum est, cum esurias interim sitiásque, vnguentis collini, ac vertice gestare coronam. Siquidem id temporis non dissimilis videre sepulchrali columnæ, vetusti cuiuspiam cadaueris, quæ gestare solet ea, quæ manibus inferuntur. Nam huic infuso vnguento, impositaque corona, ipsi & bibunt & edunt apparatus epulas.

Porro si etiam Zelotypus quispiam fuerit, suntque illi vel pueri formosi, vel vxor puella

VI.

*Adulatio
atque assentatio
ridiculorum.*

VII.

*Pericula
& metus*

DE VITA AVLICA,

puella, neq; tu prorsus à Venere gratijsq; fueris alienus, profecto non satis tuta res, neq; periculum negligendum: propterea quod Regis plures sunt oculi, qui quidem non vera solum vident, sed semper veris aliquid addunt ad cumulũ, ne conuiuere videantur. Quas ob res vultu demisso tibi est accumbendum: quemadmodum in Persicis conuiuijs fieri mos est, verito, ne quis Eunuchus sentiat te in concubinam aliquam conijcientem oculos: Moxque alter Eunuchus, cui iam dudum arcus in manu tensus est, quia videaris quæ videre nefas, inter bibendum, malam iaculo transfigat.

VIII.

*Patientia vera,
sed sera.*

Iam peracto conuiuium, vbi paululum dormieris ad Galli cantum expergefactus: ô me miserum, ô infortunatum, cuiusmodi quondam conuictus, quos amicos reliqui; tum vitam tranquillam & otij plenam, somnum quem meapte cupiditate metiri soleo, deambulationes liberaſ, atque ex his in quale barathrum memet præcipitem dedi? Et, Deum immortalem, cuius tandem rei gratia? Aut quodnam istud magnificum præmium? At ne fieri quidẽ potuit, vt mihi vnquam alias plures commoditates suppetereſ, quàm

quàm tum suppetebant. Tum autem accedebat libertas, atque omnia pro meo-
 pte arbitrio faciendi facultas. Nunc por-
 rò iuxta id quod prouerbio iactatum est:
 Leo chordula vinctus: sursum ac deorsum
 circumferor. Quodque omnium est mi-
 ferrimum, maximeque deplorandum,
 neque efficere possum, vt placeam, neque
 gratiam emereri queo: propterea quod
 harum rerum sum imperitus ac rudis, ma-
 ximè compositus collatusque cum his,
 qui hæc velut artem profitentur. Proinde
 iniucundus sum, ac neutiquam aptus con-
 uiuijs, quippe qui nerisum quidem con-
 citare norim. Quin etiam sentio, me non
 raro molestum esse & importunū, quum
 adsum, maxime, quum ipse seipso festi-
 uior esse conatur, nam illi tetricus videor.
 In summa, nullam inuenio viam, qua illi
 accomodem. Etenim si meam ipsius au-
 thoritatem ac seueritatem tueri pergo,
 iniucundus videor, ac propemodum hor-
 rendus, ac refugiendus. Contra si risero,
 vultumque, quam possum maxime ad hi-
 laritatem composuero, fastidit ilicò ille,
 & auersatur. Ac prorsus tale quiddam mi-
 hi videtur, quale sit, si quis in persona
 Tragica comœdiam agere tentet. Postre-

DE VITA AVLICA,

mo quam tandem aliam vitam mihi vi-
uam demens, posteaquam hanc præsen-
tem alteri vixerim?

Dum hæc tecum loqueris, iam sonuit
tintinabulum, iamque ad eadem tibi re-
deundum est, obambulandum, standum,
sed ceromate inunctis ante fœmoribus
poplitibusque, si modo velis par esse cer-
tamini, præmioque; tollendo idoneus. De-
inde conuiuium idem & eadē apparatus
hora. Iamque adeo diuersa viuendi ratio
superiori que contraria, tum insomnia, su-
dor, defatigatio, paulatim quasi suffossis
cuniculis inducunt vel tabem, vel pulmo-
nis exulcerationem, vel intestini tormina,
velegregiam illam podagram. Reluctaris
tamen sedulo ac frequenter, quum valetu-
do poscat, vtile lecto decumbas, ne hoc qui-
dem licet, eò quod assimulari morbus,
quo munia officiaque iusta defugias, existi-
matur. Hinc præter omneis perpetuo pal-
les, semperque iam iam morituro videre
similis.

IX.

*Molestia
Foris perferenda.*

Et hæc tenus quidem de his, quæ domi
ferenda sunt: quod si quando fuerit pere-
grinandum (vt ne interim referam alia
incommoda) sæpe fit vt pluuio cœlo, vbi
postremus veneris (nam is locus tibi for-
te con-

te contigit) vehiculum opperiaris, donec nullo iam reliquo loco vbi diuerferis, proximè coquum, aut heræ computorem te reclinant, ne stipulis quidem affatim substratis.

Neq; verò tibi referre grauabor, quod mihi Thesmopolis iste Stoicus narrauit sibi accidisse, rem profecto nimis quā ridiculam, quæ tamen eadē possit & alij cuius accidere. Conuiuebat enim cum opulenta quadam ac delicata muliere ex illustribus istis & vrbis. Eam quum aliquando peregrè proficisceretur (nam id primum aiebat sibi maximopere deridiculum accidisse) in curru sibi, viro nimirum Philosopho, adiunxisse cinædum quempiam, picatis cruribus, derasa barba. Quem illa honoris (vt conijcio) gratia secum ducebat. Quin nomen quoq; cinædi cōmemorabat, aiebat enim Chelidonium vocari. Iam primū illud cuiusmodi fuerit, vide: iuxta virū seu erum tetricumq; , tum senem canoq; mento (scis autem quam profundam ac venerabilem barbam habuerit Thesmopolis) assidere nihili hominem & effœminatum, picturatis oculis, lubrico vultu, fracta ceruice, nō chelidonem, (per Iouem) id est, hirundinem, sed

DE VITA AVLICA,

sed vulturem magis reuulsis barbæ plu-
mis. Quod ni magnopere illum fuisset de-
precatus ne faceret, futurum fuisse ut flam-
meum etiam in capite gestans assideret.
Preterea autem perpetuo hoc itinere mo-
lestias innumerabiles pertulisse sese, illo
cantillante, garrienteque, demum (ni-
si idem hominem coercuisset) in rheda
etiam saltante. Addebat secundo loco,
tale quiddam sibi fuisse mandatum. Ac-
cesso illi mulier, Thesmopoli inquit, ita
tibi Dij benefaciant, magnum quoddam
officium abs te requiram, quod caue re-
cuses, neque expectes, ut quicquid te sim
rogatura studiosius. Atque hoc (ut est cre-
dibile) omnia se facturum pollicito, hoc,
inquit, te rogo, quandoquidem video te
virum probum, diligentem, & amantem,
Caniculam, quam nostri, Myrrhinam in ve-
hiculum recipe, eamque mihi serua, curans
ne quid illi desit. Nam misera grauida est,
atque adeo propemodum iam propinqua
partui. At isti scelesti & immorigeri mi-
nistri, non dicam huius, sed ne mei qui-
dem ipsius magnopere rationem habent
in peregrinationibus. Quare ne te putes
mihi mediocre beneficium facturum, si
charissimam mihi iucundissimamque ca-
nicu-

niculam seruaris. Recepit Thesmopolis, quum illa tantopere rogaret, ac prope modum etiam fleret.

Porrò spectaculum erat supra modum ridiculum. Canicula è pallio prominens prospectansque paulo infra barbam ac subinde immeiens (tametsi hæc quidem Thesmopolis reticuit) ac gracili voce latrans (huiusmodi enim catellæ iam in delicijs sunt) neq; non Philosophi mentum oblingēs, maximè si quid pridiani iuris inhereret. Porrò cinædus assessor ille, quum non insulse super cōuiuium dicteria quædam iecisset in eos, qui aderant, ac deniq; & ad Thesmopolim vsque dicacitas peruenisset; de Thesmopolide, inquit, vnum hoc possum dicere, eum è stoico cynicum iam nobis esse factum. Equidem caniculam etiam perperisse in Thesmopolidis pallio.

Huiusmodi delicijs illudunt, vel (vt verius dicam) huiusmodi contumelijs ac ludibrijs tractant eos, qui cum ipsis viuunt, paulatim eos cicures ac mansuetos ad ferendas contumelias reddentes. Præterea autem & charcharorum Oratorem noui, qui iussus super cœnam declamabat, ne utiquam ineruditè (per Iouem) imò gra-

N

uiter

DE VITA AVLICA,

uiter & absolutissimè, ac laudabatur interim ab illis bibentibus, quum non ad aliquam modum, sed ad vini amphoram oraret. Atque eam molestiam, ob ducentas drachmas perpeti ferebatur.

*Adelatio
Domino-
rum scio-
lorum, &c.*

Verum hæc quidem fortassis utcunq; toleranda. Porro si diues ipse aut Poeticus fuerit, aut Historicus, qui sua ipsius scripta in conuiuio recitare gaudeat: tum verò maximè futurum est, ut discrucieris ac dirumparis. Nempe quum admirari, quum assentari, quum novos quosdam laudandi modos comminisci necesse habes. Sunt autem qui & formæ nomine studeant admirandi videri. Eos nunc Adonidas, nunc Hyacinthos appelles necesse est, etiamsi illis naris nonnunquam cubitali hiet specu. Quod ni laudaris, protinus in lapidicinas Dyonisiacas asportaberis, tanquam qui illi tum inuideas, tum insidieris, maleque velis. Ad hæc & sapientes & Rhetores sint necesse est. Quod si etiam rusticè qui ppiã dixerint, tum verò iuxta illud, quod dici solitum est, Atticæ atq; Hymetti plenam orationem videri volunt, atq; in legem abire, ut deinceps ita loquantur homines.

Quamquam quæ viri faciunt, ferri forsi-
tan

tān queant. At verò mulieres (nam mu- *Domina-*
 lieribus etiam illud studio est, vt doctos *rum lasci-*
 aliquot in suo conuictu conductitios ha- *uientium.*
 beant, quique sese mercede affectentur)
 quandoquidem hoc quoq; ad reliquum
 cultum elegantiamq; pertinere putant,
 si dicantur erudite, si Philosophi, si carmi-
 na componere Sapphicis haud multò in-
 feriora, ob hæc sanè hæ quoq; conducti-
 rios Rhetores, Grammaticos, Philoso-
 phos circumferunt. Hos autem audire so-
 lent (id quod ipsum est ridiculum) tum
 temporis, quum vel comuntur, aut capil-
 los in orbē religant, vel in conuiuio: nam
 aliàs non suppetit illis ocium. Porro sæpe-
 numero fit, vt interim dum Philosophus
 quippiam differit, interueniens ancilla, li-
 terulas ab adultero porrigat. Ac præclari
 illi de pudicitia sermones intermittuntur,
 opperientes donec illa rescripserit adul-
 tero, atq; ita redeat ad auditionem.

Porro si quando post multum tempo- XI.
 ris, instantibus saturnalibus, aut panathe- *Munerum*
 næis, misera quæpiam umbella tibi mitta- *compensa-*
 tur, aut tunicula semiputris ac detrita, *rio.*
 tum deniq; plurima missitentur oportet.
 Atq; aliquis qui statim subauscultat,
 herum id facere destinantem, præcur-
 rit,

DE VITA AVLICA,

rit, ac primus rei index, abiénsq; non exiguum precium aufert qui renunciârit. At manè plus tredecim te adeunt idem apportantes nuncij: quorum quisque commemorat quam multa dixerit, quemadmodum submonuerit, quemadmodum adhortans commodiora subiecerit. Omnes itaque donati præmio discedunt, at non sine murmure tamen, qui non plura dederis.

XII.
*Mercedis
exigenda
difficultas.*

Porro salarium ipsū sex fermè obulorum. Idque si tu postules, grauis atq; importunus haberis. Proinde quo illud aliquando auferas, primum ipsi herò adulèris, supplèxque fias necesse est: deinde captandus & dispensatoris fauor, nam hoc quoq; quoddam est seruitutis genus. Neque verò negligendus is, quem in consilium adhibet, neq; item amicus. Deinde quod acceperis, iam dudū debebatur vel vestiario, vel medico, vel cerdoni cuiquam. Vnde fit vt fera atq; intèpestiua, eoq; inutilia præmia tibi accedant. Cæterum inuidia ingens: iamque etiam calumniæ quædam paulatim struuntur in te, apud hominem, qui iam nō inuitis auribus accipiat, si quid aduersum te dicatur. Quippe qui perspiciat te laboribus assiduissimis iam

iam detritum, & ad obeunda munia famu-
latus claudicantem, atq; obaudientem, ac
podagra subinde grauari.

Proinde posteaquam id quod erat in te
florentissimum decerpfit, & uique partem
maximè frugiferam, ac præcipuū corpo-
ris vigorem detriuit, iamq; te lacerū pan-
niculum reddiderit, tum modis omnibus
circūspicit, in quod sterquilinum te por-
tatum abijciat, atq; alium perferendis la-
boribus idoneum, in tuum substituatur lo-
cum, ibi insimulatus, vel quod pusionem
illius tentaris, vel quod homo senex vxor-
is ancillam virginē vitiaris, vel alio quo-
uis imposito crimine, noctu obuolutus ac
præceps datus extruderis, discedisq; de-
sertus ab omnibus, atque omnium inops
rerum optimam podagram vnà cum sene-
cta comitem ducens. Cùm interim, quæ
quondam sciueris, tanto temporis spacio
dedidiceris, tum ventrem culco reddide-
ris ampliolem, tibiq; paraueris inexpla-
bile quoddam & implacabile malum. Ete-
nim gula ea, quibus assueuit, flagitat. Quæ
cum negantur, indignatur. Adde quod
præterea nemo te posthac recepturus est
in familiam, utpote cuius iam præterierit
ætas, quique similis euaseris equis. senio

XIII.

*Exitus ac
dimissio
ignominio-
sa.*

DE VITA AVLICA,

affectis, quorum, ne pellis quidem perinde vt aliorum animantium est vsui. Quin ex hoc ipso quòd eiectus es, calūnia quam potest proximè ad verisimilitudinē conficta, facit vt aut adulter, aut veneficus, aut aliud quippiam tale videaris. Nam accusatori vel taceti fides habetur. Tu verò Græculus, moribus leuibus, & ad omne facinus facilis. Si quidē huiusmodi nos omnes esse ducunt, idq; iure optimo: videor enim mihi caussam aduertisse, quā obrem eiusmodi de nobis obtineant opinionem. Nam pleriq; qui in familias accedunt, propterea quod alioqui nihil bonæ rei didicerunt, diuinationem ac maleficia profitentur, conciliationem amorum, abductiones in hostes, atq; id quum faciunt, doctos sese affirmant, pallijs amicti, barbîsq; neutiquā contemnendis onusti. His rebus fit, vt non iniuria eandē de reliquis omnibus habeant opinionē, quando eos, quos præcipuos esse iudicant, videant tales. Maxime verò, posteaquā animaduertierint, quam sint in conuiujs, reliquoq; conuictu adulantes, quàm ad lucrum humiles ac serviles: deinde eicctos eosdem iam oderunt, neq; id iniuria, ac modis omnibus admittuntur, vt eos funditus perdant.

dant, si quomodo possint. Veretur enim, ne cuncta illa vitæ suæ mysteria in vulgus efferant, quippe qui nihil non exactè nōrint, quiq; illos nudos conspexerint. Ea res igitur illos malè angit.

Omnes enim similes sunt pulcherrimis istis libris: quorum aurei quidem umbilici, purpurea foris pellis: ceterum intus aut Thyestes est, liberos in conuiuio comedens, aut Oedipus matris maritus, aut Tereus cum duabus pariter sororibus rem habens. Eiusmodi sunt & illi splendidi, cōspicuique. Porro intus sub purpura varias occulunt Tragœdias. Quorum vnum quemq; si euolueris, explicuerisq; , fabulam non mediocriter longā reperiēs, Euripidis cuiuspiam, aut Sophoclis. Contra foris nihil nisi purpura splendida, aureiq; umbilici. Harum itaq; rerum sibi conscij oderunt illos, atq; insidias parant, si quis penitus ab illis defecerit, qui eos probè cognitos depingat, qualésq; sint, euulget.

Iam verò libet mihi Ceбетis, illius exemplo & imaginem quandam huius vitæ tibi depingere, vt eam contēplatus scire queas, num ex vsu tuo sit eam adire. Equidem magnopere cupiam vel Apellem quempiam, vel Parrasium, vel Æthionem, vel

DE VITA AVLICA,

Euphranorem ad hanc depingendam tabulam adhibere. Verum quoniam fieri potis non est, ut aliquem artificem tam egregium atq; absolutum nanciscamur, in præsentia tenuem quandam pro mea virili imaginem adumbrabo.

*Vinea ima-
go sen pila-
ra Aula,*

Ergo pingatur VESTIBVLVM sublime atq; inauratum, neq; id humi situm in solo, verum procul à terra in ædificato collis fastigio; Præterea inaccessum fermè & abruptum, lubricoq; aditu, ita ut plerunq; qui se iam ad summum vsq; verticem penetrâsse sperant, lapso pede præcipitati ceruicem frangant.

Intus autè OPVLENTIA sedeat, tota (sicuti videtur) aurea, maiorem in modum formosa atq; amabilis. Porro amator ubi vix tandem conscendit, iamq; ad fores accesserit, obstupescat, oculis in aurum defixus: deinde SPES, quæ & ipsa specioso vultu est, ac versicoloribus amicta, manu præhensa introducat, mirè iam ipso ingressu attonitum. Atq; ab eo quidem tempore spes vsq; illum antecedit, ducatque, tum aliæ mulieres illum excipientes, puta FALLACIA SERVITVSQVE, tradant LABORI. At is miserum penitus defatigatum tandè SENECTÆ tradat iam morbidum,

dum, coloreque commutato. Postremò
CONTVMELIA, arreptum illum ad DE-
SPERATIONEM pertrahat.

Ex hoc quidem tempore spes auolans
euanescat. Tum ille non per aureum illud
atrium, per quod ingressus fuerat, sed per
posticum quoddam, & occultum exitum
extrudatur nudus, ventricosus, pallidus,
senex, læua quidem pudorem occultans,
dextra verò seipsum strāgulans. Occurrat
autem exeunti POENITVD O frustra la-
chrymans, & miserū bis etiam conficiens.
Atq; hic quidem esto picturæ finis.

Cæterum tu, Timocles optime, ipse di-
ligenter consideratis singulis expende,
num è re tua sit, vt in hanc imaginem per
aureas illas fores ingressus, per illas longè
dissimiles tam turpiter excutiaris. Quic-
quid autem feceris, memineris sapientis
illius, qui dixit: DEVM in culpa non
esse, verum qui sua sponte
delegerit.

FINIS.

N S ERAS-

ERASMVS RO- TERODAMVS, IN ENCOMIO MO- RIAS.



VI D de Proceribus Aulicis com-
memorem, quibus cum nihil sit
addictius, seruius, infulsus, ab-
iectus, tamen omnium rerum
primos sese videri volunt. Hæc vna in re
tamen modestissimi, quod contenti, au-
rum, gemmas, purpuram, reliquaque vir-
tutum ac sapientiæ insignia corpore cir-
cumferre, rerum ipsarum studium omne
concedunt alijs. Hoc abunde felices sibi
videntur, quod Regem herum vocare li-
ceat, quod tribus verbis salutare didice-
rint, quod nōrint ciuiles titulos subinde
inculcare, serenitatem, dominationem,
& magnificentiam. Quod egregie perfri-
cuerint faciem, quod festiuiter adulen-
tur. Nam hæ sunt artes, quæ vere nobilem
& aulicum deceant.

*Artes nobi-
lium Auli-
corum.*

Cæterum si vitæ rationem omnem pro-
pius inspicias, nimirum micros Phæacas
inuenias, Sponfos Penelopes, reliqua in
carmen

carmen agnoscitis, quod Echo vobis melius referet quam ego.

Dormitur in medios dies, ibi sacrificulus mercenarius ad lectum paratus, qui propemodum cubantibus adhuc sacrum expeditè peragat. Mox ad ientaculū, quo vix peracto, iam interpellat pradium. Sub id alea, laterunculi, sortes, scurræ, moriones, scorta, lusus, inficetiæ: Interim vna aut altera merenda. Rursum cœna; post hanc repotia, non vna per Iouem. Atq; ad hunc modū, citra vllum vitæ tædium elabuntur horæ, dies, menses, anni, secula.

Ipsa nonnunquam saginatio ab eo, si quando viderim illos *μεγαλορρεύντας*, dum inter nymphas vnaquæque hoc sibi videtur Dijs propior, quo caudam longiorem trahit; dum procerum alius alium cubito protrudit, quo Ioui vicinior esse videatur; dum sibi quisque hoc magis placet, quo grauiorem catenam collo baiulat, ut robur etiam, non opes tantum ostentent.

EIVS-

ERAS. ROT.
EIVSDEM PRAECEPTA
AVLICA; EX EPISTOLARVM
LIB. XXVII. EPISTOLA
penultima, in distinctum ordinem redacta.

ERASMVS ROTERODAMVS.

CYIDAM S.

Scribis te nolentem ac reluctantem, voluntate parentum rapi, protrudiq; in Aulam Principis. Quando igitur necessitas vinci non potest, superest vt commodè vtendo perficias, vt aliquando te istinc explices quam minimo malo. Nec enim omnibus infelicitè cessit hanc adisse Laidem. Et ne tibi videar non satis grauis admonitor, scito me ab ipsa puericia ad annum vsq; quinquagesimum in Aulis Principum militasse.

PRÆCEPTVM I.

Primum illud tecum statuito, ne quid cui credas, quantumuis in speciem amico, quantumuis arridenti, complexanti, pollicenti, deieranti, nec quenquam existimes tibi ex animo amicum, nec tu sis cuiquam amicus ex animo, tamen perinde, quasi neminem non ames, ita blandus & comis este singulis.

Esto

II.

Esto largissimus eorum officiorum, quæ tibi nihil afferunt impendij.

III.)

Saluta blandè, complectere, cede viam, aperi caput, subinde repete honoris & charitatis titulos, lauda affatim, pollicere benigniter.

IIII.

Prius igitur domi vultum componito, ut is tibi paratus sit ad omnem fabulę partem, ne quid veri affectus in facie subluceat. Meditanda domi est actio, ut oratio vultui, ut vultus ac totius corporis gestus orationi fucatæ subseruiat. Hæc sunt Aulicæ Philosophiæ rudimenta, ad quæ nullus erit idoneus, nisi prius omnem pudorem absterferit, ac vultu nativo domi relicto, quasi personam sumserit.

V.

Proximum erit, ut factiones totius Aulæ subodoraris: sed ita ne cui te facile admisceas. Si quos, aut si quas videris, nihil non posse apud Principem, vide ut te semper inflectas ad latus navis felicius.

VI.

Nec pudeat aut pigeat assentari Morionibus

ERAS. ROT:

nibus etiam, quos animaduverteris gratos esse Ioui.

VII.

Sed hunc ipsum technis omnibus captabis.

VIII.

Quoties in illius conspectu consistes, arte præ te feres simplicem quandam alacritatem, quasi gaudio gestias, quoties illi datur adesse: & posteaquam comperisti, quibus rebus offendatur, quibus oblectetur, non multum erit negocij apud illum quamuis magnam inire gratiam.

IX.

Commode subseruiens, ad orationem arridebis, si loqui non dabitur, applaudes velut admirabundus. Sed apud alios plenis, ut aiunt, tibijs, illius laudes decantabis. Aliqui certe perferent si passim prædicaueris.

X.

Nunc hic, nunc ille tibi captandus erit munusculo, sed eleganti, & apto magis, quam precioso, ne videaris aureo piscari hamo, precium addes oratione: Excusabis tenuitatem fortunæ, ubi illa contigerit opulentior, polliceberis montes aureos.

Si qua

XI.

Si qua præda affulserit, caue quisquam
Deorum aut hominum tibi tam charus
sit, vt illi credas.

XII.

Semper tibi proximus esto. Quoties de
te agitur, vel patri verba danda sunt.

XIII.

Non semper in Aula spirant venti se-
cundi; Vbi spirant, arripienda est occasio.
Nullius iurisiurandi tam sancta sit tibi re-
ligio, vt huius gratia patiaris opimam præ-
dam elabi de manibus.

XIIII.

Si quis Principem senserit vehementer
offensum, ac diuersam factionem gestire
victoria, semper accommoda te felicio-
ribus: sed ita, vt alteram partem non læ-
das capitaliter, nisi id fiat tuo magno cer-
toque bono. Solent enim Principum fa-
uores, ventorum in morem, subinde re-
flare in diuersum.

XV.

In summa, vbique venare commodum
tuum.

Ne

ERAS. ROT.

XVI.

Ne quem apertè lædas.

XVII.

Caue mensam habeas domi: ea res exhauriet te sumtibus. Longè præstat cōuiuiam esse quam conuiuatorem. Noli supputare quanti constet vna cœna domi data, sed subducito rationē ad quātam summam post annum ea res tibi sit reditura.

XVIII.

Proceres aliquot cole: Horum mensis te adiungito: sed ita, ne crebrius ad eundem. Hic comis & commodus esto conuiuiā, sed festiuius ac lepidus, vt ne quem offendas.

XIX.

Si quid in te dictū erit petulātius, in lufum iocumq; vertito, etiamsi seria res sit.

XX.

Ab omnibus tanquam ab hostibus cauetō.

XXI.

Nec cui coneredas vnde te possit ledere.

XXII.

Si quos senferis tibi parum amicos, fac artificio summo dissimules, & communibus officijs hoc magis apud illos amicum agas.

Lauda

XXIII.

Lauda apud eos quos suspicaris renun-
ciaturos: hac arte aut fient amici, aut mi-
tius erunt inimici. Tantum caue ne qua
detur anfalædendi.

XXIIII.

In cæteris nugis Aulicorum esto lepi-
dus congerro.

XXV.

Tantum ab alea temperato. si quidem
ad hunc scopulum multi fecere naufragi-
um, sic vt vix licuerit enatare nudos.

XXVI.

Da operam vt quam minimum inqui-
neris.

XXVII.

Ad rem augendam, & constabiliendam
vbique vigila.

XXVIII.

Vbi satis pingueris, excogitanda ratio,
vt, quod paucis contigit, feliciter ab Aula
te subducas, tibi que viuas.

XXIX.

Neque perpetuus adsis Principi, neque
nimium diu absis: quorum alterum parit
tædium & satietatem, alterum obliuio-
nem,

O . . . Vt

ERAS. ROT.

XXX.

Vt autem etiam commodo tuo absis,
ambi Legationes, sed fauorabiles, mini-
mumque negocij: ita subinde redibis nouus
ad Principem tuum.

XXXI.

Semper esto querulus ac petax, & quæ-
admodum callidæ meretrices, varijs no-
minibus ac modis semper aliquid aufe-
runt ab amatoribus, ita tibi studio sit sem-
per aliquid auferre à Principe.

XXXII.

Sed ea potissimum petenda, quæ ille si-
ne suo sumtu largiri potest. Quod genus
sunt Sacerdotia, Præposituræ, Abbatia.

XXXIII.

Si quid erit tale, cuius tu capax non sis,
suborna qui petant suo nomine, sed tuo
commodo.

Hæc arbitror esse satis pro primis ele-
mentis: posthac, ubi te profecis-
se videro, abstrusiora quæ-
dam impertiam.

Vale.

HEN

HENRICVS

CORNELIVS AGRIP-

PA AB NETTESHEIM,

*in libro de vanitate scien-
tiarum.*

CAP. LXVIII.



ST reuera Aula nihil aliud, quã
Collegium Gigantum, hoc est,
nobilium famosorumq; nebu-
lonum conuentus, theatrumq;
pessimorum satellitum, morumque cor-
ruptissimorum schola, & execrabilium
scelerum asylum: vbi superbia, fastus, tu-
mor; rapacitas, libido, luxus, liuor, ira,
crapula, violentia, impietas, malitia, per-
fidia, dolus, malignitas, crudelitas, & que-
cunque vsquam sunt vitia, moresque cor-
ruptissimi, habitant, imperant atque re-
gnant: vbi stupra, raptus, adulteria, forni-
cationes Principũ & Nobilium ludi sunt:
vbi etiam Principum Regumque matres
nonnunquam filiorum lenæ sunt. ibi sce-
lerum omnium procellæ, virtutumque o-
mnium inenarrabile naufragium: probus
quisque illic opprimitur, pessimus quis-

que prouehitur, simplices irridentur: iusti persequuntur, audaces & impudentes eriguntur, soli illic prosperantur adulatores, susurriones, detractores, renunciantores, calumniatores, sycophantæ, pseudoli, famicidæ, supplantatores, inuentores malorum, cæteri; tempestatum populi, quibus peruersissima quæq; facinorosa in professo sunt: quorum vita omnis turpissima; quicquid vspiam est teterimarum beluarum peruersitatis, tota hæc & omnis in aulicum gregem, quasi in vnum corpus confluisse videtur. Illic ferocitas Leonis, sæuitia Tigridis, truculentia Vrsi, temeritas Apri, superbia Equi, rapacitas Lupi, obstinatio Vituli, fraudulentia Vulpis, versutia Chamæleontis, varietas Pardi, mordacitas Canis, desperatio Elephantis, vindicta Cameli, timiditas Leporis, petulantia Hirci, immunditia Suis, fatuitas pecudis, stoliditas Asini, scurilitas Simiæ. Ibi furentes Centauri, ibi perniciosæ Chimeræ, ibi insanientes Satyri, ibi scædæ Harpyiæ, ibi improbæ Sirenes, Scyllæque bifformes: ibi horrendi Struthiones, ibi voraces Grîphi, audique Dracones: & quicquid fatallium monstrorum, infelicitisque portenti vspiam

vsquam stupet coacta natura, illic habitat,
atque visitur; ibi omne virtutum genus,
suos patitur carnifices atque tyrannos. In
summa, aut nequitia, malitia, impietati
insistendum, aut Aula cedendum. Non
impune licet, nisi cum fatis exeat Aula,
qui vult esse pius.

Nullum ciuitatibus exitius malum
contingere potest, quam potentis Principis
Aula. hæc ubi mouetur, tanquam Co-
metes malorum omnium prænuincia, ac
veluti contagiosissima pestis, quocunque
applicat, perniciosissimam cladem se-
cum fert: vndecunque migrat, insanabi-
lia, veluti eorum quos rabidus canis mo-
morderit, relinquit veneni sui vestigia.
Comitatur illam perpetua rerum caritas,
dum quisque ex ea lucrum captare niti-
tur, exaucto rerum precio, quod nun-
quam postea remitti potest, magno detri-
mento; Comitatur & luxus cibariorum,
quo introductis peregrinis epulis, popu-
lus ipse patrios cibos fastidire incipit, pas-
simque popina & gulæ indulgens, res suas
turpiter absomit. Comitatur & fastus,
quem dum ciues mulieresque imitari co-
nantur, & singulæ domus dispositionis
suz formulam habitumq; inde mutuan-

O 3 tur,

OGE. AVL.

tur, omnia sua in vestes & pompam profundunt. Sequitur corruptio morum introductis pessimis vitijs, perniciosissimū malum.

Iam vero recedens è ciuitate Aula, heu quam foëdam caudam post se relinquit? hi adulteratas comperiunt vxores, illi stupratas, & vel abductas in scorta filias, alij supplantatos filios, alij corruptos seruos & ancillas. Quid multa? fit luctus ingens, totaque ciuitatis facies immutata facta est, sicut facies meretricis. Scio ego famosam Galliarum vrbem ea causa sic peruersam, vt vix aliqua ibi matrona pudica sit, vix filiæ nubant virgines. quin & palatinum scortum fuisse summi honoris est: & seniores matronæ iuniorum lenæ sunt: eaque turpitudine sic inualuit, vt nullus verecundiæ locus sit: vix maritis ipsis vxorum meretricatus curæ est, modo (vt ait Abraham ad Saram) bene sit illis propter illas, viuantq; laute ob gratiam illarum.

DE

DE NOBILIBVS

AVLICIS.

C A P. LXIX.

AVLICVS populus duplex est: Priores partes tenent Satrapæ, Nobiles inquam illi Thrasones, qui fastu, luxu, & pompa insaniunt: induti purpura & bysso, & opere plumario, vestibus deauratis, & circumdatis varietate, quibus

*Scorta placent, si acti curuiq; è corpore gressus,
Et laxi crimes, & ter noua nomina vestis.*

Hi vires omnes in Venerem frangunt, tum illorum ingeniosa gula est & gustus, per omnia cultum quærunt, epulantur splendide, dant & accipiunt conuiuia. Inter hos laudi plerunque ducitur, si illustri conuiuio sic sua prodigant semel, vt trimestri toto impudenter mensas circumcant alienas. Ad istos vndique confluunt Citharædi, Tibicines, & omne genus Musicorum, Mimi, Histriones, Parasitæ, Meretrices, Lenones, Saltatores, Venatores, & huiusmodi prædigia hominum; alunturq; Canes, Equi, Lupiceruarij, Accipitres, cæteræq; armatæ aues, Simiæ & Psittaci, & si qua monstra sunt ac naturæ probra, Vrsi, Leones, Leopardi, Tigrides,

O 4. Collo-

Colloquia eorum meræ nugæ & ociosæ fabulæ: obtrectant, deferunt, effutiunt, mentiuntur, ac veris falsa commiscunt. Hi de canibus, de venatibus, de sylvæ ambitu, de ambage lustrorum, de venationum euentibus, multa fabulantur: illi de equis, de militia, & fortiter ab se factis multa mentiuntur. Si adest, qui inuideat æmulus, aliorum sermones obstrependo discutiet, alias inferendo nugas, & quæ sibi putet laudem gignere, sua insolenter narrabit facinora: hunc alius sæpe de mendacio conuincit, & varijs scommatibus explodit, vnde totum tunc conuiuij colloquium frequenter in iram & contumeliam desinit; & velut in centaurorum conuiuijs Bacchi munera non cessant, donec eliciant sanguinem: Ita & in istorum aulicorum conuiuijs sæpe hospites redeunt cum cicatricibus, ac si hoc edicto inuitati videantur,

22. *Quod superest; lati bene gestis corpora rebus.*

23. *Procurate viri, & pugnam sperate parati.*

Proinde vero summa istorum disciplina est, obseruare tempora Principum, ne quid intempestiue illis ingerant, eaque non ab astris, à cœlis, ab Ephimeridibus captant,

captant, sed à vino, à prandio, à conuiuio, à venatione, ab accubitu, dum exhilaratus est Princeps, & voluptatis alicuius compos, & quos alios molles aditus; & tempora norunt. Tunc nouitatum rumusculos primum aspergunt, quibus Principis aures titillant: deinde paulatim ad ea quæ cupiunt procedunt, inscriptum à natura sua habentes Aristotelis ad Calisthenem discipulum consilium, hortantis, vt cum Rege, aut nunquam aut iucundissime loqueretur, quò scilicet apud Regias aures, vel silentio tutior, vel sermone esset acceptior.

Quod si tunc cuius illorum Princeps aut Rex arriserit, & ad id quod loquitur annuat, si gratū quid quod dixerit, aut fecerit, si illi quid crediderit, si illum confabulatorem secum secreto abduxerit, atq; alijs non ita, profecto magnus tunc erit ille in oculis hominum, iamq; omnia audebit, mordebit omnes, ridebit omnes, floccipendet omnes, detrahet clanculum, reprehendet palam, loquetur grandia: nihil non audebit, quò metuant eum omnes: conculcabit inferiores, contemnet pares, superiores dedignabitur, honorem & adorationem exiget, etiam per

OE C. AVL.
contumeliam totus tumet & effertur, &
potentiam adfectat:

*Libertas scelerum, est virtus & summa pote-
stas.*

Quisquis illi non arridet, non applau-
dit, etiam cum malefecerit, illico reus est:
nam aut fortunę eius inuidere, aut officio
eius non deferre iudicabitur. neq; ij tunc
solum paribus inferioribúsq; infesti sunt,
sed & Principibus ipsis sæpe perniciosissi-
mi, quibus veritatis, prudentiæ, corre-
ptionis & consiliorum imagine perditissi-
mè adulantur, & in nefanda scelera sæpif-
simè impellunt: Quemadmodum apud
Lucanum Curio instigat Cæsarem:

*Quod tam lenta tuas tenuit patientia vires
Conquerimur; deerátne tibi fiducia nostri?
Dum manet hic calidus spirantia corpora san-
guis,
Et dum pila valent fortes torquere lacerti,
Degenerem patiére togam, regnúmque Sena-
tus?*

Similes Alexander Magnus habuit in-
stigatores, qui illum suapte natura insa-
nientem, magis magisque in bella & cæ-
des incenderent. Tales habuit & Robo-
am Salomonis filius consultores, tales ha-
bent

bent & nostri seculi Principes, qui morem gerentes illorum cupiditatibus, illis ad omne scelus parent, hortanturque, aut sic dissuadent, vt fortius impellant, dum rationes suas tam futiles & infirmas opponunt, vt sic se conuictos passi credulorum Principum confirment errorem; vtroque sic decipientes, vt non possint argui, sed de proditiōis perfidia insuper gratiam mereantur. Tales hodie habet Gallorum Rex Franciscus ad mala consilia nimium promptos, qui illum contra Cæsarem in omnem perfidiam ac Tyrannidem libenter impellerent, atque ij interim optimi habentur atque fideles. Hæc de nobilibus aulicis hætenus, quorum, qui vnum offenderit, omnium cæterorum reus est.

DE PLE-

OEC. AVL.
DE PLEBEIS AV-
LICIS.

CAP. LXX.

SVNT adhuc quidam plebej aulici, hō-
mines improbi animi, qui nulli in vita
præesse sciunt, sed ipsi subiectione conti-
nua gaudent, ij circumeunt Nobilium
domos, illisq; parasitantur, mensis viuen-
tes alienis:

Et bona summa putant, aliena vivere quadra.

Omnibus idcirco obsequuntur, omni-
bus adulantur, omnibus parasitantur, &
omnibus omnia fieri student, plures quā
Proteus species mentientes, atq; in plu-
res formas sese vertentes, quo potentio-
rum fauorem sibi concilient. Conuiua-
rum sermones explorare student, vt ha-
beant, quod renuncient: dissidentium au-
tem secretos rumusculos vulpina astutia
inquirunt, eosdemque nunc ad amicos,
nunc ad inimicos perferunt, vtrisque se
gratos præbentes, dum sunt vtrisque per-
fidi: eoque magis proditionibus idonei,
quo ob imaginem simplicitatis minus ha-
bentur suspecti. Quumque nullum faci-
nus sceleratius habeatur quam proditio,
nullum tamen ad diuitias & dignitates in
Aula

Aula comparandas vtilius ac compendio-
sius, ipsisque aulicis, etiam Regibus, ac-
ceptum gratumq; magis. Adhærent itaq;
nobilium liminibus, &

Scire volunt secreta domus atq; inde timeri.

Quod si semel fuerint turpitudinis aut
proditionis alicuius conscij, iam euase-
runt, iam caput extulerunt, Nam

Charus erit Verri, qui Verrem tempore quouis

Accusare potest.

Iam familiaritas, imo necessitudo quæ-
dam nobiliorum contracta est, qua treti-
ad ea quæ desiderant, facile accedunt.

Primum itaq; quærunt vt in matricu-
lâ aulicorum inscribantur, Idque illis
vel sine stipendio satis est: Siquidem sola
inscriptio etiam absque salario quæstiosa
est, & suam prædam habet. Deinde pö-
tentes quoscunq; captare non diffidunt,
quos tunc sollicitant blanditijs, instant
obsequijs, & se muneribus ingerunt ratio-
ne consortij, aut alia quauis arte, & quæ-
cunq; ab alijs aut periculorû metu, aut la-
borum intolerantia, aut lucri penuria re-
linquuntur, isti auidissime quærunt, vigi-
lant dies & noctes, peregrinantur, & sus-
ceptas ferunt, referuntque legationes &
litteras, labores immanes aggrediuntur
& pet-

& perferunt, & audent quid, breuibus Gyaris & carcere dignum, donec ijs meritis, aut scrinijs præficientur, aut cõsignandi suscipiant officium, aut ærarij cultodiam obtineant, aut census varia ratiocinia illis committantur.

Iamq; egressi laborum angustias, nulum obsequium eorũ amplius gratuitum est, Sed omnia deinceps ad precium venalia habent, & cum nouo honore mutatis moribus, omnium, quæ retro sunt, obliti in anteriora tendentes, priora sua cõtemnunt, vltiora cõcupiscunt, avaritiaq; cõtracti ad prædam strepitumq; lucri omnia vertunt, fide parci, verborũ prodigi, blandi pariter & insidiosi, sermone obscuri, & oraculorum instar ambigui, quicquid vident, quicquid audiunt, quicquid dicitur, quicquid agitur, cõiectant omnia in peiorem partẽ, sibi soli fidunt, se solos amant, sibi soli sapiunt, nullius fidei aut amicitia credunt, sodalitatẽ nullam, nisi lucri causa, colunt, cõmodum proprium omnibus præferunt, amicos, hospites, propinquos, socios, quicunq; lucrũ non adferunt, tanquã steriles arbores, despiciunt, pristinos sodales si quis eorum occurrat, prætereunt, quasi ne norint quidẽ: si quis illorum implo-

implorat opem, hunc verbis & promissis abunde pascunt, plúsq; promittunt quam præstant; si nihil attulerint, auxilio destituunt, & vel caussa spoliât, gratiam omnẽ venalem habet, virtutem omnẽ contemnant, aliorumque laudes diuersis sententijs frangunt, & post terga artificiose cuiuslibet detrahunt. ipsi neminem sine exceptione laudant, quemamodum orator ille, Iulium fortunatum (aiebat) fateor, virum fortem, & quem cõstat strenue egisse quam plurima; quo tamen pacto iudicium repetundarum apud Iudices iustos euaserit, mirarer quidẽ, si vis eloquij eius mihi esset incognita. Et alius,

Felix & nato, felix & coniuge Proteus,

Et cui, si demas ingulati crimina Phoci,

Omnia contigerant.

Præterea aulicis muneribus, Vulturum instar, semper inhiant, vndecunq; venantur prædam, eamq; quibus possunt, veluti Phineo obsoniũ, vel ipsis è faucibus, Harpyiarum instar, præripiunt: Æmulorum calamitatibus gaudet, nullius malo compatiuntur, nulli promissa se debere putant, nisi pro sua libidine, nulli gratiã referunt, sed omnes pariter aut beneficio indignos iudicant, aut negligentia prætereunt, non nullos

nullos odio compensant, sed in odio gratiam fingunt, & dissimulant iram: præter Principem aut Regem, nullum alium obferuant aut verentur: sed ne hos quidem nisi aut metu, aut pro compendio.

Cumq; iam ad canos vsq; in proditi-
nibus, in fraudibus, in ærumnis & labori-
bus versati, anxij his sordibus ingentes
opes sublimésq; honores corripuerunt,
tunc fásq; nefásq; confundunt, vt filios
non tam honoris quam rapinæ simul &
iniquitatis relinquant hæredes.

” *Sic serpente ciconia pullos*

” *Nutrit, & inuenta per deuia rura lacerta:*

” *Illi eadem sumptis quarunt animalia pennis.*

*Sic leporem, aut capream famula Iouis & ge-
nerosa.*

In saltu venantur aues, tunc præda cubili

Ponitur, inde autem cum se matura leuabit

Progenies stimulantæ fame festinat ad illam,

Quam primum rupto prædam gustauerit ouo.

Atq; hæ sunt Plebeiorum Aulicorum
artēs, quibus multi ex infima hominum
fæce ad amplissima munera, quæsturas,
dignitatésque conscendunt, proximam-
que apud Principes & Reges suos autho-
ritatem adepti, diuitias Principibus pa-
res conflant, Regiaque extruunt palatia:
dum

dum interim nobiliores illi aulici sua omnia in scorta, in aleas, in venationes, in equitia, in conuiuia, in pompas, in vestes, in fastum, profundunt, terras, castra, possessiones, patrimonia, decoquentes: quæ tunc plebei istiemunt, in nobilium locum his suis scelestissimis artibus succedentes.



P ARTA-

DIVERSI
ARTAXERXES
REX, IN EPISTOLA
AD OMNES PROVIN-
ciarum Praefectos: In lib.
Esther.

C A P. XVI.



ULTI bonitate Principum, & honore qui in eos collatus est, abusi sunt in superbiam; & non solum subiectos Regibus nituntur opprimere, sed datam sibi gloriam non ferentes, in ipsos qui dederunt, moliuntur insidias.

Nec contenti sunt gratias non agere beneficijs, & humanitatis in se iura violare; Sed Dei quoque cuncta cernentis, arbitrantur se posse fugere sententiam. Et in tantum vesaniae proruperunt, ut eos, qui credita sibi officia diligenter observant, & ita cuncta agunt, ut omnium laude digni sint, mendaciorum cuniculis conentur subvertere, dum aures Principum sumptices, & ex sua natura alios aestimantes, callida fraude decipiunt.

Quæ

Quæ res & veteribus probatur historiis, & ex his quæ geruntur quotidie; quomodo malis quorundam suggestionibus Regum studia deprauentur. Vnde providendum est paci omnium provinciarum: nec putare debetis, si diuersa iubeamus, ex animi nostri venire leuitate, sed pro qualitate & necessitate temporum, vt Reipublicæ poscit vtilitas, ferre sententiam.

POLYBIUS,
IN LIBRO V. HISTORIAE ROMANAE.

MANÆ.

EXIGVA plane tempora homines quidem omnes valde exaltant, rursusque humiliant, sed AVLICOS maxime. Reuera enim hi similes sunt abaculorum calculis. Isti enim, secundum computantis arbitrium, modo ærei sunt, modo aurei: Et Aulici ad nutum Regis nunc beati sunt, nunc miseri.

DIVERSI
PLATO, IN DIALOGO
VIII DE IVSTO.

DIVITES quidem viros plarique laudant & admirantur, atque ad Magistratus euehunt; Pauperes vero despiciunt. Cæterum si quis in naui gubernatione à census æstimatione Gubernatores eligat, pauperem vero, licet gubernandi peritiorem, haud quaquam admittat, quid ex hoc secuturum censet aliud, quam ut male itaui ducatur? Atqui eodem pacto in quouis alio principatu.

Idem Dialog. 4.

Si Rempublicam administrantes Legum & Ciuitatis custodes non sunt, sed esse videtur, omnem Rempub. simul perdunt.

Idem Dial. 3.

Ab ebrietate vero ipsis abstinendum. Nulli enim minus conceditur, quam custodi, ut ebrietate grauatus, ubi terrarum sit nesciat. Atque ridiculum est, custode indigere custodem.

CON-

AVTORES IIJ
CONRADVS
HERESBACHIVS I. C.
IN LIB. DE EDVCANDIS.
Principum liberis:

C A P. V.

DELECTVM summū habendum cenſeo, ne quoſlibet in familiaritatē admittat. Nam ſunt quidā qui etſi prima fronte grauitatem, eruditio- nem, ac morū vrbanitātē præ ſe ferant, at tamen adulationis venenū ſub ſpecioſiſ- his virtutū imaginibus tegunt, Si quidem inter ceteras non paucas aulicæ philoſo- phiæ peſtes, vna eſt omnium pernicioſiſ- ſima adulatio; malum haud quaquam ſim- plex, ſed omnium calamitatum Iliada tra- hēns, adeo vt maximos Monarchas, & al- lioqui ferociſſimos gentium domitores à ſcurris ablectiſſimis ἀγεσθαι καὶ φέρεσθαι, atque vna cum ampliſſimis regnis in exi- tium pertractos eſſe ſæpe compertum ſit. Quod malum nuſquam validius quam in aulis Principū regnat; & in magnis ac præ- potentum familijs, non aliter quam quod

Liuius ait de inuidia, quæ sicut ignis alta petit, imò in aulis nata videtur, vnde Græmaticis quasi Adaulatio dicta videtur. Quo alluisse Ouidium apparet, canentem,

Agmen adulantum media procedit ab aula.

*Perennius:
Herodian.
li. 1. in Com-
modo.*

Hic velut in sua arena se exercet adulator, Camæleontem aut polypum mutabilitate vincens. Perennius adulatione & perfidia suam potentiam augens, Commodum Imperatorem perdidit. Magna ex parte pueri siue Principes seu priuati complectuntur eos iuuenilibus annis, qui sunt ipsorum affectibus magis accommodi, & cupiditatum ministri: continuo igitur præmuniendus pueri animus est aduersus horum contagium, atq; ab ipsis statim crepundijs prospiciendum, ne in consuetudinem atque adeò famulitium Principis puelli irrepat hæc lues; procul hinc procul este colaces. Nam si recens semel testula blanditijs huius mali capiat, periculum est ne in totam vitam macula proserpat, ac radices agat, & inescatus ille prædulcato veneno eos odisse incipiat, qui se reuocare studeant. In plærisque morbis vulgo notum est, quid possit contagio; verû quid prosit aut obsit consuetu-

suetudo corū, cum quibus versetur puer (quando sensim ac minutis accessionibus serpit vtilitas aut noxa) non æque ab omnibus sentitur. Non sentitur irrepere, sed iam ex intervallo irreplisse.

Iam vero vt de adulatione suspectos diximus, diligenti cautione propellendos à consortio pueri, ita præmuniendum quoque censemus antidotis puerum aduersus hoc venenum. Ac prius quidem quo à *φιλαυτία* deterreatur (qui morbus est pestilentissimus, maxime in Principibus, qui sibi licere omnia putant) procurandum est, vt seipsum nosse discat, iuxta sapientis sententiam, cogitetque num tale quippiam in eo sit, quod prædicat adulator, num æquum quod suadet, num decorum, num pium, an verum, an conducibile, an è Principis dignitate, an è Reipub. Vtilitate. Deinde vt omnes suspectos habeat, qui vbiq; student esse plausibiles, omnibus sententijs assentiuntur, semper parati vel laudare vel vituperare, ad alterius gratiam captandam: Qui in honorum exhibitione, in salutationibus, in opera pollicenda, ac similibus officijs vulgaribus, sunt plus satis prodigi, qui quibuslibet prompti dextram ad sex vl-

D I V E R S I

nas vsque porrigunt, altera videlicet panem ostendentes, altera lapidem abscondentes. Qui nusquam non corpus, facultates ac sanguinem offerunt, qui secreta omnia rimantur expiscanturque, & simulata quadã simplicitate factiones subodorantur, potentioribus se adiungunt, suos in procerum ac heroinarum numero patronos captant, ab omnibus fauorem emereri studentes, non habita ratione, siue id virtute an scelere fiat, qui minores quidem Deos venerantur, sed vt apud Iouem ipsum patrocinentur. Huc omnia artis suæ specimina dirigunt, adeo vt etiam morionibus ac catellis, quæ illis in delictijs sunt, non dubitent adulari. Si videant Principem venationibus, aucupijs, deditum, nihil præter venationes, canes, accipitres crepant, identidem vilam à se ingentem feram clamitantes. Si luxum aut splendorem, nihil præter gemmas bracteatasque vestes ingerunt; hæc Principe, inquam, digna vestis. Si crapulis potulisque delectari sentiant, subinde commessationes adornant, quin & ipsi quoque ebrietati vacant. Nunc Episcopi cuiusdam strenui potatoris facellanum, cum ingentem pateram exhauriret Princeps,

ceps, ô dignum Principe haustum, succlam-
mâsse. Si erga eos quos vocant Euange-
licos, Princeps sit propensior, in prom-
ptu sunt in Pontifices & Ecclesiasticos
conuitia. Si rursus Pontifici fauceat, mox
Euangelicos lacerari audias, eosque vt
seditiosos tollendos, vt hæreticos cre-
mandos. Neque est hoc tempore in Ec-
clesia pestilentior morbus, qui pietatem
ac religionis constituendæ rationem plus
impedit quam adulatio. Sic Dionysij cru-
delitatem adulatores iustitiam appella-
bant. Assueri assentatores acclamabât, iu-
sta est Regis indignatio. Breuiter, ad omnẽ
ventum pallium, vt dicitur, subducunt
huic arti vacantes. Quam tamen plari-
que sic attemperare callent, Vt, quemad-
modum Quintilianus ait, præcipuum ar-
tis esse ipsum artificium cælare, ita nihil
minus quam adulari videantur. Apud cor-
datiores Principes de virtutibus grauiter
differunt, sed tamen fucatè. Nonnullos
sic impudenter adulari videas, vt amoris
atque affectuum paritatis simulatione in
periculum se coniiciât. Qualem fuisse re-
ferunt eum, qui ad gratiam eius quem ca-
ptabat, vxorem repudiabat, quod sciebat
illi, cui adulabatur, coniugem parum gra-

DIVERSI

tam. Quosdam accepimus nostro tempore apud maximum Monarcham morbum simulasse, ac vna cum Principe in periculo forum remediorum societatem descendisse. Ita Dionysij adulescentes pocula patinasque in mensa subuertebant, simulantes se eodem cum Rege caliginis vitio teneri, atque ita tandem in magnum Principem exitium perduxerunt palpones, ut ante quoque diximus de Galba. Quod non perpulerunt Antoninum? De Commodop traditur, eum huc perductum ab adulatoribus & calumniatoribus, ut nulli non calumnie fidem adhiberet. Neminem amicum adiungebat, cui virtus aliqua adesset, sed à cunctis rectis studiis animu auocabat, neminemque non à limine tanquam insidiatorem submouebat, quem aut probitas aut disciplina illustraret. Scurras vero, & qui turpissima representabant, quasi addictos sibi habebat. Alexander Magnus, præclaris aliisque virtutibus insignis, à palponibus persuasus, immortalem se fore, ac pro Deo adorari se passus, tandem eorundem Commercio eo raptus est, ut eximios ac fidelissimos amicos sustulerit. Et nos Principem vnum atque alterum nouimus, qui adulatorum consilijs obse-

obsecuti, tandem è Principatu exacti sunt.

IDEM IN LIB. II. DE REP. ADMINISTRANDA.

CAP. VI.

PRINCIPES bonum faciunt plerunq;
boni cōsiliarij, vt in Alexandro testa-
tur Lampridius: TOLERABILIOREM,
inquiens, REIP. STATVM VBI PRINCEPS
MALVS & consiliarij boni, quam vbi bo-
nus Princeps & consiliarij mali. Siqui-
dem vnus malus à pluribus corrigi potest:
multi mali ab vno, quantum vis bono, su-
perari non poterunt. Quare nullum ma-
ius boni imperij instrumētum, quam bo-
ni consiliarij, vt Tacitus scribit, Magnum
ornamentum Principi, corona senum &
cordatorum consiliariorum cinctum es-
se: Estque idem non solum ornamento,
verum etiam felicem actionū successum
præbet, & aduersarijs metum incutit
consiliariorum reuerentia, & subditi li-
bentius parent.

Boni & fideles consiliarij perinde atque
boni & cordati ac pij Principes peculiari
Dei dono conceduntur: Nam Deus vo-
lens

DIVERSI

lens perdere Remp. Israëlitarum, minatur illis pueros Principes, & consiliarios effœminatos. Consilium Achitophel infatuatum fuit à Domino. Contra, quando Deus vult fortunare imperia, concedit fortes & prudentes, vt ex Regum historia, & Esaia liquet.

Asciscendi in cõsiliarios & cooperarios administrationis, quales Ietro suasisit genero suo Moyfi, qui sint spectatę integritatis: SAPIENTES, DEVM TIMENTES, VERACES, INCORRUPTI, & cuiusmodi amici Reip. à Socrate cõmemorantur apud Xenophontem, qui priuatis cõmodis publica præponant, qui mediocria possidere, quam virtutem deferere mālint, qui voluptatibus non vincantur, iniuriam priuatam negligant, publicam vindicent, neque ambitioni, neq; largitioni obnoxij.

Syrach docet in consilium adhibendos, qui earum rerum, de quibus deliberandum, periti sint: Siquidem belligerāturo non capiendū consilium cū imbellibus & rei militaris imperitis, neque cū impijs de Religione, neq; de Iure dicundo cū Iuris imperitis ac sceleratis. Alexander Imperator cum de Iure ac Ciuilibus negotijs tractaret, doctos & Iureconsultos

Aultos adhibuit: Si de re militari, veteres & senes milites, locorum peritos, bellorum historiarumque non ignaros, requirens quid in similibus causis veteres Imperatores Romani, vel externarum gentium, fecissent.

Cum autem in controuersijs dirimendis, & iure dicundo, Iureconsulti necessarii, accersendi non quæstiosi illi litium magis constituendarum quam tollendarum artifices, quique linguam & consilia venum exponunt: Sed qui non magis iuris quam iustitiæ consulti, quique omnia, quæ à Iure Ciuili proficiuntur ad facilitatem æquitatemque referant, qualis S. Sulpitius à Cicerone describitur: Et Papi-
nianus singularis integritatis & fortitudinis exemplar, qui capitis sui periculo non veritus, quæ iusta fuerant respondere. Tales fuerunt Ioseph & Daniel. Requirendi autem, qui sint ingenio alacri, & ad functionem, cui adhibentur, accomodi, eloquentia linguarumq; peritia non destituti. Sæpe enim fit, vt peregrinæ linguæ legatis respondendum, deque rebus secretis, & arduis conferendum sit. Adde vt sint Reipub. studiosi, cuiusq; administrandæ nō imperiti, Indigenas & subditos mā-
 lim,

DIVERSI

lim, & φιλοπατείας: Nam & populus amat magis, & obtemperat libentius suæ gentis magistratibus cooperarijs, quam externis. Quod si negetur, & externis regantur hominibus, incredibile quantum hac re animi alienentur, & ad factiones, & alios sæpe Principes euocandos incitentur. Exempla prætereo, ne quis offendantur. Tyranni peregrinis magis quam ciuibus ac subditis vti malunt, idq; existimant tyrannidi stabiliendæ conuenire, vt Arist. docet.

Conuenire videtur ad communem ordinum concordiam, vt consilij adhibeantur, non solum procures è nobilitate, verum etiam è præcipuis ciuitatibus graues, prudentes, rerumque politicarum periti ciues.

Idem ibidem.

Vitandi ambitiosi, fastuosi, præfracti, iracundi, furiosi, ac contumeliosi: item philauti, & adulationibus obnoxij ac calumnijs: item simulatores & veritatis occultatores. Non sunt huc admittendi futiles, leues, & secreti parum continentes: Non sunt fumiendi neq; pleonectæ. Arcantur qui seipso insinuant, vel fauore ac potentia ingeruntur, & qui præfectu-

ras & prouentus Principum, vel fiducia-
ria possessione, vel oppignoratione oc-
cupant: neque qui officijs & præfecturis
præpositi, aut Ecclesiasticis ministerijs
mancipati: ne alterius occasione alteram
deserant, vel neutram functionem fideli-
ter administrent.

Non sunt huc tam accersendi qui vafri-
tia, atque adeo huius mundi veteratorijs
artibus instructi, quam probitate, & inte-
gritate atq; industria commendati. Pru-
dentia Dei donum est, iuxta illud; vt au-
ris audiat & oculus videat, Deus facit. Cæ-
terum ea quidam abutuntur ad priuatum
commodum, & ad nocendum proximo.
Propter prudentiam, inquit Sapiens
Rex, laudabitur vir, sed improbus pude-
fiet: monens prudentia sicut alijs bonis
creaturis, non abutendum, atque etiam
vitandos qui ea abutuntur, nam eos pu-
desieri, ac tandem infelices euentus pare-
re, vt in Achitophel & Doeg declarat sa-
cra historia. Quare sequendi, qui verbo
Dei mentes regunt, non qui freti, vel elo-
quentiæ viribus ac humana prudentia,
consilia cæcis affectionibus & fortunæ
priuatissq; vtilitatibus accommodant.

Suaferim & hos vitandos, qui alijs Prin-
cipibus

DIVERSI

cipibus mancipati sunt stipendijs aut beneficijs. Etsi enim scientes patiuntur plarique magni Principes consiliarios suos stipendijs ac muneribus ab alijs honorari: at meo iudicio scientes ac volentes in sinu serpentes fouent, mirum non intelligi hæc gratis non fieri. Ptolomæi Philometoris adhuc pueri largitionibus corrupti consiliarij, Antiochæ auunculo Regem suum per ætatem nondû satis intelligentem misere prodiderunt, vt Danielis vaticinij explicatione declaratum.

Idem ibidem.

Breuitè, talis esse debet consiliarius, qui nihil nebulosum, nihil fallax, nihil simulatum, nihil denique improbum aut maleuolum fucatumve referat, quod vitam aut famam refellat, vt Ambrosius docet in officiorum libris. Alexander Imperator amicos si malos comperisset, puniebat aut dimittebat, dicens; **HIS CARIOR EST MIHI RESPVL.**

Vide præterea prænominati libri Epistolam Nuncupatoriam ad Illustrissimum Principem ac Dominum, D. VVilhelmum Ducem Iuliacensem, &c.

PHILIP-

PHILIPPI
COMINAEI, LIB. V.
DE REBUS GESTIS LVDO-

uici XI. Galliarum Regis, & Caroli Bur-
gundiae Ducis, Praeceptis
Aulicis.



HI si quis esset apud aliquem Principem amicus aut propinquus, huic suaferim; ita se comparet, ut diligatur, non autem ut metuatur. Nam qui diuersam rationem ingrediuntur: ut periculum tandem & calamitatem euadant, fieri non potest; eiusque rei multa proferre liceat documenta, non ex Gallijs modo, verum etiam ex Hispanijs & Anglia. Fere autem fit, ut qui bonam & fidelem operam praestiterunt; arbitrentur; sibi aliquanto plus, quam alijs, licere. Principes contra, longe aliter sentiunt; & aequius esse ducunt; ut qui se ipsorum clientelae & ministerio tradiderunt, officio fungatur. Memini quo tempore in hanc sententiam Rex mecum loqueretur (& suum nominabat autorem) affirmans fieri aliquando, ut egregiae ope-

Q

rae mi-

DIVERSI

ra minus liberaliter remunerentur, idque non tam ingratitudine Principum, quam eorum, qui prastiterunt operam, vitio: dum elati quadam confidentia, propter rem bene administratam, insolentes & protervè multa faciunt. Aiebat præterea, feliciter agi, sua quidem sententia, cum eo, cui nullo suo magno merito Princeps benefaciat: & ut quis beneficio sit obstrictus Principi, id multò præstare, quàm ut Princeps clienti aut famulo alicui suo multum debeat: eoque se ingenio esse dicebat, ut qui sibi ob aliquam beneficentiam deberent, eos plus diligeret, quam alios, quibus debere se aliquid ipse putaret. Tam est difficile in omni genere vitæ accommodare se, & ita gerere, ne quid erres. Magnum igitur est DEI beneficium, valere sensu communi, & iudicio naturali.

PETRVS MARTYR, IN I. SAM. CAPITV XVI.

Qui versantur in Aulis, semper time-
re debent, ne ruant. Nam Crux, si vs-
piam alibi, maxime defigi videtur in aulis
Principum. Itaque nemo debet ex illo
splend-

splendore nimium sibi confidere, aut se alienare à D E O, sed semper apud se cogitare; se eo loco esse, vt possit facile ruere. Et si quis forte cadat, non debet turbari, quasi noui quippiam acciderit.

Idem 1. Sam. Cap. 18.

Prudenter versandum est in Aulis Principum. Struentur enim tibi insidiæ per amicos tuos, quos tu putes ex animo loqui. Volunt enim Principes scrutari omnium suorum corda, in eoq; vtuntur linguis atque auribus aliorum.

Idem in 1. Reg. 10.

Non est facilè Aulas bene institutas reperire. Quia nonnullæ sunt, vbi cernas Principis auaritiam & sordes: in alijs luxus effluit: & alibi deest oeconomica dispositio, cum præsens adsit ministrorum & famulorum ingens numerus, imò potius turba confusa.

Idem in 1. Reg. 22.

In Aulis plærunque ita res habet, vt, qui diu fideliter inseruiendo præstiterunt heris omnia officia & obsequia, si ad ex-

Q² tremum

DIVERSI

tremum semel impingant, eosque offendant, omnis præteritorum officiorum pereat gratia.

Idem in Genes. 29.

Misera aulicorum fors est. Si grati & cari diutius maneant dominis suis, sua retinent munera satis abiecta & vilia, si bene perpendantur atque excutiantur: Sin vero dominorum animus abalienetur, ut fit leui de causa, ab illis; manent eos dira supplicia.

Idem in Genes. 40.

Aulica igitur fors, quamuis multis modis videatur à pijs & liberis hominibus respuenda, tamen hoc habet commodi, ut multum Ecclesiæ & sanctis oppressis valeat prodesse. Familiarium suorum sepe monitis Regum ira posset leniri & refrinari, ne sciret contra pios: incitari posset interdum Princeps, ut miserorum tangeretur calamitate, & illis subueniret: admoneri ut vitia repurgaret, virtutesque promoueret in regno suo. Ista essent aulicorum officia: quæ ubi dissimulant, &
ne Prin-

ne Principum animos offendant, prætermittunt, grauissimi peccati habentur rei. Et si qui sunt, qui agnoscunt piorum hominum causam esse bonam, neque pro eis loqui audent, nullo pacto se excusatos existiment.

IOHAN. VVOLPHIVS IN NEHEM. CAP. I.

PIS & sanctis licet esse aulicis. Vita quoque aulica magis incerta est ac periculosa, quam illicita seu vituperanda. Et sanè fuere in aulis alij item boni & pii viri: Vt Iosephus, vt Moses, vt David, vt Abdias, vt Daniel. Quin Nebridiū suum laudat quodque D. Hieronymus, quod egerit in aula vitam sanctam & modestam, Quamobrem cum non sit illicita quidem, sed laboris & periculi plena tamen; si necessitas pia postulet, non est detrectanda; Verumtamen nunquam cuiquam ambitiose expetenda. In aulis etiam, in quibus præter illecebras voluptatum ac vitiorum nihil inesse putes, reperiuntur ad id quod bonum est, haud vulgares occasiones. Quas arripere, & ad vtilitatem Ecclesiæ conuertere, est indolis optimæ

D I V E R S I

& sanctissimæ cuiusque ; cuiusmodi in Iosepho, Mose, Dauide, Abdia, Daniele, aliisque multis eluxit. Iosephus enim in aulam non solū heri sui familiarem, verum etiam totius regni publicam in immensum auxit: Moses in aula didicit omnem sapientiam Ægyptiorum : David consecutus est vsum rerum , & obediendo seruiendoq; didicit imperare: Abdias aluit Prophetas: Daniel vsus est ocio & stipendio regio ad comparandam diuinarum humanarumque rerum scientiam : alias honestas ad res alij sunt aulicæ vitæ bonis vsi.

BRENTIVS IN LVC. XXIII. HOM. LVII.

OB SERVA quid sit in aulam Principum vocari & admitti. Videris quidem vocari ad amplissimos honores, & ad iucundam felicitatem: Sed cum Principum aula is locus sit , in qua Satan, qui & ipse huius mundi Princeps est, multum negotij habeat, certe cum in aulā vocaris, aut vocaris ad maximas quasq; afflictiones, si pergas pius esse, aut vocaris ad summam impietatem & abnegationem Christi, si imbecil-

becillior & meticulosior fueris. David vocatus est ab ouibus ad aulam regis Saulis, sed cum pergeret pius esse, tātis est obrutus aduersis, vt penè lancea confossus fuerit à Rege, & necesse habuerit fuga sibi salutem quærere. Daniel admissus fuit in aulam Darij Regis Persarū, sed cum perseveraret pietatem colere, tantis Satanæ insidijs petitur, vt Leonibus dilaniandus obijciatur. Ioannes Baptista venit in aulam Herodis, sed cum pergeret ibi honestatem docere, luit pœnam capite suo. Et hæc illis accidere solent, qui in aulis Pij esse & manere volunt. Quid autem sit de his, qui imbecilliores sunt, quam vt possint aduersa propter pietatem ferre? Hic considera exemplum Petri, qui ad ancillæ expostulationem abnegauit Christum. Hæc non commemorauimus, quod damnemus per se aulas Principum. Vt enim Principum status ordinatio DEI est; ita Principum aulæ ad ordinationem DEI pertinent. Sed vt doceamus opinionem eorum vanissimam esse, qui putant se ad summam felicitatem vocari, cum ad aulam, & aulicos honores vocantur.

Q. 4. Idem

DIVERSI

Idem in Lucam, Hom. 71.

In Aulis Principum ac Regum maxime omnium regnat adulatio, & ibi præcipue locum habet illud Gnathonis: Quicquid dicunt, laudo; id rursus si negant, laudo, id quoque: Negat quis, nego, ait, aio: Postremo imperavi egomet mihi, omnia assentiri; is quæstus nunc est multo vberri-
mus. Hæc est imago vitæ aulicæ, hi sunt mores aulicorum.

VVOLFG. MVSCVL. IN PSAL. XCVI.

IN Principum aulis regnant luxus, fastus, perfidia, dolus, vanitas, assentatio, scortatio, adulterium, mendacium, Simulatio, dissimulatio, Violentia, calumnia, &c. quæ omnia procul absunt à Sanctuario DEI.

Idem in Matth. 4.

In quibusdam Principum aulis id moris est, vt ad ebrietatem vsque bibituri, alter alteri ita præbibat, vt quam caram habeat Principis sanitatem, bibendo declaret,

ret, & pro amore Principis præbenti respondet. Hic ne videatur quisque talis, qui Principi sanitatem inuideat, tali adhortatu fit, vt quotidie sunt ebrij & Principi dedecori, sibi que ipsis plurimum noxij: quasi non possit amare Principem melius qui non bibit, quam qui bibendo sese inebriat.

IOHANNES NOVILLEVS IN SVA HORA

PSAL. LXVII.

SI te ad Aulicorum ordinem conuertas, quid hic spectabis, præter ambitionem, inuidiam, factiones, oppressam & contemptam innocentiam, tectam simulationis pallio veritatem, hypocrites, erectam superbiam, læsāsque modis omnibus & pudicitiam & temperantiam, & verecundiam, ceterāsque insigniores virtutes? Quid denique hic cernes, præter suorum commodorum amatores, & ocularum manuum viros, præter subdolos, vafros, in DEVM blasphemos, veteratores, & malitiosos homines? Quid dicam?

Quous locorum oculi aciem direxeris,
 Q 5 impura

D I V E R S I

impura omnia, vitiosa omnia, ficta omnia videbis; Paucos admodum in sua castra recepit virtus, qui cotidie improborum malitia vapulant, crebrisq; malorum impetuntur incurſibus.

IOHAN. LVDOV. VI-
VES, DE INSTITVTI.FOEM.
CHRISTIANÆ, LIB. I.

AVLÆ temporum noſtrorum, parentes ſunt flagitiorum omnium, & ſedes Satanæ: quas non tantum Chriſtianus auerſetur, ſed & gentilis, qui pauxillum habeat mentis melioris.

CAEL. SECVNDVS
CVRIO, IN PASQ.
ECSTATICO.

FACILIS ex Aula ad ſeruitutem Diaboli deſcenſus eſt.

IOHAN. LVDOV. VI-
VES, IN COLLOQVIIS SVIS,
SIVE EXERCITATIONE LING.
Lat. Dialog. 26.

QVAM multi ſunt, in Aulis præſertim, quibus eſt nihil dulcius, quam ocium torpens,

torpens atq; inertissimum? admouere manum alicui operi, tormenti est loco.

PLVTARCHVS IN

παράγέλμασι πολιτικῶν.

QVI inexplebilis cupiditate gloriæ aut potentia sibi totum onus ciuitatis imponit, & admouet se ijs, ad quæ neque natus, neque exercitatus est; quemadmodum Cleon, ad ducendum exercitum; Philopœmen ad principatum rei naualis; Annibal ad Concionandum; Is quomodo excuset delictum non habet; sed audit in super hoc Euripidis;

τεκλῶν γὰρ ἀνέπραττεσθ' ἐξυλοεργικά;
Abs te fabro hand tractata sunt fabrilia.

M. TVLL.

DIVERSI
M. TVLLIVS CI-
CERO. EPIST. I. AD Q.
FRATREM, PROC. ASIÆ:
*de prouincia recte admi-
nistranda.*

NCVMBE toto animo & studio,
omni in eam rationem, qua ad-
huc vsus es, vt eos quos tuæ fidei
potestatiq; S. P. Q. R. commisit
& credidit, diligas, & omni ratione tuea-
re, vt esse quam beatissimos velis. Quod si
te fors Aphris, aut Hispanis, aut Gallis præ-
fecisset, immanibus ac barbaris nationi-
bus; tamen, esset humanitatis tuæ, consu-
lere eorum commodis, & vtilitati saluti-
que seruire.

Atq; ille equidem Princeps ingenij &
doctrinæ Plato, tum denique fore beatas
Respublicas putauit, si aut docti aut sapi-
entes homines eas regere cœpissent: aut
qui, regerent, omne suum studium in do-
ctrina ac sapientia collocassent. Hanc con-
iunctionem, videlicet potestatis ac sapien-
tiæ, saluti, censuit ciuitatibus esse posse.

Quare cura, vt hic annus qui ad labo-
rem

rem tuum accessit, idem ad salutem Asiae prorogatus esse videatur.

Perfice, ut lætitiæ provinciæ desiderium nostrum leniatur. Etenim si in promerendo, ut tibi tanti honores deberetur, quanti haud scio an nemini, fuisti omnium diligentissimus, multo maiorem in his honoribus tuendis adhibere diligentiam debes. Et quidem de isto genere honorum quid sentirem, scripsi ad te antè. Semper eos putavi, si vulgares essent, viles: si temporis causa constituerentur, leues. Si verò (id quod ita factum est) meritis tuis tribuerentur, existimabam multam tibi in his honoribus tuendis operam esse ponendam. Quare, quoniam in istis vrbibus cum summo imperio & potestate versaris, in quibus tuas virtutes consecratas, & in deorum numerum collocatas vides: in omnibus rebus quas statues, quas decernes, quas ages, quid tantis hominum opinionibus, tantis de te iudicijs, tantis honoribus debeas, cogitabis.

Id autem eiusmodi, ut consulas omnibus, ut medeare incommodis hominum, prouideas salutem, ut te parentem

Asiae & dici & haberi
velis.

PHILIP-

D I V E R S I
PHILIPPI BE-
RŌALDI, PRO SCRI-
BIS AVLICIS AD-
MONITIO.

DICI qui cupit optimus bonorum
Scribarum, & viridem tenere palmam
Inter decurias recentiorum,
Monstrari digito, omnibus placere :
Sit prudens, facilis, bonus, fidelis :
Intra pectora sanctiora condat
Arcanum sibi creditum, nec ulli
Promat, sit modici brevisq; somni:
Nullos difficiles putet labores,
Sit cultor domini frequens palati,
Primus ventitet, vltimus recedat :
Sit reram veterum ac recentiorum
Thesaurus probus, atq; litteratos
Scribat versiculos, epistolasq;
Facundas, nitidas, breues, apertas,
Crebris sensiculis scaturientes,
Nullas stultitias, ineptiasq;
Nulla & barbara verba continentes;
Sit velox manus, expedita lingua,
Qua nunquam calamum moretur acrem :
Huic sit vita seuera, sermo comic

Vrbano

*Vrbano sale, & Attico lepore
 Fartus, non sine sanctitate auita:
 Verbosi fugiat notam malignam,
 Paucis expediens agenda verbis.*

IDEM PRO CANCELLARIIS.

CANCELLARIUS, (vt recentiori
Scribas nomine nuncupem vetustos)
 Dici qui cupit, & cupit videri,
 Perfectissimus omniumq; Princeps:
 Hic nil falsiloquo loquatur ore,
 Nec sit Polypus aut rapax Celano:
 Nummos exigat à cliente paucos,
 Subscribens precio leui libellos,
 Nec lucrum petat inde, sed lucello
 Contentus tenui, paret fauorem
 Maiorem sibi, pauperum, minorum.
 Talis si fuerit repertus vsquam,
 Qualem rusticulus canit libellus,
 Nostra hunc tempora diligent, probabunt,
 Hunc & secula posteriq; dicent.

SIMON

11
12
13
14
15
16
17
18
19
20

21
22
23
24
25
26
27
28
29
30

31
32
33
34
35
36
37
38
39
40

41
42
43
44
45
46
47
48
49
50

51
52
53
54
55
56
57
58
59
60

61
62
63
64
65
66
67
68
69
70

71
72
73
74
75
76
77
78
79
80

81
82
83
84
85
86
87
88
89
90

91
92
93
94
95
96
97
98
99
100

SIMON SCHAR-

DIVS I. C.

IN VITA PETRIDE VI-
neis, Epistolis. eiusdem
præfixa.

ET si nec in Friderici (II.) Impê-
 ratoris factum, tale in Petrum
 Cancellarium exemplum statu-
 entis, nec in huius innocetiam,
 de qua exigua argumenta apud Histori-
 cos extant, diligentius inquiero: tamen
 minimè ab historia vtriusq; alienum fue-
 rit meminisse, sæpe etiam viros fide & in-
 nocentia præstantes, gratia Regum ac
 Principum quam sibi benefactis peperis-
 sent, minima occasione lapsos, atque in
 falsam suspicionem vocatos, viræ pericu-
 lum subiisse; vt omnium gentium histo-
 ria abundè testantur.

Quantus vir Parmenio apud Alexan-
 drum fuit, tamen optimus senex tam de
 patre, quam filio Rege, præclarè meritis,
 cum filio Philota miserabiliter necatur?

Eusenidem tanta apud Ptolemæum Re-
 gem gratia florentem, vt nihil ad eam ac-
 cedere

D I V E R S I

cedere posse putaretur, Rex cum muliere
à se adamata colloquentē deprehendens,
ante ædes eius, venenato poculo extinctę,
stulta Zelotypia suspendi iubet.

Alcimenides, referente Plutarcho, Pan-
nonianum in tantum fastigium euectum,
vt solus regni negocia, magno cum Rei-
publ. commodó atque honore admini-
straret, locum venationis, ibi, vbi ipse af-
fereret, esse negantem, præcipiti ira accen-
sus, eòdem ductum capite truncat.

Philippus, Rex Macedonicus, Aratum
Sicyonium, virū sapientia, iusticia ac mo-
deratione insignem, cuius consilio multa
præclare gesserat, vna cum filio, veneno
tollit.

Valentinianus Imperator, Aëtium præ-
stantissimum Ducem, cuius opera ingen-
tes Attilæ copias in campis Catalaunicis
profligârat, falsa suspitione motus inter-
mi curat.

Et quas Iustinianus in celeberrimum
sui temporis Ducem Bellisarium causas
scruitæ alias, præter falsas suspiciones ha-
buit, cum eum post deuictos Vandalos,
ac Persas, omni dignitate oculisque pri-
uatum, ad stipem mendicandum com-
pulsit?

Iusti-

Iustinus quoque, Iustiniani successor, non alijs causis, quàm falsis suspicionibus, inductus, Narsi Parsamenio summo Duci, cum Italiam sedecim annos magna dexteritate rexisset, imperium abrogat, durius cum ipso acturus, si ad pensa in gynæceo absolunda redire, quam Neapoli priuatus viuere maluisset.

Prætereo hic libens Seianum, Paulianum, Cleandrum, Eutropium, & alios, quorum prior apud Tyberium, alter apud Seuerum, tertius apud Commodum, ultimus apud Theodosium secundum, Imperatores, summa gratia atque potentia cum valuisset, omnes inconstantiae fortunæ aulicæ, magis diuino iudicio, quam Imperatorum suorum culpa, pessimi sy-cophantæ, exemplum fuere. Sed priorum fortuna, quæ innocentia probata, ac cum ingratitude aulicæ exemplo coniuncta est, ob oculos proposita, agnoscamus, Pindarum Pythiorum hymno quarto, verissimè scripsisse: hoc ferè accidere viris de Repub. benemeritis, ut pro beneficijs pessimam gratiam auferant: cum, ut diem alibi inquit, antiqua gratia facile dormiat, & homines sint immemores: simulque recordemur, potentū familiaritatē periculo-

D I V E R S I

culosissimam. Quia cum velint excellere & coli, nec quisquam adeò circumspectus & cautus sit, vt non interdum aliquid dicat, aut faciat contra eorum voluntatem, facile offenduntur, & offensi, spe & opinione multorum citius, cupiditati vindictæ frenos laxant. Imò, quemadmodum in vulnere prius apparet sanguis, quàm plaga; & quemadmodum prius cinicit fulgur, quàm tonitru audiatur: Ita ex sententia Plutarchi, apud Tyrannos, hoc est, (interprete Erasmo) Principes ferè omnes, prius erumpit condemnatio, quàm probatio, & periit delatus prius quàm cogatur. Vnde veteres Græci, referente Suida, rectissimè præcepêre: *ἀλευ ἀπὸ μέτρου ἀνδρῶν*: Maiorem vitato virum. Et Salomon Prouerb. cap. 23. idem admonens inquit; Cum sedes vt comedas cum potente, sis cautus, & ponas cultrum in gutture tuo, vt serues animam tuam. Et idem non sine graui caussa dixit; Iram Regis, nuncium esse mortis. Extant quoque ea dere aliæ admonitiones, hinc inde, non tam poëtica, quàm politica, vt;

*Dulcis inexpertis cultura potentis amici;
Expertus metuit.*

Item:

Item:

*Vsibus edocto si quicquam credis amico,**Vive tibi, & longè nomina magna fuge.**Nec illa Senecæ præclara sententia o-*
*mittenda est,**Stet quicumq; volet potens,**Aula culmine lubrico:**Me dulcis saturet quies.*

Et quidem hæc ita vera sunt, vt qui velit huius commonefactionis exempla, non solum ea in historijs superioris ætatis facili-
mè inuenire, sed & ad Aulas potentio-
res oculos circumferens viua exempla in-
tueri possit. A quorum commemoratione
cum ob alias causas, tum verò & hanc li-
bens abstineo; quod ea plures offendi,
quàm inconstantiam fortunæ aulicæ o-
stendi, verèar. Ideoq; ea omissa, vice colo-
phonis Plutarchi sententiam in vita Ara-
ti subijciò, omnibus gratia & authoritate
apud magnates florentibus perpetua me-
moriam tenendam. Amicitia (inquit) Re-
gum ac Tyrannorum feruentes ac repen-
tinæ sunt, & ardore quodam amoris subi-
to incenduntur: sed labefactari expugna-
rique faciliè possunt, & veluti ventis inui-
diæ, atque flatibus calumniæ, assiduè agi-
tantur.

DIVERSI
XENOPHON,
IN LIB. I. DE DI-
CTIS ET FACTIS
SOCRATIS.

ORABA autem Deos simpliciter, Bo-
na largiri: Deos scilicet optime scien-
tes, quæ bona sint. Petentes verò *Aurum*,
aut *Argentum*, aut *imperandi alijs potestatem*,
aut aliud quid huiusmodi, nihil aliud exi-
stimabat petere, ac si *ludum Aleæ*, aut præ-
lium, aut aliud quid orarent, cuius planè
incertus esset exitus.

CICERO, IN
LIBRO V. TVSC.
QVAESTIO.

CVM quidam ex Dionysij, Syracusa-
norum Tyranni, assentatoribus Da-
mocles cōmemoraret in sermone copias
eius, opes, maiestatem, dominatus, rerum
abundantiam, magnificentiam ædium re-
giarum, negaretque vnquam beatiorē
quenquam fuisse, Visne igitur, inquit, ô
Damo-

Damocle, quoniam hæc te vita delectat,
 ipsa candē degustare, & fortunam expe-
 riri meam? Cum ille se cupere, dixisset,
 collocari iussit hominem in aureo lecto,
 strato pulcherrimo, textili stragulo, ma-
 gnificis operibus picto, abacōque com-
 plures ornauit argento, auroque cælato.
 Tum ad mensam eximia formā pueros
 delectos iussit consistere, eosque ad nu-
 tum illius intuentes diligenter ministra-
 re. Aderant vnguenta, coronæ, incende-
 bantur odores, mensæ conquisitissimis
 epulis extruebantur. Fortunatus sibi Da-
 mocles videbatur. In hoc medio appara-
 tu fulgentē gladium è lacunari seta equi-
 na appensum demitti iussit, vt impende-
 ret illius beati ceruicibus. itaque nec pul-
 chros illos administratores aspiciebat,
 nec plenum artis argentum, nec manum
 porrigebat in mensam, iam ipsæ deflue-
 bant coronæ, denique exorauit Ty-
 rannum, vt abire liceret, quod
 iam beatus nolle
 esse.

DIVERSI
MARCEL. PA-
LINGENIVS,

In Leone.

NAM qui summa tenent rerum fastigia Reges,
Sollicitudinibus maioribus, atq; tumultu
Iactantur grauiore quidem; Sed vulnera vulgo
Tanta latent, tacitiq; gemunt, celantq; dolorem.
Adde aliud quoque, quod cruciat comes improbus
ipso

Afidue, metus atq; timor: Suspectaq; eisdem
Omnia sunt. hinc insidias, hinc dira venena
Concipiunt, soli nec possunt ire, nec audent.
Nec sine fas illis prægustatore comesse.
O bona libertas precio precisor omni,
O summū primumq; decus, qua prorsus adempta
Nil gratum, nil dulce viris, & viuere mors est.
At pauper nocte atq; die securus vbiq; est.

Idem in Tauro.

— gratius ouo

Et cicere est vesci, atq; famem compescere porro,
Nautæ aut fossori; quam Regibus & Reginis
Quicquid terra ferat lauti prandere, vel vnda.

CICERO,

CICERO, IN LIBRO

III. DE LEGIBVS.

NON tantum mali est, peccare Principes, (quanquam est magnū per se ipsum malū,) quantū illud, quod permulti etiam imitatores Principū existunt. Nam licet videre, quęcunq; mutatio morum in Principibus extiterit, eandem in populo secutam. Nobilium enim vita victuque mutato, mores ciuitatis mutari solent. Nec solum vitia concipiunt ipsi Principes, sed ea infundunt in ciuitatem: Neq; obsunt, quod solum ipsi corrumpuntur, sed etiam quod corrumpunt, plusque exemplo, quam peccato nocent.

Hinc recte Martialis scribit ad Domitianum, Epigrammatum lib. 9.

NEMO SVOS (HÆC EST AVLÆ NATVRA POTENTIS)

SED DOMINI MORES CÆSAREANVS HABET.

Et Claudianus de 4. Honorij cons. .

---componitur orbis

Regis ad exemplum, nec sic inflectere sensus

Humanos edicta valent, quam vita regentis:

Mobile mutatur semper cum Principe vulgus.

R 5 ALPHA-

DIVERSI
ALPHABETVM AVLICVM
GRÆCVM.

Αυλῆς φαινοπρεσσωπῶς ἐπιστήμῃⓈ εἶκων.

Α υλὴ ἀπειροκάλων ἀνδρῶν ἀγρευχὸν ἄγλημα.

Β αττολόγοις βυλῆσι βίον βιώστα βέβηλον.

Γ λῶσαργος, γλαφυρὴ, γλυκίφωνος, γορρο-
πρεσσωπⓈ.

Δ ωροδόκος, δίζνῃ, διασημοφόρος, διοδόφρων.

Ε κρονος ἐλλέχων εἰείδων, ἐμπληκλⓈ ἐξωλί.

Ζ ἀπλωλⓈ, ζαμενῆς, ζωφδορίκω ζητῦσα.

Η δονοπληξ, ἥρωφάνης, ἥνδισμένη ἥβη.

Θ προμανῆς, θύρη, θρασύδειλος, θανμαλίερος.

Ι μερδοιτινισῶπις, ιυγγορεφῆς, ιταμόφρων.

Κ προφόρⓈ, κετυρὴ, κλεομῆδης, καλλιέπεια.

Λ αγνὴ, λειοδαιθέμων, λαμυρὴ, λαθέταιρος.

Μ ισδοπθυμήτειρα, μαλαίη, μαλθαρορήμων.

Ν ωδρὴ, νηκέσοισι, νομικὴ νέσοισι νέμυστα. (μὸς.

Ξ ὑμφωρτος, ξητῶν ξυεπισφθάριων ξυσαρ-
ο γκώδης, ὀνόσανδρος, ὀφειλέτης, ὀβειμογνώ-

μων. (εἰεργος.

Π αντοτρόπος, παρασιτόφιλος, πολύθρης, πα-

Ρ ηξίνομος, ραδινὴ, ραψωδὸς, ρήτορόμικλος.

Σ απερίλογος, σκαίη, σκολιόμυθος, σινάμωρος.

Τ ρυξίβιος, πμαλφῆς, τρωξιδρωλοπενήης.

Υ ροφυῆς, ὑψηλόφρων, ὑπνηλος, ὑπαλⓈ.

Φ οιταλέη, φάυλη, φιλοκερδῆς, φαντασιώδης.

Χ ρυσοβαφῆς, χαιρετόγλωσσος, χαιρῦστα χλι-
διῆσι.

Ψευ-

Υ ευδίαριος, φειδνῆ, φοφοειδῆς φελιόκοσμος.
Ω αἰς ὦμῃ, ὠταλγῆς, ὠγυγιόφρων.

ALPHABETVM AV- LICVM LATINVM.

PROOEMIUM.

OMNIA ne paucis praconia versibus Aula,
Comprendi charta nec potuere breui,
Qui tamen ista leges, quibus insigniuius Aulam,
Pracipua è multis nomina vera leges.

πάντα γὰρ ἐκ ἀνθρώπου λαλέσης, καὶ ἐπὶ κέρ-
σοιχείων ἀρχάσῃ κροθε τῆς ἀτόμων.

Aula profanata sedes aptissima menti.

Bullaris gaudens titulis, spe diues in ani.

Consilijs inimica bonis, contraria vero.

Delitjs pregnans, hamata fertilis esca.

Errorum speciosa domus, fraudisq; maligna.

Fortunatorum speciem mentita locorum.

Gloria ventosis quam tollit in athera pennis.

Humanos simulans confictio lumine vultus.

Inuidia atq; odij diro suffusa veneno.

Kενόδωρον δεινῶπις ὁμήγυρις αἰολοδέσμων.

Ludorum quærens varias ignaua latebras.

Muneribus dextras obuertens semper apertas.

Nomina falsa gerens fucosa subdola laudis.

Omnia letificæ referens ad gaudia Vita.

Principijs vt blanda suis, ita sine molesta.

Quarta

D I V E R S I

Quarta tribus Furys soror addita Terpsiepie.
Regnorum ostentans elata insignia dextra.
Sorte potens, vera nulli ratione benigna.
Temporibus confusa, sine ordine, mobilis, exlex.
Virtutem simulans, vitiorum immersa profundo.
Ξυσόβιος τε καὶ δινόφλυξ, τεθαλλὺν τὰ λοιπὰ.
Υλομανὴς καὶ θυρομανὴς τε καὶ ἰσχυρόδαιμος.
Zῶνς τ' ἀργαλέης μέδουλος, καὶ τανύαλὸς ἄλσος.

A L I V D.

† Alias
 Sophos.

Aula eadem est omnino fides, quæ mobilis aule,
Blanditur, sed post mordet, ceu Scorpium, Aula.
Consiliis raro melioribus vititur Aula.
Disimulet, regnare diu qui poscit in Aula.
Exulat Integritas, Probitas, & Candor ab Aula.
Ferre moras, iram frenare, docemur in Aula.
Grande † decus ridere bonos censetur in Aula.
Horrent vera loqui, cupiunt qui crescere in Aula.
Inuidiam qui ferre nequit, discedat ab Aula.
Kyrie, qui senuere, canant Eleison, in Aula.
Languent virtutes, regnat scelus omne per Aulam.
Muneribus mentes hominum capiuntur in Aula.
Nugas Aula leues, & fumos vendit inanes.
Ocia quisquis honesta cupit, discedat ab Aula.
Porta Erebi in terris Aula, & tua Tantale pœna
Questus adulari, & metiri primus in Aula. (est.
Rara avis in toto vere pius Aulicus orbe.
Sinceris, & simplicibus, Va semper in Aula.

T ur-

Turpe senex & inops quādo incolit Aulicus Au-
Vita difficilis methodus bene dicitur Aula. (lam.
Xanthe retro ibis, erit quādo constantia in Aula.
Tdra Aula est, capitū multorū, horrēda Venenis.
Zenones fatui sunt atq; Thraſones in Aula.

Incerto autore:

Ferre moram, moderari ira, contemnere risus,
 Dura pati, cunctos Aulica Vita docet.

Et;

Regum sollicita quicunq; senescit in Aula,
 Aut fuit, aut semper postulat esse miser.

ARGV MEN- TVM AVLAE SYL- VIANÆ ET HVTTÉ- NIANÆ AD

*Hieronymum VVitzendorff, patricium
 Lunaburgensem.*

HENRICI PETREI
 HERDESIIANI.

Non VVitzdorffse malos ausim defendere mo-
 Ac sordes, nugasq; leues mutabilis Aula. (res.
 Ah levis est, Vitaq; sua, veraq; salutis
 Prodigus, errabunda subit qui limina Regum,
 Seq; fera dubijs ambagibus implicat Aule.

Ocia

DIVERSI

Ocia sunt potiora domi, quam seria Regum
 Militiaq₃, domiq₃, refert a negotia curis.
 Aedibus in proprijs si res tibi certa, quiesq₃,
 Ing₃, Aulam nec fata trahunt, nec cogit egestas,
 Ne te sponte malis socium regalibus adde,
 Nec res arbitrio proprias committe potentum.

Vtilior multis Aula, Regumq₃, coronis,
 Caula fuisset iners: satis hac: VVitzdorffe. superq₃,
 Ostendunt Veterum casus, & fata recentum,
 Mirandaq₃, Vices Procerum, Regumq₃, Ducumq₃,
 Doctorūq₃, Equitumq₃, ferox quos Aula rotarum
 More rotat, iucunda rudi spectacula Vulgo.

Non Animi, non Fortunæ, non Corporis
 Aula

Largitur Bona, sed perdit, non donat Honores
 Diuitiasve Pij stabiles, sed semper hiantes
 Detinet, euentuq₃, bonos eludit inani.

Non, nisi deceptus, quisquā Sapientior Aula
 Exijt, heu magno talis Sapientia constat.

Non Robur, Viresq₃; tuas, non cōmoda Vita
 Auget, at eneruat, tollitq₃, Volubilis Aula.

Non aliunde minus cōstans & vera Voluptas,
 Quam dubie miseris venit è penetralibus Aule.
 Plura dolenda vident Oculi, quā grata: minusq₃,
 Latitiae veriūq₃, pie captabit Aures
 Quam falsi prauiq₃, diu quas Regia lactat.
 Quam vero tetros hac bellua spirat Odores,

Quam

*Quam nil leue bonis Tactu, nil suaue relinquit
Gustatu, quamuis tot alat Ventrisq, Gulag,
Seruos, & tantos Epicuri de grege porcos.*

*Qui morbos, & acerba fugit dispendia vitæ,
Culina Sæua Ducum fugiat, Regumq, penates.
Qui volet esse pius, qui sobrius, impia non hic,
Ebria non intret penetralia futilis Aula.
Qui volet esse suus, rigida qui se dare non vult
Mancipio Domina, Serua ne seruiat Aula.*

*Lene quidem Iuueni Virus, tacitamq, propinat
Dulcis amariciem Lethes. Vultusq, serenos
Porrigit, ac nutus præbet, dextraq, benignas.
Tum bländas SIRENAS habet, quæ protinus ore
Arrident, faciliq, trahunt in limina cantu.
Ast vbi contigeris penetralia, plena firarum
Omnia, monstrorumq, vides, rigidosq, Gigantes,
Cyclopaq, truces, & Semiuiros Centauros.
Non vllò tot môstra freto, Scopulive, nec imbres,
Infestant Nautas: non sic Eurusaq, Notusaq,
Non Zephyrus, Boreasq, mari bacchantur in vllò.
Vt Boreasq, Notusaq, fera bacchantur in Aula.
Aula fretum, gurgesaq, vorax, vbi sæua CHARYBDIS,
Et SCYLLÆ rabies monstrosa, Virosq, Ratesq,
Deuorat. hoc nantes quot cernis in Aequorè, quos
Pœnituit vere, sed sero, flebilis Aula. (iam*

*O fortunatum, Mare qui tam flebile nunquam
Nauigat, experto credens: insignia gentis*

Rastelli

DIVERSI

*Rastelli Vuitz dorffe tua, probitatis auita
 Indicium, moneant placidis te viuere terris,
 Non tumidos innare lacus, vndasve marinas.
 Nonne coles sapienter agros, & sobria Villa
 Rura tua, si vel clypeum, vel nomina gentis
 Pulcra tua, crebrasq; vices respexeris Aula?
 Audi quos vsus docuit, rerumq; magistra
 Aetas, & cautos quos experientia fecit.
 Audi age facundo monuit quæ Syluius ore
 Aulicus, Huttenuſq; tonans, & clarus Erasmus,
 Dum tumidam viuus pinxere coloribus Aulam.*

*Dicite facundi mea dicite cura Poëta,
 Tum varios Aula casus, & fata Potentum
 Irrequieta, boni tum dona salubria Ruris,
 Et Phœbi, comitumq; nouem tutissima diuis
 Ocia cum Nymphis, nobis diuina Maronis
 Musa Ducum memora curas, fastumq; metusq;
 Et fortunatos solis dic optima syluis
 Agricolas, sua priuatim qui commoda norunt.*

AD D.

AD D. DANDINVM,
EPISCOPVM FOROC. EPISTO-
LA ANTONII FVCHS: QVAM
communicauit nobiscum eru-
ditissimus B. Vulcanius
Brug.

QUOD te interpellē nugis, dū publica tractas
Munera, & ingenti rerū molimine anhelas,
Des veniam, vel te culpes, Dandine, necesse est:
Qui mihi dum comis nimium, nimiumq; benignus
Das faciles aditus, epulis & diuite mensa
Excipis, hos à me malè sanos elicis ausus.
Contra alij quidam bifida qui tempora mitra
Cingunt, congressus fugiūt, turbamq; precantem
Colloquijs arcent centeno poste, ministris
Et totidem oppositis: quod si, cum maxima rerum
Postulat hoc moles, precibus vel munere nouam
Irrumpas, decime truderis limine porta.
Tu facile ingenium natura, mitius arte
Efficis: hinc casu aduerso tristaris amici
Non secus atq; tuo, curis & frangeris iisdem.
Hoc tibi me cogit caussas exponere, quare
Sortiti dominum clarum natalibus, annis,
Fortunis, animo illustrem, virtutis amicum,
Post sextum mensem Roma discedimus. hoc tu
Forte malum ducis; nos contra, si vacat, audi.

D I V E R S I

Me pater haud vilis, susceptum coniuge honesta
 Primum natorum sex, vix fantem & pede firmo
 Tentantem gressus, semotam ablegat in oram
 Scilicet vt possem, post prima elementa, Latinum
 Et Graium pelagus certa saltare carina.
 Euentus poterat voto arridere, quod essem
 Ingenio haud prorsus stupido, cum quatuor annos
 Atq; decem nato rapuit libitina parentem.
 Inde domum rediens cesso, lustrumq; supinè
 Traduco; post me patruus patria expulit, atq;
 Ticinum misit, tabulis incumbere bix sex
 Iussit, scita decem queis sunt inscripta virorum.
 Hic ego sub claris posui rudimenta magistris
 Militix, impleuiq; nouem stipendia, post quæ
 Emeritus mittor, donatus cum rude lauro.

Post hæc in patria, turba comitante clientum
 Dum causas agito, & defendo, iura popello
 Tetrica responso, non parua pecunia, verum
 (Quod maius duco) mihi gratia queritur ingens.
 Hinc legor & Populi sanctiq; ex mente Senatus
 Qui lustrum condam, qui scribam ciuica iura,
 Iudicio & præsim. Post nostra missus ab vrbe
 Legatus, faciles lassauit Caesaris aures.
 Quid queris? proprias timido dam projcis ore
 Laudes, hac poteram fortuna viuere latus,
 Ni mihi, ceu stipulis ignis, iniecta fuisset
 Ambitio, nobis dum proponuntur honores,
 Atq; aurum, dum tu occurris pariterq; Maphæus,
Atq;

Atq; alij pauci qui orbis tractatis habenas.
 Nec merita expendo, curas, tantosq; labores,
 Insomnes quæ vos cogunt iraducere noctes.
 Captus opum tantum splendore, & lumine clarat
 Ceu Satyrus quondam flammæ exurere sensi.
 Si mihi non stabat Parijs suffulta columnis
 Regia, nec sensus fallentia marmora, saltem
 Culta domus fuerat, tenuis, sed munda suppellex,
 Qua exciperem insignes homines ex classe secunda,
 Communis quæis nostra fuit semper domus & res;
 Et census parvus, certè & sine crimine parvus.
 Ire salutatum nos atria nulla potentum
 Cogebant, multa cum limina nostra salute
 Feruerent, fuit & comitum lectissima turba,
 Quos nobis mores studium & par iunxerat ætas.

His ego gaudebã, Domini cum nomine Romam
 Euocor. haud credo: sed te vult: me vocat ille?
 Sic est. at ludis: quid enim stupidi atq; pusilli
 Me ingenij cupiat tantus rex? est ita me inquam.
 Tertia deinde venit: nuto: sed epistola quarta
 Expugnat: quis enim multis magnusq; repugnet
 Promissis? mitto quæ fors sperare iuberet.
 Ex illo & patria & comites sordescere nobis
 Cœpère, & fastu sensim turgescere pulmo.
 Hinc tumidis ducens ingentes folliibus auras
 Omnia magna sono, Reges, diademata, mitras.
 Ante oculos stat Roma mihi noctesq; diesq;

DIVERSI.

Haeret Roma oculis, in somnis cernimus arcem,
Rostra, Theatra, forū, Saturni Tempia, Suburrā.

Flentibus hinc socijs tandem discedimus, armos
Argento grauida nobis lassante crumena.

Omina dū propero, retinent me: in limine primum
Offendo, valuisq; lacinia vestis adheret.

Claudicat alter equus soleis offensus, ab alta
Illice parra canit, leuā occurrit lepus, anguis

Rumpit iter: pluuia altisq; erumpentia ripis

Flumina nos tardant: properauimus attamen, &
Iratīs magnā perueni ad mœnia Romæ. (Dij)

Hic Dominus, quod erat curarū turbine magno
Oppressus, serō me admittit ad oscula dextra,

Excipit, & paucis verbis, & fronte serena,

Quæ nūc antem animum firmarent: inde suorum

Scribimur in numero: sed bina cubicula primum

Conducenda mihi, stabulum post, deinde culina,

Quæ quater vndenas nos cogūt pendere drachmas

In mense: at Dominus promisit. ferre necesse est

Vnus ait, multo quod regia plena cliente est.

Si dispensator iubet, hospitijve magister,

Chironomo, scurra, productori aut cytharædo

Assurgam: quid enim? pereat ne sportula, quippe

Tres nobis numerat nummos mercede diurna,

Cum pueris & equo; hinc querenda caro, hinc

olus, hinc sal;

Hinc oleum, scombri, perne, vilesq; fasceli.

Odit enim lepores, turdos, conchilia, mulos,

Mensa

*Mensa mihi & pueris communis sportula quamuis
Sit tenuis, quæ vix lichnum præbere lucernæ
Sufficiat, nobis nunquam datur integra; auaro
A quæstore aliquid semper corraditur, vltra
In primo quod nulla mihi sit reddita mensæ.*

*Præpositus stabulo Domini, negat hordea fœnū,
Et stramen, negat ille mihi? negat improbus, ardet
Intus bile iecur, descendo ad iurgia tandem
Post quartum mensem vilem metitur auenam,
Et putridum culmū, pudeat quem sternere, & illa
Quæ in paleas vacuas, & purgamenta recedant,
Si cribro excutias, non assignatur equilis
Aut locus aut statio, post tres Cellarius horas
Dimittit puerum tandem, redit ille lagena
Dimidia, verum sic diluta, vt mihi Tybris
Fluctuet in stomacho, cum credo hauisse falernū.*

*Hic ego tot paream dominis, tot pessima liber
Facta feram? semper me impune à poste repellat.
Ianitor implumis, rosea facie, cute leni,
Cirratq; coma? si non dstringimus enses
Fulmineos, liceat genuinum frangere more
Inuiti, generet rabies ne pressa venenum.*

*Mitto quantatuli, patiarq; incommoda: mane
Summo profilio stratis, & currimus vsq;
In Vaticanum, pluuijs seu solibus ather
Seuiat; hîc stantes aliquot consumimus horas,
Vt Dominū videam, quem claudūt ostia centum,
Atq; aditus centum: populis vt præbeat aures,*

D I V E R S I

Egreditur tandem, quem nos veneramur aperto
 Et capite, & genibus flexis: dum quisq; videndum
 Proponit sese, impellor, turbaq; procella
 Iactor. postremus tum ne sim, viribus, ausu
 Et cubito rumpenda via est. si forte vehatur
 Aut mulo aut Rheda, raptim sequor, ilia equorum
 Tundens: post redeo persusus pallia cœno.

Postea cum Dominus discumbit, stans ego contra
 Illi: me oppono, vt si tollat lumina mensa
 Me videat, lustraq; oculis si forte beatum
 Me obtutu faciat, si me seruire parato
 Utatur, si sponte aliquid mandet iubeatq;.
 Sed frustra ante oculos versamur; namq; secundus,
 Tertius, & quartus mensis mihi labitur, atq;
 Post quintum sextus, cum nec mandata, nec vllum
 Accipio à Domino verbum: comis tamen ille,
 Omnibus arridere, ioco perstringere, & vltro
 Compellare: tamen solus dimittor, vt ille
 Quem vel religio, aut morbus congressibus arcet.
 Hinc nos sollicitant cura, indignatio flammæ
 Excitat, & rabies fundit nigrum ore venenum.

Ergo ego, qui vt scribam, aut responsem ciuica
 Euocor, hic tandem spectator Laocoonti (iura,
 Seruio marmoreus; præceptis Pythagoreis
 Vincior: Hærocratis factum sum ad templa sacer-
 Debebas illum tu compellare: egone illi (dos.
 Quem tantæ exagitant cura, quem tanta fatigat
 Congeries rerum, me ausim præbere molestum?

Exciuit:

Exciuit; veni, sto coram; me videt omni
 Luce, vel inuitus: tu Saulius atq; Maphæus
 Et Iouius profertis me, respondet at ille
 Comiter, est cordi, memini, cum tempus erit tunc
 Accersam & cesso. tentem Dandine quid vltra?
 Quid faciam? patere. hic nobis plus deperit vno
 Mense animi cultus, quàm quod profecimus anno.
 Euolat è loculis as, curis vrimur, vltra
 Quod mihi religio est, domini consumere fruges
 Segniter, & lecto atq; epulis traducere luces.

Rusticus Aufidius conducti cultor agelli
 Assuetus glebas curuo versare tridenti,
 Et segetes sarrire, boues & iungere, multo
 Dum frangi interdum sentiret membra labore,
 O fortunatum, dicebat, cui datur urbem
 Incolere, & duri vitare incòmoda ruris. (urbem;
 Sors fauit, vocat hunc quidam Heros magnus in
 Accurrit turgens spe, atq; ambitiosus honorum
 Delitijs capitur, thermas & compita lustrat,
 Atq; forum: sed dum Dominus nil imperat illi
 Oscitat, & vacuus cessat, luditq; canitq;
 Multa dies tamen & supereff, tunc ocia damnans
 Urbis, conqueritur tardos procedere soles.
 Hinc sese incusans quòd vitam ferre priorem
 Nescisset, dominum conuenit. me mihi, dicens,
 Me mihi redde precor, vita ne frangar inerti,
 Et menti & neruis obducant ocia callum.
 Ne si forte tibi inuisum me fecerit atas,

DIVERSI

*Atq; tuis domibus migrandum sit mihi, serò
Prateriſſe dies doleam, quòd rustica nobis
Ars pereat, nequeantq; assueſcere membra labori.
Sic mihi; ne ingenium, assiduo quod vomere
flexum*

*Vix ferat exiguas fruges, si cesset opella,
Ad steriles redeat stipulas; secedere præstat.
Nam dum me culpas, accuso quod nimis audax
Huic tanto seruire viro me posse putavi;
Fortunamq; meam damno, quæ nesciat vti
Oblata re. num culpem? at quis mitior illo;
Munificusq; magis? cum fulgeat omnibus æque
Sol, si dureſcit cœnum, si cera liqueſcit;
Num potius solis radios accuset, an ipsam
Naturam, quæ non valeat dureſcere? comis
Omnibus est Dominus: negat hoc quis? sed mihi
(nostrum*

*Peccatum fateor) nimis est durus, grauis. asper.
Has Dædine putes causas, quod linquimus vrbis
Mœnia, & armato stimulamus calce caballum.
Falleris. vt mittam, quod cura domestica dudum
Me vocat, vt nisi crescat, saltem ne pereat res;
Vrget me maior ratio: nam cura salutis
Et vitæ nobis præponitur ambitioni,
Atq; opibus, licet illa alijs sit vilior alga.
Est mihi cura ideo lethi eripienda periclis.
Siue cibi vitio, seu cœli, siue falerni
Eueniat, seu fortè animis illustrior aër*

Hic

Hic solitus, nutrire negat vires; & uti nos
 Degeneres, ego semper torqueor atq; laboro
 Et stomacho, & capite; hoc semper vertigine circū
 Voluitur, atq; grauis hesternā pondere cœna.
 Assiduo turget: iam septima præterit hora
 Cum marcescit adhuc: saltamus, currimus, at nil
 Proficimus: si sit cœnandum, fercula sordent
 Languenti stomacho, haud obsonia lauta palato.
 Respondent, digito in guttur ceu pharmaca cœnā
 Farcio, viuendum quoniam est, & pondere pondus
 Tendimus. hinc macies artus, hinc occupat ora
 Pallor, tabescunt sensus, crocea q; pupille
 Caligant, crudosq; cibos tussi excreo anhelā.
 Sic ego qui vaccas auitas, proauosq; Elephantes
 Possem cōcoquere, ossa nunc, medio & grauior ouo.
 Contempti augentur morbi primūsq; minatur
 Exitium, si nos paulum præcidere causas
 Differimus lentī, quas non lenire valerent
 Pharmaca, vel succi, medicinæq; autor Apollo.

Viuere commoditas magna est, summūq; bo-
 num; ergo

Sedandæ ingentes curæ, quibus enecor ipsi
 Quod sim despectus Domino, fugienda Quirini
 Infamis regio, & cœlum graue, nostra petendæ
 Est patria, hæc quod nos dederit vitalibus auris,
 Aut alet, aut saltem producet funera: Roma
 Discedo, quod vita mihi, quod cura salutis

D I V E R S I

Haud spernenda fuit: causam hanc adducimus v-
nam,

Quam si forte probas tu, Saulius, atq. Maphæus,
Quos veneror tanquam nostri tria lumina secl;
Non ego curarim, quid latret cætera turba.

Hæc Dandine tibi Venusina scripta Camœna
Carmina dictabam, Senis dum sedulus hospes
Curat equos, nobisq. dapes apponit, ut istic
Si quis me accuset, Domino purgare valeres.
Plura loquuturum me pagina deserit, hospes
Sollicitat, comites frigescere fercula clamant;
Ergo vale, inq. tui me scribe volumine sensus.

Di Siena alli Sette di
Giunio Gio. Antonio Volpe.

T H O: N A O G E O R G.
LIB. II. REGNI PAP.

— Tot a papalis

Curia gratuitos famulos amat; adq. tenendum
Promtior ac dantum est: Ex luxu mille ducatos
Profusos nauci facit: at, iam frigore pene
Contracto tunicam famulo, vel reddere chlanam
lacturam censet.

LAZARI

LAZARI BONAMICI

BASIANI AD VRSINVM

VELIVM EPISTOLA.

Longum post tempus mihi dulcis epistola tan-
dem

Reddita, quæ Vrsini testata est pectora docti,
Pectora mellifluis Musarum plena liquore;
Seu tempestatem, turbantibus omnia ventis
Inuidia, miseras quæ sese effundit in Aulas,
Fortunatorum Syrtesq; sinusq; latentes
Dicat, & insanos moneat vitare tumultus;
Tranquilla contra seu scribat, ut oia vita
Ducantur, si quis contentus vivere paruo
Magno petat, verasq; & nulla labe caducas
Quærat opes, superis æquans se (quæ licet) ipsis.
Horum si in numero rectè me ponis Amice,
Ipsam etiam (si fas) videar superare tonantem
Nedum fortunas Regum, mens anxia quorum
Huc illuc rapitur curarum turbine cæco,
Et, cades & stupra agitantur corde, feruntur,
Quocunq; instabiles trahit imperiosa libido.
Et fortunam horum tamen admiramur inepti:
Purpura sed si quæ regit, & gemmata Tyara,
Proferat, inq; aliquis Deus hæc exponat aperto,
Sæpe volutabris rediens ut conspicitur sus,
Sic illi immundo sordescunt vndiq; cæno.

Hic Velius,
natione Si-
lesius, Poë-
ta & histo-
ricus insi-
gnis Orato-
riam docuit
Parauit: ac
deinceps
Maximil.
II. adole-
scentiam in-
stituit; tan-
demq; anni
suffocatus
obijt.

Disi-

D I V E R S I

*Disimiles Regum quorum iam vidimus artes,
 Pacare Italiam, vestras componere lites,
 Moliri aduersus bellum lachrymabile Turcas.
 Quos ego, si quando medijs Germania campis
 Armipotens Asia victricia castra locarit,
 Constituens magnū communi ex hoste tropheum,
 Non patiar nostris Graijsq; abolescere chartis;
 Et tibi me socium adiungam, simul aua montis
 Parnasi, simul & lustrabimus omnia prata,
 Carpent geminas selecto è flore coronas.
 Interea antiquæ Pataui consedimus vrbi,
 Inter Aristotelis sylvas, doctiq; Platonis,
 Inter ab Arpinis currentes fontibus vndas;
 Et modo tractamus fortis Demosthenis arma;
 Nunc audire iuuat cantantes carmina Cygnos
 Propter aquas Smyrnes, propter vāga flumina
 Minci;*

*Curantes solum quò se studiosa iuuentus,
 Percussa ingenij, fama, & virtutis amore,
 Eximat è vulgi tenobris, celiq; per auras
 Vecta Deūm degat felicem nectare vitam:
 Quod decet exoptans, natura arcana retexens,
 In quæis nemo mihi potior, sublimia primum
 Quem iuga Parnasi cupiam conscendere, noster
 Quam Logus, ingenio cum sit spectabilis acri,
 Candentiq; vide, tua cum perfusa lepore
 Dulcisono hunc tantum cōmendet epistola nobis.*

TITVS

A V T O R E S. 413
TITVS LVCRETIVS,
IN LIB. V. DE RERVM
NATVRA.

CŌdere cœperunt vrbeis, arcemq, locare
Praesidium Reges ipsi sibi, persugiumq;
Et pecudes, & agros diuisere, atq, dedere
Pro facie cuiusque, & viribus, ingenioque:
Nam facies multum valuit, vireisq, vigeant.
Posterius res inuenta est, aurumq, repertum,
Quod facile & validis, & pulcris demsit honorem.
Diuitioris enim sectam plerumq, sequuntur
Quamlibet & fortes, & pulcro corpore certi.
Quod si quis vera vitam ratione gubernat,
Diuitie grandes homini sunt, viuere parçè
Aequo animo: neque enim est ynquam penuria
parui.


At claros homines voluerunt se atq, potentes,
Vt fundamento stabili fortuna maneret,
Et placidam possent opulenti ducere vitam,
Nequicquam: quoniam ad summum succedere ho-
norem

Certantes, iter infestum fecere viai.
Et tamen è summo, quasi fulmen deicit ictos
Inuidia interdum contemtim in tartara tetra:
Vt satius multo iam sit parere quietum,
Quàm regere imperio res velle, & regna tenere.
Proinde

D I V E R S I

*Proinde sine incassum defessi sanguine sudent
 Angustum per iter luctantes ambitionis:
 Invidia quoniam, ceu fulmine summa vaporant
 Plerunque, & quæ sunt altis magis edita cunque.
 Quandoquidem s. piunt alieno ex ore, petuntq;
 Res ex auditis potius, quam sensibus ipsis:
 Nec magis id nunc est, neque erit mox, quam fuit
 ante.*

LVCAE-



AVTORES. 144
LVCAEVS ANDREAS
RESENDIVS LVSI-

TANVS,

AD

NOBILISSIMVM VIRVM DA-
MIANVM à Goës, Equidem Lusitanum;
ad quem cum aliàs, tum Elegiam 7. libri
3, scripsit etiam Sabinus. Carmen
nusquam hactenus im-
pressum.

Exemplo, Damiane, malo, qui primus in Aulam
Duxit Apollineos vates, fecisse videtur.

Artamen exemplo multo peiore Poëta

Iudicio fecere meo, qui Regibus illa

Ocia Musarum spe prodegere lucelli;

Sive illi adducti, sive irrupere coacti.

Pauperie, quorum vita tamen error agenda.

Hoc tolerabilior, quo forsân iniquior ipsa

Scuit in quenquam aduerso Rhamnusia vultu.

Ecquid enim miseris suadere domestica pestis

Paupertas non possit? ei nec Apollo negaret

Consultus veniam, veteris nec vallibus Ascræ

Nec bonus Aonidum sacro interdiceret amni.

Ast ego, cui (quanguā non diues, & in tenui re
Sum modo, & ante fui) vsque adeo malè non fuit
vngquam,

Vf

D I V E R S I

Ut saltem vitrei cyathi, purumq; salillum,
 Candida mappa, tripes deesset mihi mensula, &
 Copta lata mei, quonam, Damiane piabo (horti
 Thure, quod exosa viuam patienter in Aula?
 Cum tamen hic illis, quæ non fortuna negauit,
 Suauiter, & curis vacuus bene viuere possim?
 Possum equidẽ, Damiane, tamẽ me scua meorum
 Sollicitudo premit, quibus ut paulò & decus & res.
 Fors magis auge scat, conieci memet in Aulam.
 Ni faciam id clamant omnes, me protinus hostem
 Et desertorem consanguinitatis; at illi
 Ipsi qui sese desertos esse queruntur,
 Si mihi Lar friget, oculis & squalida mœret
 Nonnunquam exhaustis raro nidore culina,
 Non magis aduertant, ea siue incõmoda præsent,
 Quam si alerent ventis, matutinæve pruina,
 Rorẽve deciduo. noui experiorq; subinde,
 Et tamen hæc animum induxi perferre patique,
 Nescio quam prudens, certe pius, & pius vltra
 Quã teneor; nam nec superest sanctissima mater,
 Nec genitor, raptus mihi vix dum bimulus essem.
 Ipse autem cœlebs, & Musis aptior orbus,
 Non malè vixissem peregrè, quando ocia doctis
 Docta viris nunquam dat Lusitania nostra.

I miser, & libros sepeli, contemne Thaliã,
 Aula frequentanda est, veniat te nullus in illam
 Mane prius, nullus redeat te serius inde:
 Fac Regem videas, nec tu nisi visus abito.

Interea

Interea expectans, dum non admitteris intro,
 Illic contracta malas oscedine rumpe
 Marculus, aut vngues cultello rade, nec illis
 Qui prope te sedeant, risu si forsit an airo
 Quem ridere volent, contrarius esto, sed auge
 Non nihil, his ipsis post id fabella futurus.
 Hoc tibi sit studium, vita hac adolesce seneq. (tis,
 Dixerit hic aliquis, bene habet. patet ergo Poë-
 Et doctis patet Aula viris; Patet Hercule, sed quid
 Prodest? maiestas non vsus queritur illis.
 Et si maiestas non vsus, scire velim, qua
 Emolumenta miser possit sperare Poëta?
 Præter nescio quem forsan splendoris honorem?
 Esse puta notum, & Procures numerarier inter
 Vt summum: sed si census tibi desit auris,
 Fortiter esurias. esto tamen Aulicus atq;
 Spe blandire tibi, serui spe. spem tere longam,
 Ludit at egregios lepide spes ista Poëtas.
 Postquam nummiuori Legum Iurisq; Tyranni
 In Regnum & Reges regnum obtinuere, Poësis
 Pessum igit; eloquijsq; decus, Sophiæq; forenses
 Vulturij pressere iugo. Res digna perenni
 Contigit historia nuper. Non ambigis ipse
 Regibus ut faueat, cunctis magis omnilius, vnus
 Diuus Ioannes. si pramia ponere doctis
 Obscene hæc sinerent Harpyæ, hæreretq; Vates
 Parte in nonnulla humane paterentur, hæerent
 Vt vel postremas, prima queis iure darentur.

D I V E R S I

Ille suo ingenio in Sophiam propensus honestam,
 Quidquid Aristoteles argutus, quidquid amoenus
 Dixerat ante Plato, mirè cognoscere auebat;
 Vt melius quònam pacto foret ipsa gerenda
 Publica res, sciret, consultis utpote libris,
 Fallere quod nequeant, quod non affectibus vllis
 Succubant, quod nil sperent, metuantque, nec equū
 Calliditate mala faciant videatur iniquum.
 Ergo adsumptus erat, qualē decet esse magistrum
 Discipuli, cuius diues timet India nutum.
 Atq; dies aderat coeptis ingentibus ante
 Dictus, & hora, suæ metuens quum provida parti
 Factio, quæ Leges, vili quæ nundinat ere
 Iura sacra, irrupit, & quæ portenta rogabat
 Illa forent? Ecquis terræ pelagiq; potentem
 Discipulum faceret? quæ carnificina Sophorum
 Tanta erat, ut Reges etiam cruciare tremendos
 Auderet? sine fruge? quasi tum deniq; Reges
 Vllum opera facerent precium, Si nomen Achææ
 Dent Sophiæ, aut chartis se tristibus vsq; fatigēt:
 Aut quasi inicomachi, prolesue nemusq; Licæi
 Quidquā conferrent, Academi aut villula, præter
 Argumentosas nebulas, comitemq; tumorem?
 Esse satis Regi, Iuris Legumq; peritis
 Fidere, regnorumq; illis committere curam.
 Quod si tantus amor studiorum, tanta libido;
 Iura legat potius, Sapiens quid Bartolus aiat;
 Quidq; sagax Baldus, vehemensq; Accursius. horū
Quod

Quod responsa trium Phœbei sortibus antri
 Certa magis soleat Rabularum credere vulgus.
 Deniq; vicerunt, quamuis non quatenus ipsi
 Optabant, vicere tamen secumq; triumphant,
 Eualuisse Ducis firmatam obuerrere mentem.

Hæc vbi barbaries, vbi monstra, vbi talia morum
 Sunt portenta, quibus quantū libet & licet, vltra
 Viuere mēne iuuat? Viuat hæc Chælius, vni
 Cui vatum placet Aula, decus nomenq; Poëta
 Quod cupit, amoris habeat riuallibus vnus.
 Nos Aula nostrum hunc certè præponimus Ossan,
 Ossan dena mea distantem millia ab vrbe,
 Mentitum aspectu faciem Sulmonis aquosi.
 Et si seruitio me exire liceret honestè, (tem rod.

Hic Chæli-
 us Poëta in
 Aula Regis
 Lusitania
 fuit, maxi-
 mus osor E-
 ras. Rase-

Huc ego, quando aliud iam non datur, huc ego sal-
 Confugerē, & suaues peterē mihi monte latebras.
 Nunc cerasorum inter locus vmbrosaq; Tempe;
 Nunc riguis inter letos conuallibus hortos
 Citriferos errans, in carmina sæpe Bimatrem
 Sapeq; Laotidem in carmina compellarem.

At modo vix toto versum componimus anno,
 Et nisi me redimo, video, Dāmiane futurum
 Omnino vt pereat, quanquam non aurea, Luci
 Vena tui, certè nec plumbea, me nisi forte
 Plus amo, quam credo. & sanè si deniq; tandem
 Dissacerent, vt me absq; nota leuitatis, iniquis
 Eripere his possem fatis, & liber abire,
 Non sine me socio, tu nunc Antenoris vrbe.

DIVERSI

Incoleres: tecum Liui memorabile bustum
Visere, tecum etiam Patavi letissima rura,
Aut manno celeri, aut Cilio praeagrarum volanti
Dulce foret: nunc aduersum flumine vectum
Vicini Eridani, vatum figmenta notare
Iucunda, Heliades qua diriguisse feruntur
In ripa mœsta; quānam Sthenetus Heros
Casum infelicis pueri dum fletet, olorem
Versus in argutum, niueas assumerit alas;
Nunc prona Hadriacas Brenta descendere in vn-
Littoreq, Euganeo peruestigare Timavi (das,
Hostia, num manent, extent num montibus illis
Fluminis ora nouem, dio celebrata Maroni?
An magnum vsq, adeo tellus absorpserit amnem,
Vt ne parua quidem superent vestigia? quantas
Voluerit vndarum vasto cum murmure moles?

Hanc, Damiane, puta veram me credere vitam
Vatibus, hanc dignam mentis melioris, eaq,
Possesse via fama decus immortale parari:
Non inter fumos ventose nobilitatis,
Atq, palatinos surras, vrgere senectam
Morosam ante diem, inuitosq, accersere canos,
Languiduloq, pati ingenium sordere veterno.

Hæc tibi de multis summam pæsumam vitæ
Fata mee exposui: quæ me non scribere solum
Verum etiam memorare piget. quæ cautiôr ipse
Non secus enasti, atq, olim Symplegada fertur

Euasisse

*Euafisse vagam ductor Magnesidos Argus
Quum Phasin peteret: quare non nescius horum,
Desine me in uestis posthac agitare querelis,
Si mea, quod nolles, tibi carminarum a ferantur,
Et bonus affuescas tandem ignoscentior esse.*

Eboræ ad vi. Calend. Nouemb.
Anno M. D. xxxv.

IOHANNES POSTHI-
VS, MEDICVS, ET POE-
TA CLARISS.

Ad

MELISSVM.

QUI trahere infelix specioso in carcere vitam,
Cunctaq; dura pati vult sponte, moretur in
Aula.

Qui seruis seruire, moram qui ferre recusat,
Seq; irridendum præbere, recedat ab Aula.
Spemq; metumq; inter dubius qui viuere nō vult,
Omnia qui nescit simulare, recedat ab Aula.
Qui vere esse pius, qui sobrius esse laborat,
Quiq; valere diu, nocituram deserat Aulam.

Aula locus, fortuna suos vbi lubrica lusus
Ludit, & exalrat nunc hos: nunc deijcit illos.

T 3

Aula

D I V E R S I

*Aula Mare est, quo non aliud furiosius vllum,
Non, quo naufragium contingat crebrius, vllum.
Aula fera est capitum multorum bellua, seruos
Pessumdans plerumq, suos. O terq, quaterq,
Infelix, fatua quicumq, senescit in Aula.
At contra felix ô terq, Melisse quaterque,
Ambiguam sapiens iuuenis qui liqueris Aulam.*

D. AND. ALCIATVS, EMBLEM. CXIII.

Heroum genitos, & magnum fertur Achillem
In stabulis Chiron erudijſſe ſuis.
Semiferum Doctorem, & ſemiuirũ Centaurum
Aſideat quiſquis Regibus, eſſe decet.
Eſt fera dum violat ſocios, dum proterit hoſtes;
Eſtq, homo, dum ſimulat ſe populo eſſe pium.

Idem Emblem. GLX.

*Vana palatinos quos educat Aula clientes,
Dicitur auratis neſtere compedibus.*

EX LAZARI COLERI, IVRISCONSULTI DISER- tiſſimi, quodam pro- pemptico.

Aula foris picto ſimilis mihi viſa libello,
Qui tragicis intus plena dat acta malis.

P.ME-

AVTORES. 148.
P. MELISSVS S. IN
SHEDIASMATVM RELI-
quijs Terpsichor.

*Splendida magnificis paupertas regnat in Aula,
Ista domi nostræ subditur, Aula vale.*

Idem ibid.

*Promptius è silicis venis expressero lymphas,
Aut liquidum è dura mulsero lacte petra,
Debita quam molli prece discutiantur ab Aula
Aera, catenatis Petre ligata seris.*

Idem ibid.

AD CONRAD. LEICHT. DE
MALLIO AVLICO.

MAgistellus ineptus iste, Leichti,
Stipatus Bacularijs ineptis.
Et Sclauo, Stolidoq³ Russiano,
Aulicam nucibus schola relictis
Vitam proposuit periclitandam.
Vt primordia firmiora consent,
Oblonga Asini tegat quod aures
Vno pileolo caput renodans
Contentus minime est, eoq³ duplo,
Ni duplum insuper alterum priori
Imponat, redimiculis reuinctum.
Leichti, quid rogo suspicaris? an non

DIVERSI

Est hoc stulticia addere insolenti
Multo stultitiam insolentior?

THOMAS MORVS, IN
AVLICVM GALLICÆ LIN-
GVAE AFFECTATOREM.

AMICVS & sodalis est Lalus mihi
Britanniaq₃ natus, altusq₃ insula.
At cum Britannos Galliae cultoribus
Oceanus ingens, lingua, mores, dirin: ant,
Spernit tamen Lalus Britannica omnia,
Miratur, expetitq₃ cuncta Gallica.
Toga superbit ambulans in Gallica,
Amatq₃ multum Gallicas lacernulas,
Zona, locello, atq₃ ense gaudet Gallico,
Filtro, bireto, pileoq₃ Gallico,
Et calceis, & subligare Gallico.
Totoq₃ deniq₃ apparatu Gallico.
Nam & vnum habet ministrū, eumq₃ Gallicum,
Sed quem (licet velit) nec ipsa Gallia
Tractare quiret plus (opinor) Gallice,
Stipendij nihil dat, atq₃ id Gallice,
Vestitq₃ tritis pannulis, & Gallice hoc,
Alit cibo paruo, & malo, idq₃ Gallice,
Labore multo exercet atq₃ hoc Gallice,
Pugnisq₃ crebro pulsar, idq₃ Gallice.
In certu & invia, & foro, & frequentia,
Rixatur obiurgatq₃ semper Gallice.
Quid? Gallice illud? imo semigallice.

Ser.

*Sermonem enim (ni fallor) ille Gallicum
Tam callet omnem, quam latinum Psittacus.*

*Crescit tamen, sibiq; nimirum placet
Verbis tribus si quid loquatur Gallicis:
Aut Gallicis si quid nequit vocabulis,
Conatur id, verbis licet non Gallicis,
Sonog; saltem personare Gallico,
Palato hiante, acutulo quodam sono,
Et foemina instar garrientis molliter,
Sed ore pleno, tanquam id impleant fabæ:
Baltutiens videlicet suauiter,
Pressis quibusdam litteris, Galli quibus
Ineptientes abstinent, nihil secus
Quam Vulpe Gallus, rupibusq; nauita.*

*Sic ergo linguam ille & latinam Gallicè,
Et Gallice linguam sonat Britannicam,
Et Gallice linguam refert Lombardicam,
Et Gallice linguam refert Hispanicam,
Et Gallice linguam sonat Germanicam,
Et Gall'ce omnem, præter vnam Gallicam,
Nam Gallicam solum sonat Britannice.*

*At quisquis insula sat us Britannica,
Sic patriam insolens fastidiat suam,
Vt more Sumia laboret fingere
Et emulari Gallicas ineptias,
Ex amne Gallo ego hunc opinor ebrium.*

*Ergo ex Britanno vt Gallus esse nititur,
Sic dy iubere fiat ex Gallo capus.*

DIVERSI
IDEM.

*Lubrica non seruat certum nunc Aula tenorem,
Sed rotat instabilem caca subinde rotam.
Sternere summa libet, libet infima tollere, rerum
Inq; vicem nulla vertere lege vices.
Maxima cum bona sunt, iam sunt mala proxima:
rursus*

*Maxima cū mala sunt, proxima iam bona sunt.
Forti animo mala fer, nec bis miser esto dolore,
Ne cito venturis premoriare bonis.*

Idem.

*Magna diem magnis exhaurit cura Tyrannis,
Nocte venit requies, si tamen vlla venit.
Nec tamen hi pluma requiescunt mollius vlla,
In dura pauper quam requiescit humo.
Ergo Tyranne tibi hac pars felicissima vitæ est,
In qua mendico par tamen esse velis.*

Idem.

*Ferme dimidium vitæ dormitur, in illo
Aequales spacio diues inopsq; iacent.
Ergo Cræse tibi, Regum ditissime, vitæ
Ferme dimidio par erat Irus egens.*

Idem.

DISCRIMEN TYRANNI ET
PRINCIPIS.

*Legitimus immanissimis
Rex hoc Tyrannis interest,*

Servos

*Servos Tyrannus quos regit,
Rex liberos putat suos.*

Idem.

PRINCEPS NON SATELLITIO,
SED VIRTUTE TUTVS,

*Non timor inuisus, non alta palatia Regem,
Non compilata plebe tuentur opes,
Non rigidus vili mercabilis ære satelles,
Qui sic alterius fiet, vt huius erat.
Tutus erit, populum qui sic regit, vtiliorem
Vt populus nullum censeat esse sibi.*

Idem.

Populus consentiens regnum dat &
aufert.

*Quicunq; multis vir viris vnus præest,
Hoc debet his quibus præest.
Præesse debet neutiquam diutius,
Hi quàm volent quibus præest.
Quid impotentes Principes superbiunt,
Quod imperant precario?*

Idem.

Tyrannus in somno nihil differt à
Plebeio.

*Erigit ergo tuas insane superbia cristas,
Quod flexo curuet se tibi turba genu,
Quod populus nudo surgat tibi vertice, quod sit
Multorum in manibus Vitaq; Morsq; tuæ?*

At

DIVERSI

*At somnus quoties artus astringit inertes,
Hæc tua iam toties gloria dic ubi sit?
Tanc ignaue iaces trunco non impar inani,
Aut paulo functis ante cadaueribus.
Quod nisi conclusus timide intra tecta lateres,
In cuiusq; foret iam tua vita manu.*

Idem.

(inde

*Quid bonus est Princeps? canis est custos gregis,
Qui fugat ore Lupos. quid malus? ipse lupus.*

Idem ad Aulicum quendam.

*Sæpe mihi iactas faciles ad Principis aures
Liber, & arbitrio ludis vt ipse tuo.
Sic inter domitos sine noxa sæpe leones
Luditur, at noxa non sine sæpe metu.
Infremit incerta crebra indignatio caussa,
Et subito mors est, qui modo ludus erat.
Tuta tibi non est, vt sit secura voluptas,
Magna tibi est, mihi sit, dūmodo certa, minor.*

Idem.

DE BONO REGE ET POPULO.

*Totum est vnus homo regnū, idq; coharet amore,
Rex caput est, populus cætera membra facit.
Rex quot habet Ciues (dolet ergo perdere quen-
quam)*

Tot numerat partes corporis ipse sui.

Exponit

*Exponit populus sese pro Rege, putatq;
Quilibet hunc proprij corporis esse caput.*

Idem.

*Perdendo bona nostra ferè cognoscimus omnes,
Dum possidemus spernimus.
Sic populo quoq; sepe malus, sed sero benignum
Commendat heres Principem.*

Idem.

*Princeps pius nunquam carebit liberis,
Totius est regni pater.
Princeps abundat ergo felicissimus
Tot liberis, quot Ciuibus.*

IULIVS SCALIGER,
IN LIB. I. EPIDOR-
PIDVM.

AVLAM reperit qui bonam, & vtilem, & fi-
delem.

*Me autore sequatur, duce me, meq; sequente:
Si quis queritur, nec fugit, huius miserebor.*

HENRI-

D I V E R S I
H E N R I C V S P E T R E V S
H E R D E S.

A D

CLARISS. VIRVM D. IOACH.
Götzen, Mundensem, I. C. & Illustriss.
Principi ac Domino, D. ERICO, Duci
Brunsvicensi & Luneburgensi; Comiti in
Claromonte, Equitiquē summi or-
dinis velleris aurei; à
consilijs.

Avlam cur Ioachime, culte legum
Antistes, reperisse te fidelem
Vnus dicis, & utilem, bonamq;?
An quod, respiciens seueriorum
Ducum limina, curiasq; Regum,
Tot vestigia cernis impotentis
Ira, tot furias, tot Aulicorum,
Tot passim quoq; Principum ruinas?
An sic Principe cum bono, faceto,
Docto, belligeroq;, candidoq;,
Indoctos alios, & imperitos,
Seuos deniq; comparas ferosq;?
An quod MVNDA tua est, necisq; pura;
Nec fraudum patiens, nec inquinata
Communi scelerum lue, nec altrix
Muscarum, culicumue, cimicumue

Ergo

Ergo te Ioachime, te beatum,
 Cui nunc inter amabiles, sodales,
 Et Munda locus aptus est in aula.
 Quin hanc te duce, te sequor sequente?
 An me, te socio, vel imperante
 ERICO Duce pœnitebit Aula?
 Namq; hoc candidius benignius ue,
 Lycus, Danubiusq; Mosæ, Rhœnus,
 Se vidisse nihil fœtentur, ex quo
 Tueri licuit serēiores
 Vultus, ora, manus; & optimates
 Tēdas vndiq; candidas secutos
 Herois, thalamoq; gratulantes.

Lucem, dante Deo, reducet illam
 Ortus Lucifer aureus secundo,
 Qua post difficiles vagæ labores
 Aetatis liceat videre vultus
 Boni Principis optimos in Aula,
 Quam molli ferit alveo Visurgis,
 Quam molli ferit alveoq; Fulda,
 Et quam flumen vtrunq; flexuoso
 Lauat circuitu, facitq; Mundam.

Dulces interea valetē (dum me
 Alpium iuga detinent) amici,
 Tu nostri IOACHIME sama cœtus,
 Et tu dimidium mei, GEORGI
 Fide maior Oporino, sed amplo
 Par cognomine, qui typo libellos

DIVERSI

*In lucem dedit elegantiore:
Valere, studijsq, me sodales
Bonī pergite mutuis amare.*

PHILIP. MELANCH.
IN LIB. III. EPIGRAM.

Ex Antigone Sophoc.

AVLICVS FIDELIS.

NON pectus vllius potest introspecti,
Vrbis Magistratus priusquam gesserit.
Ego, si quis in graui periculo ciuium
Vere salutarem sciens sententiam,
Eam timore victus occultat tamen,
Hunc iudico virum esse malum ac inutilem
Et si quis antefert saluti patriæ,
Priuati amici gratiam atq, munera,
Hic omnium est mortalium iniustissimus.

Ego DEVM testem inuoco, si Patriæ
Discrimen impendere videro mea,
Me voce dicturum atq, mente libera
Sententiam. verissima quæ videbitur.

Nec vllus hostis ciuitatis publicus,
Priuatim amicus esse ducetur mihi.
Sed naus hæc, quæ seruet omnes vnica,
Sit ciuitas, qua cum vehemur integra,
In ipsa amicos quarere florente licet.

IDEM

IDEM LIB. III. EPIGRAM.

Ex oratione Lycurgi contra
Leocratem.

*Iratus ad pœnam Deus si quos trahit,
Anferre mentem talibus primum solet,
Caliginemq; offundit, vt ruant suas
Furenter in clades, sibi quas noxijs
Accersierunt vltro consilijs malis.*

Ibidem, In Thyest. Senec.

*Regnorum scelerata cupiditas omnia
Confusa iura naturæ contaminat,
Vt frater impias fratri injiciat manus.
Nihilq; peius ambitione, quæ omnia
Diuina, humana, iusq; & fas vertere solet.*

ERICVS CORDVS,

IN LIB. II. EPIGRAM.

Ad Areolanum.

I*nstrue me, domina quæ siam commodus Aula,
Et placeant mores Areolane mei;
Illam quandoquidem callere catissimus artem
Diceris, infanti doctus ab vngue puer.
Excute sinceram recto cum pectore mentem,
Ingenuumq; tuo prodeat ore nihil,
Indue serviles animos, fictoq; favore
Vel minimis famulis, qua potes arte, place.*

V Blan-

DIVERSI

*Blandus adulator, levis assentator haberi
 — Ne pudeat, nullus sit pietatis amor.
 Nullis flagitijs, nulloq; offendere fastu;
 Indignissima fer quæq;, nefanda proba:
 Dissimula, simula, serui benè, sed malè fide;
 Deniq; nulla bonus vir tibi dona pete.
 Hei quid ais? cupit hoc sapiens homo viuere pacto,
 Cui vel nuda domi rodere crusta licet?*

VITVS VVINSEMIVS, IN LIB. II. EPIGRAM- matum Philippi Melant.

Q*uisquis ad alterius nutū componere vultum
 Nescit, & iniustus auribus apta loqui,
 Nunc verum, nunc falsa loqui, pro tempore, vt isti
 Qui rerum potitur, complacuisse videt,
 Omnibus, hunc moneo, longè discedat ab Aulis;
 Candor & integritas exulat inde procul.
 Exulat & dulcis libertas, omnia fastus
 Plena, nec est vllus dicere falsa pudor.
 Dicere falsa pudor non est; sed durius illud
 Quod non est vllus vera negare pudor.
 Exilio grauior locus est, & tristior, in quo
 Nec sancto cuiquam, nec licet esse pio.*

M. PA-

M. PALINGENIVS,

In Leone.

—non iugera tanti

*Plurima sint, non omne aurū, non quicquid arenis
 Indus Eriubrais cupidus legit, vt patienter
 Vel stomacho alterius comedas, capiāsue quietem
 Ad somnum alterius, dominoq; iubente feraris
 Nunc huc, nunc illuc, veluti pila missus ab illo;
 Interdumq; hominis te longè deterioris
 Indocti, insani, vinosi, luxuriosi,
 Imperio parere velis. turpissima res est
 Nimirum, possis cum liber viuere paruo,
 Querere seruitio maioris præmia census,
 Ac libertatem, sine qua laudabile nilest,
 Vendere, & imperium domini tolerare superbi.
 Degeneres animi Procerum quid queritis Aulas?*

LVCANVS,

In lib. 8. Belli Ciuil.

—Exeat AVLA.

*Qui volet esse pius: virtus & summa potestas
 Non coëunt.*

SENECA,

In Agamemnone.

*Iura pudorq;
 Et coniugij sancta fides,
 Fugiant AVLAS.*

V 2

Idem

D I V E R S I

Idem in Hippolyto.

*Verum iusta, qui Reges timet,
Deponat, omne pellat ex animo decus:
Malus est minister regij imperij pudor.*

Ibidem.

Fraus sublimi regnat in A V L A.

Idem in Agamemnone.

*Nunquam placidam sceptris quietem,
Certumve sui tenuere diem;
Alia ex alijs cura fatigat,
Vexatq; animos noua tempestas.
Non sic Libycis sortibus equor,
Furit alternos voluere fluctus.*

Idem in Hercule Oeteo.

*Tu quicunq; es, qui sceptras tenes,
Licet omne tua vulgus in A V L A
Centum pariter limina pulset,
Cum tot populis stipatus eas,
In tot populis vix vna fides.
Tenet auratum limen Erinnys,
Et cum magnæ patuere fores,
Intrant fraudes, cautiq; doli.*

Ibidem.

*Cesspes Tyrio mollior ostro
Solet impauidos ducere somnos:
Aurea rumpunt tecta quietem,
Vigilesq; trahit purpura noctes.
O si pateant pectora ditum,*

Quan-

*Quantos intus sublimis agit
Fortuna mei? Brutia Coro
Pulsante fretum mitior vnda est.*

CLAVDIANVS,

In Epigram. ad Hadria.

IN brexibus nunquam sese probat Aeolus vndis,
Nec capit angustus Borea certamina collis;
Alpes ille quatit, Rhodopæaq; culmina quassat.
Incubuit nunquam cœlestis flamma salictis,
Nec parui frutices iram metuere tonantis;
Ingentes quercus, annosas fulminat ornos.

Idem.

Magna repente ruunt, summa cadunt subitò.

THEODORVS BEZA

VEZELIVS,

Ad Priscum.

AEolus Aeolia quâsnam dicatur in AVLA
Claudere nunc ventis, nunc reserare fores,
Dicere, Prisce iuuat; dicentem sedulus audi,
Hoc quoq; ne pereas naufragus ipse mari.
AEOLVS hic vera est Regû Procerumq; figura,
Est quibus in toto vanius orbe nihil.
Aeolia Aula quid est, nisi quas nos cernimus Aulas?
Nempe aliud rediens rursus in orbe Chaos.

V 3

Hinc

DIVERSI

*Hinc Euri, Coriſq; ruunt, hinc nubilus Auſter,
 — Hinc aquilo rigido iuſſus ab axe volat.
 Hinc mundi pelagus vertuntq; ruuntq; procellæ,
 Rarus vt his currat nauita tutus aquis.
 Hæ ſunt Aeolides, loca fœta furentibus Auſtris;
 Aſpice diſruptas vndiq;, Priſce, rates;
 Et ſi forte ſapi, curſum in contraria flecte:
 Stultus ab hac vitam qui ſibi morte petit.*

Idem.

BVRDINO, INTIMO III. Regum Galliaꝝ Secre- tario.

ILL E ego cui cura, cui magna negocia Regum
 Inſebuere diu; tanta cui mole grauata
 Poſſe datum (nec enim certe diuinitus iſta
 Indigno collata mihi memorâſſe pigebit.)
 Sic onus integra famaꝝ, fideꝝ, tueri,
 Innocua vt vita exemplum poſt fata relinquam?
 Heu tamen infelix, eheu male prouidus aſſum,
 Aeternaꝝ reus poena, ſi me ante tribunal
 Chriſte tuum ſiſtas, horũ memor ante malorum.
 Ecquid enim tanta poſſim pratexere culpa?
 Res ego dum Regum, dum magna negocia curo,
 Ab quoties terra affixus, cœli immemor, & te
 Mi DEVS, & me neglexi, eheu ſplendor inanis
 Offudit quoties tenebras, ne gaudia plena
 Perciperem lucis? quoties turba atq; tumultus
Opple-

Oppleuere aures, monitis ne forte paterent
 Chrifte tuis: mihi cum sui do, in præceptisq; ruenti,
 Quo male sane ruus, quo te tãdem abripis, heus tu
 Burdine infelix? intusq; forisq; sonares.

Ah quoties quotiesq; sequi me recta paratum,
 Abripuit rapidus velut in contraria vortex
 Transuersum, rursusq; in deuia compulit AVLA,

AVLA omnis sceleris mater, nutrixq; nefandi.
 Subscripsit quoties multis manus ista reluctans,
 Posthabita superũm miseris mortalibus ira.

Deniq; rem faciens, rem certe funditus omnem
 Perdidi, & insanus studui ditescere damnis

AVLA apage, & procul ô procures Regesq; valete,
 Et quæ me bona lætastis tot falsa per annos.

Tu vero vna salus hominum, solamq; precanti
 Perfugium spretis quacunq; olimue recensue
 Partim ignara superstitio, partim intulit audax
 Impietas, & nunc eadem quoq; monstra tuentur,
 Hæc animã Chrifte, hæc animã seruato benignus,
 Seq; suumq; scelus clara tibi voce fatentem.

At vos, qui turbas inter tantosq; tumultus
 Recte homines mortem meditari & viuere posse
 Creditis, vt quos deludunt insomnia lata,
 Hæc vtinam faciant aliena pericula cautos.

Talia Burdinus moriens: quem sæpe diuq;
 Sanum affectatus, morientem deniq; ridens
 Aulicus, Hæc & nos olim meditabimur, inquit,
 Interea vero vitãq; Aulaq; fruamur.

DIVERSI
HENRICVS STEPHA-
NVS, IN CHARINVM.

Qua tu cunq³ facis, quae dicis cunq³ Charine,
Aulica tu nobis haec vocitare soles.
Aulicus immani qui verba ad singula rictu
Diducit risus turpiter ora tibi.
Aulicus est gestus, quo nullus ineptior vsquam,
Ipso cum manibus gesticulante pede.
Aulicus es, balba si quando es nare locutus,
Aulica sunt auri barbara verba tuae.
Aulicus es, muco si quando est obsita naris,
Aulicus es, barbam cum tibi pador habet.
Aulicus, ore lupos quoties imitare voraces,
Aulicus, es gurgues quando Charine meri.
Aulicus es, crudo quoties è pectore ructus,
Et crudos ructus, quae comitantur, eunt.
Quenam hac AVLA foret, dubius per sepe rogaui,
Delicias tantas quae tibi totq³ parit, (rum,
Nunc cum αὐλὴν porcis tribuisse recorder Home-
De porcorum AVLA te quoq³ credo loqui.

D. ANDREAS ELLINGERS,
MEDICVS ET POETA PRÆSTAN-
tiss. ad Henric. Petreum.
Herdes.

AVla nisi olla quid est? parasitos vtraq³ nutrit:
Inuida sinceros non amat AVLA viros.
- Caula

*Caula pecus simplex balantes sordida pascit,
 Splendida raptos educat AVLA lupos.
 Sunt tamen & caulis quædam cõmunia & Aulis,
 Odere Aonides vtrâq; regna deas.
 Myrtilon Aula nitens, te pinguis caula Melanthi,
 Perniciem domini fouit vtrumq; sui.*

EX IO. IAC. BOISSAR-
 TI VESVNT: EPIGRAM-
 M A T E,

AD

D. IACOBVM PASCHARIVM
 Lotharingum, Medicum & Poë-
 tam doctiss.

Risit Iuppiter diuitum furores,
 Et deliria Principum, deditq;
 Loquaces Simiõsq; Psitacõsq;
 Turbam blandi loquentium Gnathonum,
 Qui Muscæ vocitantur ad patellas.

His primum studium est, ciere risum
 Ex re qualibet, & leues cachinnos
 Mouere, & recitatione ficti
 Longas nobilium excitare laudes.
 Nõrunt scommatibus placere salsis,
 Et mordacibus irritare dictis,
 Si quem simplicioribus notârint.

V S Vita

D I V E R S I

*Vita moribus esse, & institutis.
 Aptant deniq; punctum ad omne frontem,
 Personas sibi congruente naso.
 Concinnant, sinuosa semper aura
 Dantes & arbuta non nisi secunda.*

*Horum quale sit hoc genus requirū ?
 Non sunt plebeis, amice tantum
 Nati stemmatibus, sed & celebre
 Multi de medio genus Senatu
 Traxerunt: alij scholis relictis
 (Quos sanctæ pudet eruditionis.)
 Nunc pro militibus volunt haberi:
 Quamvis bella prius geri, nec vnquam
 Confertas tulerint simul cohortes.*

*Vidi mancipijs vbique, & hisce
 AVLAS nobilium scatere muscis.
 Omnes fercula, facta, Ius, placentas
 Sectantur, Simiæq; Psitaciq;
 Fiunt, (venter enim imperat Magister)
 O seruum pecus, & molis dicandum:
 Peiores domini, parata qui istis
 Non nectunt animalibus capistrâ.*

LVDOVICVS MASV-
RIVS NERVIVS, IN EPI-
grammatis suis.

V. *Quo Masuri? M. feror exul. V. opes cur lin-
quis & AVLAM?*

M. Sit profugo tandē Christus vt alta quies.

V. *Nilue refers? M. odium. V. quid contulit
AVLA M. dolores,*

Servat inexhaustas at mihi Christus opes.

GEORGIUS SABINVS,
IN EPIGRAMMA-
TVMLIBRO.

Saepe rudes inter mutata veste colonos
Noricus Agricola Dux faciebat opus.
Nunc pascebat oues, nunc gramina falce secabat,
Vomere proscindens nunc subigebat humum,
Et simul illato de se sermone, rogabat
Plurima, nempe quibus moribus ipse foret:
Iustus an exigeret pœnas à fontibus ultor?
Debita conferret prœmia numme bonis?
Querenti vero caussam, cur Regibus ortus
Princeps, agricolam se simularet? ait,
Me iuuat è rudibus cognoscere vera colonis:
Seruit adulatrix auribus AVLAMEIS.

Idem

DIVERSI

Idem ibid. V. C. C. C. C. C.

Illecebris veluti Meretrix inuitat amantes,
 Afferat ipsa quibus pernicioſa malum.
 Haud ſecus allectat Iuuenum Reſpublica mentes,
 Perdit amatores quæ male fida ſuos.
 Quisquis es, hanc pariter deuities hortor, & illam,
 Vtraq; plena male fraudis, amata nocet.

PETRVS LOTICHIVS
 SECVNDVS, MEDICVS ET
 POETA CLARISS. IN LIB. II.
 carminum: ad Leonhardum
 Munſterum.

Sollicitas habili cithara dum pollice ſila,
 Succinis & tenui murmure, VIVE TIBI,
 Et vitare mones præluſtria chordaꝝ dulces
 Pulſa dat, & chordas vox imitata, ſonos,
 Ducere cum Muſis videor Munſtere choreas,
 Quog; ſedes, Helicon eſt locus ille mihi.
 Carmina pectoribus, mulcendis auribus apta
 Eſt lyra, me chordis vox ſociata iuuat.
 Vtraq; cum præſtes, quid dulcis amice rependam?
 Hoc precor, vt viuas tempus in omne tibi.

PAVLVS

PAVLVS LATERMANNVS THEMARIENSIS, AD

HENRIC. PETREVM

Herdesianum.

DVm plurimos magnis libros sudoribus
Petree (quotquot vssiam sunt, aut mihi
Fuere quotquot, aut erunt in posterum,
Inter sodales omnium carissime)
Euoluis, Aulicam coloribus suis
Et vanitatem ante ora sistis omnium,
Rogasq; te iuuare ego ne desinam
Hoc in labore, veritatem si cupis
Audaacter amoto vt pudore proferam,
Aliud quidem fecisse te cerno nihil,
Quam quod cicatrices mihi tristissimas,
Quas ambo nos in Aulico quondam mari
Acceperamus, quæq; vix coiuerant,
Redintegrasti, nec mihi prouinciam
Hac duriolem nunc queas imponere.

Sed vt tamen, pro iure coniunctissima
Necessitudinis, tibi morem geram,
Reddantur exemploq; nostro ceteri
Prudentiores: en habes hic paucula,
Quæ, si placent, & digna iudicaueris,
Vt ceteris admisceantur, haud tibi
Reluctor. Ex patrum liberis decerpere
Selectiores destinaram flosculos,

Sinon

D I V E R S I

*Si non acerba filij mors vnici :
 (Quem cœlitum Rex nuper ex ergastulo
 Mundi nefando, celsa denuo poli
 Stellantis euocauit ad Palatia)
 Vitam dolore, fletibus, suspirijs,
 Plenissimam me cogeret iam ducere.*

*Sed quid gemo ? Deus suum nunc abstulit,
 Mihi quem liberaliter concesserat,
 Huic sit perennis laus, honos & gloria.
 Semper secunda temperantur tristibus,
 Et sic secundis admoventur tristia,
 Plus felleæ vt plerunq, amaritudinis
 Quam melleæ persentias dulcedinis :
 Resq, est in orbe, nulla constans, omnia
 Sed vana sunt, periculisq, obnoxia.
 Clementium quot iam fauore Principum
 En excidunt ? quot Aulici optatissimis
 Honoribus, quos obtinebant antea,
 Priuantur, in teterrimisq, sordibus
 Coguntur æuum sordidum traducere.
 Sed pax in AVLA Regis vsq, cœlici
 Floret perennis, atq, plena gaudijs,
 Ibi querela nulla, nulla lacryma,
 Vllum nec vllus occupat locum dolor.*

HEN-

HENRICVS PETREVS
HERDESIANVS,

De quodam Scoppo,
AD PROBATAE FIDEI AC
virtutis virum Balthazarem
Crammonium Pan-
cratiaften.

CUm gratis bibula Scoppus græcatur in Aula,
Crebra foris siccans pocula, rara domi,
Non secus ac Proteus formas est aptus in omnes,
Meq₃ subinde nouis ludit imaginibus.
Nunc docto Salomon declamitat ore, disertos
Largo sermones sufficiente mero:
Nunc vbi clamoso cristas erexit lachus,
Exuto Samson fit Salomone potens.
Mox vario gestu, varioq₃ imitamine saltus
Aequiparat fatuos Simia Simiolos.
Deniq₃ distentus vino procumbit humi Sues,
Portio setigeræ maxima potus haræ.
Circumstant Asini sera de nocte rudentes,
Grunnitumq₃ Sues protinus ingeminant.

Est
Salomon,

Est &
Samson,

Est
Simia;
Sues est.

IDEM

DIVERSI
IDEM, DE TITO NON VE-
SPASIANO.

AD VIRVM DOCTIS-
SIMVM ET HVMANISSIMVM
ROCHVM CORNELIVM VELDIVM
Belgam, Antuerpianum, ami-
cum suum charissi-
mum.

Miras, ROCHE, maris beatus ille
Titus nauigat aulici lacunas.
Auri quippe fame, sitiq, laudis
Aula culmina Curiasq, Regum
Cura dum sequitur laboriosa,
Iam stat, iamq, cadit, doletq, flétque,
Et curis macieq, membra torquet.
Nec demens animo capit quietem:
Et nobis tamen inuidet quietem:
Nec vera patiens beatitatis,
Sitat, ROCHE, tamen beatitatem.
Non ergo sibi carnifex seuerus,
Et Titus sibi pœna semper ipse est?

CHRI-

CHRISTOPHO- RVS CORNERVS IN ECPHRASI EPISTOLÆ I.

*Ciceronis ad Q. Fr. de prudenter ad-
ministranda Rep.*



MAGISTRATVS pecuniæ cupi-
ditatem nimiam deuitet. Miri-
ficè enim deformatur ille vir in
excelfo loco sedens, si posthabi-
ta publica vtilitate, suis tantum cōmodis,
augendæq; pecuniæ studet: nec quo id iu-
re, qua ve iniuria faciat, obseruat. Auaritia
certè omne officium, licet sanctum & au-
gustum, comminuit atq; violat, & Princi-
pem virum ab omni honestatis laude lon-
gissimè remouet. Nec malè diuinus ille
Plato videtur eum tyrannū & seruum vo-
care, qui suos appetitus nunquam explet,
& in summa rerum copia valdè indiget.
Hoc enim auaro vnum deest, quod quo
pluribus abundat, hoc animum minus
exatiare queat. Qua etiam de caussa Bion
hunc animi morbum πείσις κακίασ μιτρο-
πολιε esse dixit: & mea quidem senten-
tia rectè. nemo enim sapiens tantope-
tè cupiuit pecuniā, vt ei obedire velit,

X

vt est

D I V E R S I

vt est in prouerbio. Magistratus si est *αἰ-
 ροκέρδης*, maximo habendi studio cru-
 ciatur: nec quam honestè res consequa-
 tur, videt. Nunc enim quod potest vi,
 nullo iure à subditis extorquet: nunc eos
 nouis tributis onerat: nunc alias com-
 parandæ pecuniæ vias & rationes exco-
 gitat: & quo maior habendi sitis ipsum
 premit, hoc est durior atque iniquior in
 eos, quorum saluti quam rectissimè stu-
 dere debebat. Si verò est *φειδωλὸς*, ni-
 hil minus facit, quam vt pecunias in com-
 munem vtilitatem atque salutem ero-
 get. Non ignoratis doceri, ab Isocrate,
 expetendas quidem esse Principi pecu-
 nias, sed duabus de causis: vt vel illis
 ingentia damna persoluantur, vel ami-
 co laboranti & egenti subueniatur. Cen-
 set & idem, eos magnoperè contem-
 nendos esse, qui magnarum opum quas
 cupiunt, verum vsum planè ignorant.
 Ac Romanus ille longè turpius esse cen-
 suit pecuniam egere viro, quam virum
 pecunia. Versanti autem in prouincijs,
 hoc est in primis faciendum, vt do-
 mitas habeat libidines, & coerceat om-
 nes cupiditates, quæ multæ & variæ sunt,
 & cæ-

& cæcos reddunt homines: ne si rebus alienis auarè inhiæt, multorum in se concitet odium, passim audiet malè: & tandem deposito magistratu, cum ignominia repetundarum agatur. Quamuis hoc crimen ita vulgare sit Prætoribus, vt vix vnum audias, qui se auaritiæ suspicione purgaret: tamen in magna laude ponendum est, posse tam insigne vitium à se remouere. Nam & Verri fuit crimini datum, quod extraordinarias pecunias, quæ nullis redditibus, nec ex annonis, nec de aliqua legitima cessione aut donationis, aut hæreditatis adiciebantur, exegisset. Quare Prætoris est, vt famam tueatur, cauere, ne auarus iudicetur: & vt bonis oblati moderatè utatur: & quæ honestè consequi non possit, illis æquo animo careat.

Pone tibi ante oculos quæso omnia, quæ ad magistratus pertinent officia: dispeream, si in multis vnum reperiās, quod cum laude sine literis agi possit. Nam sæpè leges ferendæ sunt, iudicia sunt constituenda: sæpè iudicandum est de grauibus causis, sæpè prouidendum & cauendum,

D I V E R S I

non rarò incidunt deliberationes de imperij salute, sæpe deniq; datur necessitas aliquid suadendi, vel etiam dicendi pro concione. Ad quæ sanè omnia quã multiplex eruditio, variarumq; rerum cognitio requiratur, nouerunt & ij, qui aliquandiu in imperijs sunt versati, & quos multæ historiæ, varius rerum vsus, & mirabiles negotiorũ euentus crudierunt. Sæpe & diu Pericles Anaxagorã, Cato Athenodorũ, de magnis rebus sapientissimè loquentes audiuerunt. Plato quoq; Dionem, Isocrates Timotheum Cononis filium, Lysias Epaminundam, Xenophon Agesilaum, & Aristoteles Alexandrum instituit, & doctrinis omnibus expoliuit: vt verè essent, quod de Achille Homerus scribit, oratores verborum, actorésq; rerum. Idẽ quoq; Homerus, cum canit, τὸν δειρὸν φύνεα τέρεσσι μένον φέριγγιλιγείη, & αἰδέειδ' ἀρακλέα ἀνδρῶν, vult esse testatum, Achillem musices & historiarum peritissimũ fuisse. Cui quoq; Astronomiæ peritiam tribuit, cum narrat, cælum, elementa, partes mundi & sidera in ipsius clypeo fuisse picta: Nec Alexandrum puduit philosophiam & mendendi artem discere, qui ita quoq; studiosus Homeri fuit, vt cum fortè in castris Persa-

Persarum Regis deuicti, reperisset scrinio
 lum magna arte factum, & alij de vsu eius
 quærent, diceret, se Homeri libros in il-
 lo conseruaturum esse. Nam ciuilis do-
 ctrina, quid in omni causa æquū sit, quid
 iustum, quæ sit regendæ ciuitatis optima
 ratio, quæ facienda sint aut fugienda, mul-
 tiplici legum & præceptionum traditione
 docet: quorum exempla omnis generis
 historiæ & antiquitas continent. Oratio-
 nis quoque grauitas & elegantia mirificè
 ornat & iuuat eum virum, cui sæpè multa
 de suæ ciuitatis statu & salute dicenda sunt.
 Quod sapientissimus Poëta, Nestoris &
 Vlyssis exemplo verissimo docere voluit:
 cum huic tribueret ἔπεια νιφάδεσσιν ἐοικότα
 χειμείρησιν: de illo vero diceret, τῷ καὶ ἀπὸ
 γλώσσης μέλιτος γλυκίων ῥέειν αὐδῇ: quam nè
 & suauiter dicendi facultatem vterque
 longo ætatis curriculo, & magno rerum
 vsu atque prudentia consecutus est. Nec
 Princeps, cum Christianus haberi velit,
 ignorabit nostræ theologiæ capita, quæ
 veram religionem, & Dei notitiam atque
 cultum docent. Non enim in magistratu
 tantum requiritur, vt sit gubernator bo-
 nus, sed etiam vt sit religiosus. Quanquam
 non video, quo quisq; pacto cōsequi pos-
 sit

D I V E R S I

fit boni Principis nomen, si non idem est Christianus bonus : & ad omnem scientiam atque prudentiam, qua clarus est, Dei quoque & veræ religionis cognitionem adiunxit : vt Deum verè & scienter, non falsa superstitione colat & veneretur : & cum sit legum custos, intelligat suæ defensionis & tutelæ vtramque diuinæ legis tabulam commissam esse. Nostis, cum grauis illa & difficilis cōtrouersia ab Ario mota, tractaretur in Episcoporum conuentu, Constantinum multa sapienter & piè de eadem esse locutum. Quare non sunt audiendi quidam ignari & contemptores artium, qui satis esse putant, si ad imperium adferatur quædam in iudicando dexteritas, & regendo calliditas : ciuilem vero scientiam, cum theologia, ad eorum professores rejciunt. Quorum error quā sit Ecclesiæ Dei & vniuersæ vitæ perniciosus, docent nostra ætate multorum exempla. Et si enim quibusdam curæ sunt bonæ artes : longè tamen plures inuenias, qui à literarum scientia sunt alienissimi. In eos illud Socratis aptissimè quadrat, is cum forte hominem diuitem & alto loco natum vidisset, nulla doctrina præditum, dixisse fertur : En equum argento

gento tectum. Et quidam alius egregie ventum, præstantique forma Principem, sed plane indoctum, non in scite pulchram bestiam vocauit. Laudandus est Alphonsus Arragoniæ Rex, qui cum ei regulus quidam persuadere conaretur, non decere Principem scire literas, exclamauit: Bonus hæc vox est, non hominis: cum res nulla sit quæ magis iuuat & exornet Principem, quam scientia.

CICERO AD Q.
FRATREM.

NON itineribus tuis perterreri homines, non sumptu exauriri, non aduentu commoueri? esse, quocumque veneris & publice & priuatim, maximam lætitiā, cum vrbs custodem, non tyrannum, domus hospitem, non expilatorem recepisse videatur? His autem in rebus iam te usus ipse profecto erudiuit, nequaquam satis esse, ipsum hæc habere virtutes: sed esse circumspiciendum diligenter, ut in hac custodia prouinciæ non te vnum, sed omnes ministros imperij tui, socijs & ciuibus, & Reipub. præstare videare.

DIVERSI
CHRISTOPHORVS
- CORNERVS IBID.

HVC præcepto lucem affert locus, qui est in quarta Verrina : Pertinet hoc ad summam Reipub. & ad existimationem ordinis, salutemque sociorum. Si enim innocētes existimare volumus, non solum nos abstinētes, sed etiam nostros comites præstare debemus. Nam sæpè ad ministrorum improbitate multum æstimationi & dignitati magistratus decedit; ipseque licet bonitatis & prudentiæ laudem habeat, tamen de comitibus, si mali sunt, audit quoque pessimè, inque eum omnis errati & peccati culpa reijcitur. Quod enim alterius opera facio, id ipsemet dicor facere; omnisque rei malè actæ infamia & turpitudine in meum caput redundat. Nec est omnino falsum quod vulgo iudicatur, ministros ferre dominorum mores.

CICERO AD Q.
FRATREM.

SINT aures tuæ, quæ id quod audiunt, existimentur audire, non in quas fictè aut simulatè quæstus causa insusurretur.

CHRI-

CHRISTOPH. COR-
NERVS IBIDEM.

DVo hominum genera notat: Vnum eorum est, qui cum boni & candidi sint, ingenuè & apertè vera dicunt & suadent, inq; eo nō tam suam ipsorum, quam Prætoris & Reipublicæ incolumitatem & vtilitatem querunt. Alterius generis sunt, in principum aulis probe nati, *ψευδο λόγοι* & *ἐχθροποιοί*, qui in bonorum concessu tacent, nec mendacia sua & perniciosæ consilia proferunt, sed ea seorsim submissa voce in aurem Principi dicunt: quibus aut bonis obtrectant, aut innocentes accusant, aut quæ ipsis tantum vsui sint, non toti societati, suadēt. Talem apud se aluit Verres, Cleomenem dictum, quem sæpè viderunt Siculi ad latus Prætoris sedere, & ad aurem familiariter, vt solitus erat insusurrare.

Caveat igitur Princeps, ne assentatoribus & susurronibus aures patefaciat. Ipsi enim nihil verè & candidè, nihil ex animo dicūt, sed omnia simulatè & falso: & sunt, quod de Spartanis dixit Aristophanes, *λόγια βουλευθεία, ψευδῶν ἀνακτες, μηχανόρραφοι κακῶν*. Eorum namque oratio, licet

D I V E R S I

benè picta & elegans, videtur vera esse: omnino tamen fallax est, atq; ad insidias & fraudem instructa. Sicut autem Isocrati sermo apertus & simplex, est *Ἀνχίτης ἀγαθὴς καὶ πιστῆς εἰδωλόν*: ita fictus & vanus, improbi & fraudulentæ animi significationem edit. Cum ergo magistratus veritatis amans esse, simplices & apertos complecti & tueri debeat, ex dignitate & officio ipsius est, nihil ut minus ferat secum, quàm calumniatores, hominum genus perniciosissimum: & quod Isocrates præcipit, falso calumniantes, & in leges temerè committentes, pari afficiat pœna. Non enim ij, quod sæpe de alijs vsu venit, vel errore, vel ignorantia, vel alia quadam leui de causa labuntur: sed consulto innocentum famæ, ipsiusque magistratus nomini & bonis insidiantur, dum aliud in mente aliud verò in lingua ferunt: quos apud Homerum Achilles non secus atque portas inferni execratur & odit. Ac velut aucupes dum auiculis insidiantur, earum voces referre & imitari solent: ita ij malitiosis blanditijs sermonum, non veritate, sed simulatione in principum virorum amicitiam se insinuant, ut dum se bonorum similes, sermone, nō animo fingant, apud

apud eos fidē & auctoritatem consequantur. Horum gestum egregiè depingit Platon in Polemarchi persona, cum dicit, eos apprehensis alicuius supernè humeris, ad se attrahere, & protensos in eum se inclinare, in auremq; dicere. Scitè Bion dixit, eos qui assentatores audiunt, similes esse amphoris quæ auribus aut ansis circum aguntur. ut enim quibusvis citra discrimen vasa aurita seruiunt, ita ij etiam pessimos æquè ac optimos audiunt. Dolendum est equidem, hanc in principū aulas inuasisse corruptelam, ut quo quis blanditijs & assentatione potior sit, hoc sit etiam gratiosior & acceptior: Simplicitati autē & veritati ppè nullibi sit locus. De quo etiā more verissimè cōqueritur Poeta his verbis:

ὁ βίος μάλιστα τοῖς πονηροῖς ἡδύται,
πράττει δ' αἰεὶ ὁ νόστος, ὁ στυκόφανλος δεύτερος.

Cui quoq; fidem facit Antiochi magni regis cōfessio nō falsa. is cum in venatione audius feram insequens, amisisset ministros, & fortè errans in casulam quandam peruenisset, vbi facta de rege mentione, audiuit ex agrestibus hominibus (solent enim & ij interdum liberius de magistratibus loqui) regem quidem probum esse, sed in hoc errare, quòd pleraque negotia impro-

DIVERSI

improbis demandaret, & quòd prænimiò
venandi studio minus esset diligens sua in
functione. Sed Rex, cum non agnosceretur,
tacuit. Postridie verò mane satellites
eius vestigia secuti, depræhenderunt eum
in casa, & ornamenta regia attulerunt,
vnde primum est agnitus. Ipse verò mox
in hanc propè sententiam eis dixit: Heri
primum vera de me ipso audiui ex homi-
nibus, qui scauam vocant scapham. Nam
qui in principum aulis viuunt, hoc vnicè
curant, vt nil nisi blandum & dulce auri-
bus dicant & audiant, quostamen oportebat
μῦθον ἀπληγέως ἀποειπῆν. Ipsi enim
in aula primos ordines ducunt, & sunt
tanquam Regis aures atque oculi. Quare
rectè subijcitur, non nisi apertè & verè lo-
quentes audiendos esse: assentatores, &
id genus homines, tanquam *νόσημα καὶ
ἀπῆσημα* Reipublicæ, longè repellendos
esse atq; arcendos.

AD ANNVLVM TYPARIVM SEV SIGNATORIVM QVOD ATTINET.

ANNVLI nomine intelligitur signum,
quod literis, vel alijs rebus apponebatur,

batur. In eius pala, seu sphragidopylacio, erat gemma cum insculpta imagine quadam selecta, quæ ceræ imprimebatur. Plinius scribit, legatis ad exterarum nationes ituris, publicè datos esse aureos annulos: ut nimirum exterorum honoratissimi intelligerentur, utentes illis tantum in publico. nam domi Romanis tantum ferrei concessi erant. Idem Plinius ait, Græcos à digitis annulo nomē indidisse (est enim *δακτύλιος*) priscos vocasse ungulū: postea, Romanos & Græcos symbolum nominasse. Porro annulus aureus, erat insigne ordinis equitum. nam iure annuli donali, fiebant equites: sicut hodie accipiunt aureum calcar. Fuit quoq; annulus ferreus Romanis bellicæ virtutis insigne.

Idem ibid.


Princeps sibi eos in imperio adhibeat, eosq; ciuitatib. præficiat, quos consilio & prudentia excellere nōrit. Non enim, teste Plutarcho, vnus omnia negocia obire potest nec debet, sed eorum aliqua pars prudentib. & bonis demādanda est, utatur opera & consilio magnorum hominum, qui qd religio, quid lex, quid æquitas postulet intelligunt; ne quid ipse inconsulto agat, & quæ minime videat temere suscipit.


DIVERSI AVTORES.

cipit. Nam & Moſen conſtat Iethronis ſoceri conſilio ſibi tribunos, centuriones alioſq; ordinum duces adiunxiſſe. Et Agamemnon apud Homerum optat ſibi dari decem tales *συμφοράδμους*, qualis Neſtor eſſet, cui longa ætas multarumq; rerum experientia magnā prudentiam pepererat. Et Salomon ait: Melius eſt duos eſſe ſimul quam vnum: Vnus enim, vt vulgo dici ſolet, homo, nullus homo.

Sic Plutarchus ſcribit, Diomedem cum ad hoſtium caſtra exploratū mitteretur, non cum qui fortitudine, ſed qui conſilio & prudentia præſtaret ſocium delegiſſe. Et Alexandrum ferunt apud Conſtantinum magnū eſſe profeſſum, ſe quod tam florenti rerum omnium ſucceſſu vteretur, prudentum conſilijſ & monitionibus acceptum ferre.

FINIS PRIORIS PARTIS.





ALTERA PARS;
 DE VITA PRI-
 VATA, MEDIOCRI,
 ET TRANQVILLA;


Vitæ Aulicæ opposita:

*Diuerforum Autorum sen-
 tentiæ & Carmi-
 na.*



P. Ouid. Naso, lib. 3. Trist. Eleg. 4.

*Crede mihi, BENE QUI LATUIT, BENE
 VIXIT, & intra
 Fortunam debet quisq; manere suam.*



NOBILI VIR-
TVTISQVE AC PIE-
TATIS LAVDIBVS INSIGNI

*Adolpho Hermanno Ridesell, ab Aisenbach, in Her-
mansburg, &c. Hassia Marechallo hære-
ditario, &c. domino suo
benefico;*

S. P. D.



VM Æneæ Syluij atque Hulrici
Hutteni, & aliorum quorun-
dam opuscula de vita Aulica ad
editionem adornâssem; de op-
pōsita etiam huic vita priuata & quietâ
grauissimas probatorum Autorum sen-
tentiâs colligere, atque in lucem profer-
re conueniens esse putauī. Quapropter
cum viros autoritate & virtute præstantes
animo meo circumspicerem, quibus par-
tem alteram huius libri dedicarem, te nō
minus eruditione ac pietate, quam gene-
ris nobilitate & virtute clarum compella-
re visum fuit; Tuq; primus omnium mi-
hi occuristi, quem libelli huius patrocini-
um nō grauate suscepturum sperarem.
Etenim vt præclara familiæ gentisque di-
gnitas

PRÆFATIO.

gnitas & amplitudo, cum nonnullis alijs ordinis equestris tibi est communis; ita singularis religiosæ pietatis amor, & peculiare doctrinarum studium, summaque humanitas & beneficentia, sic te præ ceteris commendant, vt ætas nostra præcipuis te nunc litterarum annumeret patronis. Atq; vt Catonem in ipsa sæpe Curia, dum Senatus cogeretur, legere solitum scribit Cicero, sic te quoque studia nostra adeò non intermittere constat, vt in quotidianis rei domesticæ occupationibus, inq; grauissimis Reip. negocijs, & aliquid indies legas, & firma curarum ex litteris reportes solatia.

Et si igitur exilia hæc sunt, quæ tibi offero, & neque digna virtute & magnificentia tua, neque etiam à me composita, sed ex aliorum monumentis descripta; tamen hanc tibi compellationē pro summa humanitate tua non molestam fore, neque te vitæ priuatæ patrociniū repudiaturum confido. Pluribus verbis, vt tibi hoc factum meum displicere non sinas, abs te nō petam, ne iniuriam facere videar cum præclaræ de virtute & humanitate tua famæ, tum amicis tuis viris nobilissimis, Alberto Stibaro à Puttenheim, & VVolffgango

gango Bartholomæo VVolfsskeel in Reichenberg, Eq. Fr. atq; imprimis Iohanni Fichardo, patricio Francofurtensi, Iurifconsulto clariss. de quæ liberalibus disciplinis ad omnem posteritatem optime merito, quorû singulari humanitatis tuæ commendatione eam de te spem concepî, vî quicquid à me litterarum ad præstantiam tuam proficiscatur, gratum tibi fore mihi sit persuasum. Vale, vir amplissime, & me dilige. Data Basileæ Rauracorum, Anno M. D. LXXV.

*Henricus Petreus
Herdesianus.*

Y 3 D E



PARS ALTERA,
DE VITA PRI-
VATA, MEDIOCRI,
ET TRANQVILLA;

Vitæ Aulicæ oppo-
sita,

P. VERGILIUS MARO, IN
libro II. Georgicorum.

O Fortunatos nimium, sua si bona nôrint (mix-
Agrícolas, quib. ipsa, procul discordibus ar-
Fundit humo facilem victum iustissima Tellus.
Si non ingentem foribus domus alta superbis
Mane salutantum toris vomit edibus vndam,
Nec varios inhiant pulcra testudine postes,
Illusasq; auro vestes Ephyræiaq; æra,
Alba nec Assyrio fucatur lana veneno,
Nec castia liquidi corrumpitur vsus oliui:

At secura quies, & nescia fallere vita,
Diues opum variarum, & latæ ocia fundis,
Speluncæ, viniq; lacus, & frigida Tempe,
Mugitusq; bouum, mollesq; sub arbore somni
Non absunt. Illis saltus ac lustra ferarum,

† Et pa-

PARS ALTERA,

Et patiens operum, paruoq₃ assuetu luuentus,
Sacra Deum, sanctiq₃ Patres extrema per illos
Iustitia excedens Terris vestigia fecit.

Me vero primum dulces ante omnia Musæ,
Quarum sacra fero ingenti percussus amore,
Accipiant, celiq₃ vias & sidera monstrent,
Defectus Solis varios, Lunaq₃ labores,
Vnde tremor Terris, qua vi Maria alta tumescant
Obiicibus ruptis, rursusq₃ in se ipsa residant,
Quid tantum Oceano properent se tingere soles
Hyberni, vel que tardis mora noctibus obstet.

Sin, has ne possim Natura accedere partes.
Frigidus obstiterit circum præcordia sanguis:
Rura mihi, & rigui placeant in Vallibus amnes,
Flumina amem, syluasq₃ inglorius: ô vbi Campi,
Sparchiusq₃, & Virginibus bachata Lacœnis
Taygeta: ô qui me gelidis in vallibus Hami.
Sistat, & ingenti ramorum protegat umbra.

Felix qui potuit rerum cognoscere causas,
Atq₃ metus omnes, & inexorabile fatum
Subiecit pedibus, strepitumq₃ Acherontis auari;
Fortunatus & ille, Deos qui nouit agrestes,
Panaq₃, Syluanumq₃ senem, Nymphasq₃ sorores.

Illum non populi fascēs, non purpura Regum
Flexit,

Flexit, & infidos agitans discordia fratres,
 Aut coniurato descendens Dacus ab Istro
 Non res Romana, perituraq; regna, neq; ille
 Aut doluit miserans inopem, aut invidit habenti.
 Quos rami fructus, quos ipsa volentia rura
 Sponte tulere sua, carpsit: nec ferrea iura,
 Insanumq; forum, aut populi tabularia vidit.

Sollicitant alij remis freta caca, ruuntq;
 In ferrum, penetrant AVLAS, & limina Regum;
 Hic petit excidijs urbem, miserósq; penates,
 Ut gemma bibat, & Sarrano dormiat ostro.
 Condit opes alius, defossoq; incubat auro.
 Hic stupet attonitus Rostris, hunc plausus hiantem
 Per cuneos (geminatur enim Plebísq; Patrumq;)
 Corripuit: gaudent perfusi sanguine fratrum,
 Exilioq; domos, & dulcia limina mutant,
 Atq; alio patriam quarunt sub Sole iacentem.

Agricola incuruo terram dimouit aratro,
 Hinc anni labor, hinc patriam, paruósq; Nepotes
 Sustinet, hinc armenta bouum, meritósq; luuencos.
 Nec requies, quin aut pomis exuberet annus,
 Aut sortu pecorum, aut cerealis mergite culmi,
 Prouentuq; oneret sulcos atq; horrea vincat.
 Venit hyems, teritur Sicyonia bacca trapetis,
 Glande sues lati redeunt, dant arbuta Syluae,

PARS ALTERA,

*Et varios ponit fœtus Autumnus, & alte.
Mitis in Apricis coquitur vindemia Saxis.*

*Interea pendent dulces circum oscula nati,
Castapudicitiam seruat domus, Vbera Vacca.
Lactea demittunt, pinguesq; in gramine lato.
Inter se aduersis luctantur cornibus hœdi.
Ipse dies agitat festos, fususq; per herbam,
Ignis vbi in medio, & focij cratera coronant.
Te libans Leneæ vocat, pecorisq; Magistris.
Velocis iaculi certamina ponit in Vlmo,
Corporaq; agresti nudant prædura palestra.*

*Hanc olim Veteres Vitam coluere Sabini,
Hanc Remus & frater : sic fortis Hetruria creuit,
Scilicet & rerum facta est pulcerrima Roma,
Septem quæ vna sibi muro circumdedit arces.
Ante etiam sceptrum Dictæi Regis, & ante
Impia quam cæsis gens est epulata iuuenis,
Aureus hanc vitam in terris Saturnus agebat :
Nec dum etiam audierant inflari classica, necdum
Impositos duris crepitare incudibus enses.*

Idem in CVLICE.

O Bona Pastoris, si quis non pauperis vsum
Mente prius docta fastidiat, & prober illis
Omnia

*Omnia luxuriæ precijs incognita curis,
Quæ lacerant audas inimico pectore mentes.*

*Si non Assyrio fuerint bis lauta colore
Attaliciis opibus data vellera, si nitor auri
Sub laqueare domus animū non tangit avarum,
Picturæq; decus, lapidum nec fulgor in vlla
Cognitus vtilitate manet, nec pocula gratum
Alconis referent, Bætiq; toreuma, nec Indi
Conchea bacca maris precio est: At pectore puro
Sæpe super tenero prosternit gramine corpus,
Florida cum tellus gemmantes picta per herbas
Vere notat dulci distincta coloribus arua:
Atq; illum thalamo letum retinente palustri,
Ociq; inuidia degentem ac fraude remota,
Pollentemq; sibi, viridi cum palmite lucens
Vitea pampineo subter coma velat amictu.
Illi sunt grata rorantes lacte Capellæ,
Et nemus, & fecunda Pales, & vallibus imis
Semper opaca nouis manantia fontibus antra.*

*Quis magis optato queat esse beator auro,
Quam qui mente procul pura, sensuq; probando
Non audas agnouit opes, non tristia bella,
Nec funesta timet valida certamina classis?
Non, spolijs dum sancta Deum fulgentibus ornet
Templa, vel euectus finem transcendit habendi,
Aduersum sauis ultro caput hostibus offert.*

PARS ALTERA,

Illi falce Deus colitur, non arte politus,
Ille colit lucos, illi Panchaica thura,
Floribus agrestes herba variantibus assunt:
Illi dulcis adest requies, & pura voluptas,
Libera simplicibus curis, huic imminet omnis,
Dirigit huc sensus, hæc cura est subdita cordi,
Quolibet ut requie victu contentus abundet,
Iucundoq; locet languentia corpora somno.

O Pecudes ô Panes, & ô gratissima Tempe
Fontis Hamadriadum, quarum non diuite cultu
Aemulus Ascreo pastor sibi quisq; Poëta
Securam placido traducit pectore vitam.

TITVS LVCRETIVS,
IN LIB. V. FINE.

SAepe itaq; inter se prostrati in gramine molli
Propter aquæ riuum, sub ramis arboris altæ,
Non magnis opibus iucundè corpora habebant:
Præsertim cùm tempestas ridebat, & anni
Tempora pingebant viridanteis floribus herbas.
Tum ioca, tum sermo, tum dulces esse cachinni
Consuêrant: agrestis enim tum musa vigebat,
Tum caput, atq; humeros plexis redimire coronis,
Floribus, & folijs lasciuiæ leta monebat;
Atq; extra numerû procedere membra mouentes
Duriter

Duriter, & duro terram pede pellere matrem.
 Vnde oriebantur risus, dulcēsq; cachinni,
 Omnia quod noua tum magis hac & uirga vige-
 Et vigilantibus hinc aderant solatia somno, (bant.
 Ducere multimodis voces, & flectere cantus,
 Et supra calamos vnco percurrere labro.
 Vnde etiam vigiles nunc hac accepta tuentur:
 Et numerum seruare genus didicere: neq; hilo
 Maiore interea capiunt dulcedine fructum,
 Quam syluestre genus capiebat terrigenarum.
 Nam quod adest praesto (nisi quid cognouimus ante
 Suauius) in primis placet, & pollere videtur:
 Posteriorq; ferè melior res: ille reperta
 Perdit, & immutat sensus ad pristina quaque.
 Sic odium cepit glandis; sic illa relictā
 Strata cubilia sunt herbis, & frondibus aucta.
 Pellis item cecidit: vestis contempta ferina:
 Quam reor inuidia tali tunc esse repertam,
 Vt letum insidijs, qui gessit primus, obiret:
 Et tamen inter eos distractam sanguine multo
 Disperissee, neq; in fructum conuertere quisse.
 Tunc igitur pelles, nunc aurum, & purpura curis
 Exercent hominum vitam, belloq; fatigant.
 Quo magis in nobis (vt opinor) culpa resedit.
 Frigus enim nudos sine pellibus excruciat
 Terrigenas: at nos nil laedit veste carere
 Purpurea, atq; auro, signisq; ingentibus apta:
 Dum plebeia tamen sit, qua defendere possit.

Ergo

PARS ALTERA;

*Ergo hominum genus incassum, frustra^q laborat
Semper, & in curis consumit inanimbus ævum:
Nimirum, quia non cognovit, quæ sit habendi
Finis, & omnino quoad crescat vera voluptas.*

Q. HORATIVI
FLACCVS, IN III.
LIBRI ODE XXIX.

P*Larung, grata diuitibus vices,
Munda^q paruo sub lare pauperum
Cœna, sine auleis & ostro
Sollicitam explicuere frontem.*

Idem lib. I. Ode I.

*Luçantem Icarij fluctibus Africum.
Mercator metuens, ocium & oppidi
Laudat rura sui, mox reficit rates
Quassas, indocilis pauperiem pati.*

*Me doctarum hedera præmia frontium
Dij miscent superis; me gelidum nemus
Nympharum^q, leues cum Satyris chori
Secernunt populo, si ne^q tibus*

*Euterpe cohibet, nec Polyhymnia
Lesborum refugit tendere barbiton.*

Idem

Idem in Ode XVI. Lib. II.

*Viuitur paruo bene, cui paternum
Splendet in mensa tenui salinum,
Nec leues somnos timor, aut cupido
Sordidus aufert.*

*Non enim gaze, neq, consularis
Summouet Liſtor miſeros tumultus
Mentis, & curas laqueata circum
Teſta volantes.*

*Scandit aratas vitioſa naues
Cura, nec turmas equitum relinquit;
Ocyor ceruis, & agente nymbos
Ocyor Euro.*

*Latus in praſens animus, quod vltra eſt
Oderit curare, & amara lento
Temperet riſu: NIHIL EST AB OMNI
PARTE BEATVM.*

Idem in Ode IO. Libri eiufdem.

*Auream quiſquis mediocritatem
Diligit, tutus caret obſoleti
Sordibus teſti, caret inuidenda
Sobrius AVLA.*

Sapius

PARS ALTERA,

Sæpius ventis agitatur ingens
Pinus, & celsæ grauiore casu
Decidunt Turres, feriuntq; summos
Fulmina montes.

Sperat infestis, metuit secundis
Alteram sortem bene præparatum
Pectus. informes hyemes reducit
Iuppiter, idem

Summouet non si male nunc, & olim.
Sic erit, quondam Cythara tacentem
Suscitat Musam, neq; semper arcum
Tendit Apollo.

Rebus angustis animosus, atq;
Fortis appare: sapienter idem
Contrahes vento nimium secundo
Turgida vela.

IDEM IN LIBRO EPODON,
Ode 2.

De laudibus Rusticæ vitæ

Beatus ille, qui procul negocijs,
Vt prisca gens mortalium,
Paterna rura bobus exercet suis,

Solutus omni fœnore,
Nec excitatur classico miles truci,
Nec horret iratum mare;

Formæ

Forumq; vitat, & superba ciuium
Potentiorum limina.

Ergo aut adulta vitium propagine.

Altas maritat populos;

Aut in reducta valle mugientium

Prospicit erranteis greges;

Inutileſq; falce ramos amputans,

Feliciores inferit;

Aut preſſa puris mella condit amphoris,

Aut tondet infirmas oueis;

Vel cum decorum mitibus pomis caput

Autumnus aruis extulit,

Vt gaudet inſitiua decerpens pyra,

Certantem & vuam purpuræ,

Qua muneretur te Priape, & te Pater

Syluane, tutor finium,

Libet iacere modo ſub antiqua ilice

Modo in tenaci gramine.

Labuntur altis interim ripis aquæ,

Queruntur in ſyluis aues;

Fontesq; lymphis obſtrepunt manantibus,

Somnos quod inuitet leueis.

Ad cum tonantis annus Hybernus Iouis

Imbreis, niueisq; comparat,

Aut trudit acreis hinc & hinc multa cane

Apros in obſtanteis plagas:

Aut amite leui rara tendit retia,

Turdibus edacibus dolos;

PARS ALTERA.

*Pavidumq; leporem, & aduenam laqueo gruem,
Iucunda captat premia:*

*Quis non malorum, quas amor curas habet,
Hec inter obliuiscitur?*

*Quod si pudica mulier in partem iuuet,
Domum, atq; dulcis liberos,
Sabina qualis, aut perusta solibus
Pernicis vxor Appuli,*

*Sacrum vetustis extruat lignis focum,
Lasi sub aduentum viri:*

*Claudensq; textis cratibus letum pecus,
Distenta siccet vbera:*

*Et horna dulci vina promens dolio,
Dapes inemptas apparet,*

*Non me Lucrina iuuerint conchyliis,
Magisve Rhombus, aut Scari,*

*Si quos Eois insonata fluctibus
Hyemis ad hoc vertat mare.*

*Non Afra auis descendat in ventrem meum,
Non Attagen Ionicus*

*Iucundior; quam lecta de pinguisimis
Oliua ramis arborum,*

*Aut herba Lapathi prata amanti, & graui
Malua salubres corpori,*

*Vel agna festis caesa terminalibus,
Vel hœdus ereptus Lupo.*

*Has inter epulas, vt iuuat pastas oueis
Videre properanteis domum,*

Videre

Videre fessos vomerem inuersum boues
 Collo trahenteis languido;
 Positosq, vernas, ditis examen domus,
 Circumrenidenteis lareis.
 Hæc vbi locutus, scænerator Alpius
 Iam iam futurus rusticus,
 Omnem relegit idibus pecuniam,
 Quærit Calendis ponere.

Idem in libro 3. Carminum;
 Ode 24.

Campestres melius Scythæ,
 Quorum plaustra vagas ritè trahunt domos;
 Viuunt; & rigidi Geta,
 Immetata quibus iugera libera
 Fruges, & Cererem ferunt,
 Nec cultura placet longior annua;
 Defunctumq, laboribus
 Aequali recreat sorte vicarius.

Idem libro 2. Sermonum;
 Satyr. 2.

—varietes

Vt noceant homini credas, memor illius esca
 Quæ simplex olim tibi sederit. at simul asis
 Miscueris elixa, simul conchyliæ turdis,
 Z 2 Dulcis

PARS ALTERA,

Dulcia se in bilem vertent, stomachoq; tumultum
Lenta feret pituita: vides vt pallidus omnis
Cæna desurgat dubia.

Idem libro i. Sermonum, Satyr. 6.

Nollem onus haud vnquã solitus portate molestũ.
Nam mihi continuò maior quarenda foret res
Atq; salutandi plures: ducendus & vnus,
Et comes alter, vti ne solus, rûsve, peregrève
Exirem: plures calones, atq; caballi
Pascendi: ducenda petorita nunc mihi curto
Ire licet mulo vel si libet, vsq; Tarentum: (mos.
Mantica cui lumbos onere vlcerat, atq; eques ar-
Obijciet nemo sordis mihi, quas tibi Tulli:
Cum Tyburte via Pretorem quinq; sequuntur
Te pueri lasanum portantes, ænophorinque.
Hoc ego commodius, quam tu preclare Senator,
Milibus atq; alijs viuo. quacunq; libido est,
Incedo solus: percontor, quanti otius, ac far:
Fallacem circum vespertinumq; pererro
Sæpe forum: astito diurnis: inde domum me
Ad porri & Ciceris refero, laganiq; catinum.
Cæna ministratur pueris tribus: & lapis albus
Pocula cum cyatho duo sustinet. astat echinus
Vilis: cum patera guttus, Campana suppellex.
Deinde eo dormitum, non sollicitus mihi quòd cras
Surgen-

*Surgendum sit mane, obeundus Marſya, qui ſe
Vultum ferre negat Nouiorum poſſe minoris.
Ad quartam iaceo, poſt hanc vagor, aut ego lecto,
Aut ſcripto, quod me tacitum inuuet, vngor oliuo,
Non quo fraudatis immundus Natta lucernis.
Aſt vbi me ſeſſum Sol acrior ire lauatum
Admonuit, fugio rabioſi tempora ſigni.
Pranſus non auide, quantum interpellat inani
Ventre diem durare, domeſticus otior, hæc eſt
Vita ſolutorum miſera ambitione, grauique:
Hiſ me conſolor victurum ſuauius, ac ſi
Queſtor auus, pater atq; meus, patruſq; fuiſſent.*

Idem libro 2. Sermonum,
Satyr. 6.

*Hoc erat in votis: modus agri non ita magnus,
Hortus vbi, & tecto vicinus iugis aquæ ſons,
Et paulum ſyluæ ſuper hiſ foret; auctius, atq;
Dij melius fecere bene eſt. nihil amplius oro
Maia nate, niſi vt propria hæc mihi munera faxis.
Si neq; maiorem feci ratione mala rem:
Nec ſum facturus vitio, culpæve minorem:
Si veneror ſtultus nihil horum: ô ſi angulus ille
Proximus accedat, qui nunc deformat agellum:
O ſi vrnam argenti fors qua mihi monſtret, vt illi
Theſauro inuento qui mercenarius agrum
Illum ipſum merçatus arauit diues amico*

PARS ALTERA,

Hercule: si quod adest, gratum iuuat: hac prece te
Pingue pecus domino facias, & cetera, præter (oro
Ingenium: vt q̃, soles custos mihi maximus adsis.

Idem ibid.

Orus, quando ego te aspiciam? quandoq̃, licebit
Nunc veterū libris, nunc somno, & inertibus horis
Ducere sollicita iucunda obliuia vite?
O quando faba Pythagoræ cognata, simulq̃,
Vincta satis pingui ponentur oluscula lardo?
O noctes, cœnæq̃, Deūm, quibus ipse, mei q̃,
Ante larem proprium vescor: vernasq̃, procaces
Pasco libatis dapibus, prout cuiq̃, libido est,
Siccat inæqualeis calices conuiuia, solutus
Legibus insanis: seu quis capit acris fortis
Pocula: seu modicis humescit latius, ergo
Sermo oritur, non de villis, domibûsq̃, alienis: (nos
Nec male, necne Lepos saltet: sed quod magis ad
Pertinet, & nescire malū est, agitur: vtrumne
Diuitijs homines, an sint virtute beati:
Quidve ad amicitias, vsus rectūne trahat nos:
Et quæ sit natura boni summumq̃, quid eius.
Seruius hæc inter vicinus garrit anileis
Ex re fabellas. nam si quis laudat Arelli
Sollicitas ignarus opes, sic incipit: Olim
Rusticus vrbani murem mus paupere fertur
Accepisse cauo, veterem vetus hospes amicum,
Asper,

Affer, & attentus quasitis: vt tamen arctum
 Solueret hospitij animum. quid multa? neq; ille
 Sepositis ciceris, nec longa inuidit auena:
 Aridum & ore ferens acinum. semesaq; lardi
 Frustra dedit, cupiens Varia fastidia cœna
 Vincere, tangentis malè singula dente superbo:
 Cum pater ipse domus palea porrectus in horna
 Effet ador, loliumque, dapis meliora relinquens,
 Tandem vrbanius adhuc: quid te iuuat, inquit, a-
 Prerupti nemoris patientem viuere dorso? (mice.
 Vis tu homines, vrhemq; feris praponere syluis?
 Carpe viam (mibi crede) comes: terrestria quãdo
 Mortaleis animas viuunt sortita: neq; vlla est,
 Aut magno, aut paruo leui fuga. quo bone circa
 Dum licet, in rebus iocundis viue beatus:
 Viue memor quàm sis cui brevis. hac vbi dicta
 Agrestem pepulère: domo leuis exilit. inde
 Ambo propositum peragunt iter, vrbis auentes
 Mœnia nocturni subrepere. iamq; tenebat
 Nox medium celi spatium, cum ponit vterq;
 In locuplete domo vestigia, rubro vbi cocco
 Tincta super lectos canderet vestis eburnos:
 Multaq; de magna superessent fercula cœna:
 Quæ procul extructis inerant hesternæ canistris.
 Ergo vbi purpurea porrectum in veste locauit
 Agrestem; veluti succinctus cursitat hospes;
 Continuatq; dapes: nec non vernaliter ipfis
 Fungitur officijs, pralambens omne, quod affert.

PARS ALTERA,

Ille cubans gaudet mutata sorte : bonisq;
Rebus agit letum conuiuiam : cum subito ingens
Valuarum strepitus lectis excussit vtrunque.
Currere per totum pauidi conclaue, magisque
Exanimes trepidare, simul domus alta moloſſis
Personuit canibus. tum rusticus : haud mihi vita
Est opus hac, ait, valeas : me sylua, cauusque,
Tutus ab insidijs tenui solabitur eruo.

ALB. TIBVLLVS,

E Q. R O M.

In lib. i. Elegia. io.

Quin igitur laudandus hic est, quē prole para-
Occupat in parua pigra senecta casa? (ta
Ipse suas sectatur oues, at filius agnos,
Et calidam fesso comparat vxor aquam.
Sic ego sim, liceatq; caput canescere canis,
Temporis & prisca facta referre senem.

Idem in libro eodem, Eleg. i.

Diuitias alius fuluo sibi congerat auro,
Et teneat culti iugera magna soli,
Quem labor assiduus vicino terreat hoste,
Martia cui somnos classica pulsa fugent.

DE VITA PRIVA. 181

*Me mea paupertas vite traducat inertī,
Dum meus assiduo luceat igne focus.*

Idem in libro eodem, Eleg. 10.

*Diuitis hoc vitium est auri; non bella fuerunt
Faginus astabat cum Scyphus ante dapes.
Non arces, non vallus erat, somnumq; petebat
Securus varias dux gregis inter oues.*

P. OVIDIVS NASO,

IN LIB. III. DE TRIST.

Elegia 4.

O Mibi care quidem semper, sed tempore duro
Cognite, res postquam procubuerē mea,
V sibus edocto si quidquam credis amico,
Viue tibi, & longē nomina magna fuge.
Viue tibi, quantumq; potes praelustria vita,
Suum praelustri fulmen ab Arce venit,
Nam quanquam soli possunt prodesse Potentes,
Non profit potius, si quis obesse potest.
Effugit hybernas demissa antenna procellas,
Lataq; plus paruis vela timoris habent.
Aspicias ut summa cortex leuis innatat vnda,
Cum graue nexa simul retia mergat onus?
His ego si monitis monitus prius ipse fuisset,
In qua debebam forsitan vrbe forem.

Z S Dum

PARS ALTERA.

*Dum tecum vixi, dum me levis aura ferebat,
Hæc mea per plucidas cymba cucurrit aquas.
Qui cadit in plano, vix hoc tamen euenit ipsum,
Sic cadit, vt tacta surgere possit hamo.
At miser Elpenor tecto delapsus ab alto.
Occurrit Regi flebilis umbra suo.
Quid fuit, vt tutas agitare Dedalus alas?
Icarus immensas nomine signet aquas?
Nempe quod hic alte, demissus ille volabat;
Nam pennas ambo non habuere suas.*

*Crede mihi, bene qui latuit, bene vixit, & intra
Fortunam debet quisq; manere suam,
Non foret Eumenides orbis, si filius eius
Stultus Achilleos non adamasset equos.
Nec natum in flamma vidisset, in arbore natus,
Cœpisset genitor si Phaëthon a Mærops.
Tu quoq; formida nimium sublimia semper,
Propositiq; precor contrahere vela tui.*

Idem libro 2. de Ponto.

Tempus in agrorum cultu consumere dulce est.

LVCANVS, IN LIB.
V. BELLI CIVIL.

— *O vita tuta facultas
Pauperis, angustiq; laris, ô munera nondum
Intelleg-*

*Intellecta Deum. quibus hac contingere templis
Aut muris potuit? nullo trepidare tumultu
Cæsarea pulsante manu?*

Idem in lib. III. bell. ciuil.

D*iscite quam paruo liceat producere vitam,
Et quantum natura petat. non erigit egros
Nobilis ignoto diffusus consule Bacchus:
Non auro myrrhæq; bibunt, sed gurgite puro
Vita redit: satis est populis fluminusq; ceresq;.*

BOETIVS METRO:
IIII. LIB. II.

F*Vgiens periculosam
Sortem sedis amæna,
Humili domum memento
Certus figere saxo.
Quamuis tonet ruinis
Miscens æquora ventus,
Tu conditus quieti
Felix robore valli,
Ducis serenus æuum,
Ridesq; atheris iras.*

L. AN.

PARS ALTERA,
L. ANNEVS SE-
NECA IN TRA-
GOEDIIS.
IN HERCVLE FVRENTE.

— *Me mea tellus*

*Lare secreto, tutoq; tegat.
Venit ad pigros cana senectus,
Humiliq; loco, sed certa sedet,
Sordida parua fortuna domus
Altè virtus animosa cadit.*

IN THYESTE.

*S*Tet, quicumq; volet, potens,
AVLÆ culmine lubrico.
*Me dulcis saturèt quies,
Obscuro positus loco,
Leni perfruar ocio.
Nullis nota Quiritibus
Aetas per tacitum fluat.
Sic cum transferint mei
Nullo cum strepitu dies.
Plebeius moriar senex.
Illi mors grauis incubat,
Qui notus nimis omnibus
Ignotus moritur sibi.*

Idem

Idem ibid.

*Humi iacentem scelera non intrant casam,
Tutusq; mensa carpitur angusta cibus.*

IN OEDIPO.

FAta si liceat mihi
Fingere arbitrio meo,
Temperem Zephyro leni
Vela, ne pressa graui
Spiritu antennae tremant.
Lene, sed modicum fluens
Aura, nec vrgens latus,
Ducat intrepidam ratem:
Tuta me media vehat
Vita decurrente via,
Gnosium Regem timens.
Alta dum demens petit
Artibus fidens nouis,
Certat & veras aues
Vincere, ac falsis nimis
Imperat pennis puer,
Nomen eripuit feto.
Callidus medium senex
Daedalus librans iter
Nube sub media stetit
Alitem spectans suam.
Qualis accipitris minas

Fugit,

PARS ALTERA,

Fugit, & sparsos metu
Colligit fœtus aus:
Donec in ponto manus
Mouit implicitas puer,
Comes audacis viæ.
Quicquid excessit modum,
Pendet instabili loco.

Ibidem.

Qui sceptra duro seuus imperio regit,
Timet timentes, metus in autorem redit.

IN HERCVLE OETHEO.

COLit hic Reges, calcet vt omnes,
Perdatq; aliquos nullumq; leuet,
Tantum vt noceat cupit esse potens.
Quota pars moritur tempore fati?
Quos felices Cynthia vidit;
Vidit miseros arbitura dies.
Rarum est, Felix idemq; senex.
Cespes, Tyrio mollior ostro
Solet impauidos ducere somnos.
Aurea rumpunt tecta quietem,
Vigilesq; trahit purpura noctes.

IN AGAMEMNONE.

—Quicquid in altum
Fortuna tulit, ruitura leuat.

Modicū

*Modicis rebus longius ævum est.
 Felix media quisquis turbæ
 Parte quietus, aura stringit
 Littora tuta, timidusq; mari
 Credere cymbam, remo terras
 Propiore legit.*

In Hippolyto.

Non alia magis est libera, & vitio carens,
 Ritusq; melior vita quæ præscos colat,
 Quam quæ relictis mœnibus sylvas amat.
 Non illum amare mentis inflamat furor,
 Qui se dicavit montium in fontem iugis,
 Non aura populi, & vulgus invidum bonis,
 Non pestilens invidia, non fragilis fauor;
 Non ille regno feruit, ac regno invidet,
 Vanos honores sequitur, aut fluxas opes,
 Spei metusq; liber, haud illum niger
 Edaxq; liuor dente degeneri petit.
 Nec scelera, populos, atq; inter vrbes sita
 Nouit, nec omnes conscius strepitus pauet.

MARTIALIS, IN LIB.

IX. EPIGRAM. AD

CONDILVM.

(nescis

Quæ mala sint Domini, quæ serui commoda
 Condile, qui seruum te gemis esse diu.

Dat

PARS ALTERA,

*Dat tibi securos vilis lecticula somnos;
 Peruigil in plumis Caius ecce iacet.
 Caius à prima tremebundus luce salutat
 Tot dominos, at tu Condile nec dominum.
 Quod debes Cai redde, inquit Phœbus, & illinc
 Cinnamus, hoc dicit Condile nemo tibi.
 Tortorem metuis? podagra chiragraq; secatur
 Caius, & mallet verbera mille pati.*

CLAVDIANVS, IN
 LIB. I. IN RVFFINVM.

—Contentus honesto

*Fabricius paruo, spernebat munera Regum,
 Sudabatq; graui consul Serranus aratro,
 Et casa pugnaces Curios angusta tenebat.
 Hæc mihi paupertas augustior, hæc mihi tecta
 Culminibus maiora tuis: tibi querit inanes
 Luxuries nocitura cibos, mihi donat inemptas
 Terra dapēs: rapiunt Tyrios tibi vellera succos,
 Et picturata saturantur murice vestes,
 Hic radiant flores, & prati viua voluptas,
 Ingenio variata suo, fulgentibus illic
 Surgunt structa thoris, hic mollis panditur herba,
 Sollicitum curis non abruptura soporem.
 Turba salutantum latas tibi perstrebit ades,
 Hic auium cantus, labentis murmura riui.
 Viuitur exiguo melius, Natura beatis*

Omni-

Omnibus esse dedit, si quis cognouerit vti.
 Hac si nota forent frueremur simplice cultu,
 Classica non fremerent, nō stridula fraxinus iret,
 Non ventus quateret puppes, nō machina muros.

IDEM DE SENE, QVI
 IUXTA VERONAM CON-
 sistens, villa sua nunquam
 egressus esset.

Felix qui proprijs æuū transegit in aruis,
 Ipsa domus puerum quem videt, ipsa senem:
 Qui baculo nitens, in qua reptauit harena
 Vnius numerat secula longa case.
 Illum nō vario traxit fortuna tumultu,
 Nec bibit ignotas mobilis hospes aquas.
 Non freta mercator timuit, non classica miles,
 Non rāuci lites pertulit ille fori.
 Ināocilis rerum, vicinæ nescius vrbis,
 Aspectu fruitur liberiore poli.
 Frugibus alternis, nō Consule computat annum,
 Autumnum pomis, ver sibi flore notat.
 Idem condit ager soles, idemq; reducit,
 Metiturq; suo rusticus orbe diem.
 Ingentem meminit paruo qui gramine quercum,
 Aequæuūq; videt consensuisse nemus.
 Proxima cui nigris Verona remotior Indis,
 Benacunūq; putat littora rubra lacum.

PARS ALTERA,
*Sed tamen indomite vires, firmisq; lacertis
Aetas robustum tertia cernit auum.
Erret, & extremos alter scrutetur Iberos,
Plus habet hic vitæ, plus habet ille viæ.*

IUVENALIS SATYR. XIII.

Vivite contenti casulis, & collibus istis,
O pueri, Marfus dicebat, & Hernicus olim,
Vestinusq; senex: panem quæramus aatro
Qui satis est mensis.

Idem ibid. de Diogene.

*Sensit Alexander, testa cum vidit in illa
Magnum habitatorem, quanto felicior hic qui
Nil cuperet, quam qui totum sibi posceret orbem.*

PERSIVS SATYR. III.

*— Rure paterno
Est tibi far modicum, purum & sine labe salinum,
Quid metuas? cultrixq; soci securapatella:
Hoc satis est.*

AVSONIVS IN LIB.

EPIGRAM.

**DE AGATHOCLIS SICILIÆ
REGIS FRUGALITATE.**

Fama est sicilibus cœnâsse Agathoclea Regem,
Atq; abacum samio sæpe onerâsse luto,
Fercula

DE VITA PRIVA. 186

*Fercula gemmatis cum poneret aurea vasis,
Et misceret opes paupericmq; simul.
Quaerenti causam respondit; Rex ego qui sum,
Sicania figulo sum geritore satus.*

Fortunam reuerenter habe, quicumque
repente
Diues ab exili progrediêre loco.

ACT. SINC. SANNAZ.

Ad Marin. Caracciol.

Fortunam qui auidè vorare pergit,
Eandem malè concoquat necesse est.

MARTIALIS,

De vita beata. .

Vitam quæ faciunt beatiorem,
Iucundissime Martialis hæc sunt.
Res non parva labore, sed relicta,
Non ingratus ager, focus perennis,
Lis nunquam, roga rara, mens quieta,
Vires ingenuæ, salubre corpus,
Prudens simplicitas, pares amici,
Conuictus facilis, sine arte mensa,
Nox non ebria, sed soluta curis,

a 2 Non

PARS ALTERA,

Non tristis thorus, attamen pudicus,
Somnus qui faciat breues tenebras.
Quod sis esse velis, nihilque malis;
Summum nec metuas diem, nec optes.

THOMAS MORVS.

A Gros ego haud porrectiores appeto,
Non auream aut Gygis beatitudinem.
Quæ sit satis sibi, vita sat eadem est mihi:
Illud NIHIL NIMIS, nimis mihi placet.

P. LOTICHIVS SE-
CVNDVS.

Ex Carmine In pagum prope Ni-
crum, librò 2. Car-
minum.

*Lib. 3. E-
leg. Ele. 8.* **R** Vra sacros Vates, gelidaq; in vallibus vmbra,
Blanda q; graminei cespitis herba iuuant.
Grata q; delectant ignobilis ocia vitæ;
Rura dapes, vmbra dat nemus, amnis aquas.

H. Pe-

H. Petreus Herdes.

NOBILI DOCTOQUE

FRANCISCO à Dombſdorff, ocia
cum Muſis agenti ad Pa-
dum Herci-
niæ.

TV ſecura tuis, Franciſce, agis ocia ſyluis,
Et modo Pieridûm deuenerare choros,
Et modo per virides ſaltus, latebrasq; ſerarum,
Inſequeris iaculis & cane capreolos;
Iamq; cita claudis tacitos indagine colles,
Iamq; premis rigidi per iuga montis apros:
At mihi pallentes febris depaſcitur artus,
Guttur & infeſta torret anihela ſiti;
Nec tantum fortunatis deſeruiſio Muſis,
Fata miſer quantum cogor acerba queri.
Haſtenus informes potui compeſcere curas,
Verbaq; fortune (corde valente) dare:
At fera me totum voluit nunc Aula iacere,
Et terere etatis tempora dura mex.
Forte quis afflictis auſus conſidere rebus,
Ocia cum Muſis grata quietus agat,
Cum ſiribunda graui mox illa tonitrua bello
Concitat, ac triſtes imperioſa minas;
Ac face turbatos animos populatur aperta,
Expers & medica ſeua cor vrit opis.

PARS ALTERA,

Sed tu, Castalidum non vltima cura fororum,
 Excedens animis ingenioq; genus;
 Qui genus & proauos, & quæ non feceris ipso,
 Vix tua (cum non sint pectoris) esse putas;
 Dulcis amicitia memor, optatissime, tecum
 Vere frui socium versu colore sine;
 Et tecum syluis, tecumq; nitentibus hortis,
 Inter odoriferas viuere ruris opes.
 Iam videor leni salientes murmure riuos
 Visere & Hercynijs pulcra vireta iugis,
 Visere iam vallis, iam prata, Padumq; sonantem,
 Aërioq; feris tendere monte plagas.
 Illas doctæ colunt Musarum numina syluas,
 Ipseq; culta Padi flumina Phœbus amat.
 Vndiq; Saxonica Proceres & lumina gentis,
 Castra feris olim constituere iugis,
 Henricusq; potens & Caesar, & impiger idem
 Auceps, hîc fisco sæpe fefellit aues.
 Hac iuga venandi studio lustrauit, & inter
 Argutas recubans sæpe quieuit aues.
 Hîc fera terrifici belli simulacra ciebat,
 Iam nectens vr̄sis retia, iamq; lupis.
 Deniq; fatales heros cum finijt annos,
 Hic voluit moriens ossa quiete frui;
 Post obitus & humo Caesar requiescit eâdem,
 Qua placide viuus sæpe quierat humo.
 Hos igitur tecum saltus, nemorumq; recessus
 Quin colo, quos Caesar, quos coluere Duces?

Quin

Quinroseum. Franciscæ. sequor ver? ocia membra,
Et requies animos aurea vere iuuet.

Temporis aureolum fugit, aureolumq; iuuentæ
Ver, at hyems subitis cana redit pedibus.

Temporis ergo fruar pariter, pariterq; iuuentæ
Vere, sequens portat non meliora dies.

HIERON. FRACAS- STORIVS.

Ad Baptistam Turrium Veron.

MAne domi validos pluuiæ vt cōclufit agrestes,
Ceditur iliceo distenta sagimine porca.
Lata domus: tum sollicita in sarcimine mater
Pingue suis niueum, & dissecti frustra cerebri,
Et niueum lac purpureo cum sanguine miscet.
Tū semē marathri, atq; arentis gramina thymbræ
Adjicit, inspersoq; coli sale conuaua complet.

Ad eundem.

FRigidus at siluis Aquilo si increuerit, aut si
Hiberni pluuijs descendunt nubibus imbres,
Nos habeat domus, & multo Lar luceat igne.
Vpilio ingentem aut fagum, vel scissile robur
Sufficiat, tum vos, claro quando igne soletis
Iuniperi suaueis circum diffundere odores,
Et vos Palladiæ flammis imponat oliuæ.
Ante focum tibi paruus erit, qui ludat, Iulus
Blanditias ferat, & nondum constantia verba.

P A R S A L T E R A,

*Ipse legam magni tecum monumenta Maronis.
O fortunatos nimium, si fata, quod aui
Nos manet, hac vna dederint producere vitam.*

Ad eundem.

*Nox venit, & paste redeunt ad tecta capelle.
Præcaper it, cui barba iubat, cui cornua pendent
Intorta, & grandes olido de corpore setæ.
Pone gregem reliquum compellit arundine virgo
Vpilio, multo armantur cui baltea fuso.
At mater longæua, igni dum brassica feruet.
Mulctra effert gravidog, recens lac vberemulget.
Rusticus interea pinguis collector oliuæ,
Interea & validus prima de nocte bubulcus
Aduenere domum: congesta tum focus orno
Ingenti, aut fago, vel fragmine roboris, ardet.
Tolluntur lætæ flammæ, lætæq, relucet.*

Aliud incidens ad eundem.

*At nemora, & liquidis manantia fontibus arua,
Et placidus myrteta inter, laurosq, virentes
Vicinus nitido Benacus labitur amne.
At focus, & circum pueri vernæq, canentes;
Dum cena vndanti coquitur siluestris aheno,
Grandiaq, exurunt crepitantes robora flammæ;
Suspense è summis pendent laquearibus vuae,
Malag, Castaneæq, & passo fistula ventre
Hiberna de nocte, hominum stabula alta petuntur.*

Vua

Vnà omnes matrēsq, viriq, omnisq, iuuentus
 Infomnem exercent noctem: pars pensa fatigat:
 Parstexit teneros Amerino vimine quallos:
 Atq, anus has aliqua interea, dum vellere carpit,
 Et teretem tremulo propellit pollice fusum,
 Languenteis oculos fabella fallit inani.

Ad eundem.

Illa colum exercens saxo consedit aprico,
 Leta tempore nouo, & liquefacta Sole pruina:
 At iuxta nemore in magno grex pascitur omnis.

Ad eundem.

Iam veniet ver purpureum, iuuenisq, reuertens
 Annus aget Zephyros, & calo desuper alto
 Deducet pleno genitalia semina cornu:
 Vnde hominū genus, & pecudū, vitāq, natantum,
 Et picta volucres, & amantes rorida planta,
 In venerem caco aterni rapiuntur amore.
 Gaudete, ô, quicunq, bonum speratis, agrestes,
 Quorū amor est sobolis, studiumq, nepotibus arua
 Incolere, & paruas vlmis attollere vites.

PARS ALTERA,
ACHILLES BOCHIVS
BONONIEN.

In Symbolicarum Quæstionum, lib. I.
Mensæ domesticæ Symbola IO.

SYMB. XXVII.

COrpus simplicibus cibus: Deiq;
Verbo pasce animum tuum vsq; & vsque.
Testem quicquid agis Deum inuocato:
Quod sat est cupiens, nihil dolebis.
Naturam sequere omnibus magistram:
Continentia te beabit vna.
Semper quid decet, expedire, nosce:
Vita est moribus in bonis beata.
Quisquis sustinet, abstinere, Rex est:
Id tantum cupias quod est amandum.

Idem ad

HIERON. FERRIVM
CIVEM BONON.

SYMB. C.

Sic viue, ne sit cur olim quispiam
De te, vel ipse conqueri
De quopiam, aut de sorte possis: ipse nec
Cuiquam volens iniuriam
Facito: nec vnquam credito factam tibi.
Si vis beate viuere,

Affuesce

Assuesce conditione quantula tua

Vti, & minus de illa queri.

Apprende quicquid commodi circa se habet.

Quippè vsque adeo acerbum est nihil,

In quo æquus animus quidpiam solatij

Non inuenire sit potis.

Idem lib. 5. ad

ROMVLVM AMA-

SÆVM, ῥώμῳ ἐλάσας.

SYMB. CXXXIII.

Consilium, quod nulla queat vis frāgere, iniui
Romule iam pridē, latebras mihi quarere, &

Anxia constitui, contentus viuere paruo, (antra

Securumq; sequi dulcis genus id mage vitæ,

Quam cum tot, tantisq; laboribus, atq; periclis,

Vel terrarum orbis totius sceptrā tenere.

Namq; parum facio, ne tantillum quidē, honores

Hosce fugaces, quos vulgus miratur, & optat

Quando quidem inuidiæ morbo, curisq; videntur

Sollicitis, penitusq; malis esse vndique pleni.

Nec me cunctorum coget pater ille malorum

Plutus. opes inhiare suas, & inania regna,

Plutus quem spinis confert sapienter acutis

Oraculum semper verax: nam pungit habentum

Infima sexcentis agitant præcordia curis,

Nec pungit modò, sed miseris corda intima rodit:

Nec

P A R S A L T E R A ,

*Nec prodesse sinit potus alimenta, cibique,
Nec fessa irriguo perfundi membra sopore
Vita brevis docet omneis spes praevidere inanes,
Quaeq; meas superant vires, ac mille pericla
Omnibus intendunt horis. verum quia nemo
Tempore perpetuo heic mäsuram possidet urbem,
Quaerenda haud dubie est nobis illa illa perennis,
Quam nunquã assequitur qui mundi huiusce do-
Se semel illecebris permisit irretiri. (Iosis*

*Vni igitur, veroq; Deo servire, nec ulli
Præterea statuo. est etenim verus Deus vnus
At contra falsi reliqui omnes prorsus, humiq;
Serpentes, genuit quos noxa deditus olim
Fatali pater infelix ab origine prima
Ac nullum excipio, vt magnus, paruusve sit ille.*

*Ter vero execrandus, & amplius esse putatur,
(Diuinis nisi si scriptis nil credimus) is qui
Perquirat toto mortalia pectore deuens,
Quiq; suas homine in solo spes collocat omnes.
Quare etiam atq; etiã fateor, semperq; fatebor,
Tantum vni seruire Deo me constituiſe.*

*Hei mihi quam multũ effluxit præterq; volauit
Temporis incassum: sed id irreparabile cum sit
Quid faciam? serò, quod dicitur, est satius quam
Non vnquam sapere. ob commissæ piacula tecum
Si doleas: vitia & vitans, bene semper agendi
Firmũ habeas posthac animũ; tum grãtia magni
Sat tibi sola Dei fuerit: qui tempore in ipso*

Postre-

Postremis eadem qua primis munera donat.

*Hunc igitur primū colere, hūc vehemēter amare
Tota ex mēte volo, ex anima, ex penetralibus imi
Cordis. cumq; valere sciū iam dixerō multis,
Qua prius admirabar tanquam maxima prorsus
Abijciam, meq; huic, sic stat sententia, dedam.*

*Hanc mihi proposui certam, saxis modo Christe,
Decurso possim spacio contingere, metam.
Spei vero, pietatis: & alti factus amoris
Muneribus locuples, inimicos aequē, & amicos
Diligere, exemploq; tuo facere ijs bene semper
Cumq; bonis pacatam, & honestis degere vitam
Forti animo, quacunq; dedit Deus omnia ferre,
Deniq; cœlesti ex auro expectare coronam
Qua redimere pios se velle aeterna potestas
Pollicita est, vana nec spe frustratur amantes.*

*Plutus hic est verus qui maximus, optimus vnus
Auctor inexhausta lucis largitur honores
Aeternos, & opes veras, vitamq; beatam:
Non veluti stygius scelerum sator ille tyrannus
Qui falsas ostentat opes, ostentat honores,
Dum parat exitium stultis, noctemq; profundam
Ad summam falso cæcis bona credit a vite
Quippe hominū ijs fruitur vita, aurū gloria Mun-
Que tanti plariq; solent facere, omnia planē, (dus
Omnia planē inquam a vita disjuncta superna,
Nil propè sunt aliud, quā pulvis, inanis & umbra,
Luctus atrox, nugæq; mera, & lachrymabile letū.*

IOHAN.

PARS ALTERA,
IOHAN. FICHARDI

I. C. Francofortensis, Anno ætatis
suæ Lxvi. Ad Iesum Chri-
stum Seruatorem

VOTVM.

O Mihi quando quies dabitur? quãdoq₃ licebit,
Sollicito hoc studio Legumq₃ Foriq₃ relicto,
Nunc sacris libris (non somno & inertibus horis)
Nunc & Philosophis, nunc Historicis relegendis,
Ducere tranquillam iucunda per ocia vitam?
Vt missis alijs, quibus hinc obstringor & inde,
Seruiat hæc tantum Patriæ nunc senior etas;
Vt faciam facienda lubens, ingrata relinquam,
Nec sic inuitus cogar sufferre labores
Omnigenos, partim duros, partimq₃ profanos,
Quos propter satiata serè mens nauseat. & Cor.
Hortule, delicia domini, mihi quando vacabit
Te colere, atq₃ inter frondes, interq₃ volucres,
Abdita cum placidis agere ocia deniq₃ Musis?
Vixi hucusq₃ alijs, curis exercitus atq₃
Sollicitudinibus varijs, non absq₃ periculis,
Quæ mihi non raro Legato, obeunda fuere.
Iam rude donari, iam, dulcis amore quietis,
Viuerè quod superest, cupio tranquillus & opto.
Quando autẽ dabitur tandẽ, MIHI viuerè posse,
Immo CHRISTE TIBI? qui solus terminus atq₃
Vnicus es vitæ scopus, in quem figere cunctos

Et sensus animi debemus, & intima cordis.

*O bone, cum soli cupiam tibi vivere posthac,
CHRISTE, pio (tua quæ bonitas est) annue voto,
Et tandem emerito optatam concede quietem,
Inq; tuum post hanc me vitã suscipe regnũ. Amen.*

Epiphonema.

Nullius esse velit qui suus esse potest.

H. H V S A N I . I . C . C A N -
CELLARII MEGAPOLI-
TANI VOTVM.

Anno Christi 1569.

O Animi felix, ô parte beatus ab omni,
O immortalis proximus ille Deo,
Quem docuit mundi valedicere moribus huius
In verum pietas obsequiosa Deum;
Et sibi concessa contentum limite sortis
Exercere suo munia iusta loco.
Quem neq; sollicitat mendaci gloria fuso,
Fluxarumve fames sacra fatigat opum;
Dira nec in varias trahit altercatio rixas,
Qua schola, qua templum, qua strepit omne fo-
Nec mala degeneri corrumpit inertia luxu, (rã;
Vnica corporibus pestis & ingenijs:
Qui nec obaratus curis torquetur acerbis,
Nec iubet esse sua nomina certa fide:

Qui

PARS ALTERA,

Qui potius, dubias rabularum pabula lites
 Quàm moueat, mauult cedere iure suo :
 Nec locat infami steriles in fœnore nummos,
 Et super insontem munera nulla capit :
 Pascere qui multos vel equos famulosve necesse
 Non habet, aut amplas edificare domos :
 Stare nec infida sublimis gaudet in aula,
 Magnorumq₃ potens ad latus ire ducum;
 Sed iusta requie sese saturare, suaq₃
 Intra fortune septa latere potest :
 Educat & teneros chara cum coniuge natos,
 Vt discant homini commoda, grata Deo :
 Et cum transferint exacta tempora vitæ,
 Concludit tacitos ac sine labe dies.
 O conclude meos hoc tandem sine labores,
 Enecat oppressum me quibus aula, Deus.

Eiusdem postulatam ad Ducem Megapolitanum Ioannem Albertum Principem illustrissimum.

Sic quem lethifero percussit scorpius ictu,
 Præbet ei medicam vulneris autor opem :
 Vt mihi defesso studijs grauioribus aula
 Mitibus è studijs hac medicina venit.
 Carmine quod tristes leuiter demulceo curas,
 Quæ mihi cor variè nocte dieq₃ coquunt.
 Corpore dum iaceo malè nunc affectus & ager,
 In partésq₃ animum diuido mille meum.

Et mea

Et mea paulatim ceu fabula præterit ætas,
 Ignotumq; mihi me facit aula mori.
 Quod sanare malum potes illustrissime princeps,
 Si mea vota tuo digna favore probes.
 Des libertatem, dederis sic omnia, tantum
 Deprecor incumbens istud honoris onus.
 Cui non esse meos humeros virēsq; ferendo,
 Meq; genu prono succubuisse vides.
 Stet quicumq; volet pro me sublimis in aula,
 Me recreet fractum iusta labore quies,
 Nec mea supplicibus neq; tot prensantibus ætas
 Nota sit & tacito muta tenore fluat.
 Tranquilloq; loco positus mea gaudia tractem,
 Quos non inスペxi per tria lustra, libros.
 Illic dediscens alieno viuere nutu,
 Quod superest tribuam temporis omne Deo.
 Prodero cui potero nulli dabo damna, remotus
 A vulgi strepitu militiaq; fori.
 Donec, vbi cursum fluxa confecero vita,
 Efferat emeritum me libitina senem.
 Huius vt optati potiar, tua gratia faxit,
 Hac precor assensu sint rata vota tuo.
 Sic Deus illustrem post huius tædia vita
 Lucis in æterna det tibi sede locum.

Idem,

Cum iam exhalaturus animam
 videretur.

Nunc quod curriculum dederas mihi Christe peregi,

b

Paruaq;

PARS ALTERA,

Paruaq; sub terras ibit imago mei.
Seruini patrie diuersas missus in oras,
Gratia dum cari salua manebat heri;
Obrutus assidua multorum mole laborum,
Vt variè curas erogat aula suas.
Triste sed heu precium naclus sub fine laborum,
Expertusq; tuam mobilis aula fidem.
Qui mea forte leges vestigia, deditus aule,
Huc ades, exemplo discite docente meo:
Fidere, nec magnis ducibus nec regibus ausis;
Ah miser, illorum quisquis adorat opes.
Quippe voluntatis, fortune, deniq; vite
Vnica quos certos non videt hora suæ.
Sunt homines, magniq; Duces, Regesq; superbi;
Fallit in humanis spes sita presidys.
Mobilis Euripo magis est humana voluntas,
Semita fortune lubrica, vita fugax.
At sibi perpetuo constat diuina voluntas,
Aeterno stabilis vita vigore manet.
Finibus arctata est immensa potentia nullis,
Ergo sit in solo spes tua fixa Deo.
Nulla salus, ope mortali sperare salutem;
Vna via est vni fidere tuta Deo.

Idem ad Lucam Loffium Ludimoderato-
rem Luneburgensem. Anno 72.

O mihi si redeant concessu numinis anni;
Qui spacio dudum præterire suo,

Non

Non ego conferrem me Regis in vllius aulam,
 Si mihi vel Cræsi polliceatur opes;
 Sed studiosi aliquis secessus angulus aui
 Tempora finiret quantulatæq; mei.
 Illic a strepitu vellem vulgôq; remotus
 Intra fortunam me cohibere meam.
 Inuigilare libris, in pace latere quæta,
 Me curare domi non aliena foris:
 Carpere securum nullo censore soporem,
 Anxius horarum non numerare sonos:
 Mane prehensantum nullas spectare cateruas,
 Limen heri dubio non penetrare gradu:
 Non, quasi parturiam, semper pro pluribus vnus
 Huc illuc animo me cruciante rapi:
 Non præbere meas nugis tot inanibus aures,
 Non inter duplices cuncta timere viros:
 Qui modò veri aliquid modò falsa loquuntur, vi illi,
 Quem penes imperium est. cõplacuisse vident.
 Qui velut in violis scrutatur aranea vnus
 Vertit & in succum nardarosasq; suum:
 Omnia sic etiam dextra porrecta fideli
 Accipiunt læua falsificantq; manu.
 Quorum quæq; ferax at ai ibus omnibus aula est,
 Aula bonis varias tendere docta plagas.

Idem.

Ortinam nunquam cum religiosa loquelas
 Aula reformanda de pietate ferit,

PARS ALTERA,

*Commoda prae-texta sua religione coloret,
Et bona non Christo sed sibi parta velit.
Ah modò ne laudet confingere posse colores,
Se quibus excuset non bene culta fides:
Ah modò ne prauas fucare sophistica causas,
Magnorum libitu sit studiosa Ducum.
Cetera quid memorem? quanti custodia legum,
Quoq; loco est culis iudiciale forum?
Ius & vis apicum paruo discrimine distant;
Rex ius semper habet, vim quia semper habet.
Ius hominis tenuis quid prae-ter nomen inane est?
Quippe quod effectum iuris habere nequit.
Quid loquar, vt pateant hic obtreçantibus aures.
Error opinantes in mala quanta trahat?
Prætextus causa mutantur nomina rerum;
Ille timet, tuta qui monet ire via:
Qui laxat temerè frenos affectibus omnes,
Hic domino veram præstat amicitiam.
Qui circumspèctum sese gerit atq; modestum,
Audit inops animi, stipes, ineptus, hebes.
Inflamman's odium, se comprobat esse fidelem;
Omnia deprauans suspitione, sapit.
Simplicitas probro, sed diffidentia laudi est;
Factaq; deformat falsus honesta color.*

ἄνθρωπος in quendam.

*Scilicet audaces fecit ignorantia rerum,
Sed tragicos casus qui sacra turbat habet.*

Auc

*Aut mens Vulcanum, aut forceps indocta fefellit,
 egerit, voluit cadere, fecit eger.*

Henrici RantZouij, Eq. Hols.

EMBLEMA DE
 AVLA.

MOEnia quæ summo spectant de vertice mōtis
 Sydera, dic quodnā nomen & omen habet?
 Aulam Roma vocat, sedes Regumq; Ducumq; est,
 Luxu, diuitijs, ambitione potens.
 Lubrica mortalis vitæ & sinuosa palestra,
 Excipiens prauos non minus atq; bonos.
 Cur iuuenis, Lauri residens viridantis in vmbra,
 Tristia defixus lumina spectat humum?
 Ille operum patiens mœsto sub corde volutat,
 Quam malit vitam, quod studiumq; sequi.
 Ne trahat ignauam lasciua per ocia vitam,
 Molliaq; ætatis tempora ducat iners.
 Spes Dea curniuea iuueni stat proxima palla,
 Commonstrans digitis regia tecta suis?
 Allicit incautas Iuuenum Respublica mentes,
 Et splendor, nimias qui comitatur opes.
 Sed cur astat honor Tyrio velatus amictu,
 Cui leuis Ambrosio spirat odore corā?
 Nominis & fama cuncti fulgore trahuntur:
 Ambitio multis exitiale malum est.

PARS ALTERA,

Cur Fortuna astat lato blandissima vultu?
Adiuuat audaces forsque Deusque viros.
Ergo quisquis amat vitam traducere in aula,
Continget voris aula petita tuis.
Fata hominum cedunt interdum prosera cœptis,
Irrita nec semper fert pia vota Notus.
Quid de nocte struant Bacchusque Ceresque Venusque?
Ocia leuifero condita melle fouent.
Hæc capiunt fluxa iuuenum dulcedine mentes,
Vt se regna Deos inter habere putent.
Interea luxu transacta corpora noctes
Attenuant, animis & vigor omnis abit.
Cur abiecta iacet Pallas? cur aliger ille
Hanc leuat, & Pietas non finit ante fores?
Nil animum formasse iuuat pietate, bonisque
Artibus, & mores addidicisse graues:
Si non eloquio polles, versatile si non
Affers ingenium, multiplicesque dolos.
At iuuenem excipiens, aurata compede victus
Dic cur regales stat LABOR ante fores?
Sit licet immenso circumdatus Aulicus auro,
Sustinet immensi grande laboris onus:
Successusque dolens hominum, cur iuncta Labori
Squallida vipereo felle stat INVIDIA?
Nemo fuit, nec erit, tam prestans fortibus ausis,
Vt valeat morsus effugere inuidia.
Vt comes est, radios per Solis euntibus, umbra,
Virtutem liuor sic comitatur iners.

Aulæ in medio cur torua Calumniæ picta est;
 Et, quam præterea, cætera turba, vides?
 Quonon sacrilega penetrant mendacia lingua,
 Iactag, sub blandis scommota falsa iocis?
 Nam quicunq, sua virtute emergere nescit,
 Obtrecta e alijs, crescat vt ipse, solet.
 Dic cur Perfidia assisit? quòd tempore nostro
 Sub blando est fidei nomine rara fides.
 Pessimus is certè est inimicus, quisquis amicus
 Creditus, occulta subdolan arte nocet.
 Quid fallax media vult Assentatio in Aula,
 Mollia caudatæ tegmina vulpis habens?
 Quisquis adulari palpung, obtrudere nescit
 Blandius, hunc aulam non adisse velim.
 Nam parasitus edax Regum dominatur in aula,
 Principibusq, placet dulcior ora colax.
 Semper adulator vascens popularibus auris,
 Blandiloquus Domino qua placuere, probat.
 Cur iuuenem rursus Nemesis deturbat ab aula,
 En quam non magnis eijciens foribus?
 Admonet hæc Nemesis, ne quis nimis alta requirat:
 Est aliquid parvâ posse habitare casam.
 Multos aula viros ad summum euexit honorem:
 Aulag, permultis attulit exitium.
 Ferre moram, moderari Iram, cõtemnere risum,
 Dura pati; cunctos aulica vita docet.
 Cur Morbus pallens regali limine pulsum
 Excipit, & tremulo tarda Senecta pede?

PARS ALTERA,

Debebant multi, posito bene fine malorum,

Viuerē non vllō sollicitante metu;

Quos vbi iam subeunt morbi, tristisq; senectus,

Deiçit extremo tramire causa leuis;

Despectiq; iacent, & dulcia limina sape

Eiecti mutant, exilioq; domos.

Nil fulsisse iuuat meritis insignibus olim,

Nil rerum molem sustinuisse grauem.

At cur assistit tumultum prope, noxia torquens

Spicula, funesta, MORS violenta, manu?

Fallit spes & honor, fallit fortuna laborque,

At Lachesis certam seruat vbiq; fidem.

Rebus at immodicis animum subducitō semper:

Ante oculos vitæ sit tibi meta tua.

Vix nam
lesit

VALE-



DE VITA PRIVA. 197
VALERIVS MAXI-
MVS DE GYGE.

CVM Gyges regno Lydiæ, armis & di-
citijs abundantissimo, inflatus animo
Apollinem Pythium sciscitatum venisset;
an aliquis mortaliū se esset felicior: Deus
ex abdito sacrarij specu, voce missa, Aglaū
Psophidium ei prætulit. Is erat Arcadum
pauperrimus, sed ætate iam senior: termi-
nos agelli sui nunquam excesserat, paruu-
li ruris fructibus, ac voluptatibus conten-
tus, Verum profectò beatæ vitæ finem A-
pollo, non adumbratum, oraculi sagaci-
tate complexus est. Quocirca insolenter
fulgore fortunæ suæ gloriante respondit,
magis se probare securitate ridens tugu-
rium, quam tristem curis, & solitudini-
bus aulam; paucasque glebas pauoris ex-
pertes; quam pinguissima Lydiæ arua me-
tu referta: & vnum aut alterum iugum
boum facilis tutelæ, quam exercitus, &
arma & equitatum, voracibus impensis
onerosum: & vsus necessarij horreolum
nulli nimis appetendum, quàm thesauros
omnium insidijs, & cupiditatibus exposi-
tos.

PARS ALTERA,

PLATO *in fine πολιτῶν.*

Commemoravit Vlyssis animæ forte fortuna postremæ omnium obuenisse, vt eligeret vitam sibi. Hanc, in memoria veterum malorum, morbo ambitionis liberatam, quæsiuisse, longo tempore obeuntem propositas vitas, aliquam hominis priuati, & minime negotiosi: Ac vix inuenisse tandem abiectam & præteritam ab alijs; dixisse autem cum inspexisset; eandem se electuram fuisse, si maxime fors, vt prima omnium eligeret, obtigisset; atque tulisse illam cupidè & libenter.

CHRISTOPH. CORNERVS:

In Ecphrasi Epist. Cic. ad Q. Fr.

In magistratu plus oneris, quàm honoris, vt quidam suavi paranomasia dixit, inest. Nam qui publica petunt officia, sciunt se ingredi vitæ genus, in quo sit plus laborum & curarum, quàm otij & quietis. Hinc rectissimè dicit Demostenes: βίον τῶν πολιτευομένων εἶναι φιλαίτιον καὶ σφαλερόν, καὶ καθεύδην ἡμέραν ἀγῶνων καὶ κακῶν μεσόν.

Idem.

Quo imperium res est maior & præstantior

tior (est autem Platoni πάντες ἔργον μέγιστον) hoc altiori quoque spiritu accipi debet. Da mihi vnum quæso, qui tot contentiones, tot labores & molestias, tot incommoda & difficultates perferre & deuorare queat, qui non singulari ac propè diuino animo sit præditus? Nam qui magnitudine rei vincitur animus, totum is se demittit & abijcit, nec quicquam recte & consideratè potest agere: cui vero se parem putat, licet cum labore & difficultate cõiuncta sit, libenter tamen & cum voluptate in se recipit. Nec dubium est, quin DEVS politicæ ordinationis author, singulares & acres motus in tantis viris excitet: quibus si destituti essent, oporteret quidem sub tanta rerum publicarum mole eos aut succumbere, aut perire. Grauiissimæ enim res, quæ publicam salutem continent, à magistratu gerendæ sunt. Nunc ciuium lites componendæ, nunc improborum conatibus resistendum est, nunc populi motus sedandi, nunc est eundem in bellum, & pro lege & grege pugnandum, nunc deniq; periculo vitæ publica salus redimenda est. Sed vt abiectus atq; humilis animus tam ardua nec aggredi, nec perferre potest; ita sublimis & altus leuia contemnit,

& ne-

P A R S A L T E R A,

& negligit, & non nisi in grandium atque magnarum rerum perfectione gessit gloriari, & excellere. Vt qui nimis graui onere premitur, si admodum robustus nō est, aut illud abijcit, aut deponit, aut certe inclinatur, atque subsidet: ita mens humilis & timida, periculosis atque grauibz negotijs apta esse non potest. Nam quod forti animo satis arduum est, id, me hercules iuuat, à delicato & molli cum laude nunquam sustinebitur. Vulgus putat eos, qui formæ & corporis præstantia reliquis antecunt, imperio dignos esse: quāto magis imperijs sunt præficiendi, quos animi magnitudo & virtus commendat? Quæ etiam de causa Homerus Græcis ducibus ingens & corpus & animū videtur tribuisse. Nam vt ceteros omittam, Priamus Aiacem describens, scire cupit, qui sit;

τίς τ' ἄρ' ὅδ' ἄλλ' ἀχαιὸς ἀνὴρ ἦνσε μέγας
ἔξοχ' ἀργείων κεφαλὴν, ἠδ' εὐρέας ὤμους;

Cui respondet Helena:

ἦ τ' ἦ δ' αἶας ἐστὶ πελώριος, ἕρκος ἀχαιῶν.

Negat quoq; Seneca, Claudium fieri posse Deum, quod corpore sit à diuina maiestate alieno. Indicari enim solet, nec falso quidem, in tam præclaro & formoso domicilio,

micilio, diuinū & sublimem habitare animum. Et rectissime poëta:

Gratior est pulcro veniens è corpore virtus.

Nec ignoramus, à Cicerone nostro in Officijs scribi, maximas res geri, & maximi animi, ab ijs qui rempublicā regunt, quòd eorum administratio latissimè pateat, & ad plurimos pertineat.

Vt autem in singulis politijs semper insignes quidam heroes floruerunt; ita non pauci dotibus ingenij & eruditione clari, cum intelligerent se tantis negotiorum turbis pares esse non posse, relicta Republica, literis & quietioribus studijs se abdidierunt, totosque à Repub. semouerunt, Isocrates enim, dicendi magister nobilis, cum natura esset timidus, & animo imbecilli, maluit domi cum laude Græcas artes profiteri, quàm in imperio cum dedecore suo, & subditorum incōmodis versari. Adeò verum est illud vel Solonis, vel Biantis, ἀρχὴν ἢ ἀνδρῶν δέικνυσσι.

PARS ALTERA,
M. TVLLIVS CICERO,
LIBRO I. OFFIC.

Περὶ τῆς ἀρετῆς βιώσας:

De his, qui se à Repub. remouerunt.

MULTI & sunt & fuerunt, qui eam, quā dico trāquillitatem expetentes, à negocijs publicis se remouerunt, ad ociumque profugerūt. In his & nobilissimi Philosophi longeq; principes, & quidam homines seueri & graues, nec populi nec Principum mores ferre potuerunt. Vixeruntque nonnulli in agris, delectati re sua familiari. His idem propositum fuit, quod & Regibus, vt ne qua egerent, ne cui parerent, libertate vterentur, cuius proprium est sic viuere, vt velis.

CONRAD. HERESBACHIVS
In lib. I. de Re Rust.

VLGVS strepitū aulicum admiratur, purpuratos & catenatos illos, qui rerum & consiliorū apud Principes potiuntur, felicissimos iudicans interim non intelligens, quantū tristitiæ lateat sub splendida illa miseria. Vulgus molliciē pudendam

DE VITA PRIVA. 200
dam honesto exercicio præponit; noctes
ganeis, libidinibus, ebrietatibus; dies lu-
do somnoque consumere gaudet; fortu-
natum ducens, qui nec orientem nec oc-
cidentem solem videat.

Baro à VV.

*Ire, redire, sequi. Regum sublimia castra,
Eximius status est, sed non sic itur ad astra.*

Wegh J. n.

Baro à St.

*Rastra & aratra coli, & campi redolenti prata,
Exiguus status est, sed sic magis itur ad astra.*




IMPRESSVM FRANCOFORTI

AD MOENVN, APVD IOHANNEM

Feyerabendt, Impensis Sigif-
mundi Feyerabendt.

1578.



DE VITAE RVSTICAE

privatæq; laudibus, & contra de

AVLICÆ VITÆ

molestijs,

LIBER ELEGANTISSIMVS,


D. ANTONII DE GVEVARA,

Episcopi olim Monde ventani, & Imp.

Caroli V. Historici.

PRIMUM QUIDEM LINGVA
Castellana ad Regem olim Portugalliæ
scriptus Hispanicè ; atque deinceps per
Antonium Alegrium , in gratiam Reue-
rendissimi Domini Guilhelmi à Prato,
Ep. Claromontani, in linguam Gallicam
translatus ; nunc demum verò ex Gallico
in Latinum quoque sermonem con-
uersus ab Hermano Germ-
bergio VVestphalo.

Cum præfatione
Henrici Petrei Herdesiani.



HENRICI PETREI

HERDESIANI AD CANDIDUM LECTOREM PRÆFATIO.



*V*lica vita, candide Lector, & priuata enchiridion, in Francia primum Orientali (vbi in Aulas sæpe vicinas prodeundi, atque ad ocium rusticum potestas esset redeundi) describendo collegi. Caterum cum Basilea me deinceps atatem in tranquillitate degente, passim requiri idem cognoscerem, non grauatè subinudem renocauì, atque in ordinem accuratiorem redegi. Postquam igitur Sigismundo Feierabenio, Bibliopola Francofortensi clarissimo, proximis Anni 77. nundinis vernis, librum excudendum dedissem, atq; iisdem nundinis exemplaria non tantum diuenderentur omnia, sed plura quoq; tum statim requirerentur, semel atq; iterum ille me, vti volumen recognoscerem, atq; editionem, quàm denuò locupletiorè adornari cuperet, opera mea adiunxerem, interpellauit. Itaq; licet grauioribus distētus occupationibus gratificari statim ipsi non possem, mihiq; in tanta præsertim censorum quorundam seculo nostro importunitate, satis opera in istud iā argumentū insumpsisse viderer, tamen cum quicquid mihi ab officio & munere meo vacat, in literarum studia iam pridem impendere, atq; doctorū

virorum inuenta & lucubrationes ab interitu vindicare sit animus, diutius illius voluntati repugnare nolui. Quāobrem cum D. Iohanne Fichardo I. C. Iusticię Francofurti & eruditę doctrinę Antistite, familiariter re cōmunicata, Enchiridion illud nō solum recognoui, sed nouis etiam quibusdā eruditissimorum virorum opusculis locupletari. Nam cum ex Philippo Cominæo, Aulico experientissimę prudentissimęq; & bonis autoribus alijs, multa ad rem pertinentia huc retuli, tum grauissima illa & nobilis Antonij Fuchsij, & Lazarij Bonamici carmina, antehac non edita, adiunxi.

Interea verò dum hos ago, fortè in illum à multis diu desideratum libellum Antonij de Gueuara, in quo vitæ utriusq; perccnsetur molestias tum commoditates, incidit ille quem modo nominavi, Iuris hęc & eruditę doctrinę præses, atq; per Hermannum Germburgium, virum doctissimum, ex Gallico sermone in Latinū transferendum curauit. Licet autem nos temporis angustia, propter instantes nundinas vrgerent, & subindè nos amici literati peregrè aduenientes interpellarent, vt translationem illius limatiore stylo perpolire non potuerimus, tamen dedimus operam, vt non omnino inornata in publicum prodiret. Etenim quāuis ego is non sim, qui elegantiam linguę Gallicę, hęc interpretationem penitus affecutam affirmē, cum nec Antonius Alegrius, qui (vt in titulo indicauimus) eundem ex Hispanico (quo primū à Dn. Gueuara

Gueuara conscriptus fuit) in Gallicum transtulit sermonem, lingua se Hispanica phrasēs planē assequi potuisse gloriari fuerit ausus: singularū enim linguarum singula proprietates sunt: hoc tamen testificari possum, illū, si nō elegantissime, optima ceriē fide minimeq; oscitante opusculum eruditissimū interpretatum, sententiamq; auctoris, & verborum Gallicorum vim, oratione perspicua plane exprimere, ac fideliter cōuertere conatum esse. Nam vbi inchoatas ille interpretationis suae charitas cū prænominato D. Fichardo, mediocri linguarum peregrinarū cognitione praedito, tum D. Henrico Kellnero I. C. & ipsi genere & virtute in Patrio ciuitatis Francofurtensi ordine clarissimo, Gallicaq; lingua peritissimo, exhibuisset, vtrunq; horū & initium translationis probare, & vti pergeret hortari memini. Deinde verò & alios viros eruditos, eosq; Gallos, cēsores adhibuit, ac feliciter tandē elegantissimū libellū interpretādo absoluit.

Caterum primae editionis protestationem hic repetō, atq; in nullius contumeliam, sed potius bonis omnibus, Tyronibus praecipuē Aulicis, gratificandi studio, hac me opuscula collegisse, inq; lucem edidisse protestor. Quomodo enim Aeneas, quod, vbi ex ancipiti ista nauigatione in portum veniens Dido-
ni Carthagine narrat immanes vndas, sublatosq; in cœlum fluctus, & implacatam Charybdim, &

Ora exertantem, & naues in saxa trahentem
Scyllam, & cæruleis canibus resonantia saxa;

P R A E F A T I O.

*& tetras illas terra marisq; pestes Harpyias, Cyclo-
pas, aliq; monstra: hac igitur naufragus ille q
narrat, quomodo contumeliosus idem in Nautas
videri possit? Aut qua Sossii Terentianus ille ait,
Non hercle Parmeno verbis dici potest
Tantum, quā re ipsa nauigare incommodum est;
O fortunate nescis quid mali
Præterieris, qui nunquam es ingressus mare;*

*Hac igitur quomodo non grata potius acceptaq;
Nauta habeant, quā maledicē in se dicta existi-
ment? Cū plerunq;*

*Nautica de ventis, de Tauris narret arator,
Enumeret miles vulnere.*

*Sed hac, quod bonis eruditisq; operā nostram non
improbari compertum habeam, verbosius hīc non
persequar: Malis verō & ineruditis displicere quā
probari malo. Neq; hīc, dū Aula molestias recen-
semus, politicum ordinem contemnimus, intelli-
gentes nimirum, & Grammatico in sua quasi po-
litia, non tantū vocalib. litteris, sed consonanti-
bus etiam, nec solum tenuibus, sed grauib. & a-
spiratis opus esse: concentumq; musicum acutis
pariter grauibq; confici: atq; igitur ex diuersis
hominum ordinibus vitæ humanæ rationem tem-
perari & constitui. Tu igitur, candide Lector, qua
ex animo bono profecta sunt, boni consule, & vale
feliciter. Ex Gymnasio Franciscano ad Mœnum*

Francosforti 12. Martij, Anno

M. D. LXXVIII.

P A R S

PARS ALTERA DE VITA PRIVATA.

Aulicum non nisi de semetipso queri posse.

Cap. I.



Ostea quàm Philippus ille Macedonum princeps illustrissimus deuicisset Athenienses, accidit quodam vespere dum cœnaret, vt questio inter ipsum & præsentes Philosophos, qui ipsi aderant, moueretur, quæ nimirum, quænam res in mundo omnium maxima videretur esse, inquirebatur. Vnus igitur horum Philosophorum dicebat, quòd aqua in mundo omnium maximum sibi videretur esse, ea de causa, quod vnus aquæ plus quàm reliquarum rerum omnium coniunctarum deprehenderetur: Alius autem id Solem esse confirmabat, quòd is sua luce cœlum, ærem, terram & aquam prætereà sufficienter illustraret: Alius de monte idem Olympo asseuerabat, quod istius montis altitudo suprâ nubes ipsas emeretur: Alius de celeberrimo Gigante Atlante prædicari

Aqua

Sol

Olympus

Atlas

PARS ALTERA,

118. dicari posse putabat, super cuius sepulchro terribilis ille mons Æthna fundatus esset. Alius de maximo poeta Homero dici posse existimabat, quod is, dum viveret, adeò celebris extiterit, & post mortem tantoperè desideratus fuerit, ut septem magnæ ciuitates inter se longo tempore bellum gerentes, aliæ alijs ossa eius pro sacris reliquijs colenda extorquere contenderint. Postremus autem & omnium istorum Philosophorum sapientissimus aiebat. Nihil aliud in humanis rebus est magnum, nisi animus magna despicies: Quo significare voluit, præter animum magna contemnentem, nihil in vniuerso mundo magnum dici posse. O sententiam longè multoque præclarissimam. Hac nimirum sapientissimus ille nos docere voluit, quod, quando de diuitijs & mundanis honoribus dubitatur, is, qui ea omnia magno animo contemnere potest, laudabilior illo sit, qui sibi comparare non veretur.

Titius Liuius, quanquam laudare voluit bonum illum consulem Marcum Curium, minimè tamen id satis assecutus esse videtur. Ad illius enim ædes, posteaquã Samnitum legati venissent, ut certam quandam terram, quam ipsis eripuerat, ab eo

recu-

recuperarent, eumq; in finem plurimum
 & auri & argēti offerrent, is fortè fortuna
 quasdam herbas, mox deindè coquendas,
 emundans, illis, vos, inquit, hoc argen-
 tum præfēctis & ductoribus, qui, si ipsi
 suum cibum coquant, de existimatione
 dignitateq; sua detractum iri putant,
 non mihi offerre debuissetis. Ego enim
~~in id non incumbo, vt magnas acquiram~~
~~diuitias, sed vt in eos, qui diuitiarum do-~~
~~mini dicuntur, ipse dominium obtineam.~~
 Quid? Marcus hic Curius, an non mere-
 batur plus laudis in eo, quòd Samnitum
 pecuniam cōtempnit atq; despexit, quam
 Cōsul Lucullus, qui Spartanos expila-
 uit? Sapiens ille Crates, an non mereba-
 tur plus gloriæ, quòd diuitias in mare de-
 iiceret, quàm Rex Nabuchodonosorus,
 qui furatus templi thesauros, eos inde se-
 cum asportauit? Insulis item Balearicis,
 nōne plus honoris tribuendum putas,
 quòd aurum & argentum planè repudia-
 rent, quàm Græcis istis auaris, qui fodinas
 Hispanorum vi diripiebant? Augustus
 Imperator ille bonus, an non excelsiore
 fuit animo præditus, quòd imperium con-
 temneret, quàm Iulius Cæsar illius auun-
 culus, qui illud occupabat?

PARS ALTERA,

Si quis graue quoddam negōcium tra-
ctare velit, opus est prudētia & experien-
tia ad instituendum, industria ad perfe-
quendum, fortuna denique ad absolu-
endum. Sed vt, quando fuerit absolutū, con-
feruetur, ingenti conatu, vt verò contem-
natur, animo magno peropus est: ideò,
quod quis facilius contemnit ea quæ vi-
det oculis, quàm quæ iam planè in mani-
bus habet. Notum est, multos præclaros
viros extitisse, qui tam prospera fuerint
vsi fortuna, vt res humano captu maiores
non duntaxat aggressi verumetiam cōse-
cuti sint: qui tamen animi defectu se post-
eà, tametsi vellent, illis exonerare non po-
tuerint. Vnde sanè perspicitur, quod ani-
mi magnitudo nō tam in eo spectetur, vt
quis id, quod expetit, consequatur, quàm
vt, quod magis amat, dedignari possit atq;
contemnere.

Apollonius ille Titaneus an non con-
temnebat propriā suam patriam, Asiāq;
peragrabat, vt in Indiam Hiarchæ Philo-
sophi videndi causa proficisceretur? Ari-
stoteles Alexandri familiaritatē despicie-
bat, vt ad Academiā suā, Philosophiæ do-
cendæ gratia reuerteretur. Nicodius the-
saurum, quem ipsi magnus ille rex Cyrus
imper-

impertiebatur, ut eum in militiâ comitaretur, nihil faciebat. Philosophus Ananias Atheniensium principatum ter oblatum repudiabat, asserens ~~malle se bonorum servum, quàm malorum castigatorem esse~~. Cæcilius Metellus, strenuus ille Romanorum dux, neque dictaturam neque consulatum, quæ illi offerebantur; unquam volebat acceptare: quod in pace māducare se velle diceret id, quod in bello magna cum difficultate lucratus esset. Imperator Diocletianus, velut inter omnes constat, libera sua voluntate motus, imperium deponebat: & id quidem non aliam ob causam, nisi ut à reipublicæ tumultu retractus, domi suæ requie perfrueretur.

Maxima quidem laude dignus est ille, qui tanta præditus est magnanimitate, ut imperij quod habet, regni splendore possit continere: sed is, qui semetipsum contemnit nec animo suo morem semper gerit, is verò laude maiori dignus est, idcirco quod mortalium nemo sit, qui, quod adhuc adipisci cupit, non maiore amore persequatur, quàm quod iam nunc consecutus est. Ac, cum minima quis cupiditate aut ambitione laborat, tum si decem dies, pro

PARS ALTERA,

eo quod habet, impendat, centum deinde consumet, ut id quod non habet, habere verò desiderat, aliquando tandem consequatur: cum molestia suscepta non rei cui debet, sed ei solum, quæ desideratur, soleat impendi. Quod peregrinamur, quòd nosmet ipsos excruciamus, quòd somnù sæpè interrompimus, id nulla fit necessitate, nisi ut cupiditatibus satisfaciamus. Quid, quòd eo quod possumus sæpè numerò non contenti, posse quoq; nitimur id, quod expetimus?

O quàm multos in aulis principum vidimus, quibus profectò quam plurimum conduxisset, voluntatis suæ desiderijque, & huius quidem vel in primis, compotes non extitisse. Eiusdem namq; participes effecti, id facientes, quod poterant, quòd que cupiebant, id, quod nò debebant, facere non dubitabant. Quòd si necesse videtur esse, ut ab eo quem nos offendimus, offensæ condonationem petamus, certè non alienum fuerit, si unusquisq; priùs à semetipso, quàm ab alio eam impetrare contendat: ea de causa, quòd mortalium nemo tantis, quandiu vixi, me malis affecerit, quantorum mihi met ipse autor fui. Quis me, quæso, præter meam solius præsumptio

sumptionem & insaniam superbire facit? Quis meū cor triste inuidiæ vinculis constringere auit, si naturæ defectus illud nō facit? Quis in meis visceribus ignem iracundiæ velut inflāmet præter meam ipsius impotentiam longè maximā? Quenam sit causa, quòd in manducādo tam vehementer enormis sum, si non sit illa, quòd ego me delicatè nutriui, gulamq; sectatus vsq; fui? Quidnam causæ, quòd ego pauperibus in necessitate constitutis, de meis facultatibus nihil impertiui, si non est immoderatus ille amor, quo prosequor argentum meum? Quid carni meæ contra sancta mea desideria extollendi sese licentiam concedit, nisi cor meum placito deditum voluptuoso? Omnia generis istius damna manifestaq; delicta cuiānam imputas, ô anime mi, nisi proprio meo sensui carnali? Vt magna prorsus est insania, furem, qui intra domū delitescit, extra eandem inuestigare: sic in nobis etiam manifestū est deficientis experientiæ signum, quando nos in culpa esse vidētes, istam tamen in alios deriuare non erubescimus. Itaque pro certo tenere debemus, nos, de nobis conqueri, non antè cessaturos esse quam nos ipsos emendare inceperimus.

Quo-

PARS ALTERA,

Quoties enim, quoties inquam, virtus, quę nos, vt boni efficiamur, inuitat: & carnalis sensus, qui nos, vt vani peruersiq; simus, incitat, in medio cordis nostri con-
fligunt? Vnde iudicium sequitur obscurum, ingenium perturbatum, cor alteratum & immutatum, postremo quoq; nosmetipsi, tædio fatigati, cruciamur.

Phillis amatrix illa Rhodopeia & Thracensis, sic vt Ouidius ille poëta cōmemorat, aiebat:

Remigiumq; dedi, quo, me fugiturus, abires:

Heu patior telis vulnere facta meis.

Quasi vellet affirmare: O Demophoon, si tempus ad amandum te, mihi nō sumpsissem, argentum deindē, nauesq; ad expediendam profectiōē tuam nō suppeditāsem, tu quidē nō temerē ausus fuisses abire, neque ego de tuo discessu, me contristandi & plangendi, quod nimirum proprijs meis armis intestina mea percussa fuerint, occasiōē nacta fuissem. Si verum credimus id esse, quod Iosephus, de Mariana, Homerus, de Helena: Plutarchus, de Cleopatra: Virgilius, de regina Dido: Theophrastus, de Polycene: Xantippus, de Camilla: Assenarius, de Clodia, dictum scriptumq; reliquerunt: oēs istę ma-

trons

trone, foemineq; principes, nunquam sese
tam malè p suos amatores deceptas intel-
ligeabant, quā cum proprio suo cōsilio te-
merè illis credidissent, atq; consensissent. } XB

Si Suetonio, Xantippo, Plutarcho de-
nique, in eo, q illi de Pompeio, Pyrrho,
Hannibale, consule Mario, Cæsare dicta-
tore, Marco Antonio, alijsq; cō pluribus,
cōmemorant, fidē adhibere voluerimus,
illos sanè nō tam fortunā, q ea permitten-
te alijs ab superati fuissent, q̄ semetip̄os,
q̄ rebus ad suā volūtatē fluentibus, pro-
prio cōsilio, nec nō ingenio sese rexissent,
crimīnatos esse, reperiemus. Illud quidē
verum est, si de iudicando aut consulendo
agitur, opinionē ac consilium consanguī-
neorū & amicorum nostrorū nos aliquo-
ties extra cardines, rationis sic eijcere, vt
nihil aliud moliamur, quā stultum bono-
rum diuitiarumq; consequendarum pro-
fectum. Tandem verò, quando nostrum
quispiam illorū admonitionibus persua-
sus, rem quandam singularis alicuius mo-
menti gerendam suscepit, ad quā confici-
endam illorū requiratur auxilium, tunc
illi sese omnium postremos in auxilio fe-
rendo demonstrant. Vnde fit, vt, si quis
quod incepit, hoc infectum relinquere
velit,

PARS ALTERA,

velit, sine dedecore damnoque suo facere non possit. Plurimi dicunt, quòd inimicos habeant, eosdemque dinumerantes, sese inter eos non referunt; cum tamen, si ratio rectè subducatur, interim verum sit, quòd plerunq; nemo maiorem & infestiores habeat inimicum atque semet ipsum. Etenim omnium longè maximū, quod ego quidem video, periculum est inde, quòd sub progressus alicuius faciendi, & meimetipsius corrigendi prætextu, ipse mihimet ipsi perditionis causa sim.

Neotidas Philosophus aliquando rogatus, consilium quod quis capere posset, omnium præstantissimum, qualenam esset? illud id esse respondit, quod quis, suo proprio contempto, caperet ab alio. Istius rei hanc afferebat rationem, quòd humanæ naturæ deprauatio tanta sit, vt vnusquisque semetipsum quærat inprimis, cum tamen sese reperire non possit: quòd auxilio boni, in alieno delitescens, destituatur. Inde cōsequitur vt potior vita nostræ tempore, ipsa vita nos decipiat, mala vnde libet exorta nos adorian-
tur; cogitationes redarguant; amici dese-
rant; persecutionibus exposti vexemur;

& meris molestijs vita nostra consummata, ambitiones tandem nos sepeliant.

Si nos cogitaremus quid simus, unde simus, qua denique de causa simus inveniremus utique, quòd principium nostri, sit obliuio: medium, labor: finis autè dolor: illaq; omnia coniuncta, non nisi manifestus error.

En tibi, quam tristis sit, cùm aliorum omniũ, tũ verò vel inprimis ipsiusmet aulici vita. Certè, non minus illa periculosa putari debet, quàm via quædam lapidibus ad celsitandum referta: quàm volutabrum, ad polluendum: quàm glacies ad cadendum: quàm semitæ ad aberrandum: quàm portus ad transeundũ: quàm fures, qui metum incutiunt. En, inquam vita, quæ tot ad expediendum habet negotia, vt difficulter admodum quò vult aliquis, eò visu saltem pertingat, tantũ abest, vt quò cupit abire, eò perueniat. Hæc omnia sunt à nobis eum in finem dicta, vt aulici perspicerent, quòd nec ego, nec ipsi, quod bonũ sit, eligere: quod malum sit, negligere: quod cum damno coniunctum sit, euitare: quod conducatur, conseruare: obsequi rationi, occasionẽmve aucupari sciamus: sed, si quid boni nobis

PARS ALTERA,

ex insperato eueniat, id fortunæ acceptū referamus, si quid mali, omnem innox culpam in infortunium reijcere soleamus.

Neminem cuiquam, vt in aulam ingrediatur, neque quenquam cuiquam, vt ex aula, si iam nunc in illa versetur, egrediatur. sed vt id quilibet vita genus, quod præ cæteris amat, eligere studeat: consulere debere.

Cap. II.

ARistarchus celebris ille Thebanorum philosophus, *Quid optes aut quid fugias, nescis, ita ludit tempus*, aiebat. Quo significare voluit, & tempus & hominū res adeo mutabiles esse, vt vel sapientissimi quique, quod sibi bonū sit, eligere: quod contra malum sit, effugere nesciāt. Hoc enim certo verius nihil esse potest: cum videamus quotidie, quod, dum hic cōualefcit, ille in morbum incidit: dum hic fortunatior est, ille miserior euadit: dum hic per fauorem recipitur, ille excluditur: postremo dum hic viuit plane cōtentus, ille eousq; miseriarum redigitur, vt de ipso conclamatum videatur.

Cum doctus ille vir Alchimus à Mecæ-nate suo rege Demetrio, in quantâ re, omnium maximus in hoc mundo labor præcipuè

cipuè confisteret, interrogaretur: nihil
 admodum esse, quod angori suspitioniq;
 in mundo non sit obnoxium: in primis
 verò molestiam in mundo omnium ma-
 ximam, immoderatissimumq; laborem,
 cui exantlando mortales subiecti sunt,
 esse, ~~contentum esse rebus praesentibus~~
 non esse posse, respondit. Ac id esse ve-
 rum patet indè, quòd, si vlla aliqua re pos-
 semus esse contenti, eam, licet omnium
 minima videretur, paradisum quasi no-
 strum putaremus esse: ex eaque volupta-
 tem omnem, vitæque nostræ quietem
 metiremur: id quod faciunt mortalium
 multò paucissimi. Viuentes enim, sic vè
 viuimus, nullo contenti: experiri qui-
 dem optaremus & scire, bonumne sit re-
 gem aut principem, equitem, maritum,
 religiosum, mercatorem, agricolā, pasto-
 rem, esse: nostroq; vitæ genere neglecto,
 aliud quodcūq; periclitari vellemus: cum
 omnib. interim benè ponderatis, vix ali-
 quid inueniamus; q̃ constāter amplecta-
 mur. Tam scilicet inconstans est hominū
 leuitas. Sapiens tamen in huiusmodi rerū
 delectu, diligētia tanta, quāta fieri potest,
 mediocritatem spectare debebit. Stultus
 aliquis animiq; vir abiecti, facile cōtentus

PARS ALTERA,

est re vel qualicunq; : Magnanimus verò cogitat, q̃ si vitæ genus humile comitem habeat molestā paupertatē, excelsum certē fortuna quadā periculosa non careat.

Plato, cū adhuc adolefceret, insigniter & humanus & mundanus erat. Nec id mirum : quòd plurimatum foris in bellis, tū verò domi in Reipub. negocijs ob- eundis, tū deniq; mechanicis artibus exercendis, expertus esset. Is die quodam rogatus, ~~vbīnam omnium maximam frugalitatem & vitæ tranquillitatem depre-~~ hendisset? nullus est, inquit, in mūdo sta-
 //tus, qui mutatione careat : nullus est ho-
 //nor, qui periculum adiunctum non ha-
 //beat : nullæ sunt diuitiæ, quæ, vt labores
 //molestiæque maiores non suscipiantur,
 //efficiant : nulla est prosperitas, quæ non
 //finiatur tandē : nullæ deliciæ sunt, quæ nō
 //deficiant. Vt verbo dicam, ego nunquam
 tam benè contentus fui, quàm ab eo tem-
 pore, quo negocijs civilibus relictis, ad li-
 bros meos, veluti bonos vitæ meæ focios,
 reuerti. Quo significare voluit, quòd nos,
 quamdiu mundo simus addicti, desideremus omnia, probemus omnia, procure-
 mus omnia : sed omnib. benè visis & qua-
 si degustatis, nos omnes omnium causa
 coqua-

coquamus & maceremus. Maxima verò infatiabilis desiderij nostri pars oritur inde, quòd nostrum multum, parum; sed alienum parum, nobis in contrariam partem videatur esse multum. Nos enim nostram felicitatem, molestiam; alterius infortunium, quietem nominamus. Nos rationem, quam alij in suis rebus gerendis observant, approbamus; sed nostram condemnamus. Nos vigilamus aliquantulum, vt rem quampiã inueniamus, sed mox obdormimus, vt eandẽ rursus amittamus. Nos nobis imaginamur, quòd omnes alij vitam degant vsquequaq; pacatam: nos verò solos fortunæ telis expositos esse: & quod adhuc peius est, nos quod saltem somniamus, id verũ mox esse credimus: id verò quod vigilãtes apertis oculis spectamus, fide dignum non arbitramur. Quam quis in vita viã sequi, quòdve vitæ genus potius eligere debeat, nemo pro certo scire, ne dicam alij demonstrare potest: idẽ, quòd in huiusmodi delectu varietas adẽ fastidiosa quædam, atque multiplex occurrat, vt is, qui delicato iudicio præditus non est, in tali consilio alij communicando sæpissimẽ fuerit hallucinatus atque deceptus.

PARS ALTERA,

In mari nauigare velut est periculosum: sic & super terra proficisci, tēdiosum. Ad ipsam vitam si quis oculos conuertat, is vno & eodem momento sano corpore pręditos, in morbos incidere: & ex his alios vita priuari: alios lethali angore liberari: alios denique diu languere & conflictari, comperiet. Si de profectiōe quęstio sit, deprehendetur, quòd is, qui lento gradu incedit, ad hospitium tam citò perueniat, quàm is, qui, dum nimium festinando sese promouet, à via deflectit! Si de fauore dubitetur, nos eum qui vitam suam in ocio summo traducit, fauore commiserationeq; plus adiuuari comperiemus, quàm eum, qui laboris continuati gratia, sudore plenus victum quęritat. Hinc itaque concludere licet, ~~nihil in vniuerso mūdo tam certum esse, quàm omnia incerta esse.~~

Nos igitur id, quod hactenus expositum fuit, ad propositum nostrum accommodantes, asserimus: quòd alicui consullere, vt matrimonium contrahat, vel literarum studio sese dedat, vel in militiam abeat, vel ad aliud qualecunque vitę genus animum adiungat: res plane temeraria sit: pręsertim cū nemo sequi debeat

beat id, quod alterius consilio sequi iussus est: sed id tantummodò, ad quod à natura propensum se videt esse maximè.

Plutarchus, in suis de Republica libris, bonum illum Philosophum Platonem valdè laudat, & id quidem non sine gravi causa. In Academia namque sua rectè beneq; constituenda (sicuti iam consequitur) magna vir utebatur prudentia: idèò, quòd in illam nulli adolescentiori, quin prius exploratus & examinatus, animum à literis non alicnum habere deprehenderetur, ingredi liceret. Hinc, quos ad literas excolendas minus idoneos esse perspiciebat, eos, ut in republica negotiatores essent, rursus à sese remittebat.

Alcibiades ille Græcus, eius rei, quam disputamus, testis locupletissimus esse potest: qui, cum valdè iuuenis ad doctissimi cuiusdam magistri ludum literarium fuisset adductus, naturæ tamen aliquo raptu, armis fuit adèò deditus, ut præter ea nihil omninò studeret. Eum, qui natus est ad id, ut gladium lateri gerat accommodatum, stola de collo dependens malè decet. Ei, qui pascendis ouibus delectatur, in aula esse non licet. Ei, quæ nubere cupit, velum portare, onus

PARS ALTERA,

est gravissimū. Cur, quæso, cum velit aliquis, qui barbitonsor esse cupit, artē pingendi profiteri? Si quis amico suo sit auditor, vt certum quoddam vitæ genus eligat, artificiumq; discat, benè facit ille quidem; sed alicui dicere, qualenam sine vlla exceptione debeat eligere; nullis id modis approbandum puto.

Lycurgus, Lacedæmoniorum legislator, patribus (magnas illis, qui contrariū facerent, pœnas comminatus) præcipiebat; vt ne liberos suos vlli in vlla disciplina formandos antè committerent, quàm annos quatuordecim plenos exegissent: vt ex ætate nimirum de indole iudicium fieri, & quò ipsi sua sponte magis inclinarent, explorari posset. At verò huius generis anfractus missos facientes, id quod potissimū Lectori consulendum videatur, exponamus age.

Consulere cuiquam, vt aula relicta se conferat in villam: vel, vt villa relicta, aulicam contrà vitam complectatur, per cōscientiam meam mihi non licere video. Quod vt est ita: sic alterius sapientia, tanticuiquam nō erit, vt eam in constituendo vitæ genere secutus, id quod minus vtile sit, eligat. Vbi simul & hoc expendendum,

dum, quod magna sit, inter id, quod aliquis amico suo consulat, & id, quod ille facere, debeat, differētia. Sed, vt ego, quid hac de re mihi videatur, in medium proferam: sapientem, disputationibus omnibus omissis, tale vitæ genus, & tali quidem in loco, eligere oportere censeo, vbi se honestè sustentare: vitam sine exprobrationibus agere: securè deniq; ex eadem commigrare possit. Sæpenuerò fieri solet, vt aliquis ex vna prouincia, in aliam: ex vna ciuitate, in aliam: ex vna platea, in aliam; ex vna domo item in aliam sese conferrat: vniq; societati valedicto cum altera quadam communionem contrahat: qui tandem aliquando nihil aliud sibi sperare perspiciat, nisi quòd, vbi cum magna molestia vixerit in harum aliqua, de alia multò vehementius conqueratur. Ratio rei talis est hæc, quòd ille molestiarum harum culpam in Prouinciæ aut loci qualitatem transferat: cùm tamen ea tota in ipsiusmet hominis mala natura sita sit.

Quid ergo prætereà dicemus? nisi q; in aulis, in ciuitatibus, in villis, & alijs in locis omnibus, eum, qui virtutibus operam det, emendatum & sapientem: in contra-

PARS ALTERA,

riam verò partem, eum, qui se vitij oblectet, dissolutum & euentilatum velut esse videamus? Vt enim vitium nec non ipse vitiosus in peius: ita virtus virtutisq; studiosus, omnem in melius degenerandi venatur occasionem, qualecunq; tandem vitæ genus id, quod profitetur, existat. Vt hoc sic esse pateat, proponamus nobis ecclesiasticum aliquem. Quemadmodum nullum prorsus est in Ecclesia munus, quantumvis periculosum, quin eodem fungēdo quispiam seruare se queat: Sic nullum officium tam leue putandum, quin aliquis id administrando æternæ damnationi se quasi propinare possit. Id quod syluestris rosæ comparatione deinceps illustrari commodissimè potest. Ex ea enim apes suum mel, aranea suum fel fugitatque venenum.

Dicamus verbo, quod res est. Bona voluntas, bonum vitæ genus efficit: sic tamen, vt ea voluntas ab homine, non homo ipse colatur & honoretur. Princeps aliquis id quod facere tenetur, facile quidem fecerit: si iusticiam exerceat, & ab omni tyrannide manus absteineat. Miles, si profectus in militiam, promiscuam multitudinem, supplantando
non

non obruat, religiosus, si in peristylio suo spectando non murmuret: maritatus, si familiam suam, ab adulterio abhorrens, sustentet: diues si de facultatibus opibûsque suis in honorem Dei gratis, & vsuras inde nullas expectans, egenis aliquid communicet: agricola, si laboret: pastor, si greges suos pascendo, vicinos suos nullo damno grauet, excusatus erit. De reliquis hominum generibus idem iudicium esto.

Vt id sic esse planum fiat, probemus age scriptura. In statu regio Dauides erat bonus, Saulus verò malus. In statu Sacerdotali Mathathias erat bonus, Ohnias malus. In statu Prophetico Daniel bonus, Balaamus verò malus. In pastoribus Abelus erat bonus, Abimelechus verò malus. In viduis, Iuditha erat bona, Iezabelis verò mala. In opulentis Iobus erat bonus, Nabalus verò malus & improbus. Quin in ipsis Apostolis sanctus Petrus erat bonus, Iudas verò malus & reprobus.

En tibi, quomodo vitæ genus, quod eligit atque suscipit aliquis, causa non sit, ob quam vel probus vel improbus euadat: idque totum in bono malovegenio consistat.

PARS ALTERA,

consistat. Si nos alicui fortasse consulere velimus, vt ruri viuat: dicet ille, cum rusticis conuersari sese non posse. Si eidem auctores simus, vt aulam deferat: dicet ille, negocia sibi vel mille, quæ gerat in aula, suppetere. Si eidem fortè suadeamus vt alicui principi seruiat, dicet ille, se moribus ad id non satis aptis esse præditum. Si nobis consultum videatur, vt ad res sacras animum adijciat: dicet ille, sese tam mane surgere non posse. Si nos ex illius refore putemus, vt matrimonium contrahat: dicet quòd infantium tenerorū ploratus audiens, offendatur. Si quis ei suadeat, vt religiosus fiat, tunc contra sese solitudine minimè delectari prætendit. Si quis ad persequenda literarū studia eum velit incitare: caput sibi sæpenuerò dolere conqueretur. Si quis, vt ad domum suam redeat, exhortetur: sine hominum magna frequentia sese viuere non posse causabitur.

His quæ dicta sunt benè ponderatis, nemo temerè cuiquā, qualenam vitæ genus eligere debeat, persuadere conabitur: & id quidem cum primis, si de honore vitæque bonis coniunctim agatur: ideò, quòd quisquis incipit fortunam suam deplo-

plorare, ille de cōsilio quod accepit, multo magis, atque de malis ipsismet, qualia communicatum consiliū sequendo per- tulit, conqueratur.

Aulicum aulam propter id, quod ibi non benè sit acceptus, minime sed quod egressus ex eadem, virtuti studere cupiat, maxime derelinquere debere.

Cap. III.

PVblius Mimus in suis annotationibus, *Deliberandum est diu, quod faciendum est semel*, ait. Qua pereleganti sententia nos ille docere voluit, compluribus omnino diebus, id, quod vno duntaxat agere necesse sit, nos meditari debere. Rex Deme- trius, Antigoni filius à ducum suorū quo- piam, qui Patroclus appellabatur, inter- rogatus, quid esset, quod cum aduersario suo Ptolomæo non confligeret: conside- rato, quod ipse eo & militaris rei peritia, & numero copiarum longè fortior & in- structior esset, *In quibus*, respondit ille, *po- tentia non habet locum, magno pondere atten- dendum est*. Quo significare voluit, ad eas res, quas, cum factæ sint, nemo (quātum- libet,

PARS ALTERA,

libet, ipsum pœniteat) reddere possit infectas, longo consilio grauiq; prius deliberatione, quàm quis easdem peragendas aggrediatur, opus esse.

Cum Licaoniensium dux ille prudens Ageſilaus vehementer, vt certis quibusdam Thebanorum legatis responderat, vrgeretur *An nescitis*, inquit, *quòd ad utilia deliberandum, mora est tutissima?* An vos, ô Thebani viri, latet, quòd ad rei, magni cuiusdam momenti, deliberationem, melius nihil est, quàm de ea longo tempore cogitare? Plutarchus Sartorij vitam describens, insigniter, illum laudat, ideò quòd ad consultandum tardus, ad suscipiendum grauis & promptus esset. Suetonius de Augusto Cæsare, *Amicitias*, inquit, *neq; facile admisit, & constantissimè constitutas tenuit.* Ad amicos sibi conciliandum, promptus nō erat: postea verò quàm familiaritatem cum quibusdam contraxisset, eam miris omninò modis continuabat.

Huius generis exempla contemplantēs facile adimaduenterint periculum quod illos omnes, qui facturi & aggressuri aliquid nimium properant, consiliūque

umque petendo, ad id sequendum nimium faciles sunt, maneat. Nemo nostrum vestem, quæ consuta non sit, induere sibi vult, nemo fructum, qui sit immaturus: Vinum, quod non sit defecatum gustare, nemo carnem, quæ cocta non sit, manducare: ligno, quod aridum non sit, quicquam vult calefacere. Quæ cum ita sint omnia, quæ nam (ma-
lum) ratio nos impellat, ut consilia quasi viridia seu humida capiamus: quibus videntes, fumemus multò facilius quam incallescimus.

Homo sapiens & cordatus semper de suo negotio maturam tempestivamque deliberationem ante suos oculos debet habere propositam. Nam, cum meditetur vna hora id, quod tantum dicere, horis profecto vel decem meditari debuerit id, quod agere constituit. Quippe, verba nihil aliud sunt, nisi verba: quæ ut semel imprudenter effutita sint, reuocare tamen ac emendare ea potest aliquis: id verò, quod semel inconsideratè factum fuerit, ut infectum reputetur, efficere, hoc opus, hic labor est. Iam, quòd in hac resapenumero peccetur, inde fit, quod unusquisque

PARS ALTERA,

quisq; ad loquendum, disputandum, iudicandum deniq; se assuefacit: sed ad benè beateque viuendum, & ita deinceps gloriôsè moriendum, nemo. Viris grauibus, qui suam sibi sartam te& tamque conseruare volunt auctoritatem, in id incumbere, peropus est, vt neque cāpitones & feroces in eo quod suscipiunt, neque in eo, quod agunt, inconstantes esse deprehendantur. Nam, si quis in sermone suo mendacij, & in eo, quod exorsus est, incōstantiæ coargui possit, ille sibi maculam longe omnium fœdissimam aspersisse cogitet. Magnus animus, onus id, quod imponere sibi vult, diu quasi metiri debet: postea verò, si iuste, cumque ratione fieri possit, multo citius emori, quàm semel in humeros susceptum, deponere: vt ita demonstret, quòd in honestis negocijs animi viriles præcipue sese prodant.

Nisi res arduissima, viribusq; lōge maior visa fuisset: Hectorem ab Achille trucidari: ab Agesilao, Branten: ab Alexandro, Dariū: à Cæsare, Pompeiū: ab Augusto, Marcum Antonium: à Sylla, Mithridaten: à Scipione, Hannibalem: à bonoque viro Traiano, Dacebalum superari: nunquam prorsus illustres illi viri
tantam

tantam famam consecuti fuissent, quantam consecuti sunt. Bonum itaque consilium cum magno animo coniunctum, cogitationes de reb. arduis susceptas moderari debet.

Vt igitur ad rem veniamus: aulicus ita segerat sane nonnunquam, quasi aulam, velut execrabilem, derelinquere, idoneumq; ad vitam ibidē finiendam redire velit: asserens, quod in tali aulę perturbatione vita sua sibi mors aliqua sit continua. Eheu quam multos hæc bella verba pronuniasse audiui? qui tamen id, quod sese facturos esse dicerent, facerent omnium minime: eoque vno sese excusarent, quod ad aulam, qua veluti visco capti, detinebantur, prædestinati viderentur. Quamprimum noster aulicus argenti præterea nihil habet: vel à quopiam læsus est: vel in iudicio causa cadit: nouit Deus, quam sancte promittat, omne missum sese facturum: non ideo quidem, quod ipsum vitæ male actæ poeniteat, sed quod omnia sua negocia præposterum sortiantur effectum. Quod ita cum sit, sanctum tale propositum, parum sane durat: quod id ei vis, & coactio, virtutis inimica, ægre extorserit. Istius rei mihi testis esse

c potest

PARS ALTERA,

potest idem aulicus ille noster: qui, cum prospera rursus vitur ad opes recolligendum fortuna: principique reconciliatus, apud eum redijt in gratiam: ita se gerit, vt eius desideria rursus fringere, voluntatemque in aulam denuo sectandam tantopere videas propendere, vt cum duntaxat aulæ naturæ fuisse dicas. Quippe fauor & auaritia sic ducunt aulicum, vt vtræque hæc magis magisque in ipso augeantur: indeque fiat, vt ad extremum pro Christianis aulicos habeamus. Nam (quod inter omnes omnino constat) velut aula locus est ille, vbi quis amplissimas opes consequatur: sic eadem quoque locus est, vbi quis æternum mereatur exitium.

Causæ, propter quas aliquis, vt aulæ renunciet, commoueri soleat, iam sunt à nobis expositæ. Illæ vero sunt inopia pecuniæ, paupertas, excommunicatio, quando videlicet è gratia pristina sese quis excidisse, item honore priuatum, vel senectute grauatum fuisse videt. Quæ quidem singulæ cum sint tantummodo necessitatis, & ad liberam voluntatem referri nequaquam possint: **verum**

verum est, illum, qui propter istas aulicæ vitæ rursus valedicit, nullam plane laudem mereri. Genuinus vero mundi, nec non aulæ contemptus, est, quando iuuenis, robustus, graciosus, opulentus, & sanus aulicus, suæ bonæ voluntatis instinctu aulam deserit, ut alibi, secundum personæ suæ conditionem, ocio deinceps honesto perfruatur. Hæc eos spectant omnia, ut is, qui aulam derelinquit, alacriter eam derelinquat: neque id se fecisse, sibi postea dolere declaret: ut ne, cum iam dolere desierit, in aulam dictam, ubi quod agat, habere possit, reuerti pudore præpediatur. Homines elati, nec non immoderati, plurima sapius vno solum die committunt, quæ digna sunt, ut toto vitæ suæ curriculo deplorentur.

Ut hoc exemplis illustretur, cholericum quempiam capitonem nobis ob oculos constituamus: qui profecto ad aulam sectandam nullis omnino modis idoneus esse potest. Nam, si cunctas ignominias, & iniurias, quibus afficiatur: si cunctas istas calliditates & fraudes, quibus ab alijs ex aulæ consuetudine cir-

cum-

PARS ALTERA,

eum ueniatur, vlcisci velit: certo certoque sibi persuadeat, vnius horulæ spacio sese plus esse perpeſſurum, quam vel decem integrorum annorum longitudine sese vindicaturum sperare debeat.

Quisquis aulam deserit, rectissime faciet, si non ad tempus aliquod, sed ad perpetuitatem deseruerit: quod, quicumque tædio villæ suæ grauatus, ad aulam reuersus erit, æger existimabitur: præsertim qui febri quadam continua quasi conflictetur. Vt enim, quicumque post commissum peccatum, eiusdemque pœnitentiam, rursus idem peccatum committit, is nocentior sese, quam prius erat, altera vice constituit: ita quoque sese res habet, quod ad aulam: cui qui semel valedixit, & eandem rursus ingreditur, tam manifestum perpetrat peccatum, vt dissimulari omnino non possit, nisi fortasse, aliquem vendendę virtutis, & acquirendarum diuitiarum causa sese recte conferre in aulam, affirmare fas sit.

Sed ad rem. Si nos è sene quopiam quæramus, qualisnam vitæ suæ fuerit ambitus, illeque respondeat, sese plurima suscepisse, errauisse, dixisse, quæsiuisse, inuenisse, perdidisse, sicque deinceps,
confi-

confidenter omnino subijcere possimus, eius vitam, nihil nisi dissimulatam fuisse stultitiam. Quid ergo dicendum de nostris illis aularum dominis, qui talia committunt etiam quotidie? qui dum vel tantillum fauoris appetunt, adeo turpiter viuunt, obliuiscuntur, vt vel contra naturam adulari mendicareque non erubescant.

Intelligas itaque beneuole lector, me & hic, & alibi de istis saltem loqui aulicis, qui (dum parum sapiunt) suas appetitiones refrenare, quodque Deus iisdem fuit elargitus, eo contenti esse non possunt, quæ aulam deserentibus difficultas omnium maxima esse videtur: quod multo difficilius animi, quam corporis appetitiones sedari possint. Corpus enim aliquando tandem peccando fatigatum, peccare desinit: at ipsum cor vel animus, nunquam desiderare desistit. Corporis item constitutio facile cognoscitur atque peruestigatur: at vnius animi instinctus nullo prorsus æuo plene cognoscetur: multo vero minus eius appetitioni, satisfiet: ideo, quod singulis momentis vnum quiddam requirat, cu-

PARS ALTERA,

ius desiderati, duobus saltem diebus elapsis, obliterat memoriam. O animum dissimulatorem! qui, dum syncerus & apertus esse videri vult, hypocrisin, pro deuotione, ambitionem, pro generositate, auaritiam, pro frugalitate, crudelitatem, pro æmulatione, multiloquium, pro eloquentia, stultitiam, pro graui sapientia, dissolutionem, pro diligentia nobis obtrudere conatur.

Eorum, quæ diximus, hoc est caput, ut quisque, quidnam sua ferat conditio, diligenter inquirat, sicque, si se videat ambitiosum, impatientem, auarum esse, in aula maneat: contra, si sentiat aulicus, sua se sorte contentum, pacisque amantem esse, in casa potius villana se contineat. Quod si faciet, intelliget utique, viuere quidnam sit, quamdiu versatus in aula fuerit, in mentem sibi nunquam venisse, quodque tum primum id cogitare cepit, cum se tandem aliquando à negotijs aulicis expediuerit.

Devi-

De vita, quam is, qui rursus ex ulla dis-
cessit, agere debeat.

Cap. IIII.

MIronides & Philosophus eruditus,
 & Bœotiorum dux non imperi-
 tus, hominis prudentiam, non
 tam in fugiendo malo, quam seligendo
 bono, maxime spectari dicit: ideo quod
 communiter accidat, vt sub malo, nihil
 omnino boni: sed sub bono, plurimum
 sæpe mali delitescat. Et, quid hoc mirum?
 cum, veluti præstigiatrix aliqua per cru-
 cis exorsa signum, postea per Satanam, vel
 Barrabam quendam finit incantationem:
 pari quoque modo maxima sæpenumero
 mala, per aliqua benefacta capiant initi-
 um: quod instar laruarū palliata, & in mo-
 dum pillularum saccharo conditarum e-
 dulcata, instarq; rhabarbari deaurata, pa-
 rum cautos adoriantur.

Nullus est inter omnes adeo stupidus,
 quin quod extra omnem controuersia a-
 leam malum esse nouerit, ab eo sibi caue-
 re studeat: sed ab eo, quod intelligit non
 vsquequaq; malum esse, sibi cauere posse,
 id summæ sapientiæ scilicet est indicium.

PARS ALTERA,

Alexander Magnus, cum vulnera quædam, quæ in pugna accepisset, sibi sanari iuberet, ac ab amico suo suauissimo Parmenione reprehenderetur, quod in bello nimium confidens esset: Parmenio, inquit, amice mi, tu contra meos amicos fucatos (si potes) securum præsta: ego enim eos, qui mihi ex professo inimici sunt, facile cauebo. Alcibiades, Agesilaus, Pyrrhus, Antigonus, Lucullus, Iulius Cæsar, hac in re sic fuerunt cauti & consulti, vt, cum semper ab hoste victoriam reportauissent, inter amicorum suorum manus, vitam cum morte commutarent: cuius rei princeps causa fuit, quod rebus vilibus abiectis, vtilis semper elegissent. Quæ nobis ad institutum nostrum referentibus, par esse videtur, vt is, qui aulam deserit, non solum quid hoc sit, quod deserit, verum etiam quid illud, quod rursus amplectendum putauerit, examinet: cum tam difficile, quinimmo difficilius etiam sit, cuiquam bene esse, cum aulam deseruerit, quam illam ipsam deserere. Quid utilitatis consecuturum sese putetis, qui rebus aulae fatigatus, ex ea discedit, si animus eius in isto, ad quem sese confert, loco non

co non acquiescat? Corpus nostrum cibo refectum, quo volumus eo vadit: animus vero nunquam desinit amplius aliquid expetere: vellentque (si fieri posset) in aulis apud principes esse gratus, & nihilominus in villa suis vti fruique placitis atq; commodis. Quod si perturbationes atq; commotiones istas, quas in aula comparauit, aulicus domum suam secum velit auferre, melius illi profecto sit, ex aula pedem non extulisse: cum, quod in solitudine rerum prateritarum recordatio eum plus ac alibi sit quasi morsura: tum, quod ibidem vitam degens in ocio, recordationi tali minus opponere sese possit.

In aulis principum solet accidere nonnunquam, vt & argenti penuria, & magna quædam negocia quempiam à male faciendo deterreant: qui postea quam domum suam reuersus est, facta homine honesto & vrmano tam indigna patrat, vt emendationem, quinimo seueram castigationem mereantur. Est & aliud quoddam genus hominum, qui ideo ex aula discedunt, vt priuatim otiose, & ita viciose viuant: quos ego quidem ex hominum aliorum numero plane deleri vel-

PARS ALTERA,

Iam , idque non sine ratione , cum sit tempus ad delinquendum quærant opportunum.

Alij pleriq; ex aula exeunt ideo , quod honor illorum nec non existimatio periclitari videatur: qui deinde ruri viuentes, ipsum quoque pudorem vnà cum ratione amittunt. Has absurditates, si forsitan aliquis aulam deserens, cuitare vellet expediret ei maximè, vt inimicitias quas in aula degēs præcipue sectatus esset, eas vnà cum perturbationibus alijs omnibus obliuisceretur : alioquin aulicas istas, quas dereliquit, dulcitudines, potius amaritudines, cum dolore rursus exoptaturus: idque vitæ genus quod ingreditur, misere deploraturus.

Illud quidem verum est , quòd aliquis in aula versans , plus condemnandi sui, quam seruandi domi vero propriæ, plus ad salutem consequendum , quam ad interitum contrahendum habeat occasionis: Interim tamen & hoc est fatendum, quod aulicus, qui regionem mutauit, si per eandem simul occasionem, animum quoq; non mutauerit, parum certe profecerit. Quando dicit aulicus: ego me rursus in patriam meam recipiam, vt meæ domo-
mi mo-

mi moriar: bene quidem dicit: melius tamen esset, si eo tempore nulla mortis optendæ facta determinatione, in patriam suam honeste rediret. Hæc enim vita mortalis ita cuilibet proposita est, ut eam nemo ægrè p̄sequi debeat: sed ad eandem quoque corrigendam quilibet est obligatus. Cum Iobus animam suam vitæ suæ tēdere diceret, eo significare certe non volebat, quod vitam molestatam & acerbā sibi putaret, nisi quatenus naturæ vitiositate sese non emendaret. Quisquis aulam deserit, optime quidem potest affirmare, id sese mortis obeundæ causa non facere, sed cogitare debet, è pulchro quodam carcere, è vita quadam perturbata confusaq; , è conuersatione suspicionū plena, è sepulchro splendido, ex quadam finis experte admiratione euadere, atq; à morbo periculosos liberari.

Sapiens in aula singulis diebus se mori: At vero in agris domi suæ, se vita frui non absurde potest asseuerare. Huius asseuerationis est ratio, quod nihil in vniuerso mundo cum libertate, qua quis & quod vult, & quodcumque vult, agit, conferri possit. Quod tamen sic accipi non velim, quasi dicam, multos in aula

versan-

PARS ALTERA,

versantes satis officio suo non facere, sed ideo dico, quod optime sciam, eos loco decem librarum honestæ voluntatis, vix vnā dimidiam libertatis obtinere duntaxat vnciam.

Is præterea, qui aulicus esse desinit, de rebus futuris sollicitus esse debet: operamque dabit, vt omnia sua negotia bene disponat: id sciens, quod diebus non admodum multis, quibus in patriam suam reuertatur, opus habeat: sed ad prauos mores, quos in aula induit, rursus exuendos atq; deponendos, longissimum tempus requiratur. Vt enim homo paulatim nutrit vitia, sic eadem pedetentim rursus extirpare ipsum conuenit. Aulicus igitur, qui priuatim viuere se velle constituit, illa deinde sua vitia, quæ præ cæteris correctionis indigere videbuntur, diligenter etiam atque etiam explorabit, ab iisdemq; se sensim purgabit, sic nunc hæc, nunc alia subinde abijciens, vt vbi perspexerit vnum vitium à sese discessisse, mox in eius locum virtus aliqua succedat, quo progressu temporis è viro bono, vir melior efficiatur.

Aulicus in alia re nulla decipitur frequentius, atque cum triginta totis annis per-

perditus in aula vixit, vnius duorumque annorum spacio sapientem se fieri, seq; totum à capite ad calcem peruestigare seipsum posse putat: nō intelligens videlicet, quod ad vitia dediscendū multo longiori tempore sit opus, quā ad virtutes cognoscendum: præsertim quod vitiosi mores in portas nostras intrent blando cum risu, sed cum planctu ploratuq; rursus indidem decedant.

O ingentem aulici, qui solita præcipiendi potestate priuatus est, perturbationem! o auari, qui lucri nil facit, ingentem mœrorem! o iracundi, cui minandi potestas adempta est, diros cruciatus! E quibus omnibus est concludendum, quod, si magnus animus ad aulam deferendam sit necessarius, sanus etiam sensus ad requiete priuata perfruendum requiratur.

Nunc isti, qui per simulationem quandam deferunt aulam, sic affecti sunt, vt tantum voluptatis ex aula, antea non perceperint, quantam si absint ab ea doloris & cruciatuum cum meo consilio eam non tam deferere deberent, quam prorsus obliuisci. Idem deinceps aulicus operam dabit, vt ex aula sic exeat, quo nullas eodem redeundi relinquat occasiones: ne
videli-

PARS ALTERA,

videlicet cum domus suæ solitudo, voluptates aulae rursus exoptare cogat. Enimvero cogitationes & affectiones in animo quoque viri prudentis, & deserta iam aula cernentis passim episcopatus & splendorum functionum officia, nec non alias dignitates vacare, graue bellum mouët, efficiuntque vt arbitretur, se, si quidem ex aula tam cito non discessisset, ad honores magnos euectum, magnas opes cumulare potuisse. Nouit ipse Deus, an non illi ipsi superioribus temporibus generis istius ali quod officium vacans ambient, per verbum **NEGO** magnis exaratum literis, responsum fuerit: & an non sit multo melius domi suæ quemuis rei familiaris strepitum audire, quam cum magno dedecore in aula repulsam ferre.

Tam angustis agendarum rerum omnium cancellis circumsepti sunt aulici, vt sepe numero necessitate potius, quam voluntate quippiam contemnere cogantur. Quod tametsi verum sit, multi tamen in aula vitam transigunt, ea molestia quasi nõ animaduersa. Aulicus, simulatq; quietis perfruendæ gratia priuatim viuere inceperit, ne locum perturbationibus concedat, in primis annitetur. Alioquin enim fieret,

fieret, vt cum in aula fuisset inuisus, ruri victurus, esset omnino desperatus. Solitudo namque loci, coniugis importunitas, sollicitudo causa liberorum suscipienda, delicta seruatorum, murmura vicinorum eum facile pertertuerint. His interim neglectis, vbi recordabitur quod ex aula periculoso gurgite saluus euaserit, recte pro semideo sese reputarit.

Præterea, nemo certe sibi persuadebit quod, vbi in villam, ibidem commorandi gratia, sese contulerit, ideo ab omnibus omnino perturbationibus, atque necessitatibus liber ille sit futurus: cum fieri possit, vt is, qui in via tortuosa petrosaquæ non cecidit, in plana lapsus vel ipsummet collum perfringat. Necesse igitur est vt is, qui ex aula se retraxit, tempore sic utatur, prout illud se obtulerit, occupatusque sit, quoad eius fieri potest, virtutibus exercendis: ne ocio videlicet immodico nimis sue cogitationibus animi defatigetur, mediocritat sue terminos euagetur: idque persuasum habeat, quod in vniuerso mundo virtuti nihil adeo sit inimicum, quam ocium, quod superfluarum cogitationum, & per consequens, hominum perditorum
solet

PARS ALTERA,

folet esse principium. An nō est deplorandus aulicus, qui præterquam quod bibit, edit, dormit, alij nulli fere dedit: maioremque vitæ suæ partem veluti fumum, vel aliquod somnium, in aula ocio desidique torpens præterire finit: cum ruri sese rebus agendis exercendo, honeste salubriterque vitam sustentare possit? Idem deinceps aulicus id similiter operam dabit, vt, cum ex aula discesserit, hominum & sapientum bonorumque habeat noticiam: & cum his probe delectis ineat societatem: vt, cum prius in aula uiuens, socios habuerit adultores, mendaces, scurras denique, iam contra viros prudentes habeat amicos & familiares: aut, si tales inuenire non possit, bonis libris reliquum tempus gratis impendat: tantamque erga omnes exerceat modestiam, vt dici vere possit, eum ex aula egressum, quo bonis placeret & probaretur, non autem dominaretur. Si quis eum forte ruri consulem creare velit, aut aliud ei publicum munus iniungere, ego ipsi consulo, vt ab eo sibi veluti quadam peste caueat: cum nihil omnino tam turbidum, nihil ad sustinendum ferendumque tam durum sit animo, quam communis populi

puli regendi prouincia. Non dico, quod ipse non possit, aut non debeat villicos egenos vel sua aulæ noticiâ, vel pecunia sua, gratiaque si opus habuerint, adiuuare. Quinimo, si seditiosos eos esse viderit, placare: si inter sese coram iudice contendere velle perspexerit, reconciliare: si per alium modis indignis tractari cognouerit, ab eo vindicare debet. Hinc enim consequetur, ut à communi populo magni æstimetur, & à sapientibus etiam concelebretr.

Videat idem noster aulicus etiam atque etiam, ne vel in vestitu prodigus, vel in cibis delicatis, vinisq; pretiosis, dum conuiuia parat, apponendis sit superfluus. Finis enim, propter quem quis aulam derelinquere debeat, est, ut in posterum sobrie non delicate viuatur, naturæque, non autem voluptati satisfaciatur. Nam, si contrarium admittat, è villa aulam fecerit, cum ex aula villam facere debeat. Misericordiam quoq; debet habere sibi longe commendatissimam, sic, ut ægros & incarceratos inuisit, pauperibus succurrat, orphanos denique consolando reficiat. Sacram vero scripturam præcipua leget cum diligentia. Cogitabit etiam, ut, quid de bonis
f. suis

PARS ALTERA,

ſuis fieri velit, dum adhuc bene valet, accuratè diſponat. Quamprimum enim ex hac vita diſceſſerit, ſatis multos inueniet, qui bonis eius auferendis ſeſe onerēt, ſed neminem qui animum ipſius, peccatis exponeret.

Postremo conſulimus ei qui aulam deſeruit, vt ad aliam rem nullam magis incumbat, quam vt ſe ad bene beateq; moriendum componat. Nec vero eſt, quod quis ea, quæ modo dicta ſunt, facile quidē ſcribi, ſed difficulter præſtari poſſe dicat. Nam, ſi vires, vt oportet ſane intendere vellemus, inueniremus nos multò plus poſſe facere, quam de nobis noſmetipſi cogitamus.

*Ruſticam vitam præ aulica tranquilliorẽ,
priuilegiatamq; magis eſſe.*

Cap. V.

Ponamus vero, quod villæ, de qua verba facimus, atq; dominiorum ad eandem pertinentiũ libera nec non allodialia bona ſint omnia, & ita nulli vel directo vel vtili domino (quod in his obedientiæ terris accidit) ſubiecta ſit: habet illa tantum priuilegij, vt quiuis in domo ſua quam vel per ſucceſſionem, vel em-
ptionem

ptionem quasitam possidet, libere, nulloque seruituti, qualis illa cunque nominari possit, obligatus viuat: id quod in aula, siue qui illam sectantur, seu, qui in ea commorantur, spectes, ita non est. Oportet enim ut aulicus ille noster hospitiorum præfectum sibi deuinciat, tesseram habeat, eo quo vult, tarde veniat, hospitem suum offendat, portas effringat, muros demoliat: pauimenta quoque domorum corrumpat, ignem vel è scobe faciat: hospitem quoque nonnunquam percutiat non solum, verumetiam vxorem eius aliquando violet.

Oter & quater felicem, qui habet, vnde sese ruri sustentari potest: Cui tot longinquas terras, emetiri: tot hospitia commutare, tam diuersarum gentium, conditiones & mores experiri, & ita quenquam offendere, necesse non est: sed qui mediocribus suis contentus facultatibus omnibus eiusmodi molestijs exemptus est.

Aliud est villæ priuilegium, quod homo nobilis aut ciuis, qui ruri rerum suarum sedem collocauit, maximus: aut vnus saltem ex istius villæ maximis esse potest: siue probitatem, siue honores, siue auctoritatem denique spectare velis:

f id quod

PARS ALTERA,

id quod in aula magnisq; ciuitatibus nemini contingit, vbi quamplurimos esse videas, qui illum, tum seruorum multitudine, tum luxu, tum opibus, tum auctoritate, tum familiarum nobilitate superent. Iulius Cæsar, malle se primas in villa, quam Romæ secundas obtinere, solebat affirmare. Illis profecto, qui magnis ingenijs, fortuna vero tenuiore præditi sunt, in villa cum honore, quam in aula abieceret, & sine fauore vitam trahere præstaret. In cello nempe, & humili loco degere, discrepant in eo, quod is qui degit in humili, pauperes, quorum misereatur, sibi multos obuersari videt: sed is, qui degit in illustri, multos opulentos contempletur, vt ob inuidiam macie contabescat.

Aliud est ville priuilegium, quod vnusquisque bonis istis, quæ Deus ei fuit elargitus, in pace fruitur. Nec enim in villiciædes extraordinariorum sumptuum faciendorum, vel eius vxoris filiarumue seducendarum causa quisquam venit. Occasiones male faciendi ibidem velut emortuæ cessant. Villicus enim dumtaxat in id incumbit, vt rem tractet familiarem, gubernet filiolas, filios suos informet, ser-

uos

nos deinde castiget. Ille quietus viuit, nec vlla grauatur importunitate. Viuit ipsi rationi non opinioni suæ conformis: Viuit non aliter, ac is qui moriturum se sperat, non is, qui perpetuo victurum se putat. In villa tibi metuere necesse non est, vt bonum habeas hospitium, non equis mulisq̃ue cistarum baiulis tibi est prospiciendum: tu præter hæc assedatrum clamores: architriclinorum con- quæstiones: coquorum garritus, ibidem non attendes. Nec opus habebis, vt metuas iudicium, quasi iudices tibi futuri sint æquo seueriores: & quod adhuc melius est, nullos offendes ibidem nebulones, qui te fallant, neque fœminas quæ te, velut in bestiam quandam commutent.

Aliud est villæ priuilegium, quod ibi quilibet ad res etiam quaslibet agendas sufficiens tempus (si saltem prudenter id dispertiatur) habere potest. Satis habet temporis vt literis, sacrisque vacet, satis ipsi est oej ad amicos suos inuisendos, atque, si venatione delectetur, ad venandum, ad naturam potu ciboque reficiendam: id quod in aulicorum manu non est: quod videlicet maiorem temporis

PARS ALTERA,

partem ad negociandum, & modo hunc modo illum honore & cultu prosequendum, vel (vt dicam verius) ad suspirandum soleant impendere, sic vt vere de aulicis id affirmari possit, quod Augustus Imperator de celebri quodam Romanorum negociatore, quo mortuo demiror, inquit Augustus, cum tempus illud deficeret ad negociandum, quo modo moriendi tempus reperire poterit.

Aliud est villæ priuilegium, quod villici per totam villam deambulare possint incomitati, sic vt illis interim nullus obijciat, quod grauitatem modestiamque non obseruarint. Dominus nullo stragulo, nullo seruo: nec dominæ gynæceo opus est, sed (quod quidem valde ridiculum foret in aula) vnusquisque solus & sine periculo ex vna vicinia in aliam, ex vna hæreditate in aliam, animi causa sese confert, sic vt nemini de honore suo detrahatur.

Aliud est villæ priuilegium, quod vnusquisque villicus, & quomodocunque & quocunque illi videbitur, abire potest, idque corpus suum quopiam sago, vel thorace vestiendo, manum securiculam,

lam, vel gladium humeris utrem bombardamque gerendo. Si caligæ laciniatæ molestant, perones gestat: si frigus eum grauet, pelliculatam vestem portat: vnum & idem ei sunt omnia. Quippe vir nobilis ruri viuens, si palliolum tunicamve è panno, calceos è corio confectos habeat, non minus ornate vadit ad ecclesiam, quam magnus aliquis aulae dominus, Mardæ pellibus indutus. Villicus, qualiscunque demum sit, cum nutriendæ familiæ necessaria procurare vult, tam fortunatus est, emporium forumve equa nondum domita, paruoque equulo, frequentans, quam magnus aulae dominus, qui in stadio decurrere volens, equo infidet cursorio, bene ornato, pannisque deauratis obuelato. Summa, pauperi secundum quod decet, viuenti, melius est asino insidere, quam diuiti virum bonum spolianti, equo generoso obequitare.

*Dies ruri longiores, aërem meliorem, domos
denique commodiores quam in
aula videri.*

Cap. VI.

f 4

Perse-

PARS ALTERA,

P Ersequenti mihi villę priuilegia hoc tacite prætereundum non est: quod is, qui inibi uiuit, inter alias commoditates bonum frumentum potest habere, & ita bonum panem, qui nimirum bene sit pistus. In aula vero contrarium fieri consuevit: cum panis inibi sit ut plurimum male coctus, aliove, nescio quo, modo perperam conditus. Causa rei talis efficiens est, quod in aulis ciuitatibusque aut frumenta viciosa sint, aut molendina mala, aut aquę ipsę nihil valeant; propter quas quidem causas multos lethales morbos alias grassatos fuisse constat.

Aliud, quod equidem mirum in modum laudo, est villę priuilegium, quod quis in illa sese plus exercere, tempusque melius collocare potest, ac in aula magnisve ciuitatibus: vbi dissimulare, parum fermocinari, callidum, vindictę cupidum, deambulonem, grauitatis obseruatorem esse, parum è domo sua expatiari, semperque *proijcere ampullas & sesquipedalina verba*, oportet.

O semideum certe, qui ruri commoratur, vbi liberè, quod quis vult loquitur: vbi quis quotidie cū vicinis suis ante portam

tam

tam in platea, vel per ipsam quoque fenestram confabulatur: & id ita quidem, vt de auctoritate mediocri nihil amittat.

Aliud est villæ priuilegium, quod ij qui inibi commorantur, modis infinitis saniores, & minus ægri sunt aulicis & vrbanis: ideo quod in vrbibus istis magnis domus sunt altæ, plateæ sunt angustæ & lutoſæ, & ita cauſæ, vt aër in illis corrumpatur, qui corruptus morborum deinceps humanorum quasi quædam procreatrix esse solet. Ruri vero domus amplæ sunt magis, homines ipsi dispositi melius, aër est præstantior, sol est clarior, terra magis est desiccata, priuata communiaque bona sine contentione præterea reguntur & administrantur, exercitia magis continuantur, societas hominum inter ipsos est securior, & in primis cogitationum molestarum ruri minus est, at recreationem longe plus.

Aliud adhuc est villæ priuilegiũ, quod, velut in agris nulli medici iuuenes, ita morbi nulli veteres inueniantur. At in ista aula, si quis aulicus sua bona quatuor in partes distribuatur, prima pars adulatoribus, secunda aduocatis, tertia pharmacopolis, quarta medicorum gregi cedit.

PARS ALTERA,

O villam fortunatissimam, cum, quid venerea lues sit, illic omnino nesciatur. Cancer verò quid sit, multò minus intelligatur. Nunquam ruri de paralyfi narratum fuit. Vbi podagra similiter hæreditaria non est. Nunquam sciuit aliquis in villa, quid sit iulebus, quid bolus, quid sirupus, quid apözema. Nullus ibi premitur angore & solitudine nisi perraro. Quid iam præterea dicam? nisi quod in villa nemo fere sciturus esset, quid mortalrũ sit; quid lapides, nisi mapaliorum erigendorum gratia talibus indigerent: cum tamen nihilominus isti villici casulis è ligno bene compactis plerumq; contenti sint.

Aliud est priuilegium, quod dies ruri videantur esse longiores, & quod eos aliquis ibidem melius impendat, quam vel in aula vel magnis vrbibus: vbi & anni sic elabuntur, vt nemo sentiat, & dies ita prætereunt, vt inde voluptatem nemo percipiat. Iam vero tametsi ruri recreationes maiores sint, quam in ciuitatibus, verum est tamen, quod ruri dies vnicus longius durare soleat, quam mensis integer in aula: qua de causa villa beata prædicare potest, vbi Sol longiorem orbem conficere videatur. Matutinum tempus ad exeun-

dum

dum expeditum & promptum est, serotinum vero in redeundo moratur. In aula vix diem effluere quis sentit: id rursi per-spicitur, dies occupationibus ibidem frequentioribus impenditur.

Aliud est villæ priuilegium, quod in illa lignum, scœnum, paleę, auena, longe minoris emantur, quam in vrbibus.

Ruri præterea cibum capit aliquis, vbi, quando, cum quo denique vult: sed in aula tarde manducatur: cibus malè apparatus, frigidus & saporis expers est: quodq; peius est, cum suis hostibus est cuiq; potissime comedendum: cum bonus interim villicus, è votò suo, extraque omnem viuens suspicionem, hæc tres conditiones quidem laudabiles, quæque circa pastum corporis considerandæ sunt, obseruat, vt nempe cibum paret, paratum quæsitumque manducet alacriter, & vt hoc ipsum in bono fiat sodalicio.

Aliud est villę priuilegiũ, quod villicis, quo occupari nec nõ recreari possint, aliquid vsq; suppetit: quod ipsum de aulico vel ciue dici perinde non potest: qui profecto inimicos à quibus sibi metuant, habent satis multos, amicos vero, quib. cum conuersentur, valde paucos.

O vil-

PARS ALTERA.

O villam recreatricem! vbi quis reti vel hamo, vel calce piscari, feras canibus, funibus, arcu, bōbarda infectari, palumbos, anates, perdices iaculari: in vineis laborantes contemplari: fossas attollere: sepes reficere: cum veteribus agricolis iocari potest. Omnibus his ipsis commoditatibus villici perfruuntur, cum aulici necnon vrbani easdem frustra desiderare cogantur.

Villicos aulicis plerunque feliciores esse.

Cap. VII.

Aliud est villæ priuilegium, quod inibi laborum molestiarumq; minus aliquis experiatur, festisq; diebus sese plus exhilaret, quam fieri solet in aula: vbi propter magnam negociorum deceptionumque confusionem, festusne dies aliquis sit, an vero profestus, nunquam sciri potest,

O villa, nihil iuste fit eius generis, vbi die festo templi præfectus campanas pulsare, fanum emundare, altaria exornare non cessat: vbi populus ipse ornatus est, panis consecratus donatur, dies festi obseruan-

seruandi significantur, sacerdos Euangelium proponit, eque bonorum communionem malos eijcit, vbi post meridiem quisque vel mille lusibus honestis exultat. In vrbibus autem diem quempiam esse festum, inde solum perspicitur, quando mulieres sese fucant, quando quisque in diem vsque dormit, quando quisque post meridiem ludit, & vt summatim dicam, quando dies totus voluptatibus exigitur.

Aliud est villæ priuilegium, quod villici venationibus vacare possunt, id quod aulicis atque ciuibus ita concessum non est. Nam, dum aulicus carnibus vescitur venatorijs, propter longitudinem temporis, quo sunt asseruata, iam plane corruptis, interim villicus ille nihil, nisi recens sanum, tenerumque manducat. Itaque pro temporis diuersitate, quandoque columbos domesticos, turtures, perdices pullastros, quandoque palumbos, erucas, phasianos, capones opimos, cuniculos, lepores, aliasque bestiolas eiusdem generis innumeras ille comedit. Habet idem quoque villicus oues ad se vestiendum: verueces atque capreolos, ad comedendum: boues, ad arandum: vaccas, ad ca-

leos

PARS ALTERA,

seos premendum: porcos, ad falliendum:
iumenta, ad nutriendum: equos, ad ope-
ras suas exequendum, vel etiam, si necesse
sit, ad diuendendum.

Aliud est villæ priuilegium, quod inibi
vir bonus, honore, quo vir bonus affici
debet, honoratur: improbus vero contra
pro improbo reputatur: id quod in aula
fieri non assolet: vbi nullus honoratur ob
id, quod valet, at ob id solum quod habet.
Quantis honoribus ruri vir probus, de sa-
piente suo consilio, quod ei naturæ bo-
nitas impertiuit, exornatur! quantæ illi
gratiæ aguntur! quot deinde munera si-
militer offeruntur! Si quis agricolarum
bonum quēdam fructum inuenit in hor-
to suo, quales sunt melones, pyra, vinum
apianum, illi tanquam de se bene merito,
muneratur.

Aliud est villæ priuilegium, quod vnus-
quisque filias suas suis æqualibus & vicinis
in matrimonium dare, indeq; ex die in di-
em gaudium seruitiumq; sperare potest:
id quod aulici facere nequaquā possunt.
Isti enim filias suas cum illis, qui loci lon-
gissimo diffiti sunt intervallo, cōiungunt,
& sic eas absentes sæpius desiderare, quam
spectare coguntur. O felicem villicum,
qui

qui ipsis præ foribus filiabus sponſos, filijs vero ſuis ſponſas facillime poteſt inuenire. Ipſe eos maritans in vicinia, ſuos generos, ſuos nepotes, ſuamq; totam contemplari poteſt poſteritatem. Ipſe amatur, ipſi in ſuis negocijs auxilium præſtatur, ipſi decumbenti miniſtratur: quæ quidem ſingula, ſolatia certe ſunt ſenectutis ſuæ multo maxima.

Aliud eſt villæ priuilegium, quod homines inibi neque nimium ſolitarij ſunt, neque per nimias importunasq; interpellationes offenduntur: qua commoditate aulici vel vrbani minimè fruuntur, quod in aula ciuitatibuſq; nummi ſæpenumero deficiant, negocia vero grauias indies proueniant, & naſcantur. O villicum beatum, cui, vt ad horam decimam emendicandi conſilij cauſa palatium ingredia-
tur: vt apparitorem ſolicitet, vt præfectum conſilij comitetur, vt coram cauſidico ſeſe præſternat, vt adulatoribus, vt magiſtratui regis reuerentiam exhibeat, neceſſe non eſt: ſed, harum idololatriarum cunctarum loco, è naturæ miraculorum contemplatione magnum capit ſolacium, & ſic ouium balatum, taurorum mugitum, equorum hinnitum, luſcinix
cantum,

PARS ALTERA,

cantum, frequentissimos thraupidum
modulos, ligurinum garritum, canum
cursum, veruecum saltum, capreolos in
altum crura iactantes, pauones caudam
rotantes, gallinas præterea glorientes,
gallos suas cristas erigentes, aliasque vel
mille bestias inter se lasciuientes audi-
re, videreque in delicijs habet quotidi-
anis.

Aliud est villæ priuilegium, quod inibi
quisque maiorem virtutibus incumben-
di, vitiaque fugiendi, quam vel in aula,
vel in magnis ciuitatibus, habet occasio-
nem. Huius ratio est, quod in magnis istis
congressibus vsuuenire plerunque soleat,
vt mille reperiantur, qui à benefaciendo
deterreant, sed decies mille, qui contrà ad
turpiter agendum, quoddam quasi calcar
addant.

Ruri deinceps septimum quenq; diem
sancte quisque colit: obseruat festa: sacris
faciendis interest: audit concionem, salu-
temq; suam per huiusmodi media magna
cum libertate procurat.

Villa deinceps alias ob causas lauda-
bilis est, vtpotè quòd inibi non tam mul-
tæ, quam in ciuitatibus & aulis perdendi
sui mortalium cuiquam præbeantur oc-
casio-

casiones. In villa enim nulli sunt honorum gradus & ordines, propter quos alius in alium inuidiam concipiat: nulli sunt mensarii, per quos in occasiones foenerationis & usurarum prolaboris: nullæ sunt in villa culinæ publicæ, quæ catillonum turbam nobis profeminent: nullæ dominae, quæ ministrari sibi velint: nullæ querelæ seu rixæ, propter quas homines inter sese digladientur: Gnathones aulici, qui quid exigant, nulli, de cursoria, propter quæ quis armetur, nulla: ludi publici, quibus alij alios conficiant, nulli: iudicia quæ metuat aliquis, nulla: nullæ (quod & omnium optimum est) cupiditates, quibus aliquis se totum terræ affigat, in villa sunt.

Aliud est villæ priuilegium, quod quis in ea bona coaceruare, sumptibusque minoribus atque fit in aula, se sustentare potest. Inter omnes enim constat, quàm varij sumptus in aula vulgo soleant fieri, quamque vehementer hac in parte modus omnis excedatur: idque maximè hoc tempore, quo aulici isti apparatus adeo sunt exquisite sumptuosi, ut acri quadam reformatione prorsus indigere videantur. O villicum pacatum, qui nullis aulæis

PARS ALTERA,

è Flandria: nulla sindone ex Hollàdia aduectis, nullis vasis ex argento confectis: nullo lecto viatorio seu castrensi: nullis vestibus fimbriatis vel phrygiatis, nullo curru, nullis mulis, nullis ad eosdem regēdos ministris, nulloque alio comitatu superfluo opus habet: at harum rerum omnium loco, parua quadam, beneque disposita supellectili, tabula videlicet rudior, sellis communibus, spondis omnino planis, vasis stanneis, culcitra floccis tantum referta, cortinis ex simplici panno confectis, duabus tunicis, æstiuale altera, altera hyemali, equo robusto, bono lecto, vno seruo, ancilla item vna bene contentus est. Quippe tam beatus & honoratus est vir nobilis, istiusmodi quadam mediocri supellectili in domo sua ruri, quam quidam diues aule dominus cum suis magnis bonis mobilibus & superbis utensilibus esse potest.

*In aulis principum sancte loqui, sed profane
vivere, moris esse.*

Cap. VIII.

Quemadmodum in aula nulla rigidior iustitiæ viget administratio: nul-

tio: nullus pater est, qui filium suum castiget: nullus amicus, qui amicum corrigat: nullus vicinus, qui vicinum diligat: nullus pastor, qui suas oues, sic vt in Euangelio præscribitur, admoneat: Ita ille, qui natura bonus est, ibidem magnam, vt malus fiat habet libertatem. Si quis in aula adulterari velit, ille mox habet qui socium se præbeat: Si quis inimicitias exercere, mox inueniet, qui gladio manum admoueat. Si comessari quouis etiam momento comedones & bibones obuios offendet. Si publice mentiri facillime quoque reperiet, qui ipsius comprobet mendacia: Si furari, illi mox aliquas subtilitates, per quas voti sui compos efficiatur, suggeret vel millenas: Si tempus ludendo conterere, è vestigio chartas & talos in promptu habebit: Si peierare denique plurimi, qui mercedem polliceantur, erunt. Summatim, in aula maleficiorum generis omnis committendorum viuia proponuntur exempla. In aula enim diuersarum nationum homines vel ad negociandum, vel litigandum, vel famulandum, vel sese saltem commonstrandum & venditandum appellunt: qui, quamprimum quomodocunq; sese inno-

PARS ALTERA,

tuisse perspicūnt, optimatium ministros, sodalitia tympanistas, musicos, adulatores aulicos, & ex his illos præsertim, qui festiuos sese præstant, sectantur: tandemque pauperum nobilium personam representantes, munera, strānas, & vestimenta sibi dari petunt. Illi vero (quod miserum est) qui petentibus istis aliquid impertuntur, hoc ideo faciunt, vt magnificentiores potius quam beneficentiores esse videantur.

Iam fortuna in eo quod aulicis pollicetur, & adhuc multo magis in eo quod donat, est inconstans. Ea namque facit, vt vnus horæ spacio ille cadat, hic vero surgat, ille nascatur, hic moriatur: ignotus promoueatur, fidelis autem seruus obliuione silentioque prætereatur, ille, qui venit, excludatur, qui vero discedit, recipiatur: stulti fide digni habeantur, sapientes mendacij coarguantur: & sic opinio quædam falsa, pro ratione vera suscipiatur. Cum hæc aliaque generis eiusdem, quæ in aulis principum videntur, experientiaque percipiuntur, ita fiunt: vnusquisque fortunam ad ostium domus suę pulsandum venturam esse sperat: cum maior aulicorum pars interim citius

citius è vita excedat , quam vlli fortunæ obuiam detur : id quod vel illis ipsis etiam contingit , qui sese in bona familia procreatos esse fingentes, in aula præ reliquis sapere videri volunt , cum nihilominus interim stultissimi rerumque omnium vsque eo sunt ignari, vt eos aliquis ad stitiam , quam lanceam aptiores esse vere possit affirmare : eademque de causa tandem aliquando ad nullam rem aliam sunt vtiles, nisi vt irrisoribus ludus fiant.

In aula deinceps est hoc incommodum, quod perpetuæ sint inter principes ipsos inimiciæ, inter familiares inuidiæ, inter satellites autem contentiones, inter biliosos rixæ. Atque vt hæc ita fiant, magna inibi semper est hominum copia, qui sese ijs interponēdo & immiscendo, quæstum faciunt longe maiorem, quam bonus aliquis theologus scripturam sacram exponendo.

In aula quiduis etiam permittitur, quiduis dissimulatur, quiduis toleratur: quibuslibet ibi locus est, omnes labore macerantur: & omnis generis homines ibi viuunt. Iam igitur, cum cuiuscunque generis homines in aula reperiantur, qui

PARS ALTERA,

fieri quæso possit, ut inibi nemo mentiat-
tur, nemo ludat, nemo deferat, hominum
que sceleratorum quasi mundus aliquis
infinitus non sit?

In aula hominū corruptis morib. præ-
ditorum alij alios sectantur. Seditiosus
offendit aliquem facillime qui cum fusti-
bus experiatur: adulter, quæ cum scorte-
tur: fur sodalem sui similem, & rei furti-
uæ occultatorem, sophista, disputatorem: &
denique hi omnes, à quo circumuenian-
tur, inueniunt.

In aula rerum sacrarum studiosum se
esse quisque iactat, cogitationesque præ
se fert heroicas. Ille dicit aulam se prope
diem derelicturum: hic, amplius se non
esse negociaturum: tertius denique se li-
tes inimicitiasque prorsus è medio subla-
turum profitetur. Ac reuera bona sunt
ista verba: sed interim animus in mundo
possidendo cogitationem defigit.

In aula cuncti sunt ignoti. Miles inibi
vadit sine armis: prælatus sine habitu: sa-
cerdos, sine breuiario: monachus, sine ve-
nia: filia, sine matre: scæmina, sine marito:
literatus, sine libris: fur, sine speculatori-
bus: gulosus, ab vna mensa ad aliam: va-
gabundus, ex vno loco in alium: leno ab
vno

vno ostio ad aliud, & ab vno scorto ad aliud se proripit.

In aula præterea, cuncti, non secus ac Episcopi ad sacrum chrismatis seu baptismatis accincti, nomina & vocabula rerum commutant.

In aula namq; gloriosus, honorabilis: prodigus, magnificus: ignauus, sapiens: fortis, temerarius: stultus, hilaris: sapiens, hypocrita: maliciosus, subtilis: obtrektor, eloquens: adulter, amator: auarus, tēperans: is qui pauca loquitur, ineptus & ignarus appellatur.

Eorum, qui meliores in aula reddantur, numerum esse perexiguum: qui vero deteriores euadant, prorsus esse infinitos.

Cap. IX.

A Vlico sapienti sua sane sapiētia perparū profuerit in aula, nisi fortuna propitia simul vtatur: ideo, quod obsequia ibidem præstita mox obliuione consepeliantur: amici deficiant, inuidorum numerus augeatur: vera nobilitas locum non habeat: scientia rerum sit incognita: humilitas despecta: veritas occul-

PARS ALTERA,

ta, consilium præterea bonum non admittatur. Fodina verò omnium optima, alchimiaque ditissima, quam quis alicus obtinere possit, est: si prospero vento in puppe vti, ijsque, qui gratia valent apud principes & summos viros, familiaris esse queat: negotiorumque suorum procurandorum curam gerat id temporis, dum ipsi fortuna fauet. Conditiones enim, modique amicitiarum magnorum istorum dominorum retinendarum subinde mutantur. Vt id sic esse demonstretur, Platonem loqui, Ciceronem iurare non est opus: cum nemo nō videat, quod sapiens in stultum, affabilis in præsumptuosum: sobrius in catillonem: pacificus in seditiosum: deuotus denique in Epicureum & atheon degeneret. Vt in aula virtutem comparare magno constat: ita comparatam conseruare magno cum periculo coniunctum est. Ego quaero, an non humilitas periclitetur inter honores: patientia, inter iniurias: Abstinencia, inter epulas: Castitas, inter tot dominas: Requies, inter negocia: Charitas, inter maleuolentiam, pax, inter seditiones, silentium, inter garrulos, sanus sensus siue sapientia inter stultitiam.

In aula

In aula nullus est, qui sorte sua sit contentus. Vnus enim quisque semper habet, quod conqueratur: nunc quidem, quod à rege munera nulla consequatur, nunc vero, quod à principe non promoueatur, nunc, quod vel à Consilij præfecto, qui negocium eius non expediat, vel à ianitore, qui portam venienti non recludat, vel ab ærarij præfecto, qui ei non soluat, vel à creditore, qui faciat, vt ei iure sit experiundum, prohibeatur: nunc de alio quodam, à quo fuerit iniuria grauatus.

Si quis vnas tantummodo literas, quæ cordi sint, in aula legat, subito leget ille quidem vel centenas, quibus offendatur. Vxor enim marito suo scribēs, ei domum significat esse redeundum, ideo quod aut filix iam natu grandes in matrimonio collocandæ sint: aut, quod eius liberi dicto non sint audientes: aut, quod ab amicis negligatur: aut, quod pro beneficijs acceptis ingrati, malo bonum recompensent: aut, quod varijs vndelibet ingruentibus incommodis molestetur: aut, quod à vasallis in ius vocetur, vel alio quodam modo facultates eius atque bona diminuantur: Adeo vt sint in aula, qui pro eo quod quinque solidos tabellario soluunt,

PARS ALTERA,

coronatum libèter daturi sint, vt eiusmodi nuncia non cogerentur audire.

In aula facit aliquis, multa necessitate coactus, quæ domi suæ facturum nunquam esset, licet vel emoriendum sibi perspiceret. Iam prandet cœnatq; cum suo inimico: iam sermones cū isto confert, quicum sibi nulla vnquam noticia intercessit, iam seruit isti, qui talem seruitutem æqui boniq; non consulit: defendit istum, à quo suppetiæ nullæ feruntur: sequitur istum, qui non honorat: mutuatur isti, qui non reddit: tolerat istum, qui iniurijs afficit: confidit isti, qui fallit. O aulicum vere miserū! qui, si egerē incipiat, à nemine prorsus in sua necessitate subleuatur: si in morbum incidat, à nemine visitatur: si è vita excedat, mox eius memoria simul inter omnes ita extinguitur, vt à nemine recolatur: si virtuti studeat, à nemine laudatur: si auctoritate careat, in nullo numero habetur.

Vt in aula nihil est rarius atque difficilius quam virtutem inuenire: sic nihil est, promptius quam triplicis hominum generis velut exundationem reperire, qui nimirum sunt delatores, adulatores, sycophantæ. Sycophanta siue mendaces, principibus,

DE VITA PRIVATA. 237

cipibus, adulatores diuitibus, delatores gratiosis imponunt. Præter hos ibi mulieres, viros, concupiscentia, senes, consanguinei, prælatos, auaritia, sacerdotes, libertas, religiosos, ambitio, præsumptuosos, audacia, confidentiaque sapientes circumueniunt: & isti omnes vna coniuncti per fortunam decipiuntur.

In aula tempus adeo male collocatur, vt ab eo vsque quo cubitu surgit, ad id vsque quo cubitum redit aulicus, nihil aliud agat, nisi vt, quid noui quisque sciat, interroget, in plateis ambulet, literas exaret, de bello communicet, id operam det, vt gratiosorum beneuolentiam conferuet, amicos commutet, cum nebulo- nibus nugetur, amores persequatur, atque ita tempus omne perdat. In aula multo lentius atq; tardius fiunt omnia, quam vlllo alio in loco. Tarde surgitur, tarde ad palatium itur, tarde sacrum peragitur, tarde comeditur, & adhuc tardius vitia emendantur.

Omnia sunt ibi mutationi subiecta & prorsus inconstantia. Honorû gradus ita variantur, vt paruis ad eos ascendētib. magnates ijsdem priuentur. Ibidem præterea
viduæ

PARS ALTERA,

viduæ corrumpuntur : maritatae , diffamantur : filiae pudorem verecundiamque amittunt: acuta ingenia, hebetantur: fortes in pigros socordesque vertuntur: prelati , deteriores redduntur : docti , quæ sciebant, obliuiscuntur: iuniores pereunt: seniores autem iamdudum perditifuerunt. Huiusmodi monstrum scilicet est aula. Ille, qui magnum æs alienum non contraxit, & ita panni sericique mercatoribus precium , sartori vero pro labore confectarum ex ea materia vestium mercedem non debet, aulici nomine dignus non existimatur. Nec ille aulicus dicitur, qui monilia dominæ suæ, corundemque precium aurifabro: species vel aromata (vt loquuntur) pro decisa lite iudicibus: seruis suis solarium , sumptus à se factos hospitiibus non debeat, vnde omnibus in rebus male consultum , semidamnatum esse, concludere liceat.

*Neminem in aula posse viuere, quin vel per
semetipsum, vel alium quempiam
perturbetur.*

Cap. X.

Aulicus

A Vlicus permulta facit, ea magis de causa, vt affirmare possit, quemadmodum alij, sic & hæc ego feci, quam quod necesse fuerit, vt ita faceret. Ille quemuis ad conuiuium inuitat, ne quis eum hypocritam fortassis appellet: ille cum quouis colludit, ne futilis esse videatur: ille cum quouis societatem init, ne solitariam vitam amare putetur: ille dona nebulonibus impertit, ne per illos diffametur.

In aula quisq; perturbationum plenus est. Nam & sic ab ipsa natura comparatum videtur, vt isti, qui illam sectantur, perpetuum crucientur. Oportet enim suos ibi laudare, extraneos vituperare: oportet eos, qui bene faciunt obseruare, sed ijs, qui male faciunt, repugnare: suū cum foetalibus dilapidare: ipsam vitam hostibus obiectare: & id quidem totum, ea tantummodo de causa, ne quis in hominum sugillationes incurrat.

In aula quilibet dominum quendam sibi proprium, cui totum sese dedat, perquirat: hoc interim non obstante, complurium pedissequus esse cogitur. O rem aulici animum rumpentem! cum prius seruitium præstare cogatur, quam mores domini

PARS ALTERA,

domini perspiciat: eum reuereri, qui reuerentia sit indignus: deq; vno saltem die dominum satellitem his verbis: *Si vobis ita placet*, vel centies compellare: &, quando copiam faciendi sui Secretario sit integrum, lustrare: ad portā expectare: eumq; qui nomen carnificis plerumque mereatur, post vnum & alterum item verbum, dominum appellitare, omniumq; opinionem approbare.

In aula veluti grauis est commoratio: sic intolerabilis negociatio. Eheu, quanta est miseria, pauperem quendam sollicitatorem vel actorē negocium suum magni ponderis exequi cupientem, regem ex vna villa in aliam sequi, sic vt male passcatur interim, sed hospitio permulto priori adhuc excipiat. Rex est occupatus, cancellarius est surdus, præfectus ærarij manus non habet, notus oculis est captus, sic, vt sine pecunia, molestiaque longe maxima apud quinq; sensus homini à natura concessos, velut amissos, in aula nil obtineatur. In aula quamuis quis inimicos (id quod perraro solet accidere) non habeat: ab amicis tamen ipsismet diuexatur: adeo quidem, vt quando aulicus in hospitio suo, sui recolligendi causa, dormitum

mitum abit, ab omnibus misere vexatur, quod nec parentes suos inuisere, nec principibus aulico more placere laboret, quod cum diuitibus non conuersetur, auctoritatemque sibi ita nullam conciliare conetur, totus quasi deuoratur. Quo referendum, quod ab impostoribus, & nebulonibus de eo quod non ludat, quod liberalem sese non exhibeat, exhibilatur.

Deinde, quando quis in aula libenter esse cœperit, requietis adeo naturaliter impatiens, & nouarum rerum cognoscendarum cupidus est, vt ceu dominus Aegyptius frequentissime commutet, regionem, mansionem, vestitum, sodalium conuersationem, negotiationes, & alios item similiter viuendi modos.

En tibi amice lector, vitam hominis aulici qualitercunque descriptam: similiter etiam villici quam complures quidem laudant, perpauci vero sibi degendam proponunt, ea nimirum de causa, quod quanto plures libros quisque legat, tanto minus inolitam semelque receptam consuetudinem mutare soleat. His, quæ superius exposita sunt bene expensis sequitur, quod aula principum
virorum

PARS ALTERA,

virorum nullis hominum generibus sint
vtilis, nisi duplicibus, gratiosis nimirum
& iuuenibus, per tempus adhuc iudicio
debilibus. Gratosi quidem, penes quos
tota rerum est summa, se tantopere diui-
tes esse, tantopere metui, tanta fauenti-
um multitudine stipari cogitantes, mo-
lestias aulæ vix animaduertunt: deliciæ
vero quas ibi percipiunt, facile perficiunt,
vt semetipsos obliuiscantur, ac mirum in
modum ignorent. Quod cum ita sit, fieri
tamen omnino non potest, quin illorum
capita cōmotiora perturbatioraque sint,
nimium videlicet onerata. Ipforum nam-
que domus alijs hominum turbis ple-
næ sunt, aures ipforum mendacijs au-
diendis occupatæ sunt, linguæ vero red-
dendis responsis adeo grauatae sunt, men-
tesque nunc huius, nunc illius adiuuan-
di ergo coangustatae ita sunt, vt, quanto
maior est eorum auctoritas, tanto tri-
stiores, & stupidiore esse multoque fre-
quentius lamentari, quam lætari vide-
antur. Imperet igitur inibi, qui vult im-
perare: fidem nec non auctoritatem ob-
tineat inibi, qui vult obtinere: exitus
tandem probat, neminem bonis facul-
tatibusque suis sine honesta quiete, vt
frui-

fruique posse. Tacco, quod iisdem gratio-
si, ad maximos honores euecti, perpetuo
timere cogantur, fore aliquando, vt rur-
sus humiliantur. Eos igitur animo tran-
quillo non esse, colligitur ex eo, quod me-
tus animi tranquillitati sit inimicus. Iu-
venes deinde, iudicio (sicuti supra dictum
fuit) adhuc infirmo præditi, vitijsque ve-
lut excecati, vt aulæ toties nominatæ, non
intelligunt incommoda, ita de fauore
nec non honore ibidem obtinendo non
admodum solliciti sunt: sed voluptatibus
addicti, maiorem vitæ suæ partem in scho-
la nequitæ, sub pædagogo perditionis
consumunt.

*Frugales in aula laudari, dissolutos autem
reprobare solere.*

Cap. XI.

A Vlicus cum vanis & nulla re occu-
patis hominibus societatem, nisi
istorum, quibuscum conuersatur
vt plurimum, similis existimari velit, con-
trahere non debet. Oportet enim quem-
libet id, quod socius suus facit, ipsum quo-
que facere, vel id, quod eum facere videt,
h diffi-

PARS ALTERA,

disſimulare. Neq; eſt, quòd poſſit præten-
dere, cum nullis, niſi ſecretò ſe colere ſo-
cietatem: quòd in aulis ingenia reperi-
antur adco ſagacia, vt non ſolùm, quòd
quiſque perpetrat, verumetiam id quod
cum animo ſuo quiſque cogitat, intelli-
gant. Nam ne quidem tantus tantulùſve
quiſquam eſt in aula quin, quò ingredia-
tur, vnde egrediatur, quò vadat, qui cum
de rebus ſuis conferat, cui confidat, quid
facere conſtituat, exploretur è veſtigio:
ſic, vt verè dicere liceat quod in aulis ve-
la tegere quidem poſſint homines, at ho-
minum vitia non item.

Aulicus etiam commoueri vel offendi
non debet, ſi non tam commoda, quam
vellet, ipſi regis conueniendi poteſtas, of-
feratur: neq; tum quoq;, ſi perficiendi, q̃
libenter vellet, auctoritatem non conſe-
quatur: ideo q̃ is, qui aulam ſectatur, eam
vel deferere, vel in eadem ſic gerere ſeſe
debet, quaſi os ad loquendum, vel manus
ad ſe vindicandum non habeat: ſibi per-
ſuadens hæc ibi cariora, quam veſtes aut
equos ipſos æſtimari. Quicumq; patientia
munitus & armatus in aula non eſt, illi
multo melius eſſet, ſi nunquã è patria ſua
aulæ ſequendæ gratia pedem extuliſſet.

Nam

Nam si vindictæ cupidus sit atque seditio-
sus beneuolentiam, at si priuatim viuere
velit, honorem perdit. Mala omnia, & o-
mnis generis res aduersæ, quibus villici
grauantur quâdoq; , sinem tandem suum
consequuntur, sed in aula semper aliquid
est, quo quis excrucietur. Eius autem rei
quæ nã est causa? Fortuna, ea scilicet, quæ
istis qui eam pro Dea venerantur, quæque
magis opinione, quàm potestate quàm
in mortales obtineat, dominatur. Sed au-
licus non ei, quod sibi naturalis sensus
suadet, sed quod ipsa ratio dicat, assen-
tietur: quòd ille perpetuò velit, vt plus
quàm opus sit, expetamus: hæc verò dun-
taxat id, cuius indigemus. Præterea, cùm
tantus in aula mensurarum, ad vorandũ,
tantus ardelionum, ad ludendum: tantus
contentioforũ, ad sese mutuis ictibus ver-
berandum: tantus nebulonum ad litigan-
dum inueniatur numerus, mirum profe-
cto nemini videri debet, si frugales & in-
ibi gratiosi, dissolutè verò sese gerentes
sint inuisi. Vir bonus in aula est veluti nu-
cleus in cortice: medulla in osse: marga-
rita in concha: rosa in spinis. Ego verò
non dico, mi lector, quòd pro quantitate
qualitateq; vitiorum, quæ in aula vigent,

PARS ALTERA,

omnes qui sunt in ea, vitiosi sint (id Deus omen auertat) sed cum recordor, quod nos omnes homines sumus, inter tot Scyllas & Charybdas, ad bonū quendam portum appellere, rem esse longe omnium difficillimam, mecum cogito.

Quod si dicat aliquis, cautos subtileſque ſic in aula ditari, vt magnæ penes eos pecuniarum ſummæ reperiuntur, ego quidem confitebor hoc ita eſſe: & bene quidem hoc diceretur, ſi ſapientiſſimi & generoſiſſimi quique propter ſuam ipſorum prudentiam in eo numero eſſent, in quo propter audaciam furacitatemque ſuam complures alij ſunt, vt iam nihil dicam, quod virtutis præmiū, cum eo quod eſt fortunæ, nihil omnino commune ſoleat habere.

Aulicus item, vt alijs munera dare non debet: ita nec ipſe ab alijs oblata facile recipiet: ideo, quod non promerenti quicquam donare, mentis impotentiam notet: ab eo vero, à quo quid accipi non debet, aliquid accipere, vile ſit. Qui liberalitatem vult exercere, conſideret ille mihi, quid nam ſit id, quod donat, & quis iſ, cui donat. Nam magnæ prorsus eſſet amentix ſignum, ſi quis aut id, quod non
potest,

potest, donare vellet: aut id, cuius ipsemet indigeret. Oportet item tempus & opportunitatem, & finem, cuius ergo quippiam videatur esse donandum, in munerando considerare. Si quis aulicus minus liberaliter, & nullius accepti doni recompensandi gratia, cuiquam qui & auctoritatem amiserit, & iam nunc sese subducere inceperit, aliquid donet, an non illud donum, quod in istum contulit, male collatum fuisse censendum? An non deploranda res est, quod quis adulatori, qui fictis eum laudibus extollat, vel scurræ, qui risum moneat, vel alicui diserto, qui mendacium colore veritatis exornet: Vel alij, qui res novas excogitet, multo citius aliquid impertiat, quàm fideli cuiquam seruo, qui toto vitæ suæ curriculo meritus est stipendium. Id quod ego non ideo dico, quasi magnis viris persuadere velim, ne multis largiantur, & nullorum præterquam suorum misereantur: sed seruos tantum proprios alienis præferri volo, quod servi dominos suos propter munera, quæ dantur, amore maiori prosequantur, quam propter mercedem illis certo & definito constitutam. Nam dominus ille,

h 3 qui

PARS ALTERA,

qui seruis suis domesticis, quos negligit, intuentibus donat aliqd alienis, sibi certo certius persuadere potest, quod serui proprii non tantummodo de eo quodcumq; sic alijs donari vident, murmurabunt: verum etiam dominum de eo, quod ab ipso designari viderint, per iracundiam quandam accusabunt: & ita fiet, vt, quos amicos habere potuerat, eos infestissimos & maximos sibi constituat ipsemet inimicos. Dona, cum, qui illa recipit, donanti maximè subiectum reddunt. Sic, quisquis à quoquam vel equum, vel vestem dono oblatam accipit, sapiùsq; cum eodem cibum capit, is ei vicissim tantopere sese obstringit, vt ei fauere, eius causam agere, cum ipso conuersari, ab eius partibus esse & stare, idem quod is amat, amare quoq; teneatur? Atq; id quidem rationi maximè consentaneum est, vt is, qui ab aliquo beneficium se accepisse, nouit, erga eundem se gratum declarat: sic tamen vt videat, ne alieno sese tantoperè subijciat arbitrio, vt existimationis interim propriæ obliuiscat.

Multorum sanè liberi, in honesta familia nati, in aulam se conferunt, in eandemq; bonam patrimonij sui partem secum portant, quàm ludendo, comessando,

do, adulterando consumunt: dumque id
 vrbanitatis addiscendæ causa facere præ-
 tendunt, in magnatium sese domos insi-
 nuant, non alium in finem, nisi vt blandi-
 tijs excepti, cibis optimis ibi tractentur:
 idque ita vt more iuuenum, imò valdè iu-
 uenum omne suum patrimonium non
 solum profundant, sed æstimationē quo-
 que simul amittant, tum, quamprimum
 peræ ipsorum fuerint exhaustæ, quoti-
 die plateas, fana, palatia, rerum noua-
 rum inquirendarum gratia, tam assidui,
 quasi munus hoc illis sit proprium, fre-
 quentant: idq; faciunt, vt fabulas & men-
 dacia ad magnorum dominorum mensas
 commemorare, & ita gratis manducare &
 progræcari possint.

Aliud quoddam iuuenum, & bene bar-
 batorum quidem, genus in aula reperi-
 tur, qui inibi dominum, ad quem se re-
 cipient, non habent: & simulatque ex-
 traneus quidam accesserit, ad eum subi-
 to confluentes affirmant, quod ei in aula
 viuendi rationem, palatij conditionem,
 & modum, quo sibi à deceptoribus caue-
 at, demonstrare, & vt gynæcæi præterea
 noticiam habet, curare velint. Quod dum
 miser ille aduena syncerè dici putat, pri-

PARS ALTERA,

mo quoque die quadam tunica, secundo deinde quodam sago, tertio, equo, ipsoque sepius emungitur etiam marsupio.

Aliud adhuc est in aulis hominum genus, qui tam magna cum auctoritate, sed adeo parua cum sagacitate negociantur, vt, cum virū quempiam inibi præstantem frequentauerint, mox eidem seruulum cum charta quadam mittant, eaque quod nobiles sint pauperes, magnatis alicuius consanguinei, quo munus aliquod affectent, sibi que aliquid esse persoluumdum, significant: precenturq; vt suæ tenuitati nummis quibusdā subueniat: cum tanta nihilominus illorum paupertas non sit, quin eiusmodi mendacijs aliquid consecuti, equum, seruum, quid? etiam meretricem sustentent.

Aliud adhuc in aulis hominum fallacium genus inuenitur, qui, dum palatij delectatione capti, sese illi addixere, ab vna ad aliam peruagantur ecclesiam, stipemq; mendicantes atunt, quod pauperes sint litigatores, quodq; mendicare quam furari malint: sicq; obtinentes, vt pro concionibus populo commendentur: bona, quæ pauperibus merito communicari debuerant, ipsi ad sese alliciunt.

Aliud

Aliud adhuc est hominum istiusmodi fallacium genus, qui domos magnatum percurrentes, officiosorumque virorum personam sustinentes, nunc domus magistro, nunc dispensatori, nunc ampullario, nunc eoquo blandiuntur, deq; mensarum residuo viuentes, cum sacculis atq; manicis cibo refertis ad cœnandum inde discedunt.

Aliud adhuc est hominum talium genus, qui bini ternive gradientes, ita sese partiuntur, vt hi hodie, illi postridie, hac illaq; discursantes, si quippiam non satis bene custoditum sit alicubi relictum, perlustrant: siq; gladium, tunicam, thecamve nummariam perditam offenderint, velut ad se pertinentem, secum auferre nō grauantur.

Sunt adhuc alij nonnulli, qui, meretricem quandam, cum aula in alium locum transfertur, secum circumducentes, ac leonum nomine se venditantes, ex eius deploratæ lucro vitam trahunt.

Alij sunt, qui adulteratis tesseris, charisq; notatis infontes & rudes decipiunt, eorumq; pecunias luçantur, animas vero suas perdunt.

PARS ALTERA,

Sunt etiam plerunque mulieres in aula, quæ, simulatque viderint aliter se victum lucrari non posse, libidinosis operam suam addicentes, fallunt eas quæ castæ sunt, subornant maritatas, molestant vicinas, diuendunt filias, quas cum in finem eductas habet: vnde fit, vt istæ perdissimæ puellas vilius sæpenumero æstiment, quàm murænas etiam suas vlli piscatores.

En itaque beneuole lector, aulæ sodalium, en sanctuaria, en religionem, en fraternitatem, en aulæ confusionem.

Vt concludam, per me licet, vt in aulam se conferat: in aula resideat, quicumque volet: ego, cum recorder, me Christianum esse, quem temporis malè collationem reddere oporteat, multò longèque libentius aulæ valedicto terram arabo, meque conseruabo potius, quàm vt a uel regem mea me reprehendente conscientia commorari velim,

*Omnes in aulis principum, quòd facere, quid ve-
lint, nullos autem quòd faciant, affir-
mare solere.*

Cap. XII.

Bias, ille magni nominis inter Græcos
Philosophus, ad regem Alexandrum
Magnum aliquando, *Quilibet in nego-
cio suo hebetior est, quàm in alieno*, dicebat: si-
gnificare volens, in re sua propria quem-
que cæciorem plerunque esse, quàm in
aliena: idque probandi gratia, quosdam
mortales inueniri, qui ad dandum bo-
num quoddam, maturumque consilium,
& ad negotio, quòd ex improviso sese
obtulerit, medendum, si quidem id ad a-
lium pertineat, iudicijs ingenijsque vale-
ant, plus quàm heroicis: quos vel ad suos
benè regendos, vel ad tegendâ suam ipso-
rum miseriam omni sapientia, sensibus-
que adeò communibus destitui, confir-
mabat. C. Cæsar, Octavius Augustus, Mar-
cus Antonius, Septimus Seuerus, Mar-
cus Aurelius, alijque sexcenti, propter ad-
ministrationem tam priuatorû suorum,
quàm reipublicæ negotiorum magnific-
bant: sed ad suas domos, vxores, familiam
denique

PARS ALTERA,

denique regendam, negligentes adeo fuisse legimus, ut illis id ad magnam ipsorum ignominiam sit exprobratum. Sunt qui Reipublicæ utilissimi sint, at familias ipsi suas regere non possint, curatorisque (si dicere liceat) ipsimet indigeant. Narrat Plutarchus celeberrimum illum ducem Nyciam in prælio non succubuisse, nisi tum, cum proprio filius atque nesus ingenio fuisset. Quod si Hiarchæ philosopho fidem putamus adhibendam: res est longe perniciosior, si vir suum proprium amet consilium, quam mulierem: ideo quod, qui amat mulierem, is in semetipsum: sed, qui suo proprio nimium tribuit consilio, is in rempublicam delinquit vniuersam. Quæ omnia eum in finem dicuntur, ut ij, qui aulicos sese profitentur esse, in id imprimis incumbant, ut cum doctis, grauibus, & peritis viris conuersentur. Grauitas enim virtutem docet: quam scientia in actum producit: experientia deinde prorsus absoluit.

Aulicus certe, quantumuis ingeniosus, diues, graciosus ille sit, tamen quodam quasi patre, qui ipsi consilium præbeat: fratre, qui persuadeat: ductore, qui ipsum

ipsum in viam quasi deducat: magistro, qui doceat: præceptore, qui corrigat opus habet: quod aulæ imposturis, deceptionibus, & impietatibus adeo multiplicibus exundet, ut eas nemo sine doctore percipere, nedum vitare possit. Ignavis hominibus nulla facilior & planior ad se perdendum potest esse via, quam si proprio consilio sese moderari velint. Aula perpetuum est somnium: volutabrum fundo carens: incantata phantasia: Labyrinthus, in quem quicumque ingrediuntur, ij se perdunt: sique rursus egredi velint, ut ex ipsissimo eiusdem fundo emergant, opus habent. Nunc omnium optimum apozema, quod aulicus medendis hisce malis adeo multifarijs inuenire possit, est, amicus fidelis, qui non aduletur, sed omnino talis à quo, si tarde redeundo, si nocte discurrendo, si quem colludentem decipiendo, si inhonestè amando peccet, castigetur. Sed ubinam talem reperiatur aliquis amicum? quod in aulis ita fieri soleat, ut amicitia duntaxat inter duos aut tres profligatissimos nebulones ineatur, qui vnà, nescio quam, mercaturam, quos ludos, quas insolentias, quas digladiationes atque conflictus exercentes, alij

alios

PARS ALTERA,

alios non modò non corrigunt, verum etiam occasionem peccàdi difficiliorem, reddunt faciliorem. Quod cùm ita sit, is, qui in aula còmorari volet, operam dabit, vt sapientem quendam sibi conciliet amicum, qui cùm sine metu còmunicare possit omnia, sic, vt alij sint eius amici còmunēs, at verò vnus iste omnium maximè necessarius. Ego simul optarè eundem cum seditiosis, biliosis, vagabundis, nullā prorsus habere communionem, quòd isti plerunq; regem non soluere: omnia in aulicorum gratiosorum manu esse: satellites nimium molestos se præbere: merita malè compensari: bonos in ignoratione versari conquerantur, talibúque & alijs non absimilibus sermonibus efficiant, vt miser aliquis aulicus, cuius aures ita pertunduntur, officium suum negligenter faciendo murmurare incipiat.

Is etiam, qui re vult esse Christianus, dum in aula versatur, prauos suos mores, spe vitæ longioris emendare non intermitteret: cùm, quò quis est senior, cò maiores recentiorum deliciarum perfrueudarum inuestiget magis occasiones, quam vt peccata vetera, quæ commisit in iuuentute, corrigat.

Ita

Ita videas sæpenumerò non paucos, qui quotidie polliceantur: vbi confecerint, tum demum meliores fore: cum nihilo minus ipsis etiam malis genijs deteriores emoriantur. Huius quidem rei causa est, quòd in aula quisque dicere consuevit, *Nos faciemus*: at, *Nos facimus*, omninò nullus.

In aula quoque reperiuntur annosi quidam vetuli, qui reges, quibus inservierunt: principes quos viderunt: mutationes item officiorum, bella præterita, quæ meminerunt: casus quos fortuna volente perpassi fuerunt, enumerare consueverunt: cum ijs omnibus, quæ se vidisse perpassosque fuisse commemorant, non obstantibus, diuitiarum consequendarum, iuueniliumque deliciarum perfruendarum sint adeò cupidi, quasi primum vivere incipiant. O miserrimos, qui perpetua anxietudine, perpetua molestia, nec non infinitis animi perturbationibus obstipati, inde usq; ab infantia, (quæ ad decimum quintum annum pertingit) adolescentiam: virilem ætatem: ipsamq; adeò senectutem, opes duntaxat coaceruando famam familiæ,

PARS ALTERA, 0

miliæ, gentisve suæ amplificando transigant: ne tantillum quidem cogitantes interim, quod loco veræ quietis, & animo & corpori quendam præparent infernum.

Aulicus præterea non temere sibi de suis aduersitatibus, quarum non paucas experietur, conquerendum statuat. Cogitare namque conuenit, quod nos sæpe numero de re quapiam querelam moueamus (idq; nostrimetipsorum vitio) quæ, si loqui posset, de vobis ipsa potius conquestura esset.

Quamprimum videt aliquis aulicus, quod pauper sit, quod auctoritate careat: quod diuites eius obliti sint, quod id amiserit, cuius inprimis participem se se futurum sperabat, mox fortunæ conuiciatur, suumque deplorat infortunium: Cum interim non ipsum fortuna, sed ipsemet fortunam à se quæsitam inuenit.

Est qui statim se diuitias, honores, dignitatesq; consecuturum, opinatur: qui postea se ad paupertatē redigi, abijci, contemniq; vidēs: cum aliter id vindicare nō possit, mox infortunatum se clamat esse:
qui

qui profecto meræ suæ stulticiæ, quæ ipsi, vt suæ domus cōmoditatibus posthabitis, cæco fortunæ euētui sese exponeret, persuasit, attribuere debuerat, cum nemini iustè possit irasci, quam sibimet ipsi, qui fenestram malis suis ipsemet aperuerit.

Id omnium est optimum, vt, si quis est in aula, ibidemq; perseverare vult, multa dissimulet, si quis fructum quempiam laborum suorum percipere vult, vt in id omnes ingenij neruos intendant, si cui grata sit aula, vt maneat: si cui sit ingrata, vt inde discedat: Cum vt aliquis malè sit contentus, id non in loco, vbi quis agit, sed in animo ambizioso & affectibus agitato consistat.

Aulicus quidem hoc sibi pro certissimo persuadere poterit, se, quantumlibet ingeniosus, opulentus valdeq; sit gratus, tanta tamen fortuna minimè in aula vsurum, quin, si tria quædam negotia prosperè fuerit executus, alia vel quinquaginta ipsi vel saltem ipsius amicis sinistrè sint cessura. Quamuis enim hoc in suis vniuscuiusque rebus feliciter successerit, in amici tamen sodalisque negotio longè diuersum poterit euenire. Quod cū fit, ex eo quod amico denegatum fuit, auli-

PARS ALTERA,

cus ille bonus maiore mœrore, quàm voluptate ex eo, quod in re sua obtinuit, afficitur. Sic aulico semper offertur occasio, propter quam sit malè contentus. Quid? Huiusnerci certius aliquod argumentum requiratur, quàm quòd, siue quis in aula sit, siue non sit, alia nulla de re, nisi quid in aula noui acciderit, quid faciat rex, quid principes, quid satellites, quæri audiat?

Iam nullus est, qui non intelligat, cum, qui de nouis rebus ita quærat, nouitate rerum sese non duntaxat oblectare, verum etiam fortunæ suæ mutationem desiderare. Hinc pauperes opulentos se fore, opulenti, imperandi, omnium denique potentissimi, potestatem dominandi sese consecuturos esse putant. Eheu, quàm multi sunt in aula, suspirantes & sperantes, quod rex eorum habeat notitiam, aut quòd is, qui apud regem gratia valet, propediem sit moriturus, aut quòd fortunæ beneficio futurum sit, vt, quibus honoribus alij priuati sint, ad eos ipsi vicissim euehantur. Ita fit, vt tempus expectantes plerumq; decipiat: Cum mors eos ex improviso adorta, tales, quales offendit, abripiat.

Nume-

*Numerum bonorum in aula paruum, in re-
bus publicis esse maiorem.*

Cap. XIII.

Plutarchus in eo, quem de exilio scri-
sit libro, memorie proditum reliquit,
quod olim inter magnum illum Regem
Ptolemeum nec non alios septem lega-
tos, qui diuersis e prouincijs ad eum ac-
cesserat, dum cœnarent vnâ, quæstio: quæ-
nam istarum Prouinciarum respublicæ
melioribus legibus moribusque regeren-
tur: mota sit. Dicti legati erant partim
Romanorum partim Carthaginiensium
partim Siciliensium, partim Rhodien-
sium, partim Atheniensium partim Lacc-
dæmoniorum partim Sicioniorum: in-
ter quos illa quæstio coram rege magno
cum studio disputata fuit atque discussa,
ideò, quod eorum singuli patriæ suæ amo-
re flagrantes, pro ea rationes tam proba-
biles quàm poterant, allegarent. Bonus
itaq; rex ambicens, cum veritatem, quæ-
stionisque motæ resolutionem scire per-
cuperet, iubebat, vt quilibet illorum præ-
nominatorum legatorum, tres conditio-
nes, legesque & consuetudines, quas in
sua quisque respublica sciret obseruari
i 2 omnium

PARS ALTERA,

omnium optimas proferret. Ea nanque ratione futurum putabat, vt, quænam illarum melius regeretur, & ita laudem maiorem præ reliquis mereretur, faciliè perspiceretur.

Legatus itaque Romanus inter illos omnium primus exorsus, Romæ templâ honorari, magistratibus obedientiam præstari, malos castigari aiebat.

Legatus deinde Carthaginensium, Carthagine nobiles viros semper cum suis hostibus bello decertare; populum laborare, Philosophos rudiores informare dicebat.

Legatus Siciliensium, Siciliæ iustitiam administrari, veritatem amari, æqualitatem laudari asserebat.

Legatus Rhodiensium, Rhodi honestos esse viros senes, pudicos esse iuuenes, tranquillâ & illabefactas esse matronas, affirmabat.

Legatus Atheniensium, vt diuites factiosi, populus ociosus, gubernatores imperiti essent, Athenis non permitti pronuntiabat.

Legatus Lacedæmoniorum, Lacedæmone nec inuidiam, quòd omnes inibi essent æquales, nec auaritiâ, quòd omnia essent

essent communia, nec desidiā, quòd omnes laborarent, regnare asseuerabat.

Legatus Sicioniorum, Sicione nullos extraneos, qui res nouas excogitarent, nullos medicos, qui bene valentes enecarent, nullos aduocatos, qui lites in infinitum protraherent, admitti significabat.

Cùm rex Ptolomæus, & qui cum ipso erant, has adeò bonas & sanctas istarum rerum publicarum constitutiones audiuisent, suas cuiusque maximis omninò laudibus extulerunt, asserentes, iudicare se satis non posse, quānam illarum præstantissima dicenda videretur. Quæ quidem historia obseruatione est dignissima, dignior imitatione. Nam si tot legati iam conuenirent, de quæ rebus publicis, quæ sunt hodie, differerent, illos multo plura, & id quidem sine comparatione, reperturos esse, quæ vituperarent, quàm quæ laudarēt, opinor. Olim regiæ domus tam bene erant reformatæ, reges ipsi tam iusti, gubernatores tam moderati, vt inter eos offensæ paruæ castigarentur, & de magnis perpetrandis cogitare prohiberentur: quò videlicet offensarū paruarum punitio malis terrori, sed magnarū pro-

i 3 hibitio,

PARS ALTERA,

hībitio, bonis esset admonitioni. Illud in nostris rebus publicis nō obseruari, liquet inde, quōd in illis tantum malorum atrociumque delictorum committatur. Nos enim (pro dolor) ea, quę veteres isti morte digna iudicantes, meritis supplicijs puniebant, veluti peccata venialia dissimulamus. Sycophantę enim, ijque omnes, qui dissolutę viuunt, à nobis sustentātur, tantum abest, vt à quoquā profligentur. Si qua sit domina nobilis, vel vidua, vel nubilis, vel male maritata, quę amatorum officijs delectetur, ea, tantum abest, vt ab vno saltem, quia malę faciat, reprehendatur, vt vel quingenti, qui illi ad malum quoddā facinus in se turpiter admittendum sint auctores, inueniantur.

O tempora! o mores! quanquam talium malorum causa potius hominum moribus, quàm temporibus assignanda sit, adeò, vt is, qui bonus in nostris rebus publicis appellari potest, omnibus omninò Consulibus, quotquot vnquā in Romana republica fuerunt, sit laudabilior: ideo quòd, vt olim monstri simile putatū fuit, vnum malum inter centum bonos, sic hodie vnum bonum inter centum malos inuenire sit longè difficilimum. Sacra scriptura

ptura laudat Abrahamū, qui in Chaldæa, Lothum, qui in Sodoma, Danielē, qui in Babylone, Tobiam, qui in Niniue, Nehemiam, qui in Damasco iustus extiterit: innuere volens, si qui iusti sint aulici, eos in illorum tam sanctorū virorū numerum referri posse, quod, sicut illis, sic nec his vlli sint, qui ad bene viuendum incitent, multi verò contra reperiantur, qui ad eos perdendos duces se præbeant. In aula tanta erronum, lusorum, blasphematorū, deceptorum denique est copia, vt nemini mirum sit amplius, ibi illorum tot esse, sed hoc mirum sit, si quis alia quapiam de re, quā de illis met ipsis verba fieri audiuerit.

Mundus enim qui nunc est, in rosis suis nihil præter spinas, in arboribus nihil præter folia, in vineis nihil præter labruscas, in granarijs nihil præter paleas, in thesauris suis præter alchymica nihil habet amplius. O vos aurea desiderataque veterum secula! Differentia, quæ inter vos hæcque nostra præsentia secula constitui posse videatur, est, quòd mundus ante vos paulatim degenerabat, qui nunc totus omnino corruptus est atque perditus. In te, ô mundus, quisque suscipit, excogitat, facit, incipit & perficit hoc

PARS ALTERA,

quod ipse cunq; vult: quodque peius adhuc est, ita viuit, quomocunque vult, cum exitus interim sit incertissimus. Parum est in te, ô mundus, quod expectari, parum, quod defendi, parum quo quis frui, minimum verò, quod meritò queat aut debeat conseruari. In contrariam verò partem multa sunt in te, quæ desiderari, multa, quæ emendari, multa, quæ deplorari possint. Nostri maiores seculo vivebant illo ferreo, sed istud, in quod nos incidimus, cœnosum summo iure poterit appellari: ideò, quod illud ipsum nos in perpetuo quodam volutabro detineat immersos: &, vt impuri macularumque pleni perpetuo simus, efficiat.

Aula complures esse molestias, pluresque bonos villicos, quam aulicos reperiri.

Cap. XIII.

HOmerus Poëta labores & molestias Vlyssis Græcorum principis; Quintus Curtius, Alexandri & Darij; Moïses, Iosephi in Ægypto; Samuel, Dauidis & Saulis; Titus Liuius, Romanorum; Thucydides, Iasonis cū Minotauro; Salustius, Iugur-

Iugurthæ & Catilinæ, descripsit: quos bonos auctores ego imitaturus, molestias & ingratos istos labores, quos hoc nostro seculo sine vlla recompensatione tolerant, & ad quos perferendos animi satis, ab iisdem verò sese liberandi sapientiæ nihil habent aulici, ob oculos constituere conabor.

Quòd aulæ labores ingratos appellem, id sua quidem ratione non caret: cùm aulici tam varia incommoda ne tantillum quidem vtilitatis inde percipientes, perpetiantur, vt ijs, velut equus emeritus sarcinis aut aratro assueti videri possint.

Iam, si quis obijciat, parum circumspicere me facere, quòd aulicos infortunatos & afflictos esse dicam, cùm beatum fortunatumque se quisque putet, cui potestas in aula viuendi contigerit; is, si cogitat, illos omnes qui extra aulam viuunt, esse beftias & imperitos, se verò solū sapientem; illos rudes & duros, se delicatum & mollem; illos viles & contemptos, se verò honoratum, illos blæsos, se eloquentem; is, inquam, toto (quod aiunt) cœlo se errare sciat. Nam, si ij qui versantur in aulis, essent, (quod ipsis à Deo quidem precor) omnium perfectissimi, & felicissimi, le-

PARS ALTERA,

thaliter profecto nos delinqueremus, quod aulicam vitam ex tempore nō profiteremur, cū sciamus nullum vitæ tempus melius impendi posse, quā quod doctis sapientibusque viris audiendis impenditur. Verum, quid multis opus est? loca non faciunt vt homines sint meliores, sed homines potius ipsa loca reddunt meliora. Vt huius assertionis exempla ponamus, plurimos in villa modestos ingeniososque viros, qui ruri operas rusticas faciunt, reperiri constat, in aula verò, qui præ nimia tumentes superbia, pro magnis sese dominis ibi venditent, cū re vera stulti vecordesque sint, abundare.

Constat item nō paucos prudentes maturoque iudicio decoratos, ruri delitescere, in aula verò perquam multos rudibus ingenijs, imbecillibusque cerebellis deformatos hærere. In aula item, quam multos esse, qui, licet munera, dignitates, honores, prærogatiuasque consecuti sint, ruri tamen, vix decem duntaxat homines gubernare possint.

Quā multi quæso veniunt ex aula, qui, dum aliorum emendatores esse volunt, illinet ipsi, qui potius à villicis instituantur & corrigantur opus habeant! Proh Deum
im-

immortalem, quàm multa dicuntur ab agricolis, quæ notatu dignissima sint, cum plurima coram regibus interim proferrantur, quæ, ut risibus & sibilis excipiantur, digniora sint! Quam multi sunt in aula, qui in precio & honore habentur, non quod honesti seduliq; sint in munere suo exequendo, sed quod magna polleant auctoritate. Quàm multi cōtrà sunt in agris, qui magis per fauoris, quàm sapientiæ diligentiaque defectum obliuioni traditi, tributisq; onerati sunt.

Principes largiuntur & concedunt officia, ij vero qui gratia apud hos valent, introitum: natura, sanguinis nobilitatem: parentes, patrimonium: merita deinceps honorem: intelligentem vero nec non sapientem fieri, vnius Dei, non hominum munus est ac beneficium. Nam, si principes istis, quibus ipsi vellent, sapientiã communicare conferreque possent, illi profecto suimet ipsorum memores esse deberent: ideo quod alia nulla de causa, nisi quia nihil intelligant, pessum ire soleant.

Iam, id indecorum mihi esse videtur, quod nonnulli, qui nuper ex aula rus habitatum commigrarunt, omnia deridere soleant, nec omnino, quod suo palato sapiat

PARS ALTERA,

piat, reperiant. Interea si in ipsorummet vitam moresque nonnihil inquiras, reperies, quòd isti ipsi de media nocte cubitum eunt, ad horam sequentis diei decimam cubitu surgūt, & deinde se vestiendo, crines calamistris inurēdo, pileos in alterutram capitis partē iaciendo, ad meridiem vsq; in cubiculo moram nectūt tempusq; trahunt: Residuum verò diei confabulando terunt: sic, vt plerique omnes de suis quas in aula amarint, vel de pugna Gallirana, in qua res miras scilicet designauerint, inter sese garriant, seorsim verò, alijs alijs se pugna Papianæ, cū duce Antonio, vel Tunianæ, cum ipsomet Imperatore, vel Corrianæ denique cum Doria interfuisse, persuadere conetur: qui magnus interim fuerit alicubi lenonum magister.

Nos suprà iussimus, vt dominus Mariscus sibi caueret, ne villicos irrideret, & tanquam stultos & obtusos despiceret. Nam, si Cæsarea Maiestas omnes vitulos & signaros, qui sunt in eius aula, inde vellet exigere: ipsum inibi solum duntaxat esse permansurum, ego mihi modis omnibus persuadeo. Affirmare igitur nō veremur, quod aulici vitæ suæ formam professionemque parum perpendant. Cum
de pro-

de professione loquor, eam intelligi volo, quæ suam è tali religione, cuius isti rigidissimi sunt observatores, originem ducit, quæq; in eo spectatur, ut se diabolo complacituros, aulæ satisfacturos, mundum secuturos promittant, perpetuoque cogitabundos, tristes, suspiciosos, perpetuò importunos fore, perpetuò negotiationes, exactiones, emptiones, venditiones, permutationes, lamentationes, peccata sectaturos, nunquam verò se emendaturos, spoliari, item honoribus priuari graduque deijci, sua propter æs alienum oppignerare, obrectare, opprobria dominorum, furta vicinorum, iniurias cholericorum, illusiones populi, exprobrationes consanguineorum, postremoque amicorum suorum à se defectionem non ægrè se laturos polliceantur.

En, professionē & regulam, aulicis observandam, quam ego quidem non regulam vel ordinem, sed confusionem: non monasterium, sed infernum: & eam regulam profitentes, non fratres, sed prodigos: non pauperes eremitas, sed rerum mundanarum solertes indagatores appellârim. O miseriam! ô commiserationem! ô stuporem iudiciorum longè maximum!

Apollo

PARS ALTERA,

Apollo per populi Romani legatos oraculo consultus, in quónam sui cuiusq; regendi scientia cerneretur, in eo cerni respondebat, si quis vires suas sic exploratas haberet, vt omnia sua desideria in ordinem quasi redigere, rigidumq; suis appetitionibus frænum posset inijcere.

Aulicus, dum tam vacillanter & inconstanter appetit omnia, vt in appetendo nullo perseueret, si intra vnus anni spatium nullam dignitatem, nullumq; officium consequatur; id non ignorantia propriæ, sed, secundum vesanâ stultitiam, fortunæ tribuendum cogitabit, ideoq; illam increpabit: horam deinde, qua primum in aulam pedem intulit, velut execrandâ condemnabit. Qui potius recordari deberet, aulam palmæ similem esse, & vt hæc radicem integro brachio longam prius in terram defigit, quàm frondem, quæ duos solum digitos alta sit, extra terram propaget: sic in illa longissimum sæpe tempus prius inseruire, quàm quis ad honores atque dignitates promoueatur, oportere: cum perseuerantia spem interea soletur. Deinde, si vera modo dicere velimus, certe fatebimur, si tres in aula reperiuntur, qui plus quàm cōsequantur, pro-

meriti

meriti sint, trecentos contrà esse, qui meritis suis consequantur maiora. O, quàm rarissimè fortuna facit id, quod facere debebat! O quàm sæpe iuuat illa potius audacem, quàm prædicitum virtute virum! Solet ista scilicet hominum merita nō rationis, at opinionis vna metiri. Ista facit, vt sine igne vrat aqua, sine chalybe scindat cultellus, sine flamma luceat candela, sine aqua molat molendinum. Cuius quidem confusionis omnis, vna duntaxat causa est inconstantia. Si arridet alicui, ei illudit. Si quis eam plorantem & eiulantem videt, ei melius esset, ad id videndum ē domo sua nunquam prorsus egressum fuisse. Si quenquam eleuat, ideo facit, vt is ē sublimi præceps actus grauiore casu ruat. Si aliquantulum dissimulat, id eum in finem facit, vt furtim opprimat. Nullus ergo fortunę confidat, cū tam variabilis ista sit, vt, quæ vel dato chirographo promissa facit, ea non præstet.

*Inter aulicos nec amicitiam, nec fidelitatem
seruari: aulamq; molestia, inuidia,
simul atq; plenam esse.*

Cap. XV.

Inter

PARS ALTERA,

INter molestias aulicas omnium grauissimas, hæc est vna, quòd nullus in aula resideat, quin aut alijs odio sit, aut ipsemet alios odio habeat, quin persecutionem patiatur, vel ipsemet alios persequatur, quin irrideat alios, vel ipsemet ab alijs irrideatur. O te infelicem, qui in aula versari volens, per quam multos ibi sis animaduersurus, qui, cum caput suum in gratiam tuam denudare videntur, se tibi tuum prorsus abstulisse mallent: & tales, qui, cum genu coram te flectunt, in funere tuo deferendo crus se sibi fregisse vel-
lent. An non res est, omni commiseratione dignissima, quotidie simul esse, ridere, gaudere, sed immortales nihilominus inimicitias in animo fouere? An non ista dissimulatio nimis est magna, quando quis eum, quem in furcam raptari percuperet, adhuc venerari se fingit? & id totum quidem, tum propter ambitionem, tum propter spem nimis auidam de fortuna conceptam, tum propter ea, quòd amicitiam fideliter obseruatam, ad impetus hominũ vehementiores moderandũ valere, ignorat. Qualem quæso vel è vita, vel è fortuna suauitatem capere potest is, qui conuersans cum principibus, inter tot fures, tot
latrones

latrones, tot incantatores alióſque nefarios homines, traditum ſeſe venditumque quotidie videt? Contrà vero, quanta queſo felicitas eſt, habere quenquã, qui cum ſyncere ſeſe recreare poſſit, ſibi metuens à nemine? In aula iſta permulti ſunt, qui, cum viri nobiles exiſtimari velint, vindictæ tamen adeò cupidi, malevolentiaque pleni ſint, vt nullis omninò beneficijs, nullis precibus adhibitis, à malo ſuo propoſito per quenquã reuocari ſeſe patiantur: adeo quidem, vt illis in proprijs etiam ſuis ædibus excitare bellum non diſpliceat, ſi ſaltem ex eorum, quibus infeſti ſunt, parietibus pacem valeant exterminare.

Itaque cum ea, quæ diximus huc uſque, vera ſint omnia, nihil eſt proſectò, quòd quiſquam ſe bonos amicos in aula naſcturum, magnopere ſperare, multo verò minus, ſi quos inibi ſe naſctum putet, ijs ſua tuto committere debeat. Quanto nanq; ſublimior aliquis eſt in aula, tanto plus habet ad metuendum cauſæ. Quod quidem tantam parit moleſtiam, vt perſæpe demirari ſoleam, quomodo quiſ tantum fortitudinis, vt eam toleret, animi verò, vt eam diſſimulet, habere poſſit. O, quàm fortunatus eſt villicus, qui mediocrem

k medio-

PARS ALTERA,

mediocrium facultatum suarum sollicitudinem suscipit! O, quàm misera, quàmq; infelix est ipsius aulici vita! qui res vanas sperare, res iniustas infinitasq; procurare non desinit. Si cogitationes eius essent venti, desideria eius, aquæ, in eius animo nauigare multo periculosius esset, quàm in alto mari.

Aula quippe semper habet aliquod, nescio, quid, quale & quomodo: Vnde fit, vt quamuis in ea perpetuæ conquestiones, perpetuæ perturbationes, perpetuus denique stomachus moueatur: nemini tamen indidem sese recipiendi licetiam ista vnquam concedat. Aula iugum est tam vehementer durum, vinculum, tam vehementer coarctatum, aratrum, tam vehementer arduum: vt ij, qui se triumphaturos inibi sperant, primi sint, qui laborare, nec non onera quæq; grauissima portare iubeantur. Isti verò miseri parumquæ circumspecti, labores hos intolerabiles, ne in patria sua alijs subijciantur, maioreque malè faciendi libertate perfruantur, exantlare nō recusant. Deus nouit, quanti illis eiusmodi constet libertas, quæ propter momentaneam quandam voluptatem, continuam molestiam, seruitutemq; gignit.

gignit. Proprium nanque vitiosæ libertatis, aut (vt dicam verius) subiectionis istius, est, vt ab initio dulcis esse videatur, cum finaliter, vbi videlicet aliquis per partes vitij qualitatem cœperit experiri, se totam rursus in amarorem commutasse deprehendatur. Nam, si cum mulieribus aulico sit agendum, oportet vt illis aduleatur, illas obsequio sibi deuinciat, imploret denique. Quòd si pecunia deficiat, ipsi diabolo merx offertur euestigio. Si quis in aulam nouiter ingrediatur, ei mox aliqua domicella lue venerea infecta oculo signum dat, cum allicit, ei blanditur, eum deosculatur, quem simulatq; tenuiorem factum fuisse viderit, rus, vt ibi pastum quærat, ablegat.

Si comedendum sit aulico, comedet ille quidem sepenumero cum tali, qui vellet vt eum totum sine cōdimento iamdudum deuorasset. Si ludendū sit aulico, æquè profectò futurus est infortunatus. Nam si vicerit, oportet vt de eo, quod lucratus est, aliquid impertiatur astantibus: si vincatur, illi ne quidem teruncius vnicus à quoquam restituatur. Neque garriendo & deridendo quicquam proficiet: quòd isti cauillatores aulici verbis quidem

PARS ALTERA,

dem iocos inchoare, sed eosdem dicendis iniurijs infligendisque plagis consummare consuèrint. Quod ut in hisce iam dictis aulae vitijs, sic in alijs consimilibus aulico solet vsuuenire. Concludentes itaque dicamus, quod vniuersa vita varijs & magnis affluat negotijs, & mundus vniuersus, nihil omnino aulico, qui sit euentilatus, aut rustico, qui sit ociosus, peius in se contineat.

Respublica auleq; veteres, quanto recentioribus fuerint correctiores.

Cap. XVI.

REx Anchises superbæ Troiæ demolitionem, per principes Græciæ factam, lamentabatur, regina Rosane maritum suum nomine Parium, cum ab Alexandro illo Magno deuictus esset, miserabatur, Hieremias reipublicæ Hierosolymitanæ in captiuitatem reductæ statum deplorabat, rex Dauides propter Absolonis filij sui mortem, cum illum Ioabus interfecisset, sese macerabat, regina Cleopatra, cum Marcus Antonius ei dilectissimus ab Augusto imperatore superatus esset, præ dolore animam ferè exhalabat. Consul Mar-

rus Marcellus, urbem Syracusanam, quam flammis consumi vidisset, deflebat, Salustius Romam malè gubernatam, Iacobus Patriarcha, filium suum Iosephū, rex Demetrius bonum suum patrē Antigonum, cum illum in pugna Marathoniana prostratum reperisset, lugebat. Quod ad nos attinet, non alienum foret, si tot tantosq; viros imitati, calamitates seculi nostri deploraremus, cū in eo res adeò mirandas euenire videamus, vt auctores antiquiores, quantumuis curiosi, nihil eiusmodi scribant, vel, vlli se tale quippiam vidisse recordentur.

Illud quidem verum est, quòd temporis illius superioris historiographi, quicquid volebant, id quoq; conscribebant: Hac verò tempestate, quod res est, affirmare duntaxat, est religio, tantū abest vt ad posteritatē literis consignatum propagare liceat. Philosophus Ariminius de Ægypti scripsit abundantia, Demophon, de Arabiæ fertilitate, Thucidides, de Tyri thesauris, Asclepius, de Europæ fodinis, Dodrillus, de Græciæ laudibus, Leonidas, de Thebarum triumphis, Eumenides de gubernatione Athenarum, Ctesiphontes de ritu qui in aula principibusq;

PARS ALTERA,

Sicioniorum domibus & familijs obser-
naretur, Pitheas, de taciturnitatis Socra-
ticorum discipulorū fructu, Apollonius,
de continentia & abstinencia, quæ in il-
lius diuini Platonis Academia celebrare-
tur, Myronides, de continuo exercitio,
minimaq; domus Hiarchæ requiete, Au-
lus Gellius, de eo quòd Fauorini, sui quò-
dam præceptoris, discipuli perparum co-
medere dormireq; solerent, Plutarchus,
de Sapientibus Græciæ, castis autem Ro-
mæ fœminis, Diodorus, de eo, quòd Insu-
larum Balearium ciues thesauros suos in
mare proijcerent, metuentes nimirum,
ne vel à peregrinis avaritia commotis bel-
lo premerentur, vel, ne illi ipsi in diuer-
sas partes & factiones inter se discerpe-
rentur.

Nunc omnibus istis, quæ commemo-
rata sunt hætenus, auditis, ego quidem
percupio, vt bonus lector mihi declarare
dignetur, quidnā esse putet, quod me de
seculo nostro præsentī literis commen-
dare deceat. Si de bonitate veritateq; u-
scribere uoluerimus, mendaces erimus.
Si de abundantia, per mortales ipsos, qui
nihil aliud quam fames & avaritia viden-
tur esse, vanitatis conuicti fuerimus. Iam
quo-

quomodo seculum nostrum de ijs hominibus, qui vel armorum gerendorum audaces, vel literarum periti sint, laudauerimus? cū quilibet ingenium suum ad depelandum simplicioresq; supplantandum conuertant. Quomodo laudauerimus illud de prosperitate & sanitate? Cū pestis, atque Gallica lues, morbi sint adeo familiares, vt ipsis etiam domesticis notiores videri queant. Quomodo laudauerimus illud de continentia & abstinentia? Cū vix annorum quinquaginta spatium vnā duntaxat quadragesimam homines ieiunare soleant. Quomodo laudauerimus illud de ocij paucitate, negocij verò & exercitij pluralitate? cū ij qui semper & ociantur & furātur, eorum numerum qui negociantur fidelēsque sunt, multis omnino modis excedant. Quomodo laudauerimus illud de sobrietate? cū venter hodierno tēpore mortalium Deū existat. Quomodo laudauerimus illud de scēminarum castitate & fidelitate? cū adulterio nihil in mūdo sit frequentius. Quomodo laudauerimus illud de hominibus suo contentis? cū nō solum aurum & argentū in fodinis inuestigent, verum etiā illius quærendi causa ad ipsos

PARS ALTERA,

Indos vsq; proficiscantur. Profecto sic ut à vinea planè congelata, ab arbore planè exiccata, à fructu plane immaturo, ab aqua planè commota, à pane pessimè cocto, ab auro planè fallaci: sic & ab hoc seculo tam suspitioso, quid, quæso, nos aliud præter malum possumus expectare?

Si legamus id, quod de aulis principum Assyriæ, Persiæ, Macedoniæ, Græciæ, Romæque scriptum est, cumq; nostris deinde conferamus, tam malos vitiososq; mores in nostri seculi rebus publicis inuenimus, ut eiusmodi ne quidē veteres excogitare, nō dicam perpetrare ausos fuisse cuius innotescat. Felicibus illis præteritis temporibus, aureisq; seculis, ille, qui malè duntaxat audiebat, hominum bonorum conuentus adire non audebat: sed hodie (prò dolor) dissolutio corruptioq; morū adeò cōmunis est, ut malum esse, perparui momenti res existimetur, si quis non omnem planè pudorem amiserit.

Aulici mihi nequaquam inficiabuntur, quòd per id tempus, quo regem surrecturum præstolātur, alij alijs omnia quæ nocte præterita commiserint, enarrent: quomodo nempe colluserint, quomodo iurauerint; quomodo mulieres inibi congregatæ

gregatæ riserint, quæ bellæ beneque compta fuerint: sic ut illas quoque quas adulterarunt, interdū nominare non vereantur. Quippe, quemadmodū mundus iam nouus est: sic & nouæ sunt inuentiones, ludinoui, vestitus nouus, nouitatis affectatrix oratio, nouusque adeo fallendi modus. Quouis anno, quouis mēse, quinimo, quouis die, quid? quauis hora mortalium vitia dilatarī nec non amplificari, vnam verò virtutem extenuari videre licet: ideò quòd in aula virtus aduersarios habeat millenos, vitij verò fautorum numerus insuper ibidem sit infinitus.

Si consuetudo quædam laudabilis in aulam fortassis introduci debeat, illa tam citò adduci nō potest, quàm indidem rursus eiiciatur: cū contra vitium non tam citò sensu percipiatur, quàm recipiatur & foueatur.

Legislator Lycurgus suis legibus expressissimè iubebat, ne in suā rempublicā peregrini commearent, sui vero ciues in alienam intrarent: & id eam, ut ipse dicebat, ob causam, ne propter eorum commercium vitij barbarisque moribus inficerentur. Eo tempore quò M. Portius consulatuungebatur, excellens quidam

P A R S A L T E R A,

Musicus & ita omnibus instrumentis ludendi peritus, è Græcia Romam veniebat, qui, quod in cithara sua chordis vnus plus quàm consuetudine receptum esset, vteretur, cithara totius populi consensu combusta, proscriptus est. Nostrium seculum Musicam facillè toleraret, neq; deo, an cithara chordas nimis multas habere videretur, magnopere laboraret, si viros saltem satis cordatos iudicioque maturo præditos habere posset. Plutarchus Græcum quendam Sacerdotem, qui deæ Berecinthiæ modo, quàm consuetudo ferret, alio sacrificasset, in campo Martio lapidibus obrui se quondam vidisse scribit. Suetonius inter virgines vestales spatio quadringentorum sexaginta quatuor annorum, quibus earum virginum templum steterisset, præter quatuor, Domitiã, Rheã, Albinam & Corneliam, quæ publicè spectantibus omnibus viuæ sint consepultæ, nullas alias flagitijs obnoxias fuisse reperi-
tas, ait. Si quis hodie catalogum quendam similium, simili pœna plectèdarum faceret; vnde, quæso, carnificum numerus ad id perficiendum sufficiens suppeteret?

Publius Trebellius ab Aureliano Quinto Imperatore, bonum quèdam amicum,
Roge-

Rogesium nomine, officio dictaturæ priuatum fuisse, scriptum reliquit, quod nimirum in nuptijs vicinæ suæ Postoriæ Anix saltasset: affirmante Imperatore: bono iudici grauitatem suam eousque, vt sese rebus adeò vilibus atque popularibus immisceat, abijcere non conuenire. Nos interim, quicquid Imperator ille fecerit, seculi nostri iudicibus, vt in choreis quantum velint, pedes cōmoueant, licentiam facile damus, si saltem manus habeant cōtinentes. Pauperis enim litigatoris interest perparum, siue iudex choreas ducat siue saltet, si quidem litiganti iustitiam sine mora administraret: id quod accidere per rarò cūm soleat, optandum esset, Imperatorem Domitianum è mortuis excitari, qui, quemadmodum Suetonius asserit, edicebat, vt, quicumque litem vllam vltra annum vnum prorogaret, is ex vrbe Roma eiectus in exilium perpetuum relegeretur. Quæ quidem lex si ad nostra vsque tempora fuisset obseruata, Romæ nec non alijs in locis maior proscriptorum, quàm ciuium certè numerus esset futurus.

Multos illustres viros aulas aliasq₃ magnas ciuitates reliquisse; domumq₃ suam non tam necessitate quàm voluntate reuertisse.

Mar-

PARS ALTERA,

Cap. XVII

MArcus Crassus Romanorū dux pro-
pterea quod & in bello fortis, & ad
negotia domestica pertractanda sapiens
esset, concelebratus valde fuit. Hic est ille
Crassus, qui partes Syllæ consulis contra
Mariū Iuliumque Cæsarem, qui postea
dictator fuit, sequebatur. Cū autem cō-
tigisset aliquando, ut Cæsar ille, aduersa
maris fortuna in pyratarum manus inci-
disset, ab ijsq; captiuus detineretur, duo-
bus aut tribus eorum, qui eum ligatum
tenebant, clara voce, Casus hic meus, in-
quit, mihi valde grauis est, non ob id qui-
dem, quod à vobis (cū talis belli sit exi-
tus & fortuna) sim captus, sed ob gau-
dium, quo Crassus inimicus iste meus, vbi
hæc de me noua auditione famaue per-
ceperit, afficietur. Præceptor illius erat
quidam Philosophus, Alexandrius appel-
latus, qui illum veluti pater educabat, con-
siliū veluti bonus amicus communica-
bat, utque fidus magister illū informabat:
& id quidem annorum duo & uiginti spa-
tio: quibus iam decursis, domum suā re-
uertendi veniam ab ipso petebat: quam
cum impetrāuisset, iamque discedere se-

cum

sum cōstituisset: ego, Crasse mi, ait, aliam mercedem nullam, aliudq; præmium planè nullum pro molestijs & meis in erudiendo te laboribus abs te peto, nisi vt hoc mihi præstes beneficium, ne vnquam ad hanc aulam reuertar, & ne, quando me digressum videris, vnquam de tuis ad me negotijs perscribas: quòd aulæ tantò opere me tædeat, vt istam non modò relinquere, verum etiam prorsus obliuisci velim.

Dionysius Syracusanus, quantumlibet immanis esset tyrannus, eo tamen nō obstante & amicus Philosophorū, & sapientum maximus admirator erat. Aiebat ille sapientes Græciæ loquentes sese libenter audire, sed eorum verbis fidem non adhibere; quod illorum instituta præter verba effectu carentia nihil essent. Ex omnium sapientissimis Græciæ viris octo veniebant aliquando Syracusas, urbem, in qua Dionysius antè nominatus habitabat, Plato nimirum, Chilo, Demophon, Diogenes, Myrtho, Pillades, & Surranus, qui sese Dionysij negotijs plus immiscebant, quam ille ad illorum doctrinam attenderet. Diogenes annos vndecim apud illum commorabatur, quibus elapsis in patriam suam reuertebatur. Ibi cum degeret, herbasq;

PARS ALTERA,

basq; nonnullas , quibus paulo post ille
vesceretur, elueret, aliusque Philosophus
quidam eius irridendi gratia, si tu Diony-
sio seruire nō destitisses, tibi iam nō opus
esset, vt herbas pro te lauares, obijceret: tu
quoque, respondebat ille, si lauandis &
comedendis herbis contentus fuisses, ad
hanc vsq; horam in aula Dionysij nequa-
quam permanisses.

Cato Cenforius, vnde reliqui Catones
suum nomen adepti sunt, & qui inter Ro-
manos omnium sapientissimus est nume-
ratus, & quem sexaginta nec non octo an-
norum spatio ne quidem semel riden-
tem, vel aliud quippiam, grauitati suæ con-
trarium & repugnans agentem quisquam
viderat, quem deinde Plutarchus in lo-
quendo prudentem, in conuersando mi-
tem, item in castigando seuerum, in mu-
nerando liberalem, in comedendo fruga-
lem, in pollicēdo stabilem, & in exequen-
da iustitia inexorabilem fuisse narrat: ille
similiter aulam Romanam, cū iam nunc
annum quinquagesimum quintum na-
tus esset, deserebat, & in villam quandam
perexiguam non procul à Picenis (vbi
nunc sunt Puteoli) sese cōferebat, inibi q;
reliquum vitæ suæ tempus, libris pro so-
ciji

eijs vtendo, tranquillè cōsumebat: cumq̃;
 singulari sese modo recreare vellet, bis
 aut ter de die rus vineasq̃ue spectatum,
 easdemq̃; nonnunquam laboratum pro-
 dibat. Cum is die quodam ca de causa fo-
 ris esset, ianuæ illius domunculæ carbone
 quidam sic inscribēbat: *O fœlix Cato, tu so-
 lus scis viuere*, quasi diceret, ô beate Cato,
 tu solus bene beateq̃ue viuendi rationem
 elegisti.

Lucullus & consul, & Romanorum dux
 ille fortissimus, bello contra Parthos sus-
 cepto, annosq̃; sedecim cōtinuato finem
 imponens, magnos vrbi Romanæ hono-
 res, nomen immortale sibi, magnas au-
 tem familiæ suę diuitias acquirebat. Hunc
 aiunt nonnulli, ex omnibus omnino Ro-
 manorum ducibus extitisse solum, qui se-
 nio confectus, ijs bonis, quæ lucratus in
 bello fuisset, pacatè perfrueretur. Iste Lu-
 cullus cum reuersus ex Asia rempubli-
 cam pereos, qui Syllanæ contra Marium
 factionis essent, perturbatam videret, Ro-
 mam relinquere, domumq̃; in mari pro-
 pe Neapolin in quodam loco, qui nunc
 arx de Lobo vocatur, exstruere secū con-
 stituebat. Id quod faciens, inibi summa
 in tranquillitate annos duodeuiginti cō-
 moratus

PARS ALTERA,

moratus est. Domus illius à multis, & ijs quidem præcipuè ducibus, qui in Asiam tendebant, à legatis item qui Roma veniebant, frequentabatur. quos omnes & humaniter & liberaliter ille excipiebat. Idem, cum vespere quodam serui illius cœnam solito more viliores apparassent, seque apud illum, quòd hospites nullos extraneos vna cœnatos haberet, excussissent, esto, inquit, nullos hospites hîc mecum futuros, vos verò nonne sciebatis Lucillum cum Lucullo cœnare solere? Plutarchus de exercitijs, quibus ex eo tempore, quo in locum prænominatum ille sese recepisset fuerit occupatus, verba faciens, eum venationibus & aucupijs, imprimis autem librorum bibliothecæ suæ lectione, iugiq; disputatione delectatum fuisse dicit.

Ælius Spartianus ait, Diocletianum, cùm annos duodeviginti regnauisset, imperio sese abdicasse, reliquumq; vitæ suæ tempus in ocio paceq; transigendi causâ rus sese recepisse, dicentem, aulæ conditionem periculosam delinquendi, villæq; pacatam suscipiendi tempus appetijse. Duobus ab eo tempore, quo regnum deseruisset, elapsis annis, ad eum Romani solennem

solennem quandam legationem mittebant, summa animorum contentione petentes, ut suam Remp. respiceret tamen, ad eandemque reuerti ne dedignaretur, illique promittebant, quod, quamdiu viuerent, nullus alius praeter illum, nomen imperatoris esset impetraturus, Cum legatio ad eius usque domum peruenisset, eum in hortulo quodam lactucis extirpandis & cepis ibidem plantandis intentum reperi-
bat. Qui postea quam audiisset id, quod ista legatio flagitatam venisset, nonne nobis, ait, amici mei melius esse videtur, ut is, qui lactucas has plantauit, irrigauit, sustentauit denique, eisdem cum gaudio vescatur, quam ad rempublicam seditionibus refertam reuertatur? Expertus ego sum, quid in aula sit imperare, quid item in agro laborare. Sinite me quaso hic in pace. Ego namque multis omnino modis hic est manuum mearum labore vitam degere, quam magna cum solitudine imperare malo. Quis ex hoc imperatorio exemplo, quanto felicior agricola sit aliquo principe, colligere non possit?

Cleo, nec non Pericles, in administranda republica Soloni, qui vir doctus habebatur, & à Græcis propter leges quas
1. Arhe-

PARS ALTERA,

Athenis tulisset, pro semideo reputabatur, succedebant illustres illi duo gubernatores, vehementer amabantur. Pericles quidem (veluti Plutarchus narrat) ideò, quòd intra triginta sex annos, quos administrandis vrbis negotijs præfuisset, eum nunquam quisquam vel in alienam domum intrare, vel cum plebe in publico loco considerare vidisset, hunc amorem sibi conciliauit. Is annum agens sexagesimum Athenis discedebat, inque paruum quandam villam sese conferebat: vbi reliquum vitæ suæ agriculturæ studendo rædiumque tali ratione fallendo peregit. Domi suæ paruum quandam nec non angustam portam habebat, super qua sic scribit iusserat:

Inueni portum, spes & fortuna valete:
volens ita dicere: Cùm iam (nempè post vanitatis notitiam) portum requietis inuenerim, valeat spes & ipsa fortuna. Hoc exemplum satis ostendit, quòd nullus aulicus affirmare possit, antè securam vitam sese transigere, quàm priuatim viuere inceperit.

Lucius Seneca (qui Neronem sextum vrbis Romæ Imperatorem in bonis moribus dirigebat, & in bonis literis instruebat,

struebat, & ita apud eum viginti quatuor annos commorabatur, magnisque negotijs publicè priuatimque gerendis, ob ingenium rerumque experientiam præsticiebatur) cùm iam consenuisset, eumque perpetui negotiorum quasi conflictus tenderet, aulæ valedicto, in suum quoddam prædium prope Nola Campaniæ sese recipiebat, inibi longum tempus adhuc vivebat. Eius enim rei testes libri de officijs, de ira, de bono viro, de aduersa fortuna, quos eo tempore conscripsit, locupletes esse possunt. Eum tandem aliquando (fortuna nec non hominum malitia suum facientibus officiū) Nero proprius eiusce discipulus è medio tolli mandabat: non ideò quidem, quòd crimen aliquod morte dignum commisisset, aliudve quippiam, quod honestum virum dedeceret, vnquam designauisset: sed ideò, quòd impudica Domitia ei malè vellet.

Notabis igitur hîc, ingenue lector, quòd fortuna quandoque non minus illos, qui aula relicta domum reuersi sunt, quàm ipsosmet aulicos persequatur. Scipio Aphricanus Romæ tanti fuit habitus, vt cùm viginti duos an-

PARS ALTERA,

nos in Asia, Aphrica, Hispania, semper ab hoste victoriam reportando, bellum gessisset, nihil tamen vlllo tempore, quod illi iure posset exprobari, commisisse iudicaretur. Is Aphricam subegit: Carthaginem expugnauit: Annibalem superauit: Romam clade Cannensi afflictam instaurauit. Cum annos quinquaginta duos vixisset, è curia Romana discedens, in paruum quandam villam inter Puteolos & Capuam sese recipiebat. vbi vita solitaria tantoperè delectatus est, vt intra annos vndecim, quos inibi viuebat, ne semel quidem Romam Capuamue sit ingressus.

De diuino Platone, qui natus esset Lycaonia: educatus in Ægypto, literis informatus Athenis, memoriae proditū legimus, quòd legatis Cyrenijs, ab ipso leges sui benè secureq; regendi petentibus, difficilimum esse, homines amplissima fortuna ditatos, legibus continere, dixerit. Vix, inquit, *feri potest, vt diuites legum rigori subijciantur.* Ille Plato, (vt ad propositum propiùs accedamus) importunitatis amicorum suorum, populiq; clamoris impatiens in villam quandam duobus miliaribus Athenis distantem rusticatum commi-

commigrabat: vbi bonus ille senex, cùm annos quatuordecim plenos docendo scribendoq; consumpsisset, vitam suam, ob id sanè felicem, finiebat. Ex eo tempore, veteres illam villam in demortui memoriam vocabant Academiam, quod latinis est schola.

Eorum quæ diximus, hæc est summa: quòd illustres illi principes, hominesq; sapientes antè commemorati, monarchias, regna, ciuitates, magnasq; diuitias deseruerint, rusq; sese contulerint, vt honestam paupertatem, tranquillamq; vitam sibi quærerent. Id quod nō eò loquor, vt illorum quenquam, quia pauper, in honoratus, vel excommunicatus ibi fuerit, ideò aulam reliquisse, significem: cū quilibet illorum id, quod fecerunt, liberrimè facientes, prius vitæ suæ mederi, quàm morerentur, elaborarint.

Auctor, non sine magnis rationibus, de annis, quos in aula perdiderit, hic conqueritur.

Cap. XVII I.

EGomet ipse vitæ meæ rationem quæram ex memetipso, cum scilicet in finem

PARS ALTERA,

mem, vt annos cum laboribus, labores cum annis conferente me, quamdiu viuere defierim, morique inceperim, videant atque cognoscant omnes. Vita mea, mi lector, non vita, sed mors quædam proluxa fuit. Dies mei lusus aliquis sæpè redintegrandus: anni mei, somnium permolestum: voluptates meæ, scorpiones: iuuentus mea, quidam somnus euanesceus fuerunt. Prosperitas mea, prosperitas reuera non fuit: sed, propriissimè loquendo, arx quasi picta quædam fuit, & collectus è notho metallo thesaurus.

Cùm valdè iuuenis adhuc essem, in aulam me conferebam, variasque fortunæ vices, officiorum diuersitates, aliasque mutationes, inter ipsos etiam principes, quibus inseruij, videbam. Per mare terramque proficisci quantus labor, quantaque molestia sit, experiebar. Id quam mihi melius quàm merebar, recõpensaretur, verum tamen est, quòd, cùm gratiosus aliquandiu fuissèm, è gratia merursus excidisse, viderim. Varios fortunæ casus experiebar: habebam in aula & amicos & inimicos: audiebam falsas accusaciones: quandoque lætus, quandoque

que tristis eram: quandoque diues; quandoque pauper: extollebar quandoque, quandoque rursus ex improviso deprimebar. Quid? aula mihi larua quædam fuit, vbi operam & oleum perdididi. Quid deinde? quid ô anime mi pro tam longo seruitio consecutus es? Salarium nempe quod abstuli, caput est planè canum: pedes podagrosi: os edentatum: renes calculosi: patrimonium pignori datum: caput cogitationibus grauatum: anima peccatis inquinata. Restant adhuc (est enim dicendum, quod res est) alia: quod nimirû corpore sim planè defatigato: iudicio planè stupido: quod tempus omne meum mihi perierit: quod melior ætatis meæ pars præterierit: &, quod peius est, quod nihil in mundo mihi sapiat amplius, & memetipso minus, quàm malis istis omnibus sim contentus.

De vitæ alterationibus, fortunæque mutationibus quid quæso dicam? In aulâ innocens ingressus sum, malitiosus egressus sum. Abij eò verax, redij mendax: abij eò humilis, redij arrogans: abij eò sobrius, redij helluo, abij eò humanus, redij talis, vt mecum nemo conuersari possit. Vt

PARS ALTERA,

verbo dicam quod sentio, me totum in aula corrumpebam. Huius autem rei culpam me nequaquam in meos præceptores transferre posse, fateor. Sic enim vitia sunt, ut sine præceptore facillimè discantur: at sine castigatore nequaquam dediscantur. O miserabilem me! qui viuens in aula, de meis facultatibus rationem inierim, non ideò quidem, ut indigentibus aliquid impertirem: sed, ut, an diminuerentur nec ne, scirem: qui de honore meo rationem inierim, ut eum facerem ampliorem, non autem meliorem: de tempore verò, ut mihi diuitias, at non virtutem compararem: qui cū Camerario seu Quæstorerationem inierim, ut quātum mihi deberetur intelligerem, nō autem cum ege-
no, ut, an quid eum iuuare possem, nec ne, perspicerem: qui cum seruis meis rationem inierim, ut, quomodo illi mihi seruirent, non autem, quomodo se gererent, intelligerem: qui de vita mea rationem inierim, ideò magis, ut illam conseruarem, quàm emendarem. En, amice lector, rationem meam: en calculum meum: en arithmeticam præposteram.

Pergamus vterius exercitiaque mea videamus. Nullum plane tempus in aula per-

peregi, quo non aliquem, cui malè vellem, reperirem: nullum, quo gradiens in palatio fenestram quandam ad contemplandum, & aulicum quendam, qui mihi occasionem præberet ad murmurandum, non inuenirem. Nunquam principum quenquam conueniebam, quin de quopiam responso malè contentus ab eo discederem. Nunquam dormitum concedebam, quin haberem de quo mihi conquerendum persuaderem. Nunquam expergesiebam, quin suspirarem. Nunquam domi eram, quin & hoc displiceret, nec ullus alius locus vnquam fuit oblatus, qui satis arrideret. Cùm boni quicquam facere me velle mecum constituebam, nimij sumptus, contrarium suadebant. Cùm studijs incumbere volebam, socij me superueniebant. Cùm horam duntaxat vnam ad ocio cuidam honesto impendendum liberè mihi sumere cupiebam, alia negocia me impediabant. Cùm autem relinquere me velle constituebam, nomina me atque æs alienum & avaritia detinebant. Cùm me aliquò vel vnam horam abdebam, cogitationes meæ me veluti martyrio quodam afficiebant. Quid multa? Nullum mihi tempus erat, quò non

PARS ALTERA,

plus in animo perturbationum sentirem, quàm crumena mea nummorum contineret: quamuis hæc omnia cum sequentibus collata mihi ferè nihil esse videantur. Nam, quotidie mihi paribus indignabar, me superioribus adulabar, me minores non miserabar. Perpaucos & certos aliquos amādos, reliquos verò cunctos malevolentia insectandos esse mihi persuadebam. In omnibus aliquid, quod reprehensione dignum videretur, inueniebam: sed contra me nullum quidem verbum proferri patienter audiebam.

O, quàm sæpe meæ cogitationes adeò fuerunt euagatæ, vt cibum in os ingestum obliuiscerer, mecumq; solus magna voce, velut omni sensu destitutus, aliquid eloquerer! Quàm sæpè mihi contigit, vt, exiens è Senatu fatigatus, aut è palatio iratus, neq; seruos meos audire, neq; eos qui negotiorum apud me gerendorum gratia missi aderant, expedire voluerim! Quàm sæpe me vidi sic omnia fastidientè fercula, vt quid manducare vellem, scire non possem, tametsi mihi permulta quidem supeditarentur! Sic iræ meæ, perturbationibusq; moderari quoq; nō poteram, quantumuis essent qui me consolarentur. Bone De-

ne Deus, quã sæpe ad aulam deferendum, & in aliquã solitudinem cõmigrandum, & sic eremiticam vitam profitendum me stimulauit inuidia! idcò scilicet, q̃ aliquos à rege promoueri, me verò quodãmodo desperantem apud ipsum in ignoratione perpetua versari viderem. Præterea, q̃ omnium molestiarũ mearum complementum videri possit, quotidie de negocijs aulicis aliquid noui peruestigandi causa pererrabã, quotidie quid mihi posset euenire, cogitabã, quotidie, quid quis de alio cõmemoraret, auscultabã, quotidie hinc inde cursitabã, explorans omnia, auscultans omnia: & omnibus bene consideratis, secundum rationem à me subductam, nihil deprehẽdebam reliquum, nisi quòd me in magna captiuitate tristitiaq; damnationi addicere.

Pergamus vltcrius. Cum diuitijs abundabã, vnusquisq; deuorare me cupiebat, cum paupertate laborabã, nemo succurrebat: amici mei importuni me diuexabant: inimici mihi mortẽ cogitabant, multiloquium aures mihi obtundebat: taciturnitas obdormire me faciebat: solitudo me tristem reddebat: sodalitium nimis magnum me grauabat: exercitium nimis im-

mode-

PARS ALTERA,

moderatum me defatigabat, & ocium me condemnabat. Quid multa? Ego in aula tantopere macerabar & excruciar, vt, quemadmodum mihi mortem precari non auderem: ita quoque vitam diutius prolongari non desiderarem.

*Quibus virtutibus auctor in aula fuerit exutus,
& quibus in contrariam partem malis
moribus ibidem sit imbutus,
exponit.*

Cap. XIX.

VErum quid? fortuna mea præteribat, amici mei moriebantur, vires meæ debilitabantur, vita mea declinabat, priores mei saltus me deficiebant. O si semel omnia prorsus absoluta peractaque metu fuissent! Id enim multo longèque mihi præstitisset. Omnibus autem benè perpensis & æqua lance ponderatis, imprimis equidem de perfidioso meo corde, quòd nunquam res vanas desiderare, & de lingua, quæ verba, quibus alij detraheretur, nunquam desinebat disseminare, quæror.

Amice Lector, ne mihi succenseas queso, si

so, si quantum, postquam ab aula recessi ab eo qui nunc temporis essem, cum eò me primùm cōferrem, discrepârim, paucis dicam. Primò, cum me in Labyrinthum Chimeræ istius aulicæ præcipitarem, religiosus, benè moratus, meticulo fuseram: vbi eò me contulissem, mox improbus, ociosus, dissolutus, deque animi salute procuranda non admodùm sollicitus esse discebam. Iuuenis & corpore benè dispositus in aulam me cōferebam, cum ibi essem, auditu surdus, visu luscus, incessu claudus, tactu chiragricus: ad laborādum debilis, canus, senex, ambitiosusq; fiebam, & id adeò quidem, vt præ nimia animi inconstantia, vbi pedem figere, fundamentumque vellem ponere, prorsus ignorarem, Animus meuserat adeò deprauatus, vt ab omnibus omninò negocijs immunis esse cuperet, cum nihilominus, quocunq; se verteret, periculi cruciatuq; inueniret affatim.

Constituebam aliquoties aulam me derelicturum, sed eius me tantopere penitebat euestigio, vt postero die magis in aula quàm Missa adeunda cogitationes meæ essent occupatæ. Constituebam ex hospitio me pedem non emissurum, mox deinde discurs-

PARS ALTERA,

discursare me oportebat. Constituēbam inuidiæ me locum non amplius esse daturum, sed affectus animi sese tum primum omnium maximè augebant: Sic, vt omnia mea sancta desideria redderētur inutilia, aliudq; nihil agerem, nisi vt temerè multa mecum constituerē facienda quorū pòst exequerer omnino nullum. En tibi, quomodo quasi vento nec non friuolis, vt alijs quidē præter me multi, imaginationibus vsq; vixerim. Memini quidem adhuc, aliquoties me solū in aula spaciantem, alia re nulla delectatum fuisse quàm, q̃ Regem, Principēsq; me gubernare mihi persuaderem. Item, q̃ in nobili nec non antiqua familia natus, rerū cognitione reliquos excellerem, quòd gratiosus essem: sicq; ab alijs omnibus amarer, quòd cautus in consilio dando, moderatus in loquendo, elegans in scribendo, prudens in seruiendo & omnibus acceptus essem. At, cum paulò pòst ex isto meo fucō veluti somnio quodam excitatus, pedes meos contemplerer, deauratas illas animi mei cogitationes esse falsas, atq; in alijs potius veram & expressam formam inesse, eius quod de me per somnium quasi depictum videram, facilè perspiciebam.

In id, ut ab omnibus sanctus, doctus, humanus, meo contentus, bonoque zelo præditus æstimarer, omnibus omninò modis incumbebam: cum mea voluntas ex altera parte nihil esset aliud, nisi maliciæ quidam gurgēs, & quasi vastum quoddam prauarum cogitationum mare. Hic error veluti mihi, sic alijs omnibus aularum sectatoribus accidit, quæ stultam libertatem & honorem res inter se ipsas incompatabiles (cum sc. inordinata voluntas virtuti contraria sit) coniungere velint atque copulare. Ad me verò quod attinet, amicelector, gratiæ sint Domino, nostro Seruatori; quod affectiones animi deprauatas aliquatenus esse mortuas intelligam. Nam, cum adhuc inseruirem, desiderare solebam, ut aula sæpius aliorum transferretur: iam verò siue è mea domo prodeam, siue non, perparum sanè curo. Optabam res nouas audire, de quibus iam ne cogitare quidem soleo. Sine sodalibus esse non poteram, sed iam planè solus esse malo. Improbis, mendacibus, & impostoribus audiendis atque videndis me delectabam, sed iam profecto vel centies mori me mallet. Venando, piscando, bombardâ ludendo me recreabam.

PARS ALTERA,

bam : sed iam nihil aliud mecum cogito, nisi vt tēpus, quod inutiliter mihi periit, deplem, temporis illius, quo me Cæsar ē conuentu & cœnobio quodā secum abduxit recordatus. In eo enim ab ineunte ætate magna cum seueritate nutritus & educatus, quidnam mundus esset, ignorabam, meisque solum deuotionibus & disciplinis occupatus, literis incumbēbam, de media nocte surgebam, ægrotantes consolans erigēbam, Euangelium, aliosque libros bonis institutis abundantes legebam. Quid multa? Quilibet, vt in virum bonum euaderem, me iuuabat, & à malo perpetrando reuocabat. Si boni quid agerem, laudabar, si mali quid, increpabar : Si tristarer, vnusquisq; me consolaturus visitabat : Si ad iram prouocarer, me placabant : Si tentarer, pro me Deum rogabant.

O, quā magnam habeam occasionem me magis ob id quòd requietem & tranquillitatem religionis neglexerim, contristandi, quā de episcopali dignitate, ad quam post euehebar, lætandi ! Nam velut in religione portus est omnis boni, sic in episcopali statu, in cuius dignitate constituebar, est ipsum quasi mare qua-

rei impenso, fortunaq; non considerata meliores meos annos exegerim. Quòd cum ita sit, admonco lectorem, vt, si uiuat in aula, exemplo meo, vel melius ac ego feci, facere discat, vel eandem citius ac ego feci, deferat. Id si faciet, vt hominem sapientem, bonoque consilio nitentem, viuere sese velle, secum deliberasse, declarabit.

Auctor summa quadam eloquentia mundo Vale dicit.

Cap. XX.

Vale Mundus, ideò quòd tibi mortalium nemo confidere securè possit, propterea quòd in domo tua, ò mūdus, præterijt id, quod præterijt, quòd præsens est, facilimè labatur, quod adhuc est futurum, appropinquat tardissimè, q̃ omnium maximè viget, id laxatur, quod omnium maximè riget, id rūpitur, quod est omnium maximè perpetuum, id deficit, ita quidem, vt è cētenis annis, quod tempus ad viuendum mortalibus concessum putari potest omnium longissimum, sæpenuerò ne quidem vnum
m duata-

PARS ALTERA,

duntaxat annum vitam nos agere permit-
tas.

Vale mundus, ideò quòd accipis & ni-
hil reddis, tristitia afficis, & non consola-
ris, furaris, & non restituis, pacē turbas, &
non reparas, prius accusas, quam quis cō-
queratur, sententiam prius pronuncias
quàm vtraque pars audiatur, cō vsque, vt
nos interficias, & viuos interim sepe-
lias.

Vale mundus, ideò quòd in te vel per te
gaudium prorsus est nullum sine pertur-
batione, pax nulla, sine dissensione, amor
nullus, sine suspitione, tranquillitas nul-
la, sine timore, abundantia nulla sine de-
fectu & penuria, honor nullus sine macu-
la, diuitiæ nullæ sine conscientia, status o-
mninò nullus, in quo non aliquid, quòd
reprehensione dignum videatur, insit.

Vale mundus, ideò quòd in palatio tuo
promittunt homines, & non præstant;
feruiunt; & mercedem non reportant;
alliciunt alios, vt eos decipiant; labori-
bus incumbunt, vt se molestijs afficiant;
rident, vt mordeant, auxilium ferunt, vt
ad cadēdum impellant; mutuum dant, vt
statim recipiant, honorāt, vt blasphemēt;
castigant, ita vt veniam nullam cōcedant:

Vale

DE VITA PRIVATA. 273

Vale mundus, ideò quòd ij, qui in te auctoritate valent, deijciantur, ij verò qui infamia laborant, extollantur, quòd ij, qui produnt alios, stipendia consequantur, ij verò, qui fideliter agunt, plectantur, quòd ij, qui pacem conciliant, infestentur, ij verò, qui seditiones excitant, amentur, ideò quòd suum pauperibus eripiatur, & diuitibus cōferatur, ideò, quòd flagitiosi liberè dimittantur, innocentes verò condemnentur, sapientes dimittantur, stulti retineantur, breuiter, ideò, q̃ in te quilibet ex parte contra id quod vult, omnino verò contra id quòd debet, præposterè faciat.

Vale mundus, ideò quòd tuis in delicijs nemo nomine proprio nominatur. Is enim qui temerarius est, fortis, qui timidus, frigidus, molestus & importunus, diligens, tristis, pacificus, prodigus, magnificus, avarus, parcus, garrulus, eloquens, ignarus, pauciloquus, dissolutus, amasius, modestus, stultus, perturbationibus obnoxius, aulicus, vindictæ cupidus, nobilis appellatur: Ita quidem, vt tu nobis, ô mundus iniuriam pro iure, & ius pro iniuria diuendas.

Vale mundus, ideò q̃ tam totū mundū,
m a ambi-

PARS ALTERA,

ambitiosis, honores, & ijs qui ad aliquam dignitatem peruenire cūpiunt, magistratum mutationes & depositiones, negotiosis, officia, auaris, thesauros, gulosis, symposia, hostibus, vindictam, furacibus, latebram, senibus, requietem, iuuenibus, oportunitatem, & omnibus adeò mortalibus aliquid incerti pollicitando spe vana lactes.

Vale mundus, ideò quòd in tua quasi domo fidelitas non seruetur, veritas non sustentetur: ea de causa, quòd ibidem alij gaudeant, alij verò stupeant, molestētur, vagentur, desperent, cogitationibus se pragrauent, perturbentur, aut alioquin nihil verecundētur, & isti omnes in vnam summam collecti, plus quàm perditifint.

Vale mundus, ideò quòd is qui in tuo sodalitiò se tutissimum esse putat in statu incōstantissimo versatur, qui te sequitur, aberrat, qui tibi seruitiū præstat, salarium vix vllum cōsequitur, qui te diligit, modis indignis excipitur, qui contentum te reddit, cōtentus non efficitur, qui tecum familiariter agit, pessimè decipitur.

Vale mundus, ideò quòd adeò sis infelix, vt apud te muneribus, quæ tibi repræsentantur, officijs quæ tibi præstantur, menda-

mendacijs, quæ tibi dicuntur, conuiuijs, quæ tua causa instituuntur, fidelitate, quæ tibi seruatur, amore quo quis te sectatur, nihil omnino obtineri possit.

Vale mundus, ideò q̃ tu decipis omnes, infamas omnes, castigas omnes, minaris omnibus, perficis omnia, & aliquando tandem obliuioni tradis omnia.

Vale mundus, ideò q̃ in sodalitis tuo lamentantur omnes, suspirant omnes, conqueruntur omnes, vociferantur omnes, plorant omnes, & in eo viuentes moriuntur omnes.

Vale mundus, ideò quòd qui in te cepit odisse, is interficere, qui loqui, is falsum dicere, qui amore prosequi, is desperare, qui comedere, is vomitum excreare, qui bibere, is se inebriare, qui mercari, is compilare, qui delinquere, is in peccato usque ad mortem perseuerare consuevit.

Vale mundus, ideò quòd quisquis est in te, is infantiam obliuione, pueritiam, experiendo, ætatem iuuenilem, vitijs, virilem, negocijs, senectutem, querelis adeoq; totum vitæ suæ curriculum spe vana consumit.

Vale mundus, ideò, quòd quisquis est

PARS ALTERA,

in schola tua, is capite, canus, oculis, lip-
pus, auribus, surdus: naribus, pituitosus,
fronte, rugosus, pedibus, podagricus, re-
nibus, calculosus, stomacho malis humo-
ribus, capite, hemicrania, corpore, dolo-
ribus, animo, passionibus omninò plenus
inde discedit.

Vale mundus, ideò q̃ quisquis te secta-
tur, bonus esse non cupit. Hoc enim indè
conuincitur, q̃ in te singulis diebus falsari-
os notari, fures, strangulari, homicidas,
decollari, latrones, rotis imponi, pædico-
nes flāmis exuri, falsos monetarios aquis
feruentib. exstingui, parricidas, forcipib.
discerpi, aliosq̃; cōplures iusticiæ violato-
res, alijs pœnarū generib. affici videamus.

Vale mundus, ideò quòd serui tui nul-
las alias, quibus sese delectent, delicias ha-
bent, q̃ vt in plateis discurrant, alios irri-
deant, matronis supplicent, dona mittāt
virgunculas decipiant, literas amatorias
conscribant, lenas conueniant, talis lu-
dant, contra vicinos in iudicijs agant, no-
ua recenseant, mendacia excogitent, &
vitia noua somnient.

Vale mundus, ideò q̃ in palatio tuo nul-
lus est qui benè velit alij. Vrsus enim con-
tra leonē, rhinoceros, cōtra crocodilium,
aquila,

aquila, contra vulturem, elephas, contra Minotaurum, accipiter, contra miluum, virus contra taurum, homo contra hominem, & vniuersa contra mortem praelio decertant.

Vale mundus, idcirco quod in te nihil omnino, quin nobis perniciosum sit, inueniatur. Cum terra ante pedes nostros fathiscens, nobis dehiscat, aqua nos sommergat, ignis nos vrat, aer male temperatus nos inficiat: hyeme frigus, aestate nos aestus molestant, canes, nos mordeant, eluri suis nos vnguibus lacerent, aranei nos venenent, culices nos pungant, pulices nos excedant, & in primis negocia nos plane deuorent.

Vale mundus, idcirco quod per terram tuam securè nemo proficiscatur. Nam post vnum & alterum quodque vestigium lapides, quibus ad casum impellamur, ruinosi pontes & niues, quibus impediatur, montes quibus terreamur, fures, à quibus exuamur, casus, quibus grauemur, infortunia, quæ nos ad mortem impellant, offenduntur.

Vale mundus, idcirco quod in tuo territorio numerus benè recteque valentium perexiguus reperiatur. Nam alij lepra, alij scabie Gallica, alij carcinomate, alij podagra, alij porrigine, alij sciatica, alij calculo, alij febribus aut lentis, aut erraticis, aut

PARS ALTERA,

tertiānis, aut quartanis, alij spasmis, alij paralyſibus, & potiffima hominum pars bella pulchraque ſtultitia laborant.

Vale mundus, ideò quòd in domo tua nullus omninò degat, quin aliquo naturę mendo ſit inſignitus. Nam, ſi quis ſit procerus, ille mox arcus in morem curuatur: ſi quis pulchra ſit facie, ille oculis nigricantibus deformatur, ſi quis pulchra ſit fronte, ille mox corrugatur, ſi quis pulchro ſit ore, ille mox edětatur, ſi quis pulchras man⁹ habeat, ille malo crine, ſi quis ſit rufus, ille mala cute dedecoratur.

Vale mundus, ideò quòd domeſtici tui voluntatibus inter ſe ſint adeò diſcrepantibus, vt, ſi vnus ex illis aulam velit intrare, alius ſuper mari velit nauigare, ſi vnus ex illis velit eſſe mercator, alius velit eſſe terrę cultor, ſi vnus ex illis venatu, alius piſcatu delectetur, ſi vnus ex illis monarchiæ præſideat, alius ſub eiufdem prætextu miſeram plebem expilare ſtudeat.

Vale mundus, ideò quòd domeſtici tui nec ad viuendum, nec ad moriendum, & ad hoc poſterius multo quidem minus, ſint conformes, quòd re vera alij in ipſo ætatis flore, iuuenes, alij ſenes, alij ſuſpenſi: alij ſummerſi: alij inedia: alij luxuria: alij

alij dormientes & requiescentes : alij ex improviso, multoq; sæpius de morte nihil omnino cogitantes emoriantur.

Vale mundus, ideò q̃ in te neq; conditionis neq; conuersationis hominũ inter homines vlla certa ratio sit. Nam, si vnus est stultus, alter est sapiens, si vnus subtilis & argutus, alter rudis & crassus: si vnus magnanimus, alter vecors: si vnus pacis studiosus, alter seditiosus: si vnus est peritus & ingeniosus, alter est fatuus adcoque rerum omnium extremè ignarus.

Vale mundus, ideò quod nullus est, qui viuere tecum possit. Nam, si quis nimis parum comedit, is fit infirmus: si quis nimis multum, is fit egròtus, si quis eat, is fatigatur, si quis vitam in ocio degat, is obbrutescit, si quis parum donet, is parcus, si quis multum, is prodigus appellatur, si quis amicos suos sæpius inuisat, is importunitatis macula notatur, si quis id raro faciat, is præsumptionis insimulatur, si quis iniurias toleret, is pusillanimus, si quis se vindicet, is temerarius vocatur, si quis amicos habeat, is laudatur, si quis inimicos, is infestatur, si quis in vno loco diu commoretur, is discruciat, si quis hinc inde crebrò vagetur, is delectatur.

PARS ALT. DE VIT. PRIVA.

Atq; vt finis tandem aliquando sit, dico ego, quòd id, quod mihi displicet, aliquis accipere me cogat, cum id, quod mihi lubet, habere non liceat. O Munde imunde, mundanus aliquis te mundum esse, per me licet etiam iuratus affirmet: ego verò te precor ô munde, contraq; te protestor ô munde, vt tibi nihil omninò rei sit mecum, quòd ego nihil amplius postulem vel sperem deinceps abs te. Nam quod attinet ad me, ego sic viuere morique decreui; & posui velut in symbolo meo consequitur.

Iam finem curis, spes & fortuna valete.

INDEX



INDEX

RERVM ET VERBORVM

MEMORABILIVM,

in hoc libello contentorum.

A.

Aeneas Syluius Principibus non obtrectat, sed eos leuat magnis molestijs. fol. 1. 5. 6

Aenea Syluij pater. eiusdemq; consilium. 2

Aeneas Syluius cum XV annos aulicus esset, vitam aulicam descripsit. 4

Adulatores quomodo cognoscendi. 107

Adulatio quasi adaulatio dicta. 106

Aglauus Arcas. 2. 197

Aula pelagus & mare inquietum, ac monstriferum. 35. 49. 73. 136. 155

Aulici pleriq; stulti, serui, miseri. 1. 3. 25. 124. 193

Aulicorum finis seu scopus quotuplex. 5. 80

Aulicorum { Honores. 7

{ Potentia. 8. 53

Aulicorum { Diuitia. 10

{ Voluptates. 12

{ Pietas. 23

Aulica dieta { Cibus & Potus. 17. 18. 19. 22. 71.

{ Somnus. 26. 72. (85. 92

{ Diuersoria. 27. 72

{ Itinera & 27

{ Peregrinationes. 95

Aulici non inueniunt quae quarunt. 5

Aulici

INDEX.

<i>Aulici præcipuè ambitione retinentur in aula.</i>	4
<i>Aulici quidam boni & pij.</i>	39. 122. 123. 152
<i>Aulico Tironi quæ cogitanda.</i>	5. 23. 54. 67
<i>Artaxerxis de aulicis epistola.</i>	113
<i>Alphabeta aulica tria.</i>	133
<i>Ambitio Aulica.</i>	4. 64
<i>Alexander Magnus.</i>	25. 63. 129
<i>Albertus Cesar.</i>	3
<i>Alberti Cardinalis olim & Archiepisc. laudes.</i>	47
<i>Academici & Studiosi obeundis negocijs inepti.</i>	52
<i>Amicitia Aulica.</i>	44. 65. 87. 125. 134.

B.

<i>B</i> <i>Arba aulica.</i>	67
<i>Barba Philosophica.</i>	96
<i>Bonorum genera varia.</i>	2
<i>Beatitudo Aulica.</i>	132
<i>Boni Principes & Consiliarij.</i>	6. 38. 39. 50

C.

<i>C</i> <i>Lericum non percutiendum.</i>	46
<i>Captiuitas Aulica.</i>	48. 63. 147
<i>Cautissimi adulatores qui?</i>	58
<i>Causa seruit. aulica.</i>	63
<i>Curia parit curas.</i>	41

D.

<i>D</i> <i>Auidis Aula.</i>	37
<i>Deorum gentilium scelera corrumpunt im-</i> <i>peritos.</i>	20
<i>Dionysius Tyrannus, & eiusdem Assentator Da-</i> <i>mocles.</i>	132
<i>Diuitum</i>	

INDEX.

Diuitum conuiuia. 85

Diuitum mensis Aulicus se adiungat. 104

E.

Egestas Aulica. 60

Exilium Aulicum. 48

Ebrietas aulica. 66

Expeditiones aulicae. 27

Ericus Brunswicensium Dux, ob rei militaris peritiam & peregrinarum linguarum cognitionem, aliasq. cum corporis & animi dotes, celebris. 152

Esaïas, Ieremias, Michaeas, prophetae ab aulicis afflicti. 39

Exitus Aulae. F. 101. 196

Vriarum quarta quæ. 134

Fortune rota in Aula. 69. 135

Fructus & effectus vitæ Aulicæ. 55. 72. 196

Fridericus I I. Imper. 129

Fridericus III. Caesar laudatiss. 6

G.

Gratia Aulica. 129. 193. 196

Georgius Ludouicus Huttenus. 42

Gyges Lydorū rex falso fortunatus sibi visus. 2. 197

Gigantibus Aulicis quantum sit cerebri. 67

H.

Henrici Petrei Herdesiani protestatio. 37

Eadem in Epist. dedic. ad D. Fichardum. 37

Histrionica Aulica. 68

I.

Iohannes Aich (postea Episcopus Aichstarensis)

aulicus Caesaris Alberti. 3 Iose-

lecty 608

I N D E X.

<i>Iosephi Patriarchæ laus.</i>	39
<i>Imago seu pictura Aula.</i>	100.195
<i>Immunitas Aulica nulla.</i>	67
<i>Imperatores boni.</i>	39.40
<i>In Aula quid agatur.</i>	71

L.

<i>Linteamina, Lodices, & Lecti Aulici.</i>	26.72
---	-------

M.

<i>Venti.</i>	58
<i>Syrtes.</i>	61.135
<i>Scyllæ.</i>	ibid.
<i>Charybdes.</i>	ibid.
<i>Maris Aulici</i> { <i>Lestrygonæ.</i>	62
	<i>Cyclopes.</i>
	ibid.
	<i>Scopuli.</i>
	ibid.
	<i>Sirenes.</i>
	64
	<i>Pirata.</i>
	69

<i>Mediolanensis fornerator.</i>	4
----------------------------------	---

<i>Menippi consultatio.</i>	2
-----------------------------	---

<i>Moriones Aulici.</i>	69
-------------------------	----

<i>Myrrhina canicula, in Thesmopolidis pallium im-</i> <i>meiens.</i>	97
--	----

N.

N <i>Auis Aulicæ sentina.</i>	71
<i>Novitates Aulicæ quales.</i>	14

O.

O <i>Economia Aulicæ.</i>	106
<i>Oratores Aulici.</i>	97

Princi-

I N D E X

P.

P Rincipibus obediendum.	1
Principum quorundam delectus in assumen- dis ministris.	66
Principes sine delectu liberales.	57
Principes boni à malis Aulicis perduntur.	109
Prælibatores aulici miseri.	69
Pœnitentia aulica vera, sed sœra.	101. 94. 128
Præcepta Aulica plura quam decem.	103

Q.

Q uintuplex Aulicorum finis seu scopus.	7
--	---

R.

R egum Iuda & Israel plures mali quàm boni.	37
Rex caput regni, populus membra.	150
Regnorum exitus vt alea, incertus.	131
Regis & Tyranni differentia.	149
Reges infestiores.	3

S.

S igismundus Casar.	3. 66
Scribam vocari.	46
Scriba pecuniosi.	57
Sorices ac tineæ aulicæ.	36
Stipendia & Salaria aulica.	30. 66. 88. 97
Stultorum triplex ratio.	5
Stultorum numerus semper erit infinitus.	1

T.

T antali Aulici.	72
Titulorum esse largam oportet Aulicum.	103
Thraso-	

I N D E X.

<i>Thrasones Aulici, in quibus rebus gallis gallinaceis superiores, in quibus inferiores sint.</i>	67
<i>Thesmopolis, pallio barbag, verendus, quomodo euaserit in Cynicum.</i>	96
<i>Tyronis Aulici quæ molestia, antequam admit- tur.</i>	83

P

V <i>Alentinianus Imperator</i>	129
<i>Valentinus Fuchs à Dornheim, Eq. Franc. genere & virtute clarus.</i>	40
<i>Plurici Hutteni præstantia.</i>	44
<i>Reses Aulicæ discoloræ & splendida.</i>	65 67
<i>Vidui leues.</i>	4
<i>Virtus efficii beatos.</i>	3
<i>Vitam beatam quid, secundum Philosophos, effi- ciat? fol.</i>	2
<i>Vita priuata optima.</i>	2. 64
<i>Vita genus receptum deferere leuitatis est.</i>	4

X


X <i>Enophonteus Socrates quid Deum rogaue- rit?</i>	131
---	-----

Z.

<i>Zenonis interitus in Aula.</i>	24
-----------------------------------	----

F I N I S.

6
7
9
6
-
3
9
5
6
4
7
4
3
-
2
6
4
-
1
11
6



Biblioteka Jagiellońska



stdr0023448

